

**D. AURELII
AUGUSTINI
HIPPONENSIS
EPISCOPI LIBRI
TREDECIM...**

Aurelius santo Augustinus
(santo), Henricus Sommalius





A
LV
I

D. AVRELII
AUGUSTINI
HIPPONENSIS
EPISCOPI,

LIBRI TREDECIM

CONFESSIONVM.

Donus Probatorius Bononiensis
Ad tria M. S. exemplaria
emendati. *Nice*


Opera ac studio R. P. HENRICI
SOMMALII à Societate IESV.




DVACI,

Typis BALTHAZARIS BELLERI,
sub Circino aureo.

ANNO M. DC. VIII.





PATRI ADMODVM

REVERENDO, D.

PETRO PIERART,

MARCE NENSIS

COENOBII CELEBER-

RIMI ANTISTITI,

Henticus Sommalius è Socie-
tate IES V.

S. D. P.



VM BALTHAZAR
BELLERVS, in Aca-
demia Duacensi Ty-
pographus & Biblio-
pola, vir equidem op-
rimus, & de re literaria suis typis be-
ne meritus, maximè verò in piis libris

A 2

enul-

evulgandis homo valde sedulus: Cum (inquam) nuper me is rogasset, ut libros Confessionum D. Augustini, ad codices M. S. repurgarem, qui ex multiplici editione incorre-
cti videbantur, adeò ut sensus ple-
risque in locis mancus omnino ap-
pareret: tum BELLERI, tum alio-
rum quorundam pia voluntati obse-
cutus, varias literarum officinas, si-
ue Bibliothecas mox adij: ac ubi
tria M. S. exemplaria reperissem, ca-
stigationem sum orsus, eamq; ad cal-
cem (Deo conatus nostros iuvante)
deduxi: Quàm bene, aliorum esto
iudicium: Saltem id conatus sum,
ut nonnullorum votis hac in re mo-
rem gererem.

Hi verò Confessionum libri, quan-
tum emolumentum devotis animis sint
allaturi, testis locuples esse poterit

D. Ang. Divus ipse Augustinus, qui de
li. 2. Re- se hunc in modum scripsit: Confes-
tracta tionum, sionum mearum libri tredecim, Et
cap. 6. de

DEDICATORIA.

de malis & de bonis meis, Deum
 laudant iustum & bonum, atque
 in eum excitant humanum intel-
 lectum & affectum. Interim, quod
 ad me attinet, hoc in me egerunt,
 cum scriberentur: & agunt, cum
 leguntur. Quid de illis alii sen-
 tiant, ipsi viderint. Multis tamen
 fratribus eos multum placuisse &
 placere, scio. Haecenus D. Au-
 gustinus.

Porro, cum Patronum que-
 rerem, cui hunc librum, nostrós-
 que labores in corrigendo susceptos,
 qualescumque illi fuerint, commen-
 darem, mihi ilico T. P. Reueren-
 da occurrit, tum ob insignem hu-
 manitatem, qua prædita est, quam
 etiam ipse semel atque iterum ex-
 pertus sum: tum verò ob pietatis
 studium, quod (ut video) primum
 in se, deinde in grege sibi credito
 cupit esse quàm maximum. Spe-
 ro equidem exiguos hos labores no-

stros , fore non ingratos , quos sub
tui nominis auspicio , in vulgus emit-
to . Recipe itaque , Praesul optime ,
hunc librum manu benigna , veluti
aliquod monumentum tesseramq^{ue} no-
stri erga te amoris.

Vale mi Reuerende Antistes
cum vniuerso grege sibi commisso, an-
nis pluribus saluus & incolumis.

DIVI

DIVI AVRELII

Augustini Confessionum

Liber primus.

CAPVT I.

*Admiratur diuinam maiestatem,
accensus cupiditate illam lau-
dibus prosequendi.*



AGNVS es Domine, Psal. 142.
& laudabilis valde: ma- Psal. 146
gna virtus tua, & sapiē-
tiæ tuæ non est nume-
rus. Et laudare te vult

homo, aliqua portio creaturæ tuæ; & ho-
mo circumferens mortalitatem suā, cir-
cumferens testimonium peccati sui; & te-
stimonium, quia superbis Deus resistis; &
tamen laudare te vult homo, aliqua por-
tio creaturæ tuæ. Tu excitas, vt laudare te
delectet; quia fecisti nos ad te; & inquietū
est cor nostrum, donec requiescat in te.
Da mihi Domine. scire & intelligere, v-
trum sit prius, inuocare te, an laudare te:
& si scire te prius sit, an inuocare te.

Iac. 4.

2. Sed, quis te inuocat, nesciēs te? aliud

A. 4.

enim

enim pro alio potest inuocare, nesciens
 te. An potius inuocaris, vt sciaris? Quo-
 modo autem inuocabunt, in quem non
 crediderunt? Aut quomodo credent, sine
 prædicante: & laudabunt Dominum, qui
 requirunt eum. Quærentes enim, inue-
 nient eum, & inuenientes laudabunt eū.
 Quæram te Domine, inuocans te; & in-
 uocem te, credens in te; prædicatus es e-
 nim nobis. Inuocat te Domine fides mea,
 quam dedisti mihi; quam inspirasti mihi,
 per humanitatem filij tui, per ministeriū
 prædicatoris tui.

CAPVT II.

*A Deo habet homo, ut sit; & quod
 Deus in eo, & ipse in Deo sit.*

1. **E**T quomodo inuocabo Deū meū,
 Deum & Dominum meum? Quo-
 niam vtique in meipsum eum vocabo, cū
 inuocabo eum. Et quis locus est in me,
 quò veniat in me Deus meus? quò Deus
 veniat in me, Deus qui fecit cælum & ter-
 ram? Itane Domine Deus meus est quic-
 quam in me, quod capiat te? An verò cæ-
 lum & terra, quæ fecisti, & in quibus me
 fecisti, capiunt te?

2. An quia sine te non esset, quicquid
 est;

est; fit, vt quicquid est, capiat te? Quonia
itaque & ego sum, qui peto, vt venias in
me; qui non essem, nisi esses in me? Non
enim ego iam in inferis, & tamen etiam
ibi es. Nam, etsi descendero in infernum; *Psalm. 138.*
ades. Non ergo essem Deus meus, non
omnino essem, nisi esses in me. An po-
tius non essem, nisi essem in te; ex quo
omnia, per quem omnia; in quo omnia? *Rom. 11.*
Etiam sic domine, etiam sic. Quò te in-
uideo, cùm in te sim? Aut vnde venias in
me? Quò enim recedam extra cælum &
terram, vt inde in me veniat Deus meus; *Hier. 23.*
qui dixit: Cælum & terram ego impleo?

CAPVT III.

*Deus ubique totus; & non per partes
à creatura capitur.*

I. **C**APIUNT ergone te cælum &
terra, quoniam tu imples ea? An
imples, & restat, quoniam non te capiunt?
Et quò refundis, quicquid impleto cælo
& terra restat ex te? An non opus habes, vt
à quoquam cōtinearis, qui contines om-
nia; quoniam quæ imples; continendo
imples? Nō enim vasa, quæ te plena sunt,
stabilem te faciunt: quia etsi frangantur;
non effunderis. Et cùm effunderis super
nos, non tu iaces, sed erigis nos: nec tu
dissiparis, sed colligis nos. Sed qui imples

omnia, te toto imples omnia?

2. An quia non possunt te totum capere omnia, parte tui capiunt, & eandem partem simul omnia capiunt? An singulas singula, & maiores maiora, minores minora capiunt? Ergo est aliqua pars tua maior, aliqua minor? An vbiq; totus es, & res nulla te totum capit?

CAP V T IIII.

Deus omnibus donat, nihil amittens.

QUID es ergo, Deus meus? Quid rogo, nisi dominus Deus? Quis enim *Psalm. 17.* Deus, præter Dominum? aut quis Deus, præter Deum nostrum? Summe, optime; potentissime, omnipotentissime, misericordissime, & iustissime; secretissime, & presentissime; pulcherrime & fortissime; stabilis, & incomprehensibilis; immutabilis, mutas omnia; Nunquam nouus, nunquam vetus; innouans omnia, & in vetustatem perducens superbos, & nesciunt. Semper agens, semper quietus; colligens, & non egens; portans, & implens, & protegens; creans, & nutriendus, & perficiens; quærens cum nihil desit tibi.

2. Amas, nec æstuas; zelas, & securus es; poenitet te, & non dolens; irasceris, & tranquillus es; Opera mutas, nec mutas consilium; recipis quod inuenis, & nunquam
amittit.

amittis. Nūquam inops, & gaudes lucris.
Nunquam auarus, & vsuras exigis. Super-
erogatur tibi, vt debeas; & quis habet
quicquam non tuum? Reddis debita, nul-
li debens; donas debita, nihil perdens. Et
quid dicimus, Deus meus, vita mea, dul-
cedo mea sancta? Aut quid dicit aliquis,
cū de te dicit? Et vā tacentibus de te;
quoniam loquaces, muti sunt.

CAPVT. V.

*Orat veniam admissorum, & chari-
tatem Dei.*

QUIS mihi dabit, acquiescere in te?
Quis mihi dabit, vt venias in cor
meum, & inebries illud, vt obliuiscar ma-
la mea, & vnū bonum meum amplectar
te? Quid mihi es? Miserere, vt loquar.
Quid tibi sum ipse, vt amari te iubeas à
me; & nisi faciam, irascaris mihi, & mine-
ris ingentes misérias? Parua ne ipsa est, si
non amem te? Hei mihi: Dic mihi per mi-
serationes tuas, domine Deus meus, quid
sis mihi. Dic animæ meæ: Salus tua ego
sum. Sic dic, vt audiam. Ecce aures cordis
mei ante te Domine, aperi eas, & dic ani-
mæ meæ: Salus tua ego sum. Curram post
vocem hanc, & apprehendam te. Noli

Psal. 34.

Psal. 34.

A. G.

abscon-

abscondere à me faciem tuam : Moriar, ne moriar, vt eam videam.

2. Angusta est domus animæ meę: quò venias ad eam, dilatetur abs te. Ruinosa est, refice eam. Habet, quæ offendāt oculos tuos, fateor, & scio. Sed quis munda-
bit eā? Aut cui alteri, præter te, clamabo?

a Psal. 12

b Psal. 115

c Psal. 31.

d Hier. 2.

e Psal. 26

f Psal. 119

Ab occultis meis munda me Domine, & ab alienis parce seruo tuo. b Credo, propter quod & loquor, Domine tu scis. c Nonne tibi prolocutus sum aduersum me delicta mea, Deus meus; & tu dimissi-
sti impietatem cordis mei? Non iudicio cōtēdo tecum, qui veritas es: & ego nolo fallere meipsum, e ne mētiatur iniquitas mea sibi. Non ergo iudicio contendo tecum: f quia si iniquitates obseruaeris Domine, Domine quis sustinebit?

C A P V T VI

Quod omnia beneficia receperit à Deo, & in ipso conseruetur ab ipso.

1. **S**ED tamen, sine me loqui apud misericordiam tuam, me terram & cinerem: Sine me tamē loqui, quoniā ecce misericordia tua est; non homo irrisor meus, cui loquor. Et tu fortasse irrides me, sed conuersus misereberis mei. Quid enim

enim est, quod volo dicere, domine Deus meus; nisi quia nescio, vnde venerim huc, in istam (dicam) mortale vitam, an mortem vitalem, nescio? Et susceperunt me consolationes miserationum tuarum, sicut audiui à parentibus carnis meae, ex quo & in qua formasti me in tēpore: non enim ego memini. Exceperunt ergo me consolationes lactis humani. Nec mater mea, vel nutrices meae, sibi vbera implebant; sed tu Domine mihi dabas per eas alimentum infantiae, secundum institutionem tuam, & diuitias vsque ad fundum rerum dispositas. Tu etiam mihi dabas nolle amplius, quàm dabas; & nutrientibus me, velle mihi dare, quod eis dabas. Dare enim mihi per ordinatum affectum volebant, quo ex te abundabāt. Nam bonum erat eis, bonum meum ex eis: quod non ex eis, sed per eas erat. Ex te quippe, bona omnia Deus; & ex Deo meo, salus mihi vniuersa. Quod animaduerti postmodum, clamante te mihi per hæc ipsa, quæ tribuis iustus & foris. Nam tunc sugere noram, & acquiescere delectationibus. Flere autē offensiones carnis meae, nihil amplius. Post & ridere coepi, dormiens primo, deinde vigilans. Hoc enim de me mihi indicatum est, & credidi, quoniam sic videmus & alios.

infan:

*Infantia
Augu-
stinus*

infantes. Nam ista mea non memini.

2. Et ecce paulatim sentiebā, vbi essem; & voluntates meas volebā ostendere eis, per quos implerentur, & non poteram; quia illę intus erāt, foris autē illi; nec vllō suo sensu, valebāt introire in animā meā. Itaq; iactabā mēbra & voces, signa similia voluntatibus meis, pauca quę poteram, qualia poteram, non enim erant verisimilia. Et cū mihi non obtemperabatur, vel non intellecto, vel neobesset; indignabar non subditis maioribus, & liberis non seruientibus, & me de illis flendo vindicabam. Tales esse infantes didici, quos discere potui; & me talē fuisse magis mihi ipsi indicauerunt nescientes, quā scientes nutritores mei. Et ecce, infantia mea olim mortua est; & ego viuuo. Tu autem Dōmine, qui & semper viuus, & nihil moritur in te; quoniam ante primordia seculorū, & ante omne quod vel ante dici potest, tu es, & Deus es, Dōminusque omnium, quę creasti: Et apud te rerum omnium instābilibum stant causę; & rerum omnium mutabilium immutabiles manent origines: & omnium irrationabilium & temporalium sempiternę viuunt rationes: Dic mihi supplici tuo Deus, & misericors misero tuo; dic mihi, utrum alicui iam etati mea mor-
tua

mortuæ successerit infantia mea; an illa est, quam egi intra viscera matris meæ? Nam & de illa mihi nonnihil indicatum est, & prægnantes ipse vidi fœminas.

3. Quid ante hanc etiam, dulcedo mea Deus meus? Fui ne alicubi, aut aliquis? Nam quis mihi dicat ista, nō habeo; nec pater nec mater potuerunt, nec aliorum experimentum, nec memoria mea. An irrides me ista quærentem te, qui de hoc, quod noui, laudari te à me iubes, & confiteri me tibi? Cōfiteor tibi Domine celi & terræ, laudem dicēs tibi de primordijs & infantia mea, quæ non memini; & dedisti ea homini, ex alijs de se conijcere; & auctoritatibus etiam muliercularū, multa de se credere. Eram enim, & viuebam etiam tūc; & signa, quibus sensa mea nota alijs facerem, iam in fine infantie quærebam. Vnde hoc tale animal, nisi abs te Domine? An quisquam se faciēdi erit artifex? Aut vlla vena trahitur aliunde, qua esse & viuere currat in nos, præterquam quod tu facis nos domine; cui esse & viuere, non aliud atque aliud est; quia summè esse, atque summè viuere, id ipsum es? Summus enim es, & non mutaris; neque peragitur in te hodiernus dies, & tamen in te peragitur, quia in te sunt & ista omnia. Non enim haberent vias transeundi,

nisi

Psal. 101 nisi contineres ea. Et quoniam anni tui non deficient, anni tui hodiernus dies. Et quàm multi iam dies nostri & patrum nostrorum, per hodiernum tuum trāsierunt; & ex illo acceperunt modos, & utcunque extiterunt; & transibunt adhuc alij, & accipient, & utcunque existent. Tu autem idē ipse es; & omnia crastina atque vltra, omniaque hesternā & retro, hodie facies, hodie fecisti. Quid ad me? Si quis nō intelligit, gaudeat & ipse, dicēs: Quid est hoc? Gaudeat etiam sic; & amet nō inueniendo inuenire potius, quàm inueniendo non inuenire te.

CAPVT VII.

Infantiam quoque peccatis esse obnoxiam.

Job. 25. I. EXAUDI Deus. Væ peccatis hominum. Et homo dicit hæc, & misereris eius: quoniā tu fecisti eum, & peccatum non fecisti in eo. Quis mihi commemorat peccatum infantie meæ? Quoniam nemo mundus à peccato coram te, nec infans, cuius est vnus diei vita super terram. Quis mihi cōmemorat? An quilibet tantillus nunc paruulus, in quo video, quod nō memini de me? Quid ergo tunc

tunc peccabam? An quia vberibus inhiabam plorans? Nam si nunc faciam, non quidem vberibus, sed esca congruēti annis meis ita inhians, deridebōr atque reprehēdat iustissimè. Tunc ergo reprehēdenda faciebā: sed quia reprehēdentem intelligere non poteram, nec mos reprehendi me, nec ratio sinebat. Nā & extirpamus & ejicimus ista crescētes. Nec vidi quēquā scientem, cū aliquid purgat, bona projcere: An pro tēpore etiā illa bona erant, flendo petere, etiam quod noxiē daretur; indignari acriter non subiectis hominibus, liberis, & maioribus, hisq; a quibus genitus est; multisq; prēterea prudentioribus, nō ad nutū voluntatis obtēperantibus, feriendo nocere niti, quantum potest, quia non obeditur imperiis, quibus perniciosè obediretur? Ita imbecillitas membrorum infantilium innocens est, nō animus infantium. Vidi ego, & expertus sum zelātem paruulum; nondum loquebatur, & intuebatur pallidus amaro aspectu collactāncum suū.

2. Quis hoc ignorat? Expiare se dicunt ista matres atque nutrices, nescio quibus remediis. Nisi verò & ista innocētia est, in fonte lactis vbertim manante atq; abundante opulētissimum, opis egentissimū, & illo adhuc vno alimento vitam ducen-

tem;

tem, conforrem non pati. Sed blande to-
lerantur hæc; non quia nulla vel parua,
sed quia ætatis accessu peritura sunt.
Quod licet probes, tamen ferri æquo a-
nimo eadem ipsa non possunt, quādo in
aliquo annosiore deprehenduntur. Tu
itaque Domine Deus meus, qui dedisti
vitam infanti; & corpus, quod ita vt vide-
mus instruxisti sensibus, cōpegisti mem-
bris, figura decorasti, proque eius vni-
uersitate atque incolumitate, omnes co-
natus animantis insinuasti: iubes me lau-
dare te in istis, & confiteri tibi, & psalle-
re nomini tuo altissime. Quia Deus es
omnipotens & bonus, etiam si sola ista
fecisses, quæ nemo alius potest face-
re, nisi tu vne, à quo est omnis modus;
formosissime, qui formas omnia, & lege
tua ordinas omnia.

3. Hanc ergo ætatem Domine, qua me
vixisse non memini; de qua alijs credidi;
& quam me egisse, ex alijs infantibus cō-
iēci: quanquam ista multum fida conie-
ctura sit, piget me annumerare huic vite
meæ, qua viuo in hoc seculo. Quantum
enim attinet ad obliuionis meæ tene-
bras, par illi est, qua vixi in matris vtero.
Quod si & in iniquitate conceptus sum,
& in peccatis mater mea in vtero me
aluit; vbi orq̃ te Deus meus, vbi Domine

ego

Psalm. 91.

Psalm. 52.

ego seruus tuus, vbi aut quando innocēs fui? Sed ecce omitto illud tempus. Et quid mihi iam cum eo est, cuius nulla vestigia recolo?

CAPVT VIII.

Descriptio pueritia.

NONNE ab infantia huc pergens, veni in pueritiam; vel potius ipsa in me venit, & successit infantia? Nec discessit illa, quo enim abiit? & tamen iam nō erat. Non enim eram infans, qui non farer, sed iam puer loquens eram. Et memini hoc; & vnde loqui didicerim, post aduerti. Non enim docebāt me maiores homines, præbētes mihi verba certo aliquo ordine doctrinae, sicut paulō post literas: sed ego ipse mēte, quam dedisti mihi Deus meus, cum gemitibus & vocibus varijs, & varijs membrorū motibus, edere vellem sensa cordis mei, vt voluntati pareretur; nec valerem, quæ volebam omnia; nec quibus volebam, omnia* præstabam memoria, cū ipsi al. pren-
appellabant rem aliquam; & cum secundum eam vocem corpus ad aliquid mouebant, videbam, & tenebam hoc ab eis vocari rem illam, quod sonabant, cū eam vellent ostendere.

2. Hoc autē eos velle, ex motu corporis

ris aperiebatur; tanquam verbis naturalibus omnium gentium, quæ fiunt vultu & nutu oculorum, cæterorumque membrorum actu, & sonitu vocis indicâte affectionem animi in petendis, habendis, rejiciendis, faciendisve rebus. Ita verba in varijs sententijs locis suis posita, & crebro audita, quarum rerum signa essent, paulatim colligebâ, measque iam voluntates edomito in eis signis ore, per hæc enunciabâ. Sic cû his, inter quos eram, volûtâtû enunciandarum signa cõmunicaui; & vitæ humanæ procellosam societatem altius ingressus sum, pendens ex parentum auctoritate, nutuq; maiorum hominum.

CAP V T. IX.

*Odiu m literarum, & amor
lusus in pueris.*

I. **D**EVS Deus meus, quas ibi misérias expertus sum, & ludificationes; quando quidem recte viuere mihi puero id proponebatur, obtemperare monentibus, vt in hoc seculo florerem, & excellerẽ linguosis artibus ad honorẽ hominum, & falsas diuitias famulâtibus. Inde ad scholâ datus sum, vt discerem literas, in quibus, quid vtilitatis esset, ignorabâ miser, & tamẽ, si segnis in discêdo essem, vapu-

vapulabam. Laudabatur enim hoc à maioribus. Et multi ante nos vitam istam agentes, præstruxerant ærūnosas vias, per quas transire cogebamur, multiplicato labore & dolore filiis Adam.

2. Inuenimus autem Domine homines rogantes te; & didicimus ab eis, sentiētes te (vt poteramus) esse magnum aliquem; qui posses etiā, non apparēs sensibus nostris, exaudire nos, & subuenire nobis. Nā puer cæpi rogare te, auxilium & refugiū meum; & in tuam inuocationem, rumpebam nodos linguę meę: & rogabam te paruus non paruo affectu, ne in schola vapularem. Et cū me non exaudiebas, quod non erat ad insipientiam mihi, ridebantur à maioribus hominibus, vsque ab ipsis parētibus, qui mihi accidere mali nihil volebant, plagę meę, magnum tunc & graue malum meum. Est ne quisquam domine tam magnus animus, præ grandi affectu tibi cohērens: est ne inquā quisquam: (Facit enim hoc quædam etiam stoliditas:) Est ergo, qui tibi piē cohærendo, ita sit affectus granditer, vt cuculeos, & ungulas, atque huiuscemodi varia tormenta, pro quibus effugendis, tibi per vniuersas terras, cum timore magno supplicatur, ita parui æstimeret, irridens eos, qui hæc acerbissimè

Psalm. 22.

formi-

formidant, quemadmodum parētes nostri ridebant tormenta, quibus pueri à magistris affligebamur? Non enim aut minus ea metuebamus, aut minus te de his euadendis deprecabamur; & peccabamus tamen minus scibendo, aut legēdo, aut cogitando de literis, quàm exigebatur à nobis.

3. Non enim deerat Domine memoria vel ingenium, quæ nos habere voluisti pro illa ætate; sed delectabat nos satis ludere, & vindicabatur in nos ab eis, qui talia vtique agebant. Sed maiorum nugæ, negocia vocantur: Puerorum autem talia cùm sint, puniuntur à maioribus; & nemo miseratur pueros, vel illos, vel vtrosque. Nisi verò approbet quisquam bonus rerum arbiter vapulasse me, quia ludebam pila puer; & eo ludo impediebar, quò minus celeriter discerem literas, quibus maior deformius luderem: Aut aliud faciebat idem ipse, à quo vapulabam. Qui si in aliqua quæstiuncula à conductore suo victus esset, magis bile atque inuidia torquebatur, quàm ego, cùm in certamine pilæ à collusore meo superabar.

CAPVT X.

*Ob pila lusum, neglexit iussa
parentum.*

ET tamen peccabam domine Deus,
ordinator & creator omnium rerū
naturalium, peccatorum autem tantum
non ordinator. Domine Deus meus, pec-
cabam faciendo contra præcepta paren-
tum, & magistrorum illorum. Poteram
enim postea bene vti literis, quas vole-
bant, vt discerem, quocunque animo illi
mei. Non enim meliora eligens eram in-
obediens, sed amore ludendi, amans in
certaminibus superbas victorias, & scal-
pi aures meas falsis fabellis, quo prurirēt
ardentius, eadem curiositate magis ma-
gisque per oculos periculosa micante in
spectacula ludosque maiorum, quos ta-
men qui edunt, ea dignitate præditi ex-
cellunt, vt hoc penè omnes optent par-
uulis suis, quos tamen cædi libenter pa-
riuntur, si spectaculis talibus impediātur
a studio, quo eos ad talia edenda cupiunt
peruenire. Vide ista domine misericordi-
ter, & libera nos iam inuocantes te libe-
ra etiam eos qui nondum te inuocant, vt
inuocent te, & liberes eos.

al. scal-
pi.

CAPVT

CAPVT XI.

*Puer morbo corripitur, reualescens
baptismum differt.*

I. **A**VDIERAM enim ego adhuc puer,
de vita æterna nobis promissa, per
humilitatem filii tui domini Dei nostri,
descendentis ad superbiam nostram; &
signabar iam signo crucis eius, & condie-
bar eius sale, iam inde ab utero matris
meæ, quæ multum sperauit in te. Vidisti
Domine, cùm adhuc puer essem, & quo-
dam die pressus stomacho, repentè estua-
rem penè moriturus: Vidisti Deus meus,
quoniã custos meus iam eras, quo motu
animi & qua fide, baptismum Christi tui,
dei & domini mei, flagitavi à pietate ma-
trismæ, & matris omnium nostrum Ecclesie
tuæ. Et cõturbata mater carnis meæ, quo-
niã & sempiternam salutem meam charius
parturiebat corde casto in fide tua; iam
curaret festinabunda, ut sacramentis salu-
taribus initiarer & abluerer, te domine
Iesu cõfitemens in remissionem peccatorum,
nisi statim recreatus essem. Dilata est itaq;
mündatio mea, quasi necesse esset ut adhuc
sordidarer, si viuerem; quia videlicet post
lauacrum illud, maior & periculosior in
sordibus

fordibus delictorum reatus foret.

2. Ita iam credebam, & illa, & omnis domus, nisi pater solus; qui tamen non euicit in me ius maternæ pietatis, quò minus in Christum crederem, sicut ille nondū crediderat. Nam illa satagebat, vt tu mihi pater esses Deus meus, poti⁹ quā ille: & in hoc adiuuabas eam, vt superaret virum, cui melior seruiebat; quia & in hoc tibi, vtique id iubenti, seruiebat. Rogo te Deus meus, vellem scire, si tu etiam velles, quo concilio dilatus sum, ne tunc baptizarer: vtrum bono meo mihi, quasi laxata sint lora peccandi, an non laxata sint? Vnde ergo etiam nunc de alijs atque alijs sonat vndique in auribus nostris, sine illum, faciat quod vult, nondum enim baptizatus est? & tamen in salutem corporis non dicimus, sine, vulneretur amplius nondum enim sanatus est? Quanto ergo melius, vt cito sanarer, & ad ageretur mecum, meorum meaquē diligentia; vt recepta salus animæ meæ, certa esset tutela tua, qui dedisses eam! Melius verò. Sed quot & quanti fluctus impendere tentationum post pueritiam videbantur, nouerat eos iam illa mater; & terram magis per eos, vnde postea formarer, quam ipsam iam effigiem, committere volebat.

CAPVT XII.

*Ad literas cogebatur, quo tamen
Deus utebatur bene.*

1. **I**N ipsa tamen pueritia (de qua mihi minus, quàm de adolescētia metuebatur) non amabam literas, & me in eas vrgeri oderam: & vrgebar tamen, & bene mihi fiebat, nec faciebam ego bene: non enim discerem, nisi cogerer. Nemo enim inuitus bene facit, etiam si bonum est, quod facit. Nec qui me vrgebant, bene faciebant: sed bene mihi fiebat abs te Deus meus. Illi enim non intuebantur, quò referrem, qui me discere cogebant; præterquam ad satiandas insatiabiles cupiditates copiosæ inopiæ, & ignominiosæ gloriæ.

Mat. 10.

2. Tu verò, cui numerati sunt capilli capitis nostri, errore omnium, qui mihi instabant, vt discerem, utebaris ad utilitatem meam: meo autem, qui discere nolebam, utebaris ad penam meam: qua plecti non eram indignus tantillus puer, & tantus peccator. Ita de non benefacientibus, tu bene faciebas mihi; & de peccante me ipso, iustè retribuebas mihi. Iussisti enim, & sic est, vt pœna sua sibi sit omnis inordinatus animus.

CAPVT

CAPVT XIII.

*Quibus studiis sit potissimum
delectatus.*

I. **Q**UID autem erat causæ, cur græcas literas oderam, quibus puerulus imbuebar, ne nunc quidem mihi satis exploratum est. Adamaueram enim latinas, non quas primi magistri, sed quas docent, qui grammatici vocantur. Nam illas primas, ubi legere & scribere & numerare discitur, non minus onerosas pœnalesque habebam, quàm omnes græcas. Vnde tamen & hoc, nisi de peccato & vanitate vitæ? quia caro eram, & spiritus ambulans & non reuertens. Nam utrique meliores, quia certiores erant primæ illæ literæ, (quibus fiebat in me, & factum est, & habeo illud, ut & legam, si quid scriptum inuenio; & scribam ipse, si quid volo) quàm illæ, quibus tenere cogebam Æneæ nescio cuius errores, oblitus errorum meorum; & plorare Dido- nem mortuam; quia se occidit ob amorem; cùm interea meipsum in his à te morientem, Deus vita mea, siccis oculis ferrem miserrimus. Quid enim miseriùs misero, non miserante seipsum; & flente Didonis mortem, quæ fiebat amando Æneam; non flente au-

Psal. 77.

tem mortem suam, quæ fiebat non amando te?

*Psalm 34.
Iac. 4.*

2. Deus lumen cordis mei, & panis oris intus animæ meæ, & virtus maritans mentem meam & sinum cogitationis meæ, non te amabam; & fornicabar abs te, & fornicanti sonabat undique, euge euge. Amicitia enim huius mundi, fornicatio est abs te. Et euge euge dicitur, ut pudeat, si non ita homo sit. Et hæc non flebam; sed flebam Didonem extinctam, ferroque extrema secutam; sequens ipse extrema condita tua relicto te, & terraiens in terram; & si prohiberer ea legere, dolerem; quia non legerem, quod dolerem. Talis dementia, honestiores & vberiores literæ putabantur: quàm illæ, quibus legere & scribere didici.

3. Sed nunc in anima mea Deus meus clamet, & veritas tua dicat mihi: Non est ita, non est ita, melior est prorsus doctrina illa prior. Nā ecce paratior sum obliuisci errores Æneæ, atque omnia eiusmodi, quàm scribere & legere, At enim vela pendent diminibus grammaticarum scholarum; sed non illa magis honorem secreti, quàm tegumentum erroris significant. Non clamēt aduersum me, quos iam non timeo, dum confiteor tibi, quæ vult anima mea Deus meus; & acquiesco

acquiesco in reprehensione malarū viarum mearum, vt diligam bonas vias tuas. Non clament aduersum me venditores grammaticæ, vel emptores; quia si proponam eis interrogans, vtrum verum sit, quod Æneam aliquando Carthaginem venisse Poëta dicit: indoctiores se noscire respondebunt, doctiores autē etiam negabunt verum esse.

4. At si quæram, quibus literis scribatur Æneæ nomen, omnes mihi, quæ hæc didicerunt, verum respondent: secundum id pactum & placitum, quo inter se homines ista signa firmarunt. Item, si quæram, quid horum maiore vitæ huius incommodo quisque obliuiscatur, legere & scribere, an poëtica illa figmenta: quis non videat, quid responsurus sit, qui non est penitus oblitus sui? Peccabam ergo puer, cum illa inania istis, vtilioribus amore præponebam; vel potius ista oderam, illa amabam. Iam verò vnum & vnum duo, duo & duo quatuor, odiosa cantio mihi erat: & dulcissimum spectaculum vanitatis, equus ligneus plenus armatis; & Troiæ incendium, atque ipsius vmbra Creusæ.

CAPVT XIII.

De literis Græcis & Latinis.

I. **C**V R ergo græcam etiam grammaticam oderam talia cantantē? Nā & Homerus peritus, texuit tales fabellas, & dulcissime vanus est; mihi tamen amarus erat puero. Credo etiam græcis pueris Virgilius ita sit, cū eum sic discere coguntur, vt ego illum, videlicet difficulter. Difficultas omnino ediscendæ peregrinæ linguæ, quasi felle aspergebat omnes suauitates græcas fabulosarum narrationum. Nulla enim verba illa noueram, & sæuis terroribus ac pœnis, vt nossem, instabatur mihi vehementer. Nam & latina aliquando (infans utique) nulla noueram; & tamen aduertendo, didici sine vllō metu atque cruciatu, inter etiam blandimenta nutricum, & iocosa arridentium, & lætities alludentium.

2. Didici verò illa sine pœnali onere vrgentium, cū me vrgeret cor meum ad parienda concepta sua: & quia non esset, nisi aliqua verba didicissem, non à docentibus, sed à loquentibus, in quorū & ego auribus parturiebā, quicquid sentiebam. Hinc satis elucet, maiorem habere vim ad discenda ista liberā curiositatem.

tatem, quam meticulosam necessitatem. Sed illius fluxum hæc restringit legibus tuis Deus, legibus tuis à magistrorū ferulis vsque ad tentationes martyrum, valentibus legibus tuis miscere salubres amaritudines, reuocantes nos ad te à iocunditate pestifera, qua recessimus à te.

CAPVT XV.

Precatio ad Deum.

1. **E**XAUDI Domine deprecationem meam, ne deficiat anima mea sub disciplina tua; neque deficiam in confitendo tibi miserationes tuas, quibus eruisti me ab omnibus viis meis pessimis: vt dulcescas mihi super omnes seductiones, quas sequebar; & amem te validissimè, & amplexer manum tuam totis præcordiis meis, vt eruas me ab omni tentatione vsque in finem.

2. Ecce enim tu domine rex meus, tibi seruiat, quicquid vtile puer didici; tibi seruiat, quod loquor, & scribo, & lego, & numero. Quoniam, cum vana discerem, tu disciplinam dabas mihi: & in eis vanis, peccata delectationum mearum dimisisti mihi. Didici enim in eis multa verba vtilia; sed & in rebus non vanis, disci possunt; & ea via tuta est, in qua pueri ambularent.

CAPVT XVI.

In lasciuas fabulas.

SED Væ tibi flumen moris humani.
 Quis resistet tibi? Quamdiu nō sic-
 caberis? Quousque volues Eux filios
 in mare magnū & formidolosum, quod
 vix transeunt, qui lignum conscende-
 rint? Nōne ego in te legi, & tonan-
 tem Iouem, & adulterantem? Et utrique
 non posset hæc duo; sed actum est, vt
 haberet auctoritatem ad imitandum ve-
 rum adulterium, lenocinante falso toni-
 truo. Quis autem penulātorum magi-
 strorum audit aure sobria, ex eodem
 puluere hominem clamantem & dicen-
 tem: Fingebat hæc Homerus: & huma-
 na ad deos transferebat, diuina malle
 ad nos. Sed verius dicitur, quod finge-
 bat hæc quidem ille, sed hominibus fla-
 gitiosis diuina tribuendo, ne flagitia pu-
 tarentur; & vt quisquis ea fecisset, nō ho-
 mines perditos, sed cælestes deos videretur
 imitatus.

2. Et tamen ô flumen tartareum,
 jactantur in te filii hominum cum mer-
 cedibus, vt hæc discant; & magna res agi-
 tur, cum hoc agitur publicè in foro, in
 conspectu legum * super mercedem sala-
 ria decernentium; & saxa tua percutis &
 sonas,

*Penula-
 ri. magi-
 strorum
 matrici,
 propter
 pallium
 vile.*

*al. su-
 pra.*

sonas, dicens: Hinc verba discuntur; hinc acquiritur eloquentia, rebus persuadendis sententiisq; explicandis maximè necessaria. Ita verò nō cognosceremus verba hæc; imbrem aureum, & gremium, & fucum, & templa cœli, & alia verba, quæ in eo loco scripta sunt; nisi Terentius induceret nequam adolescentem, propinquentem sibi Iouem ad exemplum stupri; dum spectat tabulam quandam pictam in pariete, vbi inerat pictura hæc: Iouem quo pacto Danaæ misisse aiunt in gremium quōdam imbrem aureum, fucum factum mulieri. Et vide, quemadmodum se concitat ad libidinem, quasi cœlesti magisterio.

*In En-
nuchæ.*

3. At, quem Deum, inquit? Qui templa cœli summo sonitu cōcutit. Ego homuncio id non facerem? Ego verò illud feci, ac libens. Non omnino per hanc turpitudinem verba ista commodius discuntur, sed per hæc verba turpitudo ista confidentius perpetratur. Non accuso verba, quasi vasa electa atque preciosa: sed vinum erroris, quod in eis nobis propinatur ab ebris doctoribus; & nisi biberemus, cædebamur; nec appellare ad aliquem iudicem sobrium licebat. Et tamē ego Deus meus, in cuius conspectu iam secura est recordatio mea, libenter hæc

delectabar miser, & ob hoc bonæ spei
puer appellabar.

CAP V T XVII.

*Modus exercenda inuentutis, in re-
citandis & mutandis versibus.*

L SINE me Deus meus dicere aliquid,
& de ingenio meo munere tuo, in
quibus à me deliramentis atterebatur.
proponebatur enim mihi negocium ani-
mæ meæ satis inquietum, præmio laudis
& dedecoris, vel plagarum metu; vt dice-
rem: verba Iunonis irascentis & dolentis,
quod nō posset Italia Teucrorum auer-
tere regem, quæ nunquam Iunonem di-
xisse audieram: sed figmentorum poëti-
corum vestigia errantes sequi cogeba-
mur; & tale aliquid dicere solutis verbis,
quale poëta dixisset versibus. Et ille dice-
bat laudabilius, in quo pro dignitate ad-
umbratæ personæ, iræ ac doloris, simi-
lior affectus eminebat, verbis sententias
congruentes vestientibus.

2. Vt quid mihi illud, ô vera vita mea,
Deus meus? quid mihi recitati acclama-
batur, præ multis coætaneis & conlecto-
ribus meis? Nōne ecce illa omnia fu-
mus & ventus? Itane aliud non erat, vbi
exerceretur ingenium & lingua mea?

Laudes

Virgil.
lib. 1.
Æneid.

Laudes tuæ Domine, laudes tuæ per scripturas tuas suspenderent palmitem cordis mei: & non raperetur per inania nugarum, turpis præda volatilibus. Non enim vno modo sacrificatur transgressoribus Angelis.

CAPVT XVIII.

Quod homines curant seruare leges grammaticorum, & non diuinorum praeceptorum.

I. **Q**UID autem mirum, quod in vanitates ita ferebar, & à te Deus meus ibam foras; quando mihi imitandi proponebantur homines, qui aliqua facta sua non malà, si cum barbarismo aut solœcismo enunciarent; reprehensi confundebantur? si autem libidines suas, integris & ritè consequentibus verbis, copiosè ornatèque narrarent, laudari gloriabantur? Vides hæc Domine, & taces longanimis, & multum misericors, & verax. Nunquid semper tacebis? Et nunc eruis de hoc immanissimo profundo quærentem te animam, & sitientem delectationes tuas; & cuius cor dicit tibi: Quæsiui vultum tuum, vultum tuum Domine requiram. Nam longè à vultu tuo ieram, in affectu tenebroso.

Psal. 102

Psal. 26

2. Nō enim pedibus & spaciis locorum

Luc. 15. itur abs te, aut reditur ad te. Aut verò filius ille tuus minor, equos aut curtus vel naues quæsiuit, aut auolauit penna visibili, aut moto poplite iter egit; vt in longinqua regione viuens, prodigè dissiparet, quod dederas, proficiscenti? Dulcis pater, quia dederas, & egeno redeunti dulcior. In affectu ergo libidinoso, id enim est tenebroso, atque id est longè à vultu tuo. Vide Domine Deus, & patienter, vt vides, vide; quomodo diligenter obseruēt filii hominum pacta literarum & syllabarum, accepta à prioribus locutoribus, & à te accepta æterna pacta perpetuæ salutis negligant; vt qui illa sonorum vetera placita teneat aut doceat; si contra disciplinam grammaticam, sine aspiratione primæ syllabæ ominem dixerit. magis displiceat hominibus, quàm si contra tua præcepta hominem oderit, eum sit homo. Quasi verò quemlibet inimicum hominem perniciosius sentiat, quàm ipsum odium, quo in eum irritatur; aut vastet quisquam persequendo alium grauius, quàm cor suum vastat inimicando.

*Aspiratio
pro expre
menda.*

*Tob. 4.
Mat. 7.*

3. Et certè non est interior literarū sciētia, quā scripta, conscientia, id se alteri & facere, quod nolit pati. Quā tu secretus es, habitans in excelsis in silentio, Deus solus

solus magnus; lege infatigabili spargens
 pœnales cæcitates, super illicitas cupidi-
 tates. Cùm homo eloquentiæ famam
 quærit, astans ante hominem iudicem,
 circumstante hominū multitudine, ini-
 micum suū odio immanissimo infectās,
 vigilantissimè cauet, ne per linguæ erro-
 rem, dicat inter * hominibus: & ne per
 mentis furorem, hominem auferat ex
 hominibus, non cauet.

Id est
 solacis-
 mum de-
 cad.

CAPVT XIX.

*Quod plus curauit vitare barbaris-
 mum, quàm vitia morum.*

HOrum ego puer morū in limine
 iacebam miser, & huius arenæ pa-
 lestra erat illa; vbi magis timebam bar-
 barissimum facere, quàm cauebā, si face-
 rem, non facientibus hæc inuidere. Dico
 hæc, & confiteor tibi Deus meus, in qui-
 bus laudabar ab eis; quibus placere, tunc
 mihi erat honestè viuere. Non enim vi-
 debam voraginem turpitudinis, in quā
 proiectus eram ab oculis tuis. Nam in
 illis, iam quid me foedius fuit; vbi etiam
 talibus displicebam, fallendo innumera-
 bilibus mendacijs & pædagogum, & ma-
 gistros, & parentes amore ludendi; studio
 spectandi nugatoria, & imitandi ludicra
inquietudine.

2. Furta etiam faciebā de cellario parentum, & de mensa: vel gula imperitante: vel vt haberem, quod darem pueris, ludum suum mihi, quo pariter vtique delectabantur, tamen vendentibus. In quo etiam ludo fraudulentas victorias, ipse vana excellentiæ cupiditate victus, sæpe aucupabar. Quid autem tam nolebam pati, atque atrociter, si deprehenderem, arguebam, quàm id quod alijs faciebā; & si deprehensus arguerer, scire magis quàm cedere libebat?

3. Istāne est innocentia puerilis? Non est domine, domine non est, oro te Deus meus. Nam hæc ipsa sunt, quæ à pædagogis & magistris, à nucibus & pilulis & passeribus, ad præfectos & reges, aurum, prædia, mancipia; Hæc ipsa omnino succedentibus maioribus ætatibus transcunt, sicuti ferulis maiora supplicia succedunt. Humilitatis ergo signum in statura pueritiæ, rex noster probasti, cum

Mat. 10. aisti: Talium est regnum cælorum.

C A P V T X X.

Pro bonis operibus sibi collatis, Deo gratias agit.

Sed tamen domine, tibi excellentissimo atque optimo conditori & restori vniuersitatis, Deo nostro gratias, etiam

etiam si me puerum tantū esse voluisses. Erām enim, & iam tunc viuebam atque sentiebam, meamque incolumitatem, vestigium secretissime nitatis, ex qua eram, curæ habebam; custodiebam interiore sensu integritatem sensuum meorum; inque ipsis paruis, paruarumque rerum cogitationibus, veritate delectabar. Falli nolebam, memoriæ vivebam, locutione instruebar, amicitia mulcebar, fugiebam dolorem, abiectiōnem, ignorantiam. Quid in tali animante, non mirabile atque laudabile?

2. At ista omnia Dei mei dona sunt, nō mihi ego dedi hæc, & bona sunt, & hæc omnia ego. Bonus ergo est, qui fecit me; & ipse est bonum meum, & illi exulto bonis omnibus, quibus etiā puer eram. Hoc enim peccabam, quod non in ipso, sed in creaturis eius, me atque cæteras voluptates, sublimitates, veritates querebam; atque ita irruebam in dolores, confusiones, errores. Gratias tibi dulcedo mea, & honor meus, & fiducia mea, Deus meus. Gratias tibi de donis tuis, sed tu mihi ea serua. Ita enim seruabis me; & augebuntur, & perficientur, quæ dedisti mihi, & ero ipse tecum: quia & vt sum, tu dedisti mihi.

DIVI AVRELII
Augustini Confessionum
Liber secundus.

CAPVT I.

*Adolescentia atatem & vitia in-
greditur.*

1. **R**ecordari volo transactas scedita-
tes meas, & carnales corruptio-
nes animæ meæ; non * quod eas amem,
sed vt amem te, Deus meus. Amore amo-
ris tui facio istud, recolens vias meas ne-
quissimas, in amaritudine recogitatio-
nis meæ; vt tu dulcescas mihi, dulcedo
non fallax, dulcedo felix & segura; &
colligens me à dispersione, in qua frustra-
tim discissus sum; dum ab vno te auersus,
in multa euanui.

2. Exarsi enim aliquando satiari in in-
feris, in adolescentia; & siluescere ausus
sum, varijs & vmbrosis amoribus; & cō-
tabuit species mea, & computrui coram
oculis tuis, placens mihi, & placere cu-
piens oculis hominum.

CAPVT

CAPVT II.

Accusat adolescentiam, in ardore libidinoso consumptam.

ET quid erat, quod me delectabat, nisi amare & amari? Sed non tenebatur modus ab animo vsque ad animū, quatenus est limosus limes amicitiae. Sed exhalabantur nebulæ de limosa concupiscentia carnis, & scatebra pubertatis; & obnubilabant atque obfuscabant cor meum, vt non discerneretur serenitas dilectionis, à caligine libidinis. Vtrumque in confuso æstuabat, & rapiebat imbecilem ætatem per abrupta cupiditatum, atque merfabat gurgite flagitiorum. Inualuerat super me ira tua, & nesciebam. Obsordueram stridore catenæ mortalitatis meæ, poena superbiæ animæ meæ; & ibam longius à te, & sinebas; & iactabar, & effundebam, & diffluebam, & ebulliebam per fornicationes meas, & tacebas. O tardum gradum meum. Tacebas tūc, & ego ibam porrò longè à te, in* plurima & plura sterilia semina dolorum, superba deiectione & inquieta lassitudine.

*Obsor-
deo, com-
positum
à serdeo.*

*al. plu-
ra*

2. Quis mihi moderaretur ærumnam meam, & nouissimarum rerum fugaces pulchritudines in vsum verteret, earumque suauitatibus metas præfigeret; vt vsque

que ad coniugale litus exæstuant fluxus ætatis meæ; si tranquillitas in eis non poterat esse, sine procreandorum liberorum contenta, sicut præscribit lex tua domine: qui formas etiam propaginem mortalitatis nostræ, potens imponere lenem manum, ad temperamētum spinarum, à paradiso tuo secluserū? Non enim longè est à nobis omnipotētia tua, etiam cum longè sumus à te: aut certè sonitum nubium tuarum vigilantius aduerterem. Tribulationem autem carnis habebunt huiusmodi. Ego autem vobis parco. Et, Bonum est homini, mulierem non tangere. Et, Qui sine vxore est, cogitat ea, quæ sunt Dei, quomodo placeat Deo. Qui autem matrimonio iunctus est, cogitat ea, quæ sunt mūdi, quomodo placeat vxori.

1. Cor. 7.

Ibidem.

Ibidem.

3. Has ergo voces exaudirem vigilantior, & abscissus propter regnum cælorum, felicius expectarem amplexus tuos. Sed efferbui miser, sequens impetum fluxus mei relicto te; & excessi omnia legitima tua, nec euasi flagella tua. Quis enim hoc mortalium? Nam tu semper aderas misericorditer sæuiens, & amarissimis aspergens offensionibus omnes illicitas iocunditates meas, ut ita quærerem sine offensione iocundari. Et ubi hoc possem,

non.

non inuenirem quicquam, præter te domine: præter te, qui fingis dolorem in præcepto; & percutis, vt sanes, & occidis nos, ne moriamur abs te. Vbi eram, & quàm longè exulabam à delicijs domus tuæ, anno illo sextodecimo ætatis carnis meæ; cum accepit in me sceptrum, & totas manus ei dedi, vesaniæ libidinis, licentiosæ per dedecus humanum, illicitæ autem per leges tuas? Nō fuit cura meorum, ruentem excipere me matrimonio; sed cura fuit tantum, vt discerem sermonem facere quàm optimum, & persuadere dictione.

Psal 93.

Deut. 31.

CAPVT III.

*De peregrinatione studiorum causâ,
& parentum proposito.*

ET anno quidem illo intermissa erant studia mea, dum mihi reducto à Madauris, in qua vicina vrbe, iam cœperam literaturæ atque oratoriæ percipiendæ gratia peregrinari, longinquioris apud Carthaginem peregrinationis sumptus præparabantur, animositate magis quàm opibus patris, municipis Thagastensis admodum tenuis. Cui narro hæc? Neque enim tibi Deus meus; sed apud te narro hæc generi meo, generi humano, quantulacunque

cunque ex particula incidere potest in istas meas literas. Et, vt quid hoc? Vt videlicet ego, & quisquis hæc legit, cogitemus de quàm profundo clamandum sit ad te. Et quid propius auribus tuis, si cor confitens & vita ex fide est? Quis enim hominum non extollebat laudibus tunc patrem meum, quod vltra vires rei familiaris suæ impenderet filio, quicquid etiā longè peregrinanti studiorū causa opus esset? Multorum enim ciuium longè opulentiorum nullum tale negotium pro liberis erat: Cum interea non satageret idem pater, qualis crescerē tibi, aut quàm castus essem; dum modo essem disertus, vel desertus potius à cultura tua Deus, qui es vnus, verus & bonus dominus agrorum tui cordis mei.

2. Sed vbi sexto illo decimo anno, interposito ocio ex necessitate domestica, feriatus ab omni schola, cum parentibus esse cœpi, excesserunt caput meū vepres libidinum, & nulla erat eradicās manus. Quinimò, vbi me ille pater in balneis vidit pubescentem, & inquieta indutum adolescentia, quasi iam ex hoc in nepotes gestiret, gaudēs matri indicauit; gaudens vinolentia, in qua te iste mundus oblitus est creatorem suum, & creaturā tuam pro te amauit, de vino inuisibili per-

sua; & tanto gloriantes magis, quanto magis turpes essent: & libebat facere non solum libidine facti, verumetiam laudis.

4. Quid dignum est vituperatione, nisi vitium? Ego ne vituperarer, vitiosior fiebam: & vbi non suberat, quo admissio æquarer perditis, fingebam me fecisse, quod non feceram: ne viderer abiectior, quo eram innocentior; & ne vilior haberer, quo eram castior. Ecce, cum quibus comitibus iter agebam platearum Babylonæ; & volutabar in cœno eius, tanquam in cinamomis & vnguētis preciosis: Et in vmbilico eius quo tenacius hærerem, Calcabat me inimicus inuisibilis, & seducebat me, quia ego seductilis eram. Non enim & illa, quæ iam de medio Babylonis fugerat, sed ibat in cæteris eius tardior mater carnis meæ, sicut monuit me pudicitiam ita curauit, quod de me à viro suo audierat. Iamque pestilentiosum, & in posterum periculosum sentiebat, cōercere termino coniugalis affectus, si refecari ad viuum nō poterat. Non curauit hoc, quia metus erat, ne impediretur spes mea compede vxoria: Non spes illa, quam in te futuri seculi habebat mater; sed spes literarum, quas ut possem, nimis volebat parens vterque.

Ille,

*Ad vi-
uum re-
secare, id
est, om-
nino sal-
uare.*

Ille, quia de te prope nihil cogitabat, de me autem inania; illa autem, quia non solum nullo detrimento, sed etiam non-nullo adiumento ad te adipiscendū profutura æstimabat vñtata illa studia doctrinæ. Ita enim conjicio, reCOLens, vt possum, mores parentum meorum. Relaxabantur etiam mihi ad ludendum habentæ, vltra temperamentum seueritatis, in dissolutionem affectionum variarum; & in omnibus erat caligo, intercludens mihi (Deus meus) serenitatem veritatis tuæ; & prodibat, tanquam ex adipe, iniquitas mea. *Psalm 72.*

CAPVT IIII.

Furtum Augustini.

I. **F** Vrtum certè punit lex tua domine, & lex scripta in cordibus hominum, quam ne ipsa quidem delet iniquitas. Quis enim fur, æquo animo furem patitur? Nec copiosus, adactum inopia. Et ego furtum facere volui, & feci, nulla compulsus egestate, nec penuria; sed fastidio iustitiæ, & sagina iniquitatis. Nam id furatus sum, quod mihi abundabat, & multo melius. Nec ea re volebam frui, quam furto appetebam; sed ipso furto, & peccato. Arbor erat pirus in vicinia vineæ nostræ pomis onusta,
nec

CONFESSIO NVM
nec forma nec sapore illecebrosis. Ad
hanc excutiendam atque asportandam,
nequissimi adolescentuli perreximus no-
cte intempesta, quousque ludum de pe-
stilentia more in areis produxeramus; &
abstulimus inde onera ingentia, non ad
nostras epulas, sed vel proijcienda porcis,
etiam si aliquid inde comedimus; dum
tamen fieret à nobis, quod eo liberet,
non quod liceret.

2. Ecce cor meum Deus meus, ecce cor
meum, quod miseratus es in imo abyssi.
Dicat tibi nunc ecce cor meum, quid ibi
quarebat; vt essem gratis malus, & mali-
tia meæ causa nulla esset, nisi malitia fa-
cta. Et amaui eam, amaui perire, amaui
defectum meum; non illud, ad quod de-
ficiebam, sed defectum ipsum meum ama-
ui. Turpis animæ, & dissiliens à firma-
mento tuo in extermiuium; non de decore
aliquid, sed dedecus appetens.

C A P V T V.

Neminem peccare sine causa.

1. **E** Tenim species est pulchris corpo-
ribus, & auro, & argento, & omni-
bus; & in contactu carnis, congruentia
valet plurimum; cæterisque sensibus, est
sua cuique accommodata modificatio
corporum. Habet etiam honor tempo-
ralis,

salis, & imperitandi atque superandi potentia suum decus, vnde etiam vindictæ auuiditas oritur: & tamen in cuncta hæc adipiscenda, non est egrediendum abs te Domine, neque deuiandum à lege tua. Et vita, qua hic viuimus, habet illecebrâ suam, propter quendam modum decoris sui, & conuenientiam cum his omnibus infimis pulchris.

2. Amicitia quoque hominum charo nodo dulcis est, propter vnitatē de multis animis. Propter vniuersa hæc atque huiusmodi, peccatum admittitur: dum immoderata in ista inclinatione, cum extrema bona sint, meliora & summa deseruntur, tu Domine Deus noster, & veritas tua, & lex tua. Habent enim & hæc ima delectationes, sed non sicut Deus meus, qui fecit omnia; quia in ipso delectatur iustus, & ipse est delitiæ rectorum corde. Cum itaque de facinore quæritur; qua causa factum sit, credi non solet, nisi cum appetitus adipiscendi alicuius illorum bonorum, quæ infima diximus, esse potuisse apparuerit, aut metus amittendi. Pulchra sunt enim & decora: quanquā præ bonis superioribus & opibus beatificis, abiecta & jacentia.

3. Homicidium fecit. Cur fecit? Admauit eius coniugem, aut prædium; aut

C

voluit

voluit depreçdari, vnde viueret; aut timuit
 ab illo tale aliquid amittere : aut læsus
 vlculci se exarsit . Num homicidium sine
 causa faceret, ipso homicidio delectatus?
 Quis crediderit? Nam & de quo dictum
 est vecordi , & nimis crudeli homine,
 quod gratuito potius malus atque cru-
 delis erat, prædicta est tamen causa, ne
 per ocium (inquit) torpesceret manus aut
 animus . Quare id quoque? Cur ita?
 Vt scilicet illa exercitatione scelerum,
 capta vrbe, honores, imperia, diui-
 tias assequeretur; & careret metu legum,
 & difficultate rerum, propter inopiam
 rei familiaris, & conscientiam scele-
 rum. Nec ipse igitur Catilina amauit
 facinora sua, sed vtrique aliud, cuius
 causa illa faciebat.

CAPVT VI.

*Omnia, qua boni specie nos ad vitia
 inuitant, in solo Deo esse vera
 & perfecta.*

QUID ego miser in te amauī, o fur-
 um meum, o facinus illud meum
 nocturnum sextidecimi anni ætatis mee?
 Non enim pulchrum eras, cum furtum
 esses; aut verò aliquid es, vt loquar ad
 te? Pulchra erant poma illa, quæ furati
 sumus: quoniam creatura tua erant, pul-
cherrime

cherrime omniū, creator omnium, Deus bone, Deus summum bonū, & bonū verū meū. Pulchra erant illa poma, sed non ipsa concupiuit anima mea miserabilis. Erat enim mihi meliorum copia: illa autem decerpsi, tantum vt furarer. Nam decerpta projeci, epulatus: inde sola iniquitate, qua lætabar, fruens. Nam & si quid illorum pomorum intrauit in os meum, condimentum ibi facinus erat.

2. Et nunc Domine Deus meus quæro, quid me in futuro delectauerit, & ecce species nulla est. Non dico sicut in æquitate atque prudētia, sed neque sicut in mente hominis atque memoria & sensibus & vegetante vita. Neque sicut speciosa sunt sydera & decorā locis suis, & terra & mare plena fœtibus, qui succedunt nascendo decedentibus. Non saltē, vt est quædam defectiua species & vmbatica vitiis fallentibus. Nam & superbia celsitudinem imitatur, cū tu sis vnus super omnia Deus excelsus. Et ambitio quid nisi honores quærit & gloriam, cū tu sis præ cunctis honorandus vnus & gloriosus in æternum? Et seuitia potestatum timeri vult. Quis autem timendus, nisi vnus Deus? Cuius potestati eripi aut subtrahi quid, quando, aut ybi, aut quò, vel à quo potest?

Et blanditiæ lasciuientium amari volūt,
sed neque blandius est aliquid tua chari-
tate; nec amatur quicquam salubrius,
quàm illa præ cunctis formosa & lumi-
nosa veritas tua. Et curiositas affectare
videtur studium scientiæ, cùm tu omnia
suminè noueris.

3. Ignorantia quoque ipsa atque stul-
titia, simplicitatis & innocentia nomine
tegitur, quia te simplicius quicquam nō
reperitur. Quid autem te innocentius,
quandoquidem opera tua malis inimica
sunt: Et ignauia, quasi quietem appetit:
quæ verò quies certa, præter Dominum?
Luxuria satietatem atque abundantiam
se cupit vocari, tu tamen es plenitudo, &
indeficiens copia incorruptibilis suauitatis.
Effusio, liberalitatis obtendit umbram;
sed bonorum omnium largitor afflu-
entissimus tu es. Auaritia, multa possi-
dere vult; & tu possides omnia. Inuidetia
de excellentia litigat; quid te excellen-
tius? Ira, vindictam quærit: te iustius
quis vindicat? Timor, insolita & re-
pentina exhorrescit, rebus quæ aman-
tur aduersantia, dum præcauet securitati:
Tibi enim quid insolitum, quid repenti-
num? Aut quis à te separat, quod dili-
gis? Aut vbi, nisi apud te, firma se-
curitas?

Tristitia

Tristitia, rebus amissis contabescit; quibus se oblectabat cupiditas; quia ita sibi nollit, sicut tibi auferri nihil potest. Ita fornicatur anima, cùm auertitur abs te; & quærit extra te ea, quæ pura & liquida non inuenit, nisi cùm redit ad te. Peruersè te imitantur omnes, qui longè se à te faciunt, & extollunt se aduersum te. Sed etiam sic te imitando, indicant creatorem te esse omnis naturæ; & ideo non esse, quo à te omnino recedatur. Quid ergo in illo furto ego dilexi; & in quo dominum meum vel viciose atque peruersè imitatus sum? An libuit facere contra legem, saltem fallacia, quia potētate non poteram; vt mancam libertatem captiuus imitarer, faciendo impunè quod non liceret, tenebrosa omnipotentie similitudine?

CAPVT VII.

Gratias agit Deo pro remissione peccatorum, quodq; à multis seruatus sit.

ECCE si est ille seruus fugiens dominum suum, & consecutus umbram. O putredo, ô monstrum vitæ, & mortis profunditas! Potuit ne libere, quod nō licebat? nō ob aliud, nisi quia nō licebat? Quid retribuam domino, quod reuolit hæc memoria mea, & anima mea,

al. ? Inde
diligam

non metuit* inde? Diligam te Domine,
& gratias agam, & confitear nomini tuo;
quoniam tanta dimisisti mihi mala, &
nefaria opera mea. Gratia tua deputo &
misericordia tua, quod peccata mea tã-
quam glaciem soluisti, Gratia tua depu-
to, & quaecunque non feci mala. Quid
enim non facere potui, qui etiam gratui-
tum facinus amavi? Et omnia mihi di-
missa esse fateor: & quæ mea spontè feci
mala, & quæ te duce non feci.

2. Quis est hominum, qui suam cogi-
tans infirmitatem, audet viribus suis tri-
buere castitatem atque innocentiã suam:
ut minùs amet te, quasi minus ei necessa-
ria fuerit misericordia tua, qua donas
peccata conuersis ad te? Qui enim voca-
tus à te, secutus est vocem tuam; & vita-
uit ea, quæ me de meipso recordantem
& fatentem legit: non me derideat ab
eo medico ægrum sanari, à quo sibi præs-
titum est, ut non agrotaret, vel potius
ut minùs agrotaret. Et ideo te tantun-
dem, imò verò amplius diligat; quia
per quem me videt tantis peccatorum
meorum languoribus exui, per eum se
videt tantis peccatorum lãguoribus non
implicari.

CAPVT VIII.

Quid amauerit in furto.

1. **Q**UEM fructum habui miser aliquādo in iis, quæ nūc recolens erubescō; maximè in illo furto; in quo ipsum furtum amaui, nihil aliud, cum & ipsum esset nihil, & eo ipso ego miserior. Et tamen solus id non fecissem, sic recordor animum tunc meum, solus omnimodo id non fecissem. Ergo ibi amaui etiā consortium eorum, cum quibus id feci. Non ergo nihil aliud, quàm furtū amaui; imò verò nihil aliud, quia & illud nihil est.

2. Quid est reuera? Quis est, qui doceat me, nisi qui illuminat cor meum, & discernit umbras eius? Quid est, quod mihi venit in mentem querere, & discutere, & considerare? Quia si tunc amarem poma illa, quæ furatus sum, & eis frui cuperem, possem etiam solus, si satis esset, committere illam iniquitatem, qua peruenirem ad voluptatem meam: nec ꝑ cōfricatione consciorum animorum, accenderem * pruritum cupiditatis meæ. Sed quoniam in illis pomis voluptas mihi non erat, ea erat in ipso facinore, quam faciebat consortium simul peccantium.

al. cōfricationem.
al. pruriti-
um.

CAPVT IX.

*Contagiosa res, sodales mali.**Psal. 18.*

1. **Q**UID erat ille affectus animi? Certe enim planè turpis erat nimis; & vix mihi erat, qui habebam illum. Sed tamen quid erat? Delicta quis intelligit? Risus erat quasi titillato corde, quod fallabamus eos, qui hæc à nobis fieri non putabant, & vehementer nolebant. Cur ergo eo me delectabar, quo id non faciebam solus? An quia etiam nemo facilè solus ridet? Nemo quidem facilè; sed tamen etiam solos & singulos homines, cum alius nemo præsens est, vincit risus aliquando; si aliquid nimis ridiculum, vel sensibus occurrerit, vel animo. At ego illud solus non facerem, non facerem omnino solus.

2. Ecce est coram te Deus meus, viva recordatio animæ meæ. Solus non facerem furtum illud, in quo me non libebat id, quod furabar, sed quia furabar; quod me solum facere prorsus non liberet, nec facerem. O nimis inimica amicitia, seducti mentis, inuestigabilis ex ludo & ioco nocendi auiditas, & alieni damni appetitus: nulla lucri mei, nulla vlciscendi libidine: sed cum dicitur: Eamus, faciamus, & pudet non esse impudentem.

CAPVT

In Deo omne bonum.

1. **Q** Vis exaperit tortuosissimam istam
 & implicatissimam nodositatem?
 Fœda est, nolo in eam intendere, nolo
 eam videre. Te volo iustitia & innocen-
 tia, pulchra & decora honestis lumini-
 bus, & insatiabili satietate. Quies est a-
 pud te valde, & vita imperturbabilis. Qui
 intrat in te, intrat in gaudium domini *Mat. 25.*
 sui: & non timebit, & habebit se optimè
 in optimo. De fluxi abs te ego, & erravi
 Deus meus, nimis deuius à stabilitate tua
 in adolescentia, & factus sum mihi regio *Luc. 19.*
 egestatis.

D I V I A V R E L I I

Augustini Confessionum.

Liber tertius.

CAPVT I.

Amore, quem venabatur, capitur.

1. **V** ENI Carthaginē, & circūstrepe-
 bat me vndiq; sarrago flagitioso-
 rum amorum. Nondum amabā, & amari
 amabam; & secretiore indigētia, oderam.

me minùs indigētem. Quarebam, quod amarem, amās amari; & oderam securitatem, & viam sine muscipulis. Quoniā fames mihi erat intus ab interiori cibo, & ipso Deus meus, & ea fame non esuriebam; sed eram sine desiderio alimentorum incorruptibilem, non quia plenus eis eram, sed quæ inanior, eo fastidiosior. Et ideo non bene valebat anima mea; & vlcerosa projiciebat se foras miserabiliter, scalpi auida contactu sensibilem. Sed si non haberent animam, non utique amarentur. Amare & amari dulce mihi erat magis, si etiam amantis corpore fruerer.

2. Venam igitur amicitiae coinquinabam sordibus concupiscentiae, candoremq; eius obnubilabam de tartaro libidinis; & tamen fœdus atque inhonestus, elegans & vrbane esse gestiebam abundantati vanitate. Rui etiam in amorem, quo cupiebam capi. Deus meus, misericordia mea, quanto felle mihi suauitatem illam, & quàm bonus aspersisti; quia & amatus sum, & perueni occultè ad vinculum fruendi, & colligabar lætus erumnosis nexibus, ut caderer virgis ferreis ardentibus, zeli, & suspicionum, & timorum, & irarum, atque rixarum. Rapiabant me spectacula theatra, plena

una.

Imaginibus miseriarum mearum, & for-
mitibus ignis mei.

CAPVT II.

Spectacula tragica.

I. QUID est, quòd homo ibi vult do-
lere, cùm spectat luctuosa atque
tragica, quæ tamen pati ipse nollit? Et
tamen pati vult ex eis dolorē spectator,
& dolor ipse est voluptas eius. Quid est,
nisi miserabilis infania? Nam eo magis
eis mouetur quisque, quo minus à tali-
bus affectibus sanus est; quanquam, cùm
ipse patitur, miseria: cùm aliis compati-
tur, misericordia dici solet. Sed qualis tã-
dem misericordia, in rebus fictis & scæ-
nicis? Non enim ad subueniendum pro-
nocatur auditor, sed tantùm ad dolen-
dum inuitatur: & † acturi earum imagi-
num amplius fauet, cùm amplius do-
let. Et si calamitates illæ hominum
vel antiquæ vel falsæ sic agantur, vt qui
spectat non doleat, abscedit inde fasti-
diens & reprehendens. Si autem do-
leat, manet intentus, & gaudens la-
chrymatur. Lachrymæ ergo amantur,
& dolores? Certè omnis homo gau-
dere vult. An, cùm miserum neminem
esse libeat, libet tamen esse miseri-
cordem? Quod quia non sine dolore

al. actio-
ri.

est, hac vna causa amantur dolores. Et hoc de illa vena amicitiae est.

2. Sed quò vadit? quò fluit? Vt quid decurrit in torrentem picis bullientis, aestus immanes tetraarum libidinum, in quos ipsa mutatur & vertitur per nutum proprium, de coelesti serenitate detorta atque dejecta? Repudietur ergo misericordia? Nequaquam. Ergo amentur dolores aliquando. Sed caue immunditiam anima mea, sub tutore Deo meo, Deo patrum nostrorum, & laudabili, & super-exaltato in omnia secula, caue immunditiam: neque enim nunc non misereor. Sed tunc in theatris congaudebam amantibus, cum sese fruebantur per flagitia, quamuis hæc imaginariè gererentur in ludo spectaculi. Cum autem sese amittebant, quasi misericors contristabar, & vtrumque me delectabat tamen. Nunc verò magis misereor gaudentem in flagitio, quàm velur dura perpeffum detrimento perniciosæ voluptatis, & amissione miseræ felicitatis.

3. Hæc certè verior misericordia, sed non in ea * delectatur cor. Nam & si approbatur officio charitatis, qui dolet miserum; mallet tamen utique non esse, quod doleret, qui germanitus misericors est. Si enim est maleuola beneuolentia, quod

seru

al. delectatur
dolor.

fieri non potest; potest & ille, qui veraciter synceriterque miseretur, cupere esse miseros, vt misereatur. Nonnullus itaque dolor approbandus, nullus amandus est. Hoc enim tu Domine Deus, qui animas amas longè * lateque purius quàm ^{al. alter} nos, & incorruptibilibus misereris, quòd ^{que.} nullo dolore sauciaris. Et ad hæc quis idoneus? At ego tunc miser dolere amabam; & quærebam, vt esset, quod dolerem; quando mihi in ærumna aliena & falsa & saltatoria, ea magis placebat actio histriionis; meque alliciebat vehementius, qua mihi lachrymæ excutiebatur. Quid autem mirum, cum infelix pecus aberrans à grege tuo, & impatiens custodia tua, turpi scabiæ fœdaret? Et inde erant dolorum amores, non quibus altius penetrarer. Non enim amabam talia perpeti, qualia spectare: sed quibus auditis & fictis, tanquam in superficie raderer: quos tamē quasi vngues scalpentium, feruidus tumor & tabes & sanies horrida consequebatur. Talis vita mea, Nunquid vita erat, Deus meus?

CAPVT III.

In foro versatur inter causidicos.

ET circumuolabat super me fidelis à longè misericordia tua. In quan-

tas iniquitates distabui, & sacrilegam curiositatem securus sum; vt deserentem te, deduceret me ad ima infida, & circumuentoria obsequia demoniorum; quibus immolabam facta mea mala, & in omnibus flagellabas me. Ausus sum etiam in celebritate solennitatum tuarum, intra parietes ecclesiæ tuæ concupiscere, & agere negotium procurandi fructus mortis: vnde me verberasti grauib. poenis. Sed nihil ad culpam meam, ô tu prægrâdis misericordia mea, Deus meus, refugium meum à terribilibus nocentibus; in quibus vagatus sum præfidenti collo, à longe recedendo à te; amans vias meas, & non tuas; amâs fugitiuam libertatem.

2. Habebāt & illa studia, quæ honesta vocabantur, ductum suum, intuentem. fora litigiosa, vt excellerem in eis: eò laudabilior, quò fraudulentior. Tanta est cæcitas hominum, de cæcitate etiâ gloriantium. Et maior iam eram in schola rhetoris, & gaudebam superbè, & tumebam typho; quanquam longè sedatior, Domine tu scis; & remotus omnino ab euersionibus, quas faciebant euersores, (Hoc enim nomen sæuum & diabolicū, velut insigne vrbauitatis est.) Inter quos vivebam pudore impudenti, quia talis non eram; & cum eis eram, & amicitijs
 eorum

eorum delectabar aliquando; à quorum
semper factis abhorrebam, hoc est, abe-
uersionibus; quibus proteruè insectabā-
tur ignotorum verecundiam, quam per-
turbarent gratis illudendo, atque inde
pascendo maleuolās lētities suas. Nihil
est illō actu similiūs actibus dāmoniorū.
Quid itaque verius, quā euerfores vo-
carentur? Euerfi planè prius ipsi atque
peruersi, deridentibus eos & seducenti-
bus fallacibus occultè spiritibus in eo
ipso, quod alios irridere amant & fallere.

CAPVT III.

*Hortensius Ciceronis excitauit illum
ad ardorem philosophia.*

I. **I**Nter hos ego, imbecilla tunc ætate,
discebam libros eloquentiæ; in qua
eminere cupiebā fine damnabili & ven-
toso per gaudia vanitatis humanæ: & vsi-
tato iam discendi ordine, perueneram in
librum quendam cuiusdam Ciceronis,
cuius linguam ferè omnes mirantur, pe-
ctus non ita. Sed liber ille, ipsius exhor-
tationem continet ad philosophiam, &
vocatur Hortensius. Ille verò liber mu-
tauit affectum meum; & ad teipsum Do-
mine mutauit preces meas, & vota ac de-
sideria mea fecit alia. Viluit mihi repen-
tè omnis vana spes, & immortalitatem
sapient

sapientia concupiscebam æstu cordis incredibili; & surgere iam cœperam, vt ad te redirem. Non enim ad acuendā linguam, quod videbar emere maternis mercedibus; cum agerem annu ætatis vndeuigesimum, iam defuncto patre ante biennium. Non ergo ad acuendam linguam, referebam illū librum; neque mihi locutionem, sed quod loquebatur, persuaferat.

2. Quomodo ardebam Deus meus, quomodo ardebam reuolare à terrenis ad te; & nesciebam, quid ageres mecum. Apud te est enim sapientia. Amor autem sapientia, nomen græcum habet philosophiam, quo me accendebant illæ literæ. Sunt, qui seducāt per philosophiam, magno & blando & honesto nomine colorantes & fucantes errores suos. Et prope omnes, qui ex illis & suprà tēporibus tales erant, notantur in eo libro & demonstrantur; & manifestatur ibi saluti-fera illa admonitio sp̄itus tui, per seruū tuum bonum & pium. Videte, ne quis vos decipiat per philosophiā & inane seductionem, secūdam traditionem hominum, secundum elementa huius mundi, & non secundum Christum: quis in ipso inhabitat omnis plenitudo diuinitatis corporaliter.

Philoso-
phia.

Col. 2.

3. Et ego illo tempore, scis tu lumen cordis mei, quoniam nondum mihi hæc apostolica nota erant. Hoc tamen solo delectabar in illa exhortatione, quod non illam aut illam sectam, sed ipsam quæcunque esset sapientiam, ut diligerem, & quærerem, & assequerer, & tenerem atque amplexarer. Fortiter excitabar sermone illo, & accendebar, & ardebam: & hoc solum me in tanta flagrantia refrangebatur, quod nomen Christi non erat ibi. Quoniam hoc nomen, secundum misericordiam tuam domine, hoc nomen saluatoris mei filii tui, in ipso adhuc lacte matris, tenerum cor meum pie biberat & altè retinebat: & quicquid sine hoc nomine fuisset, quamuis literatum & expositum & veridicum, non me totum rapiebat.

CAPVT V.

Fastidij sacras literas, propter simplicitatem styli.

ITaque institui animum intendere in scripturas sanctas, ut viderem quales essent. Et ecce, video rem non compertam superbis, neque nudatam pueris; sed incessu humilem, successu excelsam, & velatam mysteriis; & non eram ego talis, ut intrare in eam possem, aut inclina-

re ceruicem ad eius gressus. Non enim, sicut modò loquor, ita sensi, cum attendi ad illam scripturam; sed visa mihi est indigna, quam Tullianæ dignitati compararem. Tumor enim meus, refugiebat modum eius; & acies mea, non penetrabat interiora eius. Veruntamen illa erat, quæ cresceret cum paruulis. Sed ego dedignabar esse paruulus; & turgidus fastu, mihi grandis videbar.

CAPVT VI.

A Manichæis quomodo captus.

ITaque incidi in homines superbe delirantes, & carnales nimis, & loquaces; in quorum ore laquei diaboli, & viscum confectum commixtione syllabarum nominis tui, sed & domini Iesu Christi, & paracleti consolatoris spiritus sancti. Hæc nomina omnia nō recedebāt de ore eorū, sed sono tenus & strepitu linguæ, cæterum cor inane veri. Et dicebāt: Veritas & veritas; & * multi eam dicebāt mihi, & nusquam erat in eis; sed falsa loquebantur, non de te tantum, qui verè veritas es, sed etiam de istis elementis huius mūdi creaturis tuis; de quibus etiam vera dicentes philosophos transgredi debui præ amore tuo, mi pater summe bone, pulchritudo pulchrorum omnium.

al. mul.
sup.

Ore

Q veritas, veritas, quàm intimè etiam tunc medullæ animi mei suspirabant tibi; cum te illi sonarent mihi frequenter & multipliciter voce sola, & libris multis & ingentibus. Et illa erant fercula, in quibus mihi esurienti te, inferebantur pro te Sol & Luna, pulchra opera tua, sed tamen opera tua, non tu, nec ipsa prima. Priora enim spiritualia opera tua, quàm ista corporea, quâvis lucida & cœlestia.

2. At ego nec priora illa, sed te ipsam, te veritas, in qua non est commutatio, nec momenti obumbratio, esuriebam & saturebam; & apponebantur adhuc mihi in illis ferculis fantasmata splendida; quibus iam melius erat amare istum Solem, saltem istis oculis verum, quàm illa falsa animo decepto per oculos. Et tamen, quia te putabam, manducabam; non auidè quidem, quia nec sapiebas in ore meo, sicuties: neque enim tu eras illa signèta inania, nec nutriebar ex eis, sed exhauriebar magis. Cibus in somnis, similimus est cibus vigilatium; quo tamen dormientes non aluntur, dormiunt enim. At illa nec similia erant vllò modo tibi, sicut nunc mihi locuta es; quia illa erant corporalia fantasmata, falsa corpora; quibus certiora sunt vera corpora ista, quæ videmus visu carneo, siue cœlestia,
siue

siue terrestria; Cum pecudibus & volatilibus videmus hæc; & certiora sunt, quàm eùm imaginamur ea. Et rursus certius imaginamur ea, quàm ex eis suspicamur alia grandiora & infinita, quæ omnino nulla sunt; qualibus ego tunc pascebar inanibus, & non pascebar.

3. At tu amor meus, in quem deficio, ut fortis sim, nec ista corpora es, quæ videmus, quāquam de cælo; nec ea es, quæ non videmus ibi; quia tu ista condidisti, nec in summis tuis conditionibus habes. Quanto ergo longe es à fantasmatibus illis meis. fantasmatibus corporum, quæ omnino non sunt; quibus certiores sunt fantasie corporum eorum, quæ sunt; & eis certiora corpora, quæ tamen non es; sed nec anima es, quæ vitā est corporum. Ideo melior vita corporum certiorque, quàm corpora. Sed tu vita es animarum, vita vitarum, viuens teipsa, & non mutaris vita animæ meæ. Vbi ergo mihi tunc eras, & quàm longè? Et longè peregrinabar abs te, exclusus & à filiquis porcorū, quos de filiquis pascebam. Quanto enim meliores grammaticorum & poëtarum fabellæ, quàm illa decipula! Nam versus & carmen & Medea volans, vtiliores sunt certè, quàm quinque elementa variè fucata, propter quinque antra tenebrarū,
quæ

quæ omnino nulla sunt, & occidunt credentem. Nam versum & carmen, etiam ad vera pulmenta transfero. Volantem autem Medeam, & si cantabam, non assereram: & si cantari audiebam, non credebam, illa autem credidi.

4. Vē vā, quibus gradibus deductus sum in profunda inferni? quippe laborās & æstuans inopia veri, cum te Deus meus (tibi enim confiteor, qui me miseratus es, & nondum confitentem) cū te non secundum intellectum mentis, quo me præstare voluisti beluis, sed secundū sensum carnis quærerem. Tu autem eras interior intimo meo, & superior summo meo. Offendi in illam mulierem audacem, inopem prudentiæ, ænigma Salomonis, sedentem super sellam in foribus, & dicentem: Panes occultos libēter edite, & aquam dulcem furtivā bibite. Quæ me seduxit, quia inuenit foris habitātem in oculo carnis meæ; & talia ruminātem apud me, qualia per illum vorassem.

Prov. 9.

CAPVT VII.

Doctrina Manichaorum absurda.

1. **N**esciebam enim aliud vere, quod est; & quasi acutulè mouebar, ut suffragarer stultis deceptoribus, cū à me quærent, vnde malum; & vtrum forma
corpo-

corporea Deus finiretur, & haberet o-
pillos & vngues; & vtrum iusti existiman-
di essent, qui haberent multas vxores si-
mul, & occiderent homines, & sacrificar-
ent de animalibus. Quibus rebus igna-
rus perturbabar; & recedens à veritate,
irè in eam mihi videbar; quia non noue-
ram malum non esse nisi priuationem
boni, vsque ad quod omnino non est.
Quod vnde viderem, cuius videre vsque
ad corpus erat oculis, & animo vsque ad
fantasma?

Joan. 4.

2. Et non noueram Deum esse spiritū,
non cui membra essent per longum & la-
tum, nec cui esse moles esset; quia moles
in parte minor est, quàm in toto suo; &
si infinita sit, minor est in aliqua parte
certo spacio definita, quàm per infinitū;
& non est tota vbique, sicut spiritus, sicut
Deus. Et quid in nobis esset, secundum
quod essemus similes Deo; & si rectè in
scripturis diceremur, ad imaginem Dei,
prorsus ignorabam. Et non noueram iu-
stitiam veram interiorē, non ex cōsue-
tudine iudicantem, sed ex lege rectissima
Dei omnipotentis, qua formarētur mo-
res regionum & dierum pro regionibus
& diebus; cum ipsa vbique ac semper es-
set, non alibi àlia, nec aliàs aliter; secun-
dum quam iusti essent Abrahā, & Isaac,

Genes. 1.

& Iacob, & Moyſes, & David, & illi omnes laudati ore Dei; ſed eos ab imperitis iudicari iniquos, iudicantibus ex humano die; & vniuerſos mores humani generis, ex parte moris ſui metientibus; tanquam ſi quis neſcius in armamētis, quid cuique mēbro accōmodatum ſit, ocrea velit caput contegi, & galea calceari; & murmuret, quōd non aptè conueniat: Aut in vno die indicto à pomeridianis horis iuſtitia, quiſquam ſtomachetur nō ſibi cōcedi, quid venale proponere, quia manē conſeſſum eſt: Aut in vna domo videat aliquid tractari manibus à quocumque ſeruo, quod facere nō ſinatur, qui pocula miniſtrat; Aut aliquid poſt præſepia, fieri, quod ante mēſam prohibeatur; & indignetur, cum ſit vnum habitaculum & vna familia, non vbiq; atque omnibus idem tribui.

3. Sic ſunt iſti, qui indignantur, cum audierint illo ſeculo licuiſſe iuſtis aliquid, quod iſto non licet iuſtis: & quia illis aliud præcepit Deus, iſtis aliud pro temporalibus cauſis, cum eidem iuſtitiae vtrique ſeruierint; cum in vno homine, & in vno die, & in vniſ ædibus videant aliud alij membro congruere, & aliud iam dudum licuiſſe; & poſt horam non licere: quiddam in illo angulo permitti

*Leges pro
ratione
temporis
mutari
poſſe.*

aut

aut iuberi, quod in isto iustè vetetur & vindicetur. Nunquid iustitia varia est & mutabilis? Sed tempora, quibus præfidel, nō pariter eunt, tempora enim sunt. Homines autem, quorum vita super terram brevis est, quia sensu nō valent causas contexere seculorum priorum, aliarumque gentium, quas experti non sunt, cum his quas experti sunt: in vno autem corpore vel die vel domo, facile possunt videre, quid cui membro, quibus momenti, quibus partibus personæve congruat, in illis offenduntur, hic seruiunt.

4. Hæc ego tunc nesciebam, & non aduertebam; & feriebant vndique ista oculos meos, & non videbam. Et cantabam carmina, & non mihi licēbat ponere pedem quemlibet vbilibet, sed in alio atque alio metro, aliter atque aliter; & in vno aliquo versu, nō omnibus locis eundem pedem. Et ars ipsa, qua canebar, non habebat aliud alibi, sed omnia simul. Et non intuebar iustitiam, cui seruirent boni & sancti homines, longè excellentius atque sublimius habere simul omnia, quæ præcepit Deus, & nulla ex parte variari; & tamen varijs temporibus nō omnia simul, sed propria distribuentem ac præcipientem. Et reprehendebam cæcus pios patres, nō solum sicut Deus iuberet

atque

et inspiraret videntes presentibus, ve-
quoque sicut Deus reuelaret, futura
nunciantes.

CAPVT VIII.

Flagitia, quæ & quomodo punienda.

¶ VNQVVD aliquando aut alicubi,
iniustum est diligere Deum, ex to- *Dent. 6.*
corde, ex tota anima, ex tota mente; & *Mat. 22.*
diligere proximum tanquam seipsum?
que flagitia, quæ sunt contra natu-
ram, ubique ac semper detestanda at-
que punienda sunt, qualia Sodomita- *Gen. 19.*
rum fuerunt. Quæ si omnes gentes fa-
cerent, eodem criminis reatu diuina le-
gi tenerentur; quæ non sic fecit homi-
nes, ut se illo vrerentur modo. Violatur
quippe ipsa societas, quæ cum Deo no-
ta esse debet, cum eadem natura, cuius
ipse auctor est, libidinis peruersitate por-
tatur. Quæ autem contra mores homi- *Dist. 8.*
um sunt flagitia, pro morum diuersita- *c. Que*
te vitanda sunt; ut pactum inter se ciui- *contra.*
tatis aut gentis consuetudine vel lege fir-
matum, nulla ciuis aut peregrini libidine
violatur. Turpis enim omnis pars est, suo
vniuerso non congruens.

2. Cum autem Deus aliquid contra
morem aut pactum quorumlibet iubet,
& si nunquam ibi factum est, faciendum

D

est:

est: & si omissum, instaurandum: & si institutum non erat, instituendum est. Si enim regi licet in ciuitate, cui regnat, iubere aliquid, quod neq; ante illum quisquam, nec ipse vnquam iusserat, & non contra societatem ciuitatis eius obtemperatur, imò contra societatem non obtemperatur. Generale quippe pactum est societatis humanæ, obedire regibus suis; quanto magis Deo regnatori vniuersæ creaturæ suæ, ad ea quæ iusserit, sine dubitatione seruiendum est? Sicut enim in potestatibus societatis humanæ, major potestas minori ad obediendum præponitur, ita Deus omnibus. Item in facinoribus, vbi lidido est nocēdi, siue per contumeliam, siue per iniuriam; & vtrūque vel vlciscendi causa, sicut inimico inimicus; vel adipiscendi alicuius extra cōmodi, sicut larro, viatori; vel euitandi mali, sicut ei qui timetur; vel inuidendo, sicut feliciori miserior; aut in aliquo prosperatus, ei quem sibi æquari timet, aut æqualem dolet; vel sola voluptate alieni mali, sicut spectatores gladiatorum; aut irrisores, aut illusores quorumlibet. Hæc sunt capita iniquitatis, quæ pullulant principandi & spectandi & sentiendi libidine, aut vna, aut duabus earum, aut simul omnibus. Et viuatur male

male aduersus tria & septem, psalterium
decem cordarum, decalogum tuū, Deus
altissime & dulcissime. *Psalm. 32.
Exod. 10*

3. Sed quæ flagitia in te, qui non cor-
rumperis? Aut quæ aduersus te facinora,
cui noceri non potest? Sed hoc vindicas,
quod in se homines perpetrant; quia e-
tiam, cum in te peccant, impiè faciunt in
animas suas, & inentitur iniquitas sibi; *Psalm. 26.*
siue corrumpendo aut peruertendo na-
turam suam, quam tu fecisti & ordinasti;
vel immoderatè vtendo concessis rebus;
vel in non concessa flagrando in eum *Rom. 2.*
vsum, qui est contra naturam: Aut rei te-
nentur, animo, & verbis sæuientes aduer-
sus te, & aduersus stimulum calcitrantes:
Aut cum disruptis limitibus humanę so-
cietatis, lætantur audaces priuatis con- *Act. 9.*
ciliationibus aut direptionibus, prout
quidque delectauerit, aut offenderit.

4. Et ea fiunt, cum tu derelinqueris
fons vitæ, qui es vnus & verus creator &
rector vniuersitatis; & priuata super-
bia, diligitur in parte vnum falsum. Ita-
que pietate humili reditur in te, & pur-
gas nos à consuetudine mala, & propi-
cius es peccatis confitentium, & exau-
dis gemitus cōpeditorum, & soluis a vin-
culis quæ nobis fecimus: si iā non eriga-
mus aduersus te cornua falsæ libertati.

auaritia plus habendi, & damno totum
amittendi: amplius amando proprium
nostrum, quam te omnium bonum.

CAPVT IX.

*Discrimen inter peccata, & inter Dei
iudicium & hominum.*

1. **S**ED inter flagitia & facinora & tam
multas iniquitates, sunt peccata
proficientium: quæ à bene iudicantibus,
& vituperantur ex regula perfectionis, &
laudantur spe frugis, sicut herba segetis.
Et sunt quædam similia vel flagitio vel
facinori, & non sunt peccata: quia nec
te offendunt Dominum Deum nostrum,
nec sociale consortium; cùm concilian-
tur aliqua in vsum vitæ congrua tempo-
ri, & incertum est, an libidine habendi,
aut puniuntur corrigendi studio pote-
state ordinata, & incertum est, an libidi-
ne nocendi. Multa itaque facta, quæ ho-
minibus improbanda viderentur, testi-
monio tuo approbata sunt: & multa lau-
data ab hominibus, te teste damnantur:
cùm saepe se aliter habet species facti, &
aliter facientis animus, atque articulus
occulti temporis.

2. Cùm verò tu aliquid repente inusi-
tatum & improvisum imperas, etiam si
hoc aliquando vetuisti (quamuis causam
imperij

imperii tui, pro tempore occultes, & quāvis contra pactum sit aliquorum hominum societatis) quis dubitat esse faciendum, quando ea iusta est societas hominum, quę seruit tibi? Sed beati, qui te imperasse sciūt. Fiunt enim omnia a seruiētibz tibi, vel ad exhibendū quod ad pręsens opus est, vel ad futura pręnunciāda.

CAPVT X.

Rursus de ficu furto sublata, cum irrisione Manicheorum.

HÆc ego nesciens, irridebam illos sanctos seruos & prophetas tuos. Et quid augebam, cū irridebā eos, nisi vt irriderer abs te; sensim atque paulatim perductus ad eas nugas, vt crederem ficū plorare, cū decerpitur, & matrem eius arborem lachrymis lacteis? Quam tamē ficum si comedisset aliquis sanctus, alieno sanē non suo scelere decerptam, miseret visceribus, & anhelaret de illa Angelos, inò verò particulas Dei gemen- do in oratione atque ructando, quę particula summi & veri Dei ligatæ fuissent in illo pomo, nisi electi sancti dente ac ventre soluerentur. Et credidi miser, magis esse misericordiam præstandam fructibus terrę quā hominibus, propter quos nascerentur. Si quis enim

esuriens peteret, qui Manichæus non esset, quasi capitali supplicio dānanda buccella videretur, si ei daretur.

CAPVT XI

Somnium matris de filio.

ET misisti manum tuam ex alto, & de hac profunda caligine eruisti animam meam; cū pro me fletet ad te mater mea fidelis tua, amplius quā flēt matres corporea funera. Videbat enim illa mortem meam ex fide & spiritu, quem ex te habebat, & exaudisti eam Domine. Exaudisti eam, nec despexisti lachrymas eius, cū profluentes rigarent terram sub oculis eius, in omni loco orationis eius, & exaudisti eam. Nam vnde illud somnium, quo eam consolatus es, vt viuere me secum crederet, & habere secum eandem mensam in domo, quod nolle cōperat, auersans & detestans blasphemias erroris mei? Vidit enim stantem se in quadam regula lignea, & aduenientem ad se iuuenem splendidum, hilarem atque arridentem sibi, cū illa esset mœrens, & mœrare confecta. Qui cū causas quæssisset ab ea mœstitiæ suæ, quotidianarumque lachrymarum, (docendi vt assolet, non discendi gratia): atque illa respondisset

perdi.

perditionem meam se plangere, iussisse illum, quod secura esset, atque admonuisse, ut attenderet & videret; ubi esset illa, ibi esse & me. Quod illa ubi attendit, vidit me iuxta se in eadem regula stantem. Vnde hoc, nisi quia erant aures tuæ ad cor eius?

2. O tu bone omnipotens; qui sic caras vnumquemque nostrum, tanquam solum cures; & sic omnes, tanquam singulos. Vnde illud etiam, quod cum mihi narrasset ipsum visum, & ego ad id trahere conarer, ut illa se potius non desperaret futuram esse, quod eram: continuo sine aliqua hæsitatione, Non, inquit; non enim mihi dictum est, Vbi ille, ibi & tu: sed, Vbi tu, ibi & ille. Confiteor tibi Domine recordationem meam, quantum recolo, (quod sæpe non tacui) amplius me isto per matrem vigilantem responso tuo, quod tam vicina interpretationis falsitate turbata non est? & tam cito vidit, quod videndum fuit: quod ego certè antequam dixisset, non viderā; etiam tum commotum fuissē, quā ipso somnio, quo femina pia gaudium tanto post futurum, ad consolationem tunc præsentis sollicitudinis, tanto ante prædictum est.

3. Nam nouem ferme anni secuti sunt, quibus ego in illo limo profundi ac te-

nebris falsitatis, cum saepe surgere cona-
rer, & grauius alliderer, volutatus sum:
Cum tamen illa vidua casta, pia & sobria,
quales amas, iam quidem spe alacrior, sed
fletu & gemitu non segnior, non desine-
ret horis omnibus orationum suarum de
me plangere ad te. Et intrabant in con-
spectum tuum preces eius, & me tamen
dimittebas. adhuc volui & inuolui illa
caligine.

CAPVT XII

*Quale responsum mater Augustina
accepit à quodam Episcopo, de ip-
sius conuersione.*

ET dedisti alterum responsum inte-
rim, quod recolo. Nam & multa
prætereo, propter quod propero ad ea,
quæ me magis vrgent confiteri tibi, &
multa non memini. Dedisti ergo alterum,
per sacerdotem tuum quendam episco-
pum, nutritum in ecclesia, & exercitatum
in libris tuis. Quem cum illa femina ro-
gasset, vt dignaretur mecum colloqui, &
refellere errores meos, & dedocere me
mala, ac docere bona (faciebat enim
hoc, si quos fortè idoneos inuenisset)
noluit ille, prudenter sanè, quantùm sensi
postea. Respōdit enim me adhuc esse in-
docilem, eo quòd inflatus essem nouita-

te hæresis illius; & nonnullis quæstiunculis iam multos imperitos exagitassent, sicut illa indicauerat ei. Sed sine (inquit) illum ibi tantum roga pro eo Dominum; ipse legendo reperiet, quis ille sit error, & quanta impietas.

2. Simul etiam narrauit se quoq; paruulum, à seducta matre sua, datum fuisse Manichæis, & omnes penè non legisse tantum, verum etiam scriptitasse libros eorum: sibi que apparuisse, nullo contra disputante & conuincente, quàm esset illa secta fugienda: itaque fugisse. Quæcùm ille dixisset, atque illa nollet acquiescere, sed instaret magis deprecando, & vbertim flendo; vt me videret, & mecum dissereret: ille iam sub stomachans tædio, Vade (inquit) à me, ita viuas: fieri enim non potest, vt filius istarum lachrymarum pereat. Quod illa ita se accepisse, inter colloquia sua mecum sæpe recordabatur, ac si de cælo sonuisset.

DIVI AVRELII
Augustini Confessionum:
Liber quartus.

CAPVT D

*Quam diu, & quomodo alios se-
duxerit.*

al. car-
mina.

IN Eodem tempus annorum no-
uem, ab vndeicesimo anno æta-
tis meæ, vsque ad duodetrecimum, se-
ducebamur & seducebamur, falsi atque
fallentes in variis cupiditatibus; & pa-
lam, per doctrinas, quas liberales vocāt,
occulte autem, falso nomine religionis.
Hic superbi, ibi superstitiosi, ybique va-
ni, ac popularis gloriæ sectantes inani-
tatem, vsque ad theatricos plausus, & cō-
tentiosa† certamina, & agonem coronarum
scenearum, & spectaculorum nu-
gas, & intemperantiam libidinum. Illac
autem purgari nos, ab istis sordibus ex-
perentes, cum eis, qui appellantur electi;
& sancti, afferremus escas; de quibus no-
bis in officina aqualiculi sui fabricarent,
angelos & deos, per quos liberaremur;
& se.

& sectabar ista, atque faciebā cum amicis meis, per me ac mecum deceptis.

2. Irrideant me arrogantes, & nōdum salubriter prostrati & elisi à te Deus meus; ego tamen confiteor tibi dedecora mea, in laude tua. Sine me obsecro, & da mihi circuire præsenti memoria præteritos circumitus erroris mei, & immolare tibi hostiā iubilationis. Quid enim ego sum mihi sine te, nisi dux in præceptis? Aut quid sum, cū mihi bene est, nisi surgens sacrum; aut fruens te cibo, qui nō corrumpitur? Et quis homo est quilibet homo, cū sit homo? Sed irrideant nos fortes, & potentes, nos autem infirmi & inopes, confiteamur tibi.

Psalm. 26.

CAPVT II.

Rhetoricam docet: & aruspicem, qui victoriam promittebat, contemnit.

DOCEBAM illis in annis artem rhetoricā, & victoriosam loquacitatem victus cupiditate vēdebam. Malebam tamen Domine, tu scis, bonos habere discipulos, sicut appellantur boni; & eos sine dolo, docebam dolos: non quibus contra caput innocentis age-

rent, sed aliquando pro capite nocentis. Et tu Deus vidisti de longinquo lapsantē in lubrico, & in multo fumo scintillantem fidem meam, quam exhibebam in illo magisterio diligentibus vanitatē, & quærentibus mendacium, socius eorum. In illis annis vnā habebam, non eo, quod legitimū vocatur, coniugio cognitam, sed quam indagauerat vagus ardor inops prudentiæ: Sed vnā tamen, ei quoque seruans thori fidem: in qua sane expirerem exēplo meo, quid distaret inter coniugalis placiti modum, quod fœderatum esset generandi gratia; & pactum libidinosi amoris, vbi proles etiam contra votum nascitur, quamuis iam nata cogat se diligi.

2. Recoło etiam, cū mihi theatrici carminis certamen inire placuisset, mādasse mihi nescio quem aruspice, quid ei dare mercedis vellem, vt vincerem: me autem fœda illa sacramenta detestatum, & abominatum respondi: nec si corona illa esset immortaliter aurea, muscari pro victoria necari me sinere. Necaturus enim erat ille in sacrificiis suis animantia, & illis honoribus inuitaturus mihi suffragatura dæmonia videbatur. Sed hoc quoque malum, non ex tua castitate repudiaui, Deus cordis mei.

Non

Non enim amare te noueram, qui nisi fulgores corporeos cogitare non noueram. Talibus enim figmentis suspirans anima, nōne fornicatur abs te, & fidit in falsis, & pascit ventos? Sed videlicet sacrificari pro me nollem demonibus, quibus me illa superstitione ipse sacrificabam. Quid est enim aliud ventos pascere, quàm ipsos pascere; hoc est errando eis esse voluptati atque derisui?

Psal. 71.

Ose. 13.

CAPVT. III.

*Astrologia deditus, à sene medicina
& rerum perita renocatur.*

I Deo illos planetarios, quos mathematicos vocant, planè consulere non desistebam, quod quasi eis nullum esset sacrificium, & nullæ preces ad aliquem spiritum, ob diuinationem dirigerentur; quod tamen christiana & vera pietas, cōsequenter repellit & damnat. Bonum est enim confiteri tibi domine, & dicere: Miserere mei, ora animam meam, quoniam peccaui tibi. Neque ad licentiam peccandi abuti indulgentia tua, sed meminisse dominicæ vocis: Ecce sanus factus es, iam noli peccare, ne quid tibi deterius contingat. Quam totam illi salubritatem interficere conantur, cum dicunt: De cœlo tibi est inuitabilis causa

Psal. 91.
Psal. 40.
Ioan. 5.

peccatis

*Matt. 16.**Psal. 50.*

pectandi; & Venus hoc fecit, aut Saturnus, aut Mars: scilicet, vt homo sine culpa sit caro, & sanguis, & superba putredo: culpandus sit autem cœli ac syderum creator & ordinator. Et quis est hic, nisi Deus noster, suauitas & origo iustitiæ, qui reddes unicuique secundum opera eius, & cor contritum & humiliatum non spernis?

*Ioc. 4. c.**1. P. 5.*

2. Erat eo tempore vir sagax, medicinarum artis peritissimus, atque in ea nobilissimus; qui proconsul, è manu sua coronam illam agonisticam imposuerat non sano capiti meo, sed non vt medicus. Nam illius morbi tu sanator, qui resistis superbis, humilibus autem das gratiam. Nunquid tamen etiam per illum senem defuisti mihi, aut destitisti mederi animæ meæ? Quia enim factus ei eram familiarior, & eius sermonibus, (erant enim sine verborum cultu viuacitate sententiarum iocundi & graues) assiduus & fixus inhaerebam. Vbi cognouit ex colloquio meo, libris genethlyacorum esse me deditum, benignè & paternè monuit, vt eos abijcerem; neque curam & operam rebus vtilibus necessariam, illi vanitati frustra impenderem: dicēs. ita se illa didicisse, vt victui suo eius professio- nem primis annis ætatis suæ deferre vo- luisset, qua vitā degeret, & si Hippocra-

tem

tem intellexisset, & illas utique literas potuisset intelligere; & tamen non ob alium causam se postea illis relictis medicinam assecutū, nisi quod eas falsissimas cōperisset, & nollet vir grauis decipien-
dis hominibus victū quærere. At tu, inquit, quo te in hominibus sustentas; rhetoricam tenes; hanc autem fallaciā libero studio, nō necessitate rei familiaris sectaris; quo magis mihi te oportet de illa credere, qui eam tā perfectē discere elaborauī, quā ex ea sola viuere volui.

3. A quo ego cum quæsissem, quæ ergo causa faceret, ut multa inde vera prominciarentur! Respondit ille, ut potuit, vim sortis hoc facere in rerum natura vsque-
quaq; diffusam. Si enim de paginis poëte cuiuspiam longē aliud canētis, atque intendentis, cum sortē quis consuluit, mirabiliter consonus negotio sæpe versus exiret; mirandum non esse dicebat, si ex anima humana, superiore aliquo instinctu, nesciente quid in se fieret, non arte, sed sorte sonaret aliquid, quod interrogantis rebus factisq; cōcineret: Et hoc, quidem ab illo vel per illum procurasti mihi, & quid ipse postea per me ipsum quærerem, in memoria mea delineasti. Tunc autem nec ipse, nec charissimus meus Nebridius, adolescens valde bonus:

& valde catus, irridens totum illud diuinationis genus, persuadere mihi potuerunt, vt hac abijcerem; quoniam me amplius ipsorum autorum mouebat auctoritas; & nullum certum, quale quærebam, documentum adhuc inuenera; quo mihi sine ambiguitate appareret, quæ ab eis consultis vera diceretur, forte vel forte non arte inspectorum syderum dici.

CAPVT IIII.

Morbum & baptismum amici narrat, quem etiam suis erroribus inuoluerat; eoque, morte sublato, dolet grauissimè.

I N illis annis, quo primum tempore in municipio, quo natus sum, docere cœperam, comparaueram amicū societate studiorum nimis charū, coarum mihi, & conflorentem flore adolescētia. Mecum puer creuerat, & pariter in scholam ieramus, pariterque luseramus. Sed nondum sic erat amicus, quanquam ne tunc quidē, sicuti est, vera amicitia; quia non est vera, nisi cum eam tu agglutinas inter inhærentes tibi charitate, diffusa in cordibus nostris, per spiritum sanctū, qui datus est nobis. Sed tamen dulcis erat nimis,* cocta feruore parilium studiorum. Nam & à fide vera, quam non germani-

tus

Rem. 5.

al. co-
acta.

tus & penitus adolescens tenebat, deflexeram eum in superstitiosas fabellas & perniciosas, propter quas plangebat me mater. Mecum iam errabat in animo homo ille, & non poterat anima mea sine illo. Et ecce tu, imminens dorso fugitivorum tuorum, Deus ultionum & fons

Psal. 93.

2. Quis laudes tuas enumerat, vnus in se vno, quas expertus est? Quid tunc fecisti Deus meus, & quam inuestigabilis abyssus iudiciorum tuorum? Cum enim laboraret ille febribus, iacuit diu sine sensu in sudore letali. Et cum desperaretur, baptizatus est nesciens, me non curante; & præsumente id retinere potius animam eius, quod à me acceperat, non quod in nescientis corpore fiebat. Longe autem aliter erat, nam recreatus est, & saluus factus. Statimque vt primum cum eo loqui potui, (potui autem innox, vt ille potuit; quoniam non discedebam, & nimis pendebamus ex inuicem) tentavi apud illum irridere, tanquam & illo irrifuro mecum baptismum, quem acceperat, mente atque sensu absentissimus, sed ta-

*Mirabilis
efficacia
sacramenti
baptismi*

men.

men iam se accepisse didicerat. At ille ita me exhorruit, vt inimicum; admonuitque mirabili & repentina libertate, vt si amicus esse vellem; talia sibi dicere desinerem.

3. Ego autem stupefactus atque turbatus, distuli omnes motus meos, vt conualesceret prius, essetque idoneus viribus valetudinis, cū quo agere possem, quod vellem. Sed ille abreptus demētiā mea, vt apud te seruaretur consolationi mea, post paucos dies me absente, repetitur febribus, & defungitur. Quo dolore contenebratum est cor meum; & quicquid aspiciebam, mors erat. Et erat mihi patria supplicium, & paterna domus mira infelicitas; & quicquid eum illo communicaueram, sine illo in cruciatum immanem verterat. Expetebant eum vndique oculi mei, & non dabatur mihi; & oderam omnia, quia non haberent eum. Nec mihi iam dicere poterant; Ecce veniet; sicut cum viueret, quando absens erat. Et factus eram ipse mihi magna quæstio; & interrogabam animam meā, quare tristis esset, & quare conturbaret me valde; & nihil nouerat respondere mihi. Et si dicebam: Spera in Deū, iuste non obtemperabat; quia verior erat & melior homo, quem charissimum amiserat.

Psalm. 41.

serat, quàm phantasma, in quod sperare iubebatur. Solus fletus erat dulcis mihi, & successerat amico meo in delicijs animi mei.

CAPVT V.

*Lachryma in precibus & dolore rei
chara amissa.*

ET nunc domine iam illa transierunt, & tempore lenitum est vulnus meum. Possum ne audire abs te, qui veritas es; & adinouere aurem cordis mei ori tuo, vt dicas mihi, cur fletus dulcis sit miseris? An tu, quamuis vbique adsis, longe abiecisti à te miseriam nostram? Et tu in te manes, nos autem in experientis volumus. Et tamen, nisi ad aures tuas plorarem, nihil residui de spe nostra fieret. Vnde igitur suavis fructus de amaritudine vitæ carpitur, gemere & flere, & suspirare & conqueri? An hoc ibi dulce est, quod speramus exaudire te? Rectè istud in precibus, quia desiderium perueniendi habent. Nunquid in dolore amissæ rei & luctu, quo tunc operiebar? Neque enim sperabam reuiuiscere illū, aut hoc petebam lachrymis, sed tantum dolēbam & flebam. Miser enim eram, & amiseram gaudium meum. An & fletus res amara est, & præ fastidio rerum, quibus prius

prius fruebamur, & tunc dum ab eis abhorremus, delectat?

CAPVT VI.

Explicat magnum affectum, quo diligebat amicum.

QUID autē ista loquor? Non enim tempus quærēdi nunc est, sed confitendi tibi. Miser eram, & miser est omnis animus vinctus amicitia rerum mortalium; & dilaniatur, cum eas amittit; & tunc sentit miseriam, qua miser est, & antequam amittat eas. Sic ego t̄eram illo tempore, & flebā amarissimē, & requiescebam in amaritudine. Ita miser eram, & habebam chariorem illo amico meo vitam ipsam miseram. Nam quāuis eam mutare vellem, nollem tantē amittere magis quā illū. Et nescio, an vellem vel pro illo; sicut de Oreste & Pylade traditur, si non fingitur; qui vellent pro inuicē vel simul mori, quia morte peius eis erat non simul viuere. Sed in me nescio quis affectus nimis huic contrarius ortus erat; & tedium viuendi erat in me grauissimum, & moriendi metus Credō, quo magis illum amabā, eō magis mortem, quā mihi illum abstulerat, tāquam atrocissimam inimicam oderam & timebam; & eam repentē consumpturam
omnes

omnes homines putabam, quia illū potuit. Sic eram omnino, memini.

2. Ecce cor meum Deus meus; ecce intus vide, quia memini spes mea, qui me mundas à talium affectionum immundicia; dirigens oculos meos ad te, & euellens de laqueo pedes meos. Mirabar enim ceteros mortales viuere, quia ille, quem quasi non moriturum dilexeram, mortuus erat; & me magis; quia illi alter eram, viuere illo mortuo mirabar. Bene quidam dixit de amico suo; Dimidium animæ meæ. Nam ego sensi animam meam & animam illius, vnā fuisse animam in duobus corporibus; & ideo mihi horrierat vita, quia nolebam dimidius viuere. Et ideo fortè mori metuebam, ne totus ille moreretur, quem multum amaueram.

*Retraha-
tur istud
D. Au-
gustinus.
lib 2 Re-
tract. c. 6.*

CAPVT VII.

Impatientia doloris mutat locum.

1. **O** Dementiam, nescientem diligere homines humaniter; O stultum hominem, immoderatè humana patientem, quod ego tunc eram. Itaque aestuabam, suspirabam, flebam, turbabar; nec requies erat, nec consilium. Portabam enim conscissam & cruentam animam meam, impatientem portari à me; & vici-
cam

eam ponerem, non inueniebam: Non in amœnis nemoribus; non in ludis atque cantibus; nec in suaue olentibus locis; nec in conuiujs apparatis; neque in voluptate cubilis & lecti; non denique in libris atque carminibus acquiescebat. Horrebât omnia, & ipsa lux; & quicquid non erat, quod ille erat, improbum & odiosum erat; præter gemitû & lachrymas. Nam in eis solis aliquâtula requies.

2. Vbi autem inde auferebatur anima mea, onerabat me grandis sarcina miseriæ, quæ à te domine leuanda erat & curanda. Sciebam, sed nec volebam, nec valebam, eo magis, quia non mihi eras aliquid solidum & firmum, cum de te cogitabam. Non enim tu eras, sed vanû phantasma & error meus, erat Deus meus. Si conabar eam ibi ponere, vt requiesceret, per inane labebatur, & iterû ruebat super me; & ego mihi remâseram infelix locus, vbi nec esse possem; nec inde recedere. Quo enim cor meum fugeret à corde meo? Quod à meipso fugerem? Quod me non sequeretur? Et tamen fugi de patria. Minus enim cum querebant oculi mei, vbi videre non solébant; atque à Tagastensi oppido veni Carthaginem.

CAPVT VIII.

Tempus dolori medetur.

1. **N**ON vacant tempora, nec ociosè
 voluuntur, per sensus nostros, fa-
 ciunt in animo mira opera. Ecce venie-
 bant & præteribant de die in diem, & ve-
 niendo & prætereundo inferebant mi- * aliæ
 hi species alias, & alias memorias; & pau- infere-
 latim refarciebant me, pristinis generi- bant.
 bus delectationum, quibus cedebat do-
 lor meus ille; sed succedebant non quidē
 dolores alij, causæ tamen aliorum dolo-
 rum. Nam vnde me facillime & in inti-
 ma dolor ille penetrauerat; nisi quia fu-
 deram in arenam animam meam, dili-
 gendo moriturum, ac si nō moriturum?
 Maximè quippe me reparabant atque
 recreabant aliorum amicorum solatia,
 cum quibus amabam, quod pro te non
 amabam; & hoc erat ingens fabula &
 longum mendacium; cuius adulterina
 confricatione, corrumpebatur mens no-
 stra, pruriens in auribus.

2. Sed illa mihi fabula nō moriebatur,
 si quis amicorum meorum moreretur.
 Alia erant, quæ in eis amplius capiebant
 animum, colloqui, & corridere, & vicif-
 sim beneuole obsequi; simul legere li-
 bros dulciloquos, simul nugari, & simul
 hono-

honestari; dissentire interdum sine odio, tanquam ipse homo secum; atque ipsa rarissima dissensione condire consensiones plurimas, docere aliquid inuicem, aut discere aliquid ab inuicem; desiderare absentes cum molestia, suscipere venientes cum lætitia. His atque huiusmodi signis, à corde amantium & redamantium procedentibus per os, per linguam, per oculos; & per mille motus gratissimos, quasi fomitibus animos conflare, & ex pluribus vnum facere.

CAPVT IX.

Humana amicitia cum diuina comparatio.

HOC est, quod diligitur in amicis; & sic diligitur, vt rea sit sibi humana conscientia, si non amauerit redamantem, aut si amantem non redamauerit; nihil quareus ex eius corpore, præter indicia beneuolentiæ. Hinc ille luctus, si quis moriatur, & tenebræ dolorū, & versa dulcedine in amaritudinem cor madidum; & ex amissa vita morientium, mors viuentium Beatus, qui amat te, & amicum in te, & inimicum propter te. Solus enim nullum charum amittit, cui omnes in illo chari sunt, qui non amittitur. Et quis est iste, nisi Deus noster; Deus,

Deus, qui fecit celum & terram, & implet ea; quia implendo ea, fecit ea? Te nemo amittit, nisi qui dimittit. Et qui dimittit, quo it, aut quò fugit, nisi à te placido ad te iratum? Nam vbi non inuenit legem tuam in pœna sua? Et lex tua veritas, & veritas tu.

Psa. 118:

Iean. 14.

CAPVT X.

Omnis pulchritudo ex Deo est, qui & in omnibus laudandus.

I. **D**EVS virtutum conuertere nos, & ostende faciem tuam & salui erimus. Nā quaquaversum se verterit anima hominis, ad dolores figitur alibi, præterquam in te: tametsi figitur in pulchris extra te, & extra se. Quæ tamē nulla essent, nisi essent abs te, quæ oriuntur & occidunt; & oriēdo quasi esse incipiunt, & crescunt, vt perficiantur, & perfecta senescunt & intereūt: etenim omnia senescunt & omnia intereunt. Ergo cū oriuntur & tendunt esse, quò magis celeriter crescūt vt sint, eo magis festinant, vt non sint. Sic est modus eorum. Tantum dediisti eis, quia partes sunt rerum, quæ non sunt omnes simul; sed decedendo ac succedendo agunt omnes vniuersum, cuius partes sunt. Ecce sic peragitur, & sermo noster per signa sonantia. Non enim erit

Psa 70.

E

totus

totus sermo, si vnum verbum non dece-
dat, cum sonuerit partes suas, vt succedat
aliud.

2. Laudet te ex illis anima mea; Deus
creator omnium; sed non eis infigatur
glutine amoris, per sensus corporis. Eunt
enim, quò ibant, vt non sint, & conscin-
dunt eam desideriis pestilentiosis; quo-
niam ipsa esse vult, & requiescere amat
in eis, quæ amat. In illis autem non est
vbi, quia non stant, fugiunt: & quis ea se-
quitur sensu carnis, aut quis ea compre-
hendit, vel cum præsto sunt? Tardus est
enim sensus carnis, quoniam sensus car-
nis est, & ipse est modus eius. Sufficit ad
aliud, ad quod factus est, ad illud autem
non sufficit, vt teneat transcurentia ab
initio debito, vsque ad finem debitum. In
verbo enim tuo, per quod creantur, ibi
audiunt, hinc & hucusque.

C A P V T X I

*Omnia creata sunt mutabilia in se, in
Deo stabilia.*

1. **N**OLI esse vana anima mea, &
obsurdescere in aure cordis, tu-
multu vanitatis tuæ. Audi & tu: Verbum
ipsum clamat, vt redeas; & ibi est locus
quietis unperturbabilis, vbi non descri-
tur

tur amor, si ipse non deferat. Ecce illa discedunt, vt alia succedant, & omnibus suis partibus constet infima vniuersitas. Nūquid ego aliquò discedo, ait verbum Dei? Ibi fige mansionem tuam; ibi commenda, quicquid inde habes anima mea, saltem fatigata fallaciis. Veritati commenda, quicquid tibi est à veritate, & nō perdes aliquid; & reflorescent putrida tua, & sanabuntur omnes languores tui, & fluxa tua reformabuntur, & renouabuntur, & constringentur ad te; & non te deponent, quò † discedunt, sed stabunt tecum, & permanebunt ad semper stantem ac permanentem Deum.

al. discedunt.

2. Vt quid peruersa sequeris carnem tuam? Ipsa te sequatur conuersa. Quicquid per illam sentis, in parte est; & ignoras totum, cuius hæ partes sunt, & delectat te tamen. Sed si ad totum comprehendendum, esset idoneus sensus carnis tuæ, ac non & ipse in parte vniuersi accepisset pro pœna tua iustum modum; velles, vt transiret, quicquid existit in præfenti, vt magis tibi omnia placerent. Nā, & quod loquimur, per eundem sensum carnis audis, & non vis vtique stare syllabas, sed transuolare, vt aliæ veniant; & totum audias. Ita semper sunt omnia, quibus vnum aliquid constat; & non si-

mul sunt omnia ea, quibus constat. Plus delectant omnia quàm singula, si possint sentiri omnia. Sed longe his melior, qui fecit omnia, & ipse est Deus noster: & nō discedit, quia nec succeditur ei. Si placēt corpora, Deum ex illis lauda, & in artificem eorum retorque amorem: ne in his, quæ tibi placent, tu displiceas.

CAP V T XII.

*Amor non improbatur, modo in his
quæ placent, amemus Deum.*

1. **S**I placent animæ, in Deo amentur: quia & ipsæ mutabiles sunt, & in illo fixæ stabiliuntur; alioquin irent, & perirent. In illo ergo amentur: & rape ad eum tecum, quas potes, & dic eis: Hunc amemus, hunc amemus: ipse fecit hæc, & non est lōge. Nō enim fecit, atque abiit, sed ex illo in illo sunt. Ecce, vbi est, vbi sapit veritas. Intimus cordi est, sed cor errauit ab eo. Redite prauaricatores ad cor, & inhærete illi, qui fecit vos. State cum eo, & stabitis. Requiescite in eo, & quieti eritis. Quò itis in aspera? quò itis? Bonum, quod amatis, ab illo est: sed quantum est ad illum, bonum est & suaue. Sed amarum erit iustè, quia iniustè amatur, deserto

deferto illo, quicquid ab illo est.

2. Quò vobis adhuc & adhuc, ambulare vias difficiles & laboriosas? Non est requies, vbi quæritis eam. Quærite, quod quæritis: sed ibi nō est, vbi quæritis. Beatam vitam quæritis in regione mortis, non est illic. Quomodo enim beata vita, vbi nec vita? Et descendit huc ipsa vita nostra, & tulit mortem nostram, & occidit eam de abundantia vite suæ; & tonuit clamans, vt redeamus hinc ad eum in illud secretum, vnde processit ad nos; veniens in ipsum primum virginalem vterum, vbi ei nupsit humana creatura, caro mortalis, nec semper mortalis; & inde, velut sponsus procedens de thalamo suo, exultauit vt gigas, ad currendam viam. Non enim tardauit, sed cucurrit, clamans dictis, factis, morte, vita, descensu, ascensu: clamans, vt redeamus ad eum. Et discessit ab oculis, vt redeamus ad cor, & inueniamus eum.

Psal. 32^o

3. Abscessit enim, & ecce hic est. Noluit nobiscum diu esse, & non reliquit nos. Illuc enim abscessit, vnde nunquam recessit, quia mundus per eum factus est; & in hoc mundo erat, & venit in hunc mundum peccatores saluos facere; cui confiteretur anima mea, vt sanet eā, quia peccauit illi. Filii hominum, vsquequo

Ioan. 1.

1. Tim. 1.

Psal. 4.

Psal. 72.

graues corde? Nunquid & post descensum vitæ, non vultis ascendere & vivere? Sed quò ascendistis, quando in alto estis, & posuistis in cælum os vestrum? Descendite, vt ascendatis, & ascendatis ad Deum. Cecidistis enim, ascendendo contra eum. Dicceis ista, vt plorent in conualle plorationis, & sic eos rape teoū ad Deum; quia de spiritu eius hæc dicis eis, si dicis ardens igne charitatis.

CAPVT XIII.

Amor unde proveniat.

HÆc tunc non noueram, & amabam pulchra inferiora, & ibam in profundum, & dicebam amicis meis: Nūc amamus aliquid, nisi pulchrum? Quid est enim pulchrum? & quid est pulchritudo? Quid est, quod nos allicit, & conciliat rebus, quas amamus? Nisi enim esset in eis decus & species, nullo modo nos ad se mouerent. Et animaduvertebam & videbam in ipsis corporibus aliud esse quasi totum, & ideo pulchrum: aliud autem, quod ideo deceret, quoniam aptè accommodaretur alicui; sicut pars corporis, ad vniuersum suum; aut calciamentum, ad pedem, & similia. Et ista consideratio

ratio scaturiuit in animo meo ex intimo corde meo; & scripsi libros de pulchro & apto, puto duos aut tres. Tu scis Deus: nam excidit mihi. Non enim habemus cos, sed aberrauerunt à nobis, nescio quomodo.

CAPVT XIII.

Liber de apto & pulchro.

I. **Q**UID est autem, quod me mouit Domine Deus meus, vt ad Icherium Romanæ vrbis oratorem, scriberem illos libros; quem non noueram facie, sed amaueram hominem ex doctrinæ fama, quæ illi clara erat; & quædam verba eius audieram, & placuerat mihi? Sed magis, quia placebant aliis, & efferebant eum laudibus, stupentes quod ex homine Syro, docto prius græcæ facōdiæ, post in latina etiam doctor mirabilis extitisset, & esset scientissimus rerum, ad studium sapientiæ pertinentium, mihi placebat. Laudatur homo, & amatur absens. Vtrum nam ab ore laudantis, intrat in cor audiētis amor ille? Absit. Sed ex amāte alio, accenditur alius. Hinc enim amatur, qui laudatur; dum non fallaci corde laudatoris prædicari creditur, id est, cum amans eum laudat. Sic enim tūc amabam homines, ex hominum iudicio;

Non enim ex tua Deus meus, in quo nemo fallitur. Sed tamē, cur nō sicut auriga nobilis, sicut venator, studiis popularibus diffamar²; sed longe aliter & graviter, & ita quēadmodū & me laudari vellem.

2. Non autem vellem ita laudari & amari me, ut histriones, quanquam eos & ipse laudarem & amarem; sed eligens latere, quā ita notus esse; & vel haberi odio, quā sic amari. Vbi distribuuntur ista pondera variorum & diversorum amorum in animā vna? Quid est, quod amo in alio? Quod rursus nisi odiscim, non a me detestaretur & repellerem, cū sit vterque nostrum homo? Non enim, sicut equus bonus, amatur ab eo, qui nōlet hoc esse, etiam si posset; hoc & de histrione dicendum est, qui naturā nostrā socius est. Ergo ne amo in homine, quod odi esse, cū sim homo? Grande profundum est ipse homo; cuius etiam capillos tu Domine numeratos habes, & non minuuntur in te: & tamen capilli eius magis numerabiles sunt, quā affectus eius, & motus cordis eius.

3. At ille rhetor ex eo erat genere, quē sic amabam, ut vellē me esse talem: & exrabam typho, & circumferebar omni vōto, & nimis occultē gubernabar abs te. Et vnde scio, & vnde certus confiteor tibi, quod.

quod illū in amore laudantium magis amauerā, quā in rebus ipsis, de quibus laudabatur? Quia si non laudatum vituperarent eum, iidem ipsi, & vituperando atque spernendo ea ipsa narrarent, non accenderer in eū, & non excitarer. Et certē res nō alienæ forēt, nec homo ipse alius, sed tantummodo affectus alius narrantium. Ecce, vbi jacet anima infirma, nondum hærens soliditati veritatis. Sicut aure linguarum flauerint a pectoribus opinantium, ita fertur & vertitur, torquetur ac retorquetur, & obnubilatur ei lumen, & non cernitur veritas. Et ecce est ante nos. Et magnum quiddam mihi erat, si sermo meus & studia mea illi vito inaccesserēt. Quæ si probaret, flagrantem magis: si autem improbarer, sauciaretur cor vanum & inane soliditatis tuæ. Et tamen pulchrum illud atque aptum, vnde ad eū scripseram, libenter animo versabam, modos contemplationis meæ, & nullo collaudatore mirabar.

CAPVT XV.

Quod corporalibus imaginibus, con-
tinebatur, non potuit capere spi-
ritualia.

x. **S**ED tantę rei cardinem in arte tua
non dum videbam omnipotēs, qui

E s

facis

facis mirabilia solus; & ibat animus meus
 per formas corporeas, & pulchrū, quod
 per seipsum; aptū autē, quod ad aliquid
 accommodatū deceret, definiebā & distin-
 guebā, & exēplis corporeis astringebam. Et
 conuerti me ad animi naturam; & nō me
 sinebat falsa opinio, quā de spiritalibus
 habebam, verum cernere. Et irruebat in
 oculos meos ipsa vis veri; & auertebam
 palpitantē mentem ab incorporea re, ad
 liniamenta, & colores, & rumentes ma-
 gnitudines. Et quia non poterā ea videre
 in animo, putabam me non posse videre
 animum meum. Et cū in virtute pacem
 amarem, in vitiositate autem odissem
 discordiam: in illa vnitatem, in ista quā-
 dam diuisionem notabam. Inque illā va-
 rietate mens rationalis, & natura verita-
 tis ac summi boni, mihi esse videbatur. In
 ista verò diuisione irrationalis vitæ, ne-
 scio quā substantiam & naturam summi
 mali, quæ non solum esset substantia, sed
 omnino vita esset; & tamen abs te non ef-
 fet Deus meus, ex quo sunt omnia, miser
 opinabar. Et tamen illam monadem ap-
 pellabam, tanquam sine vilo sexu mentis;
 hanc verò dyaden, iram in facinoribus,
 libidinem in flagitiis, nesciens quid lo-
 querer.

2. Non enim noueram neque didice-
 ram.

Brava,
 dyas.

ram, nec vilam substantiam malum esse,
 nec ipsam mentem nostram summum
 atque incommutabile bonū. Sicut enim
 facinora sunt, si vitiosus est illē animi
 motus, in quo est impetus, & se iactat in-
 solenter ac turbidē, & flagitia, si est im-
 moderata illā animæ affectio, qua car-
 nales hauriuntur voluptates: ita errores
 & falsę opiniones vitam contaminant;
 si rationalis mens ipsa vitiosa est: qualis
 in me tunc erat, nesciente alio lumine il-
 lam illustrandam esse, vt sit particeps ve-
 ritatis, quia non est ipsa natura veritatis.
 Quoniam tu illuminabis lucernā meā;
 Domine Deus meus, illuminabis tene-
 bras meas; & de plenitudine tua, nos om-
 nes accepimus. Es enim tu lumen verum;
 quod illuminat omnem hominem vo-
 nientem in hunc mundum; quia in te nō
 est transmutatio; nec momenti obum-
 bratio. Sed ego conabar ad te, & repelle-
 bar abs te, vt sciperem mortem, quoniam
 superbis resistis.

Psa. 138.

Ioan. 1.

1. Pet. 5.

3. Quid autem superbius, quam vt as-
 seretem mira dementia, me id esse natu-
 raliter, quod tu es? Cū enim ego essem
 mutabilis, & eo mihi manifestum esset;
 quod ideo vtique sapiens esse cupiebam;
 vt ex deteriore melior fierē; malebā tamē
 etiā te opinari mutabilē, quā me noui

hoc esse, quod tu es. Itaque repellebar, & resistebas ventosæ ceruici meæ, & imaginabar formas corporeas, & caro carnem aceusabam, & spiritus ambulans nondum reuertebat ad te; & ambulando ambulabam in ea, quæ non sunt, neque in te, neque in me, neque in corpore. Neque mihi creabantur a veritate tua, sed a meæ vanitate fingeantur ex corpore; & dicebam paruulis fidelibus tuis ciuibus meis, à quibus nesciens exulabam. Dicebam illis garrulus, & ineptus: Cur ergo errat anima, quæ fecit Deus? Et mihi nolebam dici, cur ergo errat Deus? Et cōtēdebam magis incommutabilem tuam substantiam coactā errare, quā meā mutabilem spōtē deuiasse, & penē errare confitebar.

4. Et etiam ætate annorum fortasse viginti sex aut septem, cū illa volumina scripsi; voluens apud me corporea figmenta, obstrepentia cordis mei auribus, quas intendebar, ô dulcis veritas in interiorē melodiam tuam, cogitans de pulchro & apto, & stare cupiens & audire te, & gaudio gaudere propter vocem sponsi, & non poterā: quia vocibus erroris mei rapiebar foras, & pōdere superbię meæ in ima decidebam. Non enim dabas auditui meo gaudiū & lētitiam, aut exultabant ossa, quæ humiliata non erant.

CAPV T

CAPVT XVI.

Prædicamenta per se intellexit.

ET quid mihi proderat, quod annos natus fermè viginti, cum in manus meas venissent Aristotelica quædam, quas appellant decem categorias (quarum nomine cum eas rhetor Carthaginensis magister meus buccis typho crepantibus commemoraret, & alij qui docti habebantur) tanquam in nescio quid magnum & diuinum suspensus inhiabam? legi eas solus, & intellexi. Quas cum contulisset cum eis, qui se dicebāt vix eas magistris eruditissimis, non loquentibus tantum, sed multa in pulvere depingentibus intellexisse; nihil inde aliud mihi dicere potuerūt, quàm ego solus apud meipsum legens cognoueram. Et satis aperte mihi videbantur loquētes de substantijs, sicuti est homo; & quæ in illis essent, sicuti est figura hominis; qualis sit & statura, quot pedū sit; & cognatio, cuius frater sit; aut vbi sit constitutus; aut quādo natus, aut ster, aut sedeat, aut caleceatus vel armatus sit; aut aliquid faciat, aut patiatur aliquid, & quæcunque in his nouem generibus, quorum exempli gratia quædam posui; vel in ipso

substan-

substantiæ genere innumerabilia reperiuntur.

2. Quid hoc mihi proderat, quando & oberat; cum etiam te Deus meus mirabiliter simplicem atque incommutabilem, illis decem prædicamentis putans, quicquid esset, omnino comprehensum, sic intelligere conarer: quasi & tu subiectus esses magnitudini tuæ aut pulchritudini, ut illa essent in te quasi in subiecto, sicut in corpore: cum tua magnitudo & tua pulchritudo, tu ipse sis: corpus autem non eo sit magnum & pulchrum, quo corpus est: quia & si minus magnum & minus pulchrū esset, nihilominus corpus esset. Falsitas enim erat, quam de te cogitabā, non veritas, & figmenta miseriæ meæ, non firmamenta beatitudinis tuæ. Iusseras enim, & ita fiebat in me, ut terra spinas & tribulos pareret mihi, & cum labore peruenirem ad panem meum.

3. Et quid mihi proderat, quod omnes libros artium, quas liberales vocant, tunc nequissimus malarum cupiditatum servus, per me ipsum legi, & intellexi, quoscunque legere potui? Et gaudebā in eis, & nesciebam unde esset, quicquid ibi verum & certū esset. Dorsum enim habebā ad lumen, & ad ea quæ illuminantur facie: unde ipsa facies mea, quæ illuminata cernebam,

cernebam, non illuminabatur. Quicquid de arte loquendi & differendi, quicquid de dimensionibus figurarum, & de musicis, & de numeris, sine magna difficultate, nullo hominum tradente intellexi, scis tu domine Deus meus; quia & celeritas intelligendi, & disputandi acumen; donum tuum est; sed nō inde sacrificabam tibi. Itaque mihi non ad vsum, sed ad perniciem magis valebat; quia tam bonā partem substantiæ meæ, satēgi habere in potestate; & fortitudinē meam nō ad te custodiebam; sed profectus sum abs te in longinquam regionem, vt eam disciparem in meretricias cupiditates. Nam, quid mihi proderat bonæ res, non vrenti bene? Non enim sentiebam illas artes, etiam ab studiosis & ingeniosis difficillime intelligi, nisi cum eis easdem conabar exponere; & erat ille excellentissimus in eis, qui me exponentem non tardius sequeretur.

4. Sed quid ergo mihi hoc proderat, putanti quod tu domine Deus meus veritas, corpus es les lucidum & immensum, & ego frustum de illo corpore? Nimia perversitas. Sed sic eram. Nec erubescō De is meus cōfiteri tibi in me misericordias tuas, & inuocare te; qui non erubui tunc profiteri hominibus blasphemias

meas.

psa. 32.
Lma 256

meas, & latrare aduersum te. Quid ergo mihi tunc proderat ingenium per illas doctrinas agile, & nullo adminiculo humani magisterii, tot nodosissimi libri enodati, cum deformiter & sacrilega turpitudine in doctrina pietatis errarem? Aut quid tātum oberat paruulis tuis longè tardius ingenium, cum à te lōgè non recederent; vt in nido ecclesiæ tuæ tuti plumescerent, & alas charitatis alimēto sanę fidei nutrent?

Psal. 62.

§. O Domine Deus noster, in velamento alarum tuarum speremus; & protege

Esa. 46.

nos, & porta nos. Tu portabis & paruulos, & vsq; ad canos tu portabis: quoniam infirmitas nostra, quando tu es, tunc est firmitas: cum autem nostra est, infirmitas est. Viuit apud te semper bonum nostrum; & quia inde auersi sumus, peruersi sumus. Reuertamur iam domine, vt non euertamur: quia viuit apud te sine villo defectu bonum nostrum, quod tu ipse es: & non timebimus, ne nō sit, quod reteamus, quia nos inde ruimus; nobis autem absentibus, non ruit domus nostra, æternitas tua.

DIVI AVRELII

Augustini Confessionum

Liber quintus.

CAPVT I.

*Excitat mentem, ad Deum lau-
dandum.*

QUARE sacrificiū confessionum
mearum, de manu lingue mee;
quam formasti & excitasti, vt confiteatur *Psal. 137.*
nomini tuo; & sana omnia ossa mea, &
dicant: Domine, quis similis tibi? Neque *Psal. 82.*
enim docet te, quid in se agatur, qui tibi
confiteatur; quia oculum tuum non ex-
cludit cor clausum; nec manum tuam
repellit duritia hominum; sed soluis eam
cura vales, aut miserans aut vindicans;
& non est, qui se abscondat a calore tuo. *Psal. 138.*
Sed te laudet anima mea, vt amet te: &
confiteatur tibi miserationes tuas, vt lau-
det te. Non cessat nec tacet laudes tuas,
vniuersa creatura tua; nec spiritus omnis
hominis per os cōuersum ad te; nec ani-
malia nec corporalia, per os consideran-
tium ea; vt exurgat in te a lassitudine a-
nima nostra, inuitens eis; quæ fecisti; &
transiens

TRANSIENS AD TE, QUI FECISTI HÆC MIRABILITER; & IBI REFECTION, & VERA FORTITUDO.

CAPVT II.

*Dei presentiam neminem effugere,
cum sit ubique.*

Psa. 138.
Sap. 11.
1. **E** ANT, & fugiant te inquieti & iniqui; & tu vides eos, & distinguis umbras; & ecce pulchra sunt cum eis omnia, & ipsi turpes sunt. Et quid nocuerunt tibi; aut in quo imperium tuum dehonestauerunt; a cælo vsque in nouissima, iustum & integrum. Quò enim fugerunt, cum fugerent a facie tua? aut vbi tu non inuenis eos? Sed fugerunt, vt non viderent te vidẽtem se, atque excæcari in te offenderent; quia non deferis aliquid conum, quæ fecisti. In te offenderunt iniusti, & iuste vexarentur; subtrahentes se lenitari tuæ, & offendẽtes in rectitudinem tuam, & cadentes in asperitatem tuam. Videlicet nesciunt, quod ubique sis, quem nullus circumscribit locus; & solus es præsens, etiam his, qui longe fiunt a te.

2. Conuertantur ergo, & quærant te, quia non sicut ipsi deseruerunt te creatorem suum, ita & tu deseruisti creaturam tuam. Ipsi cõuertantur, & quærant te; & ecce ibi es in corde eorum, in corde confiten-

fidentium tibi; & proijciētium se in te, & plorantium in sinu tuo post vias suas difficiles; Et tu facilis terges lachrymas eorum, vt magis plorent, & gaudeāt in fletribus: quoniam tu domine, non aliquis homo caro & sanguis, sed tu domine qui fecisti, reficis, & cōsolaris eos. Et vbi ego eram, quando te quærebam. Et tu eras ante me, ego autem & a me discesseram; nec me inueniebam, quanto minus te.

CAPVT III.

De Fausto Manicheo, & de Astrologia.

I. P Roloquar in conspectu Dei mei annum illum vndetricicesimum ætatis meæ. Iam venerat. Carthaginem quidā Manichæorū Episcopus Faustus nomine, magnus laqueus diaboli; & multi implicabantur in eo, per illecebram suauiloquentiæ: quam ego iam tamen laudabam, discernebam tamē à veritate rerum, quarum discendatum auidus eram: Nec quasi vasculo sermonis, sed quid mihi scientiæ comedendum apponeret, nominatus apud eos ille Faustus, intuebar. Fama enim de illo prælocuta mihi erat, quod esset honestarum omnium doctrinarum peritissimus, & apprimè disciplinis liberalibus eruditus.

Ps. 137.

2. Et quoniam multa philosophorum legeram, memoriæque mandata retinebam, ex eis quædam comparabam illis Manichæorum longis fabulis: & mihi probabiliora ista videbantur, quæ dixerunt illi; qui tantum potuerunt valere, ut possent æstimare seculum, quanquā eius dominum minimè inuenerint. Quoniā magnus es Domine, & humilia respicis, excelsa autem à longe cognoscis: Nec propinquas nisi obtritis corde, nec inueniris à superbis, nec si illi curiosa peritia numerent stellas & arenam, & dimeriantur sidereas plagas, & inuestigent vias astrorum. Mente enim sua quarunt ista, & ingenio quod tu dedisti eis: & multa inuenerunt, & prænuñciauerunt ante multos annos defectus luminarum solis & lune, quo die, qua hora, quanta ex parte futuri essent, & non eos fecellit numerus; & ita factum est, ut prænuñciauerūt & scripserūt regulas indagatas, & leguntur hodie; atque ex eis prænuñciatur, quo anno, & quo mēse anni, & quo die mensis, & qua hora diei, & quora parte luminis sui, defectura sit luna vel sol; & ita fiet, ut prænuñciatur.

3. Et mirantur hæc homines & stupēt, qui nesciunt ea; & exultant atque extollantur, qui sciunt; & per impiam superbiam

hiam recedentes & deficientes à lumine tuo, tanto ante solis defectum futurum prævident, & in præsentia suum non vident. Non enim religiosè quærunt, vnde habeant ingenium, quo ista quærunt. Et inuenientes quia tu fecisti eos, non ipsi sedant tibi, vt serues quod fecisti, & quales se ipsi fecerant; occidunt se tibi, & trucidant exaltationes suas, sicut volatilia; & curiositates suas, sicut pisces maris, quibus perambulant secretas semitas abyssi; & luxurias suas, sicut pecora campi, vt tu Deus ignis edax, consumas mortuas curas eorum, recteans eos immortaliter.

Deut. 4.

4. Sed non nouerunt viam, verbum tuum, per quod fecisti ea, quæ numerant; & ipsos, qui numerant; & sensum, quæcernunt, quæ numerant; & mentem, de qua numerant, & sapientiæ tuæ non est numerus. Ipse autem vnigenitus, factus est nobis sapientia, & iustitia, & sanctificatio; & numeratus est inter nos, & soluit tributum Cæsari. Non nouerunt hanc viam, qua descendant ad illum à se, & per eam ascendant ad eum. Non nouerunt hanc viam, & purant se excelsos esse cum fideiibus & lucidos, & ecce tuerunt in terram, & obscuratum est insipiens cor eorum. Et multa vera de creatura dicunt, & retitatem creaturæ artificem non piè

Ioan. 1.

Psa. 146.

1. Cor. 1.

Mat. 22.

Rom. 1.

Guz.

Rom. i.

quærent, & ideo non inueniunt: Aut si inueniunt cognoscentes Deum, non sicut Deum honorant, aut gratias agunt; sed euanescent in cogitationibus suis, & dicunt se esse sapientes, sibi tribuendo quæ tua sunt: ac per hoc student peruersissima cæcitate etiã tibi tribuere, quæ sua sunt, mendacia scilicet in te conferentes, qui veritas es; & immutantes gloriam incorrupti Dei, in similitudinẽ imaginis corruptibilis hominis, & volucrum, & quadrupedum, & serpentum; & conuertunt veritatem tuam in mendacium; & colunt, & seruiunt creaturæ potius, quam creatori.

al. luna-
rium.

5. Multa tamen ab eis, ex ipsa creatura, vera dicta retinebam; & occurrebat mihi ratio per numeros & ordinem temporum, & visibiles attestationses siderum; & conferebam cum dictis Manichæi, qui de his rebus multa scripsit, copiosissimẽ delirans; & non mihi occurrebat ratio, nec solstitorum & æquinoctiorum, nec defectuum * luminarium, nec quicquid tale in libris secularis sapientiæ didiceram. Ibi autem credere iubebar, & ad illas rationes numeris & oculis meis exploratas non occurrebat, & longe diuersum erat.

CAPVT IIII.

Sola Dei cognitio beat.

Nunquid Domine Deus veritatis, quisquis nouit ista, iam placet tibi? Infelix enim homo, qui scit illa omnia, te autem nescit: Beatus autem qui te scit, etiam si illa nesciat. Qui uero & te & illa nouit, non propter illa beator, sed propter te solum beatus est; si cognoscēs te, sicut Deum glorificet, & gratias agat, & non euanescat in cogitationibus suis.

Rom. 1.

2. Sicut enim melior est, qui nouit possidere arborem, & de usu eius tibi gratias agit, quamuis nesciat vel quot cubitis alta sit, vel quanta latitudine diffusa; quam ille, qui eam metitur, & omnes ramos eius numerat; & neque possidet, eam, neque creatorem eius nouit aut diligit: Sic fidelis homo, cuius totus mundus diuitiarum est, & quasi nihil habens omnia possidet inhaerendo tibi, cui seruūt omnia, quamuis nec saltem septentrionem gyros nouerit: dubitare stultum est, quin utique melior sit, quam mensor cœli, & numerator syderum, & pensor elementorum, & negligens tui, qui omnia in mensura & numero & pondere disposuisti.

*2. Cor. 6.**Iob. 28.**Sap. 11.*

CAPVT

CAPVT V.

*Temeritas Fausti, docentis quod
nesciebat.*

Feb 18.

1. **S**ED tamen quis quærebat Manichæum nescio quem etiam ista scribere, sine quorum peritia pietas disci poterat? Dixisti enim homini: Ecce pietas est sapientia, quam ille ignorare posset, etiâ si ista perfectè nosset: Ista verò quia non nouerat, impudētissimè audens docere, prorsus illam nosse non posset. Vanitas est enim mundana ista etiam nota profiteri, pietas autem tibi cōfiteri. Unde ille deuius ad hoc, ista multum locutus est; ut conuictus ab eis, qui ista verè didicissent, quis esset eius sensus in cæteris, quæ abditiora sunt, manifestè cognosceretur. Non enim parui existimari se voluit, sed spiritum sanctum consolatorem & ditatorem fidelium tuorum, autoritate plenaria personaliter in se esse persuadere conatus est.

2. Itaque cum de cælo ac stellis, & de solis ac lunæ motibus falsa dixisse deprehenderetur, quamuis ad doctrinam religionis ista non pertineant; tamen ausus eius sacrilegos fuisse satis emineret, cū ea non solū ignorata, sed etiam falsata, tam
 vesana

vesana superbix vanitate diceret, vt ea
tanquam diuinæ personæ tribuere sibi
niteretur. Cùm enim audio Christianum
aliquem fratrem, illum aut illum ista ne-
scientem, & aliud pro alio sentientē, pa-
tienter intueor opinantem hominē; nec
illi obesse video, cùm de te Domine crea-
tor omnium non credat indigna, si fortè
fusus & habitus creaturę corporalis igno-
ret. Obest autem, si hoc ad ipsam do-
ctrinæ pietatis formam pertinere arbi-
tretur, & pertinacius affirmare audeat,
quod ignorat.

3. Sed etiam talis infirmitas in fidei
cunâbulis à charitate matre sustinetur,
donec assurgat nouus homo in virū per-
fectum, & circumferri non possit omni
veto doctrinæ. In illo autem qui doctor,
qui autor, qui dux & princeps eorū, qui-
bus illa suaderet, ita fieri ausus est, vt qui
eum sequerentur, non quemlibet homi-
nem, sed spiritum sanctum tuum se sequi
arbitrarentur. Quis tantam dementiam,
sicubi falsa dixisse conuinceretur, non
detestandam longēque abjiciendam es-
se iudicaret? Sed tamen liquidò nondum
comperetam, vtrum etiam secundum e-
ius verba, vicissitudines longiorū & bre-
uiorum dierum atque noctium, & ipsius
noctis & diei, & deliquia luminum, & si

Ephes. 4.

F

quid

quid eiusmodi in aliis libris legerā, posset exponi; vt si fortè posset, incertū quidem mihi fieret, vtrum ita se res haberet an non ita: sed ad fidem meam illius auctoritatem, propter creditā sanctitatem proponerem.

CAPVT VI.

Faustus natura, non arte facundus.

ET per annos fermè ipsos nouem, quibus eos animo vagabūdus audiui, nimis extento desiderio, venturum expectabam istum Faustum. Cæteri enim eorum, in quos fortè incurrissem, qui talium rerum quæstionibus à me objectis deficiebant, illum mihi promittebant; cuius aduentu collatoque colloquio, facillimè mihi hæc, & si qua fortè maiora quærerem, enodatissimè expedirentur. Ergo vbi venit, expertus sum hominem gratum & iocundum verbis; & ea ipsa quæ illi solent dicere, multo suauius garrientem. Sed quid ad meam sitim, preciosorum poculorum decentissimus ministrator? Iam rebus talibus satiatæ erant aures meæ; nec ideo mihi meliora videbantur, quia melius dicebantur: nec ideo vera, quia diserta: nec ideo sapiēs anima, quia vultus congruus & decorum eloquium

quium. Illi autem, qui cum mihi promittebant, non boni rerum existimatores erant; & ideo illis videbatur prudens & sapiens, quia delectabatur eos loquens.

2. Sensi autem aliud genus hominum, etiam veritatem habere suspectam; & ei nolle acquiescere, si compto atque vberi sermone promeretur. Me autem iam docueras Deus meus, miris & occultis modis; & propterea credo, quod tu me docueris, quoniã verum est; nec quisquam præter te alius est doctor veri, ubicumque & vndecunque claruerit. Iam ergo abs te didiceram, nec eo debere videri aliquid verum dici, quia eloquenter dicitur: nec eo falsum, quia incompositè sonāt signa labiorum. Rursum, nec ideo verum, quia impositè enunciat: nec ideo falsum, quia splendidus sermo est; sed perinde esse sapientiam & stultitiam, sicut sunt cibi utiles & inutiles: verbis autem ornatis & inornatis, sicut vasis vrbani & rustici, utrosque cibos posse ministrari. Igitur auiditas mea, qua illum tanto tempore expectaueram hominem, delectabatur quidem motu affectuque disputantis, & verbis congruentibus, atque ad vestiendas sententias faciliè occurrentibus.

3. Delectabar autem, & cum multis, vel etiam præ multis laudabam ac effe-

rebam; sed moleste habebam, quod in
coetu audientium non sinerer illiingere,
& partiri cum eo curas quaestionum
mearum, conferendo familiariter, & ac-
cipiendo ac reddendo sermonem. Quod
vbi potui, & aures eius cum familiaribus
meis eo quoque tempore occupare cœ-
pi, quo non dedeceret alternis differere,
& protuli quædam, quæ me mouebant,
expertus sum prius hominem expertem
liberalium disciplinarum, nisi gramma-
tica, atque ipsius vſitato modo. Et quia
legeret aliquas Tullianas orationes, &
paucissimos Seneca libros, & nonnulla
poëtarum, & suæ sectæ, si qua volumina
Latinè atque compositè cōscripta erāt.
Et quia aderat quotidiana sermocinan-
di exercitatio, inde suppetebat eloquiū;
quod fiebat acceptius, magisque sedu-
ctorium moderamine ingenu, & quodā
lepore naturali. Itane est, vt recolo domi-
ne Deus meus, arbiter conscientia meæ?
Coram te cor meum, & recordatio mea,
qui me tunc agebas abdito secreto pro-
uidetiæ tuæ, & inhonestos errores meos
iam conuertebas ante faciem meam, vt
viderem, & odissem.

CAPVT VII.

Alienatur à secta Manicheorum.

NAM posteaquam ille mihi imperitus earum artium; quibus eum excellere putaueram, satis apparuit, desperare cœpi posse eum mihi illa, quæ me mouebāt, aperire atque dissoluere, quorum quidem ignarus posset veritatem tenere pietatis, sed si Manichæus non esset. Libri quippe eorum pleni sunt longissimis fabulis, de cœlo & syderibus, & sole & luna: quæ mihi eum, quod vtique cupiebam, collatis numerorum rationibus, quos alibi ego legeram, utrū potius ita essent, vt Manichæi libris continebātur, an certē vel par etiam inde ratio redderetur, subtiliter explicare posse iā non arbitrabar. Quæ tamen vbi consideranda & discutienda protuli, modestē sanē ille, nec ausus est subire ipsam sarcinam. Nouerat enim se ista non nosse, nec eum puduit confiteri. Non erat de talibus, quales multos loquaces passus eram, conantes ea me docere, & dicentes nihil. Iste verō cor habebat, & si non rectum ad re, nec tamen nimis incautum ad seipsum. Non vsquequaque imperitus erat imperitiæ suæ, & noluit se temere dispu-

tando in ea coartari, vnde nec exitus ei
vllus, nec facilis esset reditus. Et iam hinc
mihi amplius placuit. Pulchrior est enim
temperantia confitentis animi, quam il-
la, quæ nosse cupiebam: & cum in omni-
bus, difficilioribus & subtilioribus qua-
stionibus talem inueniebam.

2. Refracto itaque studio, quod intē-
deram in Manichæi literas, magisque
desperans de cæteris eorum doctoribus,
quando in multis, quæ me mouebant,
ita ille nominatus apparuit: cœpi cum eo
pro studio eius agere vitam, quo ipse fla-
grabat, in eas literas, quas tunc iam rhe-
thor Carthagini, adolēscētes docebam;
& legere cum eo, siue quæ ille audita de-
sideraret, siue quæ ipse tali ingenio apta
existimarem. Cæterum omnis conatus
meus, quo proficere in illa secta statue-
ram, illo homine cognito prorsus inter-
cidit: non vt ab eis omnino separarer, sed
quasi melius quicquam non inueniens
eo, quo iam quoquo modo irrueram:
contentus interim esse decreueram, nisi
aliquid fortè, quod magis eligendum es-
set, eluceret.

3. Ita ille Faustus, qui multis laqueus
mortis extitit, meum laqueum quo ca-
ptus eram, relaxare iam cœperat, nec
volens nec sciens. Manus enim tuæ Deus
meus

meus in abdito prouidentia tua, non deferebant animam meam; & de sanguine cordis matris meae, per lachrymas eius diebus ac noctibus, pro me sacrificatur tibi; & egisti mecum miris & occultis modis. Tu illud egisti Deus meus. Nam à domino gressus hominis diriguntur, & viam eius volet. Aut quæ procuratio salutis, præter manum tuam, re-
Psal. 36.

CAPVT VIII.

Proficiscitur Romam, contra matris voluntatem.

EGIS TI ergo mecum, vt mihi persuaderetur Romam pergere; & potius ibi docere, quod docebam Carthagini. Et hoc vnde mihi persuasum est, nō præteribo confiteri tibi; quoniam & in his altissimi tui recessus, & præsentissima in nos misericordia tua cogitanda & prædicanda est. Non ideo Romam pergere volui, quod maiores quæstus, maiorque mihi dignitas ab amicis, qui hoc persuadebant, promittebatur, quāquam & ista ducebant animum tunc meum: sed illa erat tūc causa maxima & penè sola, quod audiebam quietius ibi studere adolescētes, & ordinatiore disciplina coërritione

sedari; ne in eius scholam, quo magistro non vtruntur, passim & proterue irruant; nec eos admitti omnino, nisi ille permiserit.

2. Contrà; apud Carthaginem fœda est & intemperans licentia scholasticorum. Irrumpunt impudēter, & prope furiosa fronte perturbant ordinem, quem quisque discipulis ad proficiendum instituerit. Multa iniuriosa faciunt mira hebetudine, & puniēda legibus, nisi consuetudo patrona sit; hoc inferiores eos ostendens, quo iam quasi liceat faciunt, quod per tuam æternam legem nunquā licebit: & impunē se facere arbitrantur, cum ipsa cecitate faciendi puniantur: & incomparabiliter patiantur pejora, quā faciūt. Ergo quos mores, cum studerem, meos esse nolui, eos cum docerem cogebar perpeti alienos; & ideo placebat ite; ubi talia non fieri omnes, qui nouerant, indicabant. Verū autem, ruspes mea & portio mea in terra viuentium, admirandum terrarum locum pro salute animæ meæ, & Carthagini stimulos, quibus inde auellerer, admouebas: & Romę illecebras, quibus attraherer, proponebas mihi per homines, qui diligebant vitam mortuam, hinc insana facientes, inde vana pollicentes; & ad corrigendos gressus meos,

meos, vtebaris occultè & illorum & mea
peruersitate. Nam & qui perturbabant
ocium meum, fœda rabie cæci erant: &
qui inuitabant ad aliud, terrâ sapiebant.
Ego autem, qui detestabar hic veram mi-
seriam, illic falsam felicitatem appete-
bam.

3. Sed quare hinc abirem & illuc irem,
eu sciebas Deus; nec indicabas mihi, nec
matri, quæ me profectum atrociter plā-
xit, & vsque ad mare secuta est. Sed fefelli
eam, violenter me tenentem, vt aut re-
uocaret, aut mecum pergeret: & finxi me
amicum nolle deserere, donec vento fa-
cto nauigaret. Et mentitus sum matri, &
illi matri, & euasi. Quia & hoc tu dimisi-
sti mihi misericorditer, seruans me ab a-
quis maris, plenum execrandis sordibus,
vsque ad aquam gratiæ tuæ, qua me ab-
luto, liccarentur flumina maternorum
oculorum, quibus pro me quotidie tibi
rigabat terram sub vultu suo: Et tamen
recusanti sine me redire, vix persuasi; vt in
loco, qui proximus nostræ naui erat me-
moriam beati Cypriani, maneret ea nocte,
Sed ea nocte clanculo ego profectus
sum, illa autem remansit orando & flen-
do. Et quid à te petebat Deus meus tāris
lachrymis, nisi vt nauigare me non sine-
res? Sed tu altè consulens, & exaudiens:

cardinem desiderii eius, nō curasti, quod tunc petebat, vt in me faceres, quod semper petebat.

4. Flauit ventus, & impleuit vela nostra, & littus subtraxit aspectibus nostris. In quo mane illa insaniebat dolore, & querelis ac gemitu implebat aures tuas contemnentes ista: cū & me cupiditatibus meis raperes ad finiendas ipsas cupiditates: & illius carnale desiderium, iusto dolorum flagello vapularet. Amabat enim secum præsentiā meā more matris, sed multis multo amplius: & nesciebat, quid tu illi gaudiorum facturuss es de absentia mea. Nesciebat, ideo flebat & eiulabat, atque illis cruciatibus arguebatur rea reliquiarum Eux, cum gemitu quærens, quod cum gemitu pepererat. Et tamē post accusationem fallaciarum & crudelitatis meæ, conuersa rursus ad deprecandum te pro me, abiit ad solita, & ego Romam.

CAPVT. IX.

Febri correptus, periculose laborat.

1. **E**T ecce, excipior ibi flagello ægritudinis corporalis, & ibam iam ad inferos, portans omnia mala, quæ commiseram & in te, & in me, & in alios multa

&

& graua, super originalis peccati vinculum, quo omnes in Adam morimur. Non enim quicquam mihi donaueras in Christo: nec soluerat ille in cruce sua inimicitias, quas tecum contraxeram peccatis meis. Quomodo enim eas solueret in cruce phantasmatis, quod de illo credideram? Quam ergo falsa mihi videbatur mors carnis eius, tam vera erat animæ meæ: & quam vera erat mors carnis eius, tam falsa vita animæ meæ, quæ id non credebat. Et ingrauescentibus febribus, iam ibam, & peribam. Quò enim irem, si tunc hinc abirem, nisi in ignem atque tormenta digna factis meis, in veritate ordinis tui? Et illa hoc nesciebat, & tamen pro me orabat absens. Tu autem vbique præsens, vbi erat, exaudiebas eam: & vbi eram, miserebaris mei, vt reciperem salutem corporis mei, adhuc insanus corde sacrilego. Neque enim desiderabam in illo tanto periculo baptismum tuum: & melior eram puer, quàm illum de materna pietate flagitaui, sicut iam recordatus atque confessus sum.

2. Sed in dedecus meum creueram, & consilia medicinæ tuæ demens irridebam, qui me non siuisti talem bis mori. Quo vulnere si feriretur cor matris; nunquam sanaretur. Nō enim satis eloquor,

Psal. 50.

quid erga me habebat animi: & quantum maiore sollicitudine me parturiebat spiritu, quam carne pepererat. Non itaque video, quomodo sanaretur, si meatalis illa mors transfuerberasset viscera dilectionis eius. Et ubi essent tantæ preces, & tam crebræ sine intermissione? nusquam, nisi ad te. An verò tu Deus misericordiarum, sperneres cor contritum & humiliatum viduæ castæ ac sobriæ frequentantis eleemosinas, obsequentis atque seruientis sanctis tuis, nullum diem prætermittentis oblationem ad altare tuum: bis in die, mane & vespere, ad ecclesiam tuam sine ulla intermissione venientis, non ad vanas fabulas & amiles loquacitates, sed ut te audiret in tuis sermonibus, & tu illam in suis orationibus?

3. Huius ne tu lachrymas, quibus non à te aurum & argentum petebat, nec aliquod mutabile aut volubile bonum, sed salutem animæ filii sui: Tu, cuius munere talis erat, contemneres & repelleres ab auxilio tuo? Nequaquam Domine. Imò verò aderas, & exaudiebas, & faciebas ordine, quo prædestinaueras esse faciendum. Absit, ut tu falleres eam in illis visionibus & responsis tuis quæ iam commemoravi.

&

& quæ non commemoravi, quæ illa fide-
li pectore tenebat; & semper orans,
tanquam chirographa tua ingerebat ti-
bi. Dignaris enim, quoniam in seculum
misericordia tua, eis quibus omnia de-
bita dimittis, etiam promissionibus tuis
debitor fieri.

CAPVT X

*Errores ante susceptam euangelii do-
ctrinam.*

Recreasti ergo me ab illa egritudi-
ne, & saluum fecisti filium ancille
tuæ; tunc interim corpore, ut esset, cui
salutem meliorem atque certiorē da-
res. Et iungebar etiam tunc Romæ falsis
illis atque fallentibus sanctis. Non enim
tantum auditoribus eorum, quorum è
numero erat etiā is, in cuius domo agro-
taueram, & conualueram; sed eis etiam,
quos electos vocant. Adhuc enim mihi
videbatur non esse nos, qui peccamus,
sed nescio quam aliam in nobis peccare
naturam; & delectabar superbiā meam,
extra culpam esse. Et cum aliquid mali
fecissem, non confiteri me fecisse, ut sa-
nates animam meam, quoniā peccabam
tibi; sed excusare eam amabam, & accu-
sare nescio quid aliud, quod mecum esset.

& ego non essem. Verum autem totum ego eram, & aduersum me impietas mea me diuiserat: & id erat peccatum infanabilius, quo me peccatorem non esse arbitrabar: & execrabilis iniquitas, te Deus omnipotens, te à me ad perniciem meam, quam me à te ad salutem malle superari.

al. cit-
cunctan-
tia.

2. Nondum ergo posueras custodiam ori meo, & ostium * continentiae circum labia mea; vt non declinaret cor meum in verba maligna, ad excusandas excusationes in peccatis, cum hominibus operantibus iniquitatem; & ideo adhuc combinabar cum electis eorum. Sed tamen iam desperans, in ea falsa doctrina me posse proficere; eaque ipsa, quibus si nihil melius reperirem, contentus esse decreueram, iam remissius negligentiusque retinebam. Etenim suborta est etiam mihi cogitatio; prudentiores cæteris fuisse illos philosophos, quos Academicos appellant, quod de omnibus dubitandum esse censuerant, nec aliquid veri ab homine deprehendi posse decreuerant. Ita enim & mihi liquido sensisse videbantur, vt vulgo habentur, etiam illorum intentionem nondum intelligenti.

3. Nec dissimulaui eundem hospitem meum reprimere à nimia fiducia, quam sensi eum habere de rebus fabulosis, quibus

bus Manichæi libri pleni sunt. Amicitia
tamen eorum familiarius utebar, quàm
cæterorum hominum, qui in illa hæresi
non fuissent. Nec eam defendebam pri-
stina animositate; sed tamen familiaritas
eorum, (plures enim eos Roma* occul- al occul-
tat) pigrius me faciebat aliud quærere; tabat.
præsertim desperantem in ecclesia tua.
Domine cœli & terræ, creator omnium
visibilem & inuisibilem, posse inueniri
verum, vnde me illi auerterāt. Multum-
que mihi turpe videbatur, credere te fi-
guram habere humanæ carnis, & mem-
brorum nostrorum lineamentis corpo-
ralibus terminari. Et quoniam cum de
Deo meo cogitare vellem, cogitare nisi
moles corporum non noueram: (Neque
enim videbatur mihi esse quicquā, quod
tale non esset) ea maxima & prope sola
causa erat inuitabilis erroris mei.

4. Hinc enim & mali substantiā quan-
dam credebam esse talem, & habere suā
molem tetra & deformem siue crassā,
quam terram dicebant; siue tenuem at-
que subtilem, sicuti est aëris corpus, quā
malignam mentem per illam* terram al. tetra
repentem imaginantur. Et quia Deum repente
bonum, nullam malam naturam creasse,
qualiscūque pietas me credere coge-
bat; cōstituebam ex aduerso sibi duas moles,

utramque

tando in ea coartari, vnde nec exitus ei
vllus, nec facilis esset reditus. Et iam hinc
mihi amplius placuit. Pulchrior est enim
temperantia confitentis animi, quam il-
la, quæ nosse cupiebam: & cum in omni-
bus, difficilioribus, & subtilioribus quæ-
stionibus talem inueniebam.

2. Refracto itaque studio, quod intē-
deram in Manichæi literas, magisque
desperans de cæteris eorum doctoribus,
quando in multis, quæ me mouebant,
ita ille nominatus apparuit: cœpi cum eo
pro studio eius agere vitam, quo ipse fla-
grabat, in eas literas, quas tunc iam rhe-
thor Carthagini, adolescentes docebam;
& legere cum eo, siue quæ ille audita de-
sideraret, siue quæ ipse tali ingenio apta
existimarem. Cæterum omnis conatus
meus, quo proficere in illa secta statue-
ram, illo homine cognito prorsus inter-
cidit: non vt ab eis omnino separarer, sed
quasi melius quicquam non inueniens
eo, quo iam quoquo modo irrueram:
contentus interim esse decreueram, nisi
aliquid fortè, quod magis eligendum es-
set, eluceret.

3. Ita ille Faustus, qui multis laqueus
mortis extitit, meum laqueum quo ca-
ptus eram, relaxare iam cœperat, nec
volens nec sciens. Manus enim tuæ Deus
meus

meus in abdito prouidentia tua, non deserebant animam meam; & de sanguine cordis matris meae, per lachrymas eius diebus ac noctibus, pro me sacrificatur tibi; & egisti mecum miris & occultis modis. Tu illud egisti Deus meus. Nam à domino gressus hominis diriguntur, & viam eius volent. Aut quæ procuratio salutis, præter manum tuam, sufficientem quæ fecisti? Psal. 136.

CAPVT VIII.

Proficiscitur Romam, contra matris voluntatem.

EGISTI ergo mecum, vt mihi persuaderetur Romam pergere; & potius ibi docere, quod docebam Carthagini. Et hoc vnde mihi persuasum est, non præteribo confiteri tibi; quoniam & in his altissimi tui recessus, & præsentissima in nos misericordia tua cogitanda & prædicanda est. Non ideo Romam pergere volui, quod maiores quaestus, maiorque mihi dignitas ab amicis, qui hoc persuadebant, promittebatur, quâquam & ista ducebant animum tunc meum: sed illa erat tunc causa maxima & penè sola, quod audiebam quietius ibi studere adolescētes, & ordinatiore disciplina coërtione

sedari; ne in eius scholam, quo magistro non vtuntur, passim & proterue irruant; nec eos admitti omnino, nisi ille permiserit.

2. Contrà, apud Carthaginem fœda est & intemperans licentia scholasticorum. Irrumpunt impudēter, & prope furiosa fronte perturbant ordinem, quem quisque discipulis ad proficiendum instituerit. Multa iniuriosa faciunt miræ hebetudine, & puniēda legibus, nisi consuetudo patrona sit; hoc inferiores eos ostendens, quo iam quasi liceat faciunt, quod per tuam æternam legem nunquā licebit: & impunè se facere arbitrantur, cum ipsa cecitate faciendi puniantur: & incomparabiliter patiantur pejora, quā faciūt. Ergo quos mores, cū studerem, meos esse nolui, eos cū docerem cogebar perpeti alienos; & ideo placebat ire, vbi talia non fieri omnes, qui nouerant, indicabant. Verū autem, tu spes mea & portio mea in terra viventium, ad mutandum terrarum locum pro salute animæ meæ, & Carthagini stimulos, quibus inde auellerer, admouebas: & Romę illecebras, quibus attraherer, proponebas mihi per homines, qui caligebant vitam mortuam, hinc insana facientes, inde vana pollicentes; & ad corrigendos gressus meos,

meos, vtebaris occultè & illorum & mea
peruerſitate. Nam & qui perturbabant
ocium meum, fœda rabie cæci erant: &
qui inuitabant ad aliud, terrâ ſapiebant.
Ego autem, qui detestabar hic veram mi-
ſeriam, illic falſam felicitatem appetē-
bam.

3. Sed quare hinc abirem & illuc irem,
tu ſciebas Deus; nec indicabas mihi, nec
matri, quæ me proſectum atrociter plā-
xit, & vſque ad mare ſecuta eſt. Sed ſefelli-
cam, violentè me tenentem, vt aut re-
uocaret, aut mecum pergeret: & ſinxi me
amicum nolle deſerere, donec vento fa-
cto nauigaret. Et mentitus ſum matri, &
illi matri, & euafi. Quia & hoc tu dimiſi-
ſti mihi miſericorditer, ſeruans me ab a-
quis maris, plenum execrandis ſordibus,
vſque ad aquam gratiæ tuæ, qua me ab-
luto, ſiccarentur flumina maternorum
oculorum, quibus pro me quotidie tibi
rigabat terram ſub vultu ſuo: Et tamen
recuſanti ſine me redire, vix perſuaſi; vt in
loco, qui proximus noſtræ naui erat me-
moriam beati Cypriani, maneret ea nocte.
Sed ea nocte clanculo ego proſectus
ſum, illa autem remanſit orando & ſlen-
do. Et quid à te petebat Deus meus tãtis
lachrymis, niſi vt nauigare me non ſine-
res? Sed tu altè conſulens, & exaudiens:

cardinem desiderii eius, nō curasti, quod tunc petebat, vt in me faceres, quod semper petebat.

4. Flauit ventus, & impleuit vela nostra, & littus subtraxit aspectibus nostris. In quo mane illa insaniebat dolore, & querelis ac gemitu implebat aures tuas contemnentes ista: cū & me cupiditatibus meis raperes ad finiendas ipsas cupiditates: & illius carnale desiderium, iusto dolorum flagello vapularet. Amabat enim secum præsentiā meā more matris, sed multis multo amplius: & nesciebat, quid tu illi gaudiorum facturus esses de absentia mea. Nesciebat, ideo flebat & ciulabat, atque illis cruciatibus arguebatur rea reliquiarum Eux, cum gemitu querens, quod cum gemitu pepererat. Et tamē post accusationem fallaciarum & crudelitatis meæ, conuersa rursus ad deprecandum te pro me, abiit ad solita, & ego Romam.

CAPV T. IX.

Febri correptus, periculose laborat.

1. **E**T ecce, excipior ibi flagello aegritudinis corporalis, & ibam iam ad inferos, portans omnia mala, quæ commiseram & in te, & in me, & in alios multa
&

& grauiā, super originalis peccati vinculum, quo omnes in Adam morimur. Non enim quicquam mihi donaueras in Christo: nec soluerat ille in cruce sua inimicitias, quas tecum contraxeram peccatis meis. Quomodo enim eas solueret in cruce phantasmatis, quod de illo credideram? Quam ergo falsa mihi videbatur mors carnis eius, tam vera erat animæ meæ: & quam vera erat mors carnis eius, tam falsa vita animæ meæ, quæ id non credebat. Et ingrauescentibus febribus, iam ibam, & peribam. Quò enim irem, si tunc hinc abirem, nisi in ignem atque tormenta digna factis meis, in veritate ordinis tui? Et illa hoc nesciebat, & tamen pro me orabat absens. Tu autē ubique præsens, ubi erat, exaudiebas eā: & ubi eram, miserebaris mei, vt recuperarem salutem corporis mei, adhuc insanus corde sacrilego. Neque enim desiderabam in illo tanto periculo baptismum tuum: & melior eram puer, quādo illum de materna pietate flagitaui, sicut iā recordatus atque confessus sum.

2. Sed in dedecus meum creueram, & consilia medicinæ tuæ demens irridebam, qui me non siuisti talem bis mori. Quo vulnere si feriretur cor matris, nunquam sanaretur. Nō enim satis eloquor,

Psal. 50.

quid erga me habebat animi: & quantum maiore sollicitudine me parturiebat spiritu, quam carne pepererat. Non itaque video, quomodo sanaretur, si mentalis illa mors transfuerberasset viscera dilectionis eius. Et ubi essent tanta preces, & tam crebrae sine intermissione? nusquam, nisi ad te. An verò tu Deus misericordiarum, sperneres cor contritum & humiliatum viduae castae ac sobriae frequentantis eleemosinas, obsequentis atque seruientis sanctis tuis, nullum diem pratermittentis oblationem ad altare tuum: bis in die, mane & vespere, ad ecclesiam tuam sine ulla intermissione venientis, non ad vanas fabulas & aniles loquacitates, sed ut te audiret in tuis sermonibus, & tu illam in suis orationibus?

3. Huius ne tu lachrymas, quibus non à te aurum & argentum petebat, nec aliquod mutabile aut volubile bonum, sed salutem animae filii sui: Tu, cuius munere talis erat, contemneres & repelleres ab auxilio tuo? Nequaquam Domine. Imò verò aderas, & exaudiebas, & faciebas ordine, quo praedestinaueras esse faciendum. Absit, ut tu falleres eam in illis visionibus & responsis tuis quae iam commemoravi.

&

& quæ non commemorauit, quæ illa fidei pectore tenebat; & semper orans, tanquam chirographa tuaingerebar tibi. Dignaris enim, quoniam in seculum misericordia tuæ, eis quibus omnia debita dimittis, etiam promissionibus tuis debitor fieri.

CAPVT X.

Errores ante susceptam euangelii doctrinam.

Recreasti ergo me ab illa cegritudine, & saluum fecisti filium ancille tuæ; tunc interim corpore, ut esset, cui salutem meliorem atque certorem dares. Et iungebar etiam tunc Romæ fallis illis atque fallentibus sanctis. Non enim tantum auditoribus eorum, quorum numero erat etiā is, in cuius domo egrotaueram, & conualueram; sed eis etiam, quos electos vocant. Adhuc enim mihi videbatur non esse nos, qui peccamus, sed nescio quam aliam in nobis peccare naturam; & delectabar superbiā meam, extra culpam esse: Et cum aliquid malifecissem, non confitebatur me fecisse, ut sanares animam meam, quoniā peccabam tibi; sed excusare eam amabam, & accusare nescio quid aliud, quod mecum esset.

bus Manichæi libri pleni sunt. Amicitia
tamen eorum familiarius utebar, quàm
cæterorum hominum, qui in illa hæresi
non fuissent. Nec eam defendebam pri-
stina animositate; sed tamen familiaritas
eorum, (plures enim eos Roma * occul- al occul-
tat) pigrius me faciebat aliud quærere; tabat.
præsertim desperantem in ecclesia tua.
Domine cœli & terræ, creator omnium
visibilium & inuisibilium, posse inueniri,
verum, vnde me illi auerterât. Multum-
que mihi turpe videbatur, credere te fi-
guram habere humanæ carnis, & mem-
brorum nostrorum lineamentis corpo-
ralibus terminari. Et quoniam cum de
Deo meo cogitare vellem, cogitare nisi
moles corporum non noueram: (Neque
enim videbatur mihi esse quicquâ, quod
tale non esset) ea maxima & prope sola
causa erat inuitabilis erroris mei.

4. Hinc enim & mali substantiâ quan-
dam credebam esse talem, & habere suâ
molem tetra & deformem siue crassam,
quam terram dicebant; siue tenuem at-
que subtilem, sicuti est aëris corpus, quâ
malignam mentem per illam * terram al. tetra
repentem imaginantur. Et quia Deum repente
bonum, nullam malam naturam creasse,
qualiscûque pietas me credere cogebar;
cōstituebam ex aduerso sibi duas moles,
utram-

utramque infinitā, sed malam angustius, bonam grandius; & ex hoc initio pestilentioso, me cætera sacrilegia sequebantur. Cum enim conaretur animus meus recurrere in catholicam fidem, reperiēbar; quia nō erat catholica fides, quam esse arbitrabar. Et magis pius mihi videbar, si te Deus meus, cui confitentur ex me miserationes tuæ, vel ex cæteris partibus infinitum crederem; quamvis ex vna, qua tibi moles mali opponebatur, cogerer finitum fateri, quā si ex omnibus partibus in corporis humani forma te opinarer finiri.

5. Et melius mihi videbar credere nullum malū te creasse, quod mihi merenti, non solum aliqua substantia, sed etiam corporea videbatur; quia & mentem cogitare non noueram, nisi eam subtile corpus esse, quod tamen per loci spacia diffunderetur, quā credere abs te esse, qualem putabam naturam mali: Ipsumque saluatorem nostrum unigenitum tuum, tāquam de massa lucidissima molis tuæ porrectum ad nostrā salutem ita putabam, ut aliud de illo non crederem, nisi quod possem vanitate imaginari. Talem itaque naturam nasci non posse de Maria virgine arbitrabar, nisi carni concerneretur. Concerni autem & non inquinari :

quinari non videbam, quod mihi tale figurabam. Metuebam itaque credere in carne natū, ne credere cogerer ex carne inquinatum. Nunc spirituales tui, blande & amanter ridebunt me, si has confessiones meas legerint: Sed tamen talis eram.

CAPVT XI.

*Qualiter Augustinus contulerit
cum catholicis.*

1. **D**Einde, quæ illi in scripturis tuis reprehenderāt, defendi posse non existimabam: sed aliquando sanè cupiebam, cum aliquo illorum librorum doctissimo, conferre singula; & experiri, quid indesentiret. Iam enim Helpidij cuiusdam, aduersus eosdem Manichæos coram loquentis & disserētis sermones, etiā apud Carthaginem mouere me cœperant, cum talia de scripturis proferret, quibus resisti non facile posset, & imbecilla mihi responsio videbatur istorum.

2. Quam quidem non facile palam promebant, sed nobis secretius, cum dicerent scripturas noui testamenti falsatas fuisse à nescio quibus, qui Iudæorum legem inferere christianæ fidei voluerūt, atque ipsi incorrupta exemplaria nulla

proferrent. Sed me maxime captum & offocatum, quodammodo deprimebant corporalia cogitantem moles illæ, sub quibus, anhelans in auram tuæ veritatis liquidam & simplicem respirare non poteram.

CAPVT XII.

*Fraus discipulorum Roma in
præceptores.*

SED VLO ergo agere cœperā, propter quod veneram, vt docerem Romæ artem rhetoricā; & prius domi congregare aliquos, quibus & per quos innotescere cœperam; & ecce cognosco alia Romæ fieri, quæ non patiebar in Africa. Nam reuera illas euerfiones, a perditis adolescentibus ibi non fieri, manifestatum est mihi. Sed subito inquirunt, ne mercedem magistro reddant, conspirant multi adolescentes, & transferunt se ad alium desertores fidei, & quibus præ pecuniæ charitate iustitia vilis est. Ode-
Psal. 138
rat etiam istos cor meum, quamuis non perfecto odio. Quod enim ab eis passurus eram, magis oderam fortasse, quam eo quod cuilibet illicita faciebant.

2. Certè tamē turpes sunt tales, & fornicantur abs te, amādo volatica ludibria

tem-

temporum & lucrum luteum, quod cum apprehēditur, manum inquinat; & amplectendo mundum fugientem, cōtemnendo te manentem & reuocantem, & ignoscentem redeunti ad te meretrici animæ humanæ. Et nunc tales odi prauos & distortos, quamuis eos corrigendos diligam: vt pecuniæ doctrinam ipsam, quam discunt, præferant, ei verò te Deū veritatem & vbertatem certi boni & pacem castissimam. Sed tunc eos magis pati nolebam malos propter me, quam fieri bonos propter te volebam.

CAPVT XIII.

*Docturus rhetoricā it Mediolanum,
atque ab Ambrosio suscipitur.*

LTAQVE, posteaquam missum est à Mediolano Romam ad præfectum urbis, vt illi ciuitati rhetoricæ magister prouideretur, impertita etiam euectione publicæ, ego ipse ambui per eosdem ipsos Manichæis vanitatibus ebrios, quibus vt caterem, ibam. Sed vtrique nesciebamus, vt dictione proposita me probatam præfectus tunc Symmachus mitteret. Et veni Mediolanum ad Ambrosium Episcopum, in optimis notum orbì terrarum, pium cultorem tuum; cuius tūc eloquia

Psal 4

qui strenuè ministrabant adipem frumenti tui, & lætitiā olei, & sobriam vini ebrietatem populo tuo. Ad eū autem ducebar abs te nesciens, vt per eum ad te sciens ducerer. Suscepit me paternè ille homo Dei, & peregrinationem meam satis episcopaliter dilexit.

2. Et cum amare cœpi, primo quidem non tanquam doctorem veri, quod in Ecclesia tua prorsus desperabam, sed tanquā hominē benignū in me. Et studiosè audiebam disputantem in populo, non intentione qua debui, sed quasi explorās eius facundiam; vtrum conueniret famæ suæ; an maior minōrve proficeret, quam predicabatur; & verbis eius suspendebar intentus. Rerum autem incuriosus & contemptor astabam, & delectabar suauitate sermonis; quanquam eruditionis, minus tamen hilarescentis atque mulcentis, quam Fausti erat, quod attinet ad dicendi modum. Cæterum rerum ipsarum nulla comparatio. Nam ille per Manichæas fallacias aberrabat, iste autem saluberrimè docebat salutem. Sed longè est à peccatoribus salus, qualis ego tunc aderam: & tamen propinquabam sensim, & nesciebam.

Psal 119

CAPVT

CAPVT XIII.

Audito Ambrosio, paulatim ab erroribus resipiscit.

I. **C**VM enim non satagerem discere, quæ dicebat; sed tantum, quemadmodum dicebat, audire (ea mihi quippe iam desperanti ad te viam patere homini, inanis cura remāserat.) Sed veniebant in animum meū simul cum verbis, quæ diligebam, res etiam, quas negligebam. Neque enim ea dirimere poteram. Et dum cor aperirem, ad excipiendum quàm disertè diceret, pariter intrabat, & quàm verè diceret, gradatim quidem. Nam primo etiā ipsa defendi posse, mihi iam cœperāt videri; & fidem catholicam, pro qua nihil posse dici aduersus oppugnantēs Manichæos putaueram, iam nō impudenter asseri existimabam; maximè audito vno atque altero, & sæpius ænigmate soluto de scripturis veteribus. Vbi, 2. Cor. 13 cum ad literam acciperem, occidebar spiritualiter.

2. Itaque plerisque illorum librorum expositis locis, iam reprehēdebam desperationem meam; illam dumtaxat, qua crediderā legem & prophetas detestantibus atque iridentibus resisti omnino
non

non posse. Nec tamen iam ideo mihi catholicam viam tenēdam esse sentiebam, quia & ipsa poterat habere doctores assertoresque suos, qui copiosè & non absurdè obiecta refellerent: Nec ideo iam damnandum illud, tenebam, quia defensionis partes æquabantur. Ita enim catholica non mihi victa videbatur, vt nondum etiam victrix appareret. Tunc verò fortiter intendi animū, si quo modo possem certis aliquibus documentis Manichæos conuincere falsitatis. Quòd si possem spirituales substantias cogitare, statim machinamenta illa omnia soluerentur, & abijcerentur ex animo meo, sed non poteram.

3. Veruntamen, de ipso mundi huius corpore, omniq̃ue natura, quam sensus carnis attingeret, multo probabiliora plerosque sensisse philosophos, magis magisq̃ue considerans atque comparans iudicabam. Itaque Academicorum more, sicut existimantur, dubitans de omnibus, atque inter omnia fluctuans, Manichæos quidem relinquendos esse decreui; non arbitrans eo ipso tempore dubitationis meæ, in illa secta mihi permanendum esse, cui iam nonnullos philosophos præponebam: quibus tamen philosophis, quòd sine nomine salutaris Christi

Christi essent, curationem lāguoris animæ meæ cōmittere omnino recusabam. Statui ergo tamdiu esse catechumenus in catholica ecclesia, mihi a parentibus commendata, donec aliquid certi clucret, quo cursum dirigerem.

DIVI AVRELII

Augustini Confessionum

Liber sextus.

CAPVT I.

Augustinus nec Manichæus, nec catholicus.

1. **P**ES mea à iuuentute mea, vbi mihi eras, & quò recesseras? An verò non tu feceras me, & discreueras me à quadrupedibus & volarilibus cœli? Sapientior me feceras, & ambulabam per tenebras & lubricum, & querebam te foris à me, & non inueniebam Deum cordis mei; & veneram in profundū maris, & diffidebam, & desperabam de inuentione veri. Iam venerat ad me mater pietate fortis, terra marique me sequens, & in periculis omnibus de te securā. Nam & per marina discrimina, ipsos nautas

con-

consolabatur; à quibus rudes abyssi viatores, cum perturbantur, consolari solent; pollicens eis peruentionem cum salute, quia hoc ei tu per vñsum pollicitus eras.

2. Et inuenit me periclitatē quidem grauiter, desperatione indaganda veritatis. Sed tamen ei cum indicassem, non me quidem iam esse Manichęum, sed neque catholicum Christianum, non quasi inopinatum aliquid audierit, exiliuit lætitia; cum iam secura fieret ex ea parte miserię meę, in qua me tanquam mortuum, sed resuscitandum tibi flebat; & feretro cogitationis offerebat, vt diceres filio viduę: Iuuenis tibi dico, Surge: & reuiuisceret, & inciperet loqui, & redderes illum matri suę. Nulla ergo turbulēta exultatione trepidauit coreius, cum audisset ex tanta parte iam factum, quod tibi quotidie plangebat, vt fieret, veritatem me nondum adeptum, sed falsitati iam ereptum. Imò verò, quia certa erat, & quod restabat te daturum, qui totum promiseras; placidissime & pectore pleno fiducię respondit mihi, credere se in Christo, quod priusquam de hac vita emigraret, me visura esset fidelem catholicum.

3. Et hoc quidem mihi: Tibi autem
fons

fontes misericordiarum preces & lachrymas densiores, vt accelerares adiutorium tuum, & illuminares tenebras meas; & studiosius ad ecclesiam currere, & in Ambrosii ora suspendi, & ad fontem salietis aquæ, in vitam æternam. Diligebat autem illum virum, sicut Angelum Dei; quod per illum cognouerat me interim ad illam ancipitem fluctuationem iam esse perductum, per quem transiturum me ab ægitudine ad sanitatem, intercurrente acriore periculo, quasi per accessionem, (quam criticam medici vocant) certa præsumebat.

Ioan. 4.

CAPVT II.

*Epula & synaxis apud sepulchra
martyrum.*

ITAQUE cum ad memorias sanctorum, sicut in Africa solebat, pultes & panem & merum attulisset, atque ab ostiario prohiberetur: vbi hoc episcopum vetuisse cognouit, tam pie atque obedienter amplexa est, vt ipse mirarer, quod tam facile accusatrix potius consuetudinis suæ, quam disceptatrix illius prohibitionis, effecta sit. Non enim obsidebat spiritum eius uinolentia, eamque stimulabat

in odium veri amor vini; sicut plerosque
mares & feminas, qui ad canticum sobrie-
tatis, sicut ad potionem aquatam madi-
di nauscant. Sed illa cū attulisset cani-
strum cum solennibus epulis prægustan-
dis atque largiendis, plus etiam quā v-
num pocillum pro suo palato satis so-
brio temperatum, vnde dignationem su-
meret, non ponebat. Et si multæ essent,
quæ illo modo videbantur honorandæ
memoriæ defunctorum, idem ipsum v-
num, quod vbique poneret, circumfere-
bat, quod iam non solum aquatissimum,
sed etiam tepidissimum, cum suis præ-
sentibus per sorbitiones exiguas partire-
tur; quia pietatem ibi quærebat, non vo-
luptatem.

2. Itaque, vbi comperit à præclaro
prædicatore atque antistite pietatis, præ-
ceptum esse ista non fieri, nec ab eis qui
sobriè facerent, nec vlla occasio se ingur-
gitandi daretur ebriosi; & quia illa quasi
parentalia, superstitioni gentiliū essent
simillima, abstinuit se libētissimè; & pro
canistro pleno terrenis fructibus, plenū
purgatioribus votis pectus ad memorias
martyrum afferre didicerat; vt & quod
posset, daret egentibus: & sic commu-
nicatio Dominici Corporis illic celebra-
retur, cuius passionis imitatione immo-

lata

lati & coronati sunt martyres.

3. Sed tamen videtur mihi Domine Deus meus, & ita est in conspectu tuo de hac re cor meum, non facile fortasse de hac amputanda consuetudine matrem meam fuisse cessuram; si ab alio prohiberetur, quem non sicut Ambrosium diligebat, quem propter salutem meam maxime diligebat: eam verò ille, propter eius religiosissimam conuersationem, qua in bonis operibus tam feruens spiritu frequentabat ecclesiam: ita ut sæpe erumperet, cum me videret in eius prædicatione, gratulans mihi, quòd talem matrem haberem; nesciens qualem illa me filium, qui dubitabam de illis omnibus, & inueniri posse viam vitæ minimè putabam.

CAPV T III.

Occupationes & studia Ambrosii.

1. **N** E c iam ingemiscebam orando, ut subuenires mihi; sed ad querendum intentus, & ad differendum inquietus erat animus meus. Ipsumque Ambrosium felicem quendam hominem secundum seculum opinabar, quem sic tantæ potestates honorarent, cœlibatus tantum eius

proferrent. Sed me maxime captum & offocatum, quodammodo deprimebant corporalia cogitantem moles illæ, sub quibus, anhelans in auram tuæ veritatis liquidam & simplicem respirare non poteram...

CAPVT XII.

*Frans discipulorum Roma in
præceptores.*

SED VLO ergo agere cœperā, propter quod veneram, vt docerem Rōmæ artem rhetoricā; & prius domi congregare aliquos, quibus & per quos innotescere cœperam; & ecce cognosco alia Rōmæ fieri, quæ non patiebar in Africa. Nam reuera illas euersiones, à perditis adolescentibus ibi non fieri, manifestatum est mihi. Sed subito inquirunt, ne mercedem magistro reddant, conspirant multi adolescentes, & transferunt se ad alium desertores fidei, & quibus præ pecuniæ charitate iustitia vilis est. Oderat etiam istos cor meum, quamuis non perfecto odio. Quod enim ab eis passurus eram, magis oderam fortasse, quam eo quod cuilibet illicita faciebant.

Psalm. 138

2. Certè tamē turpes sunt tales, & fornicantur abs te, amādo volatica ludibria

tem.

temporum & lucrum luteum, quod cum apprehēditur, manum inquinat; & amplectendo mundum fugientem, cōtemnendo te manentem & reuocantem, & ignoscentem redeunti ad te meretrici animæ humanæ. Et nunc tales odi prauos & distortos, quamuis eos corrigendos diligam: vt pecuniæ doctrinam ipsam, quam discunt, præferant, ei verò te Deū veritatem & vbertatem certi boni. & pacem castissimam. Sed tunc eos magis pati nolebam malos propter me, quam fieri bonos propter te volebam.

CAPVT XIII.

*Docturus rhetoricā it Mediolanum,
atque ab Ambrosio suscipitur.*

LTAQVE, posteaquam missum est à Mediolano Romam ad præfectum urbis, vt illi ciuitati rhetoricæ magister prouideretur, impertita etiam euectio-
ne publicæ, ego ipse ambiui per eosdem ipsos Manichæis vanitatibus ebrios, quibus vt carerem, ibam. Sed vtrique nescie-
bamus, vt dictione proposita me proba-
tam præfectus tunc Symmachus mitte-
ret. Et veni Mediolanum ad Ambrosium
Episcopum, in optimis notum orbi ter-
ræ, pium cultorem tuum; cuius tūc elo-
quia.

Psal 4

qui strenuè ministrabant adipem frumenti tui, & lætitiā olei, & sobriam vini ebrietatem populo tuo. Ad eū autem ducebar abs te nesciens, vt per eum ad te sciens ducerer. Suscepit me paternē ille homo Dei, & peregrinationem meam satis episcopaliter dilexit.

2. Et eum amare cœpi, primo quidem non tanquam doctorem veri, quod in Ecclesia tua prorsus desperabam, sed tanquā hominē benignū in me. Et studiosē audiebam disputantem in populo, non intentione qua debui, sed quasi explorās eius facundiam; vtrum conueniret famæ suæ; an maior minōrve profuēret, quam predicabatur; & verbis eius suspendebar intentus. Rerum autem incuriosus & contemptor astabam, & delectabar suauitate sermonis; quanquam eruditionis minus tamen hilarescentis atque mulcentis, quā Fausti erat, quod attinet ad dicendi modum. Ceterum rerum ipsarum nulla comparatio. Nam ille per Manichæas fallacias aberrabat, iste autem saluberrimē docebat salutem. Sed longē est a peccatoribus salus, qualis ego tunc aderam: & tamen propinquabam sensim, & nesciebam.

Psal 119

CAPVT

CAPVT XIII.

Audito Ambrosio, paulatim ab erroribus resipiscit.

I. **C**VM enim non satagerem discere, quæ dicebat; sed tantum, quemadmodum dicebat, audire (ea mihi quippe iam desperanti ad te viam patere homini, inanis cura remāserat.) Sed veniebant in animum meū simul cum verbis, quæ diligebam, res etiam, quas negligebam. Neque enim ea dirimere poteram. Et dum cor aperirem, ad excipiendum quā disertè diceret, pariter intrabat, & quā verè diceret, gradatim quidem. Nam primo etiā ipsa defendi posse, mihi iam cœperāt videri; & fidem catholicam, pro qua nihil posse dici aduersus oppugnantēs Manichæos putaueram, iam nō impudenter asseri existimabam; maxime audito vno atque altero, & sæpius ænigmate soluto de scripturis veteribus. Vbi, 2. Cor. 13 cum ad literam acciperem, occidebar spiritualiter.

2. Itaque plerisque illorum librorum expositis locis, iam reprehēdebam desperationem meam; illam dumtaxat, qua crediderā legem & prophetas detestantibus atque irridentibus resisti omnino
non

non posse. Nec tamen iam ideo mihi catholicam viam tenēdam esse sentiebam, quia & ipsa poterat habere doctores assertoresque suos, qui copiosè & non absurdè obiecta refellerent: Nec ideo iam damnandum illud, tenebam, quia defensionis partes æquabantur. Ita enim catholica non mihi victa videbatur, vt nondum etiam victrix appareret. Tunc verò fortiter intendi animū, si quo modo possem certis aliquibus documentis Manichæos conuincere falsitatis. Quòd si possem spirituales substantias cogitare, statim machinamenta illa omnia soluerentur, & abijcerentur ex animo meo, sed non poteram.

3. Veruntamen, de ipso mundi huius corpore, omniq̃ue natura, quam sensus carnis attingeret, multo probabiliora plerosque sensisse philosophos, magis magisq̃ue considerans atque comparans iudicabam. Itaque Academicorum more, sicut existimantur, dubitans de omnibus, atque inter omnia fluctuans, Manichæos quidem relinquendos esse decreui; non arbitrans eo ipso tempore dubitationis meæ, in illa secta mihi permanendum esse, cui iam nonnullos philosophos præponebam: quibus tamen philosophis, quòd sine nomine salutaris Christi

Christi essent, curationem lāguoris animæ meæ cōmittere omnino recusabam. Statui ergo tamdiu esse catechumenus in catholica ecclesia, mihi a parentibus commendata, donec aliquid certi eluceret, quo cursum dirigerem.

D I V I A V R E L I I

Augustini Confessionum

Liber sextus.

CAPVT I.

Augustinus nec Manichæus, nec catholicus.

I. **P** E S mea à iuuentute mea, vbi
 mihi eras, & quò recesseras? An
 verò non tu feceras me, & discreueras me
 à quadrupedibus & volarilibus cœli? Sapientior
 me feceras, & ambulabam per tenebras & lubricum,
 & querebam te foris à me, & non inueniebam Deum
 cordis mei; & veneram in profundū maris,
 & diffidebam, & desperabam de inuentione veri.
 Iam venerat ad me mater pietate fortis, terra marique me sequens,
 & in periculis omnibus de te secura. Nam
 & per marina discrimina, ipsos nautas

CON-

consolabatur; à quibus rudes abyssi viatores, cum perturbantur, consolari solent; pollicens eis peruentiōem cum salute, quia hoc ei tu per vīsum pollicitus eras.

2. Et inuenit me periclitātem quidem grauitē, desperationē indagandæ veritatis. Sed tamen ei cum indicassem, non me quidem iam esse Manichæum, sed neque catholicum Christianum, non quasi inopinatum aliquid audierit, exiliuit lætitia; cum iam secura fieret ex ea parte miseriæ meæ, in qua me tanquam mortuum, sed resuscitandum tibi flebat; & feretro cogitationis offerebat, vt dicerēs

Luc. 7. filio viduæ: Iuuenis tibi dico, Surge: & reuiuisceret, & inciperet loqui, & redderes illum matri suæ. Nulla ergo turbulēta exultatione trepidauit cor eius, cum audisset ex tanta parte iam factum, quod tibi quotidie plangebat, vt fieret, veritatem me nondum adeptum, sed falsitati iam ereptum. Imò verò, quia certa erat, & quod restabat te daturum, qui totum promiseras: placidissime & pectore pleno fiduciæ respondit mihi, credere se in Christo, quod priusquam de hac vita emigraret, me visura esset fidelem catholicum.

3. Et hoc quidem mihi: Tibi autem
fons

fontis misericordiarum preces & lachrymas densiores, vt accelerares adiutorium tuum, & illuminares tenebras meas; & studiosius ad ecclesiam currere, & in Ambrosii ora suspendi, & ad fontem salictis aquæ, in vitam æternam. Diligebat autem illum virum, sicut Angelum Dei; quod per illum cognouerat me interim ad illam ancipitem fluctuationem iam esse perductum; per quem transiturum me ab ægitudine ad sanitatem, intercurrente acriore periculo, quasi per accessionem, (quam criticam medici vocant) certa præsumebat.

Ioan. 46

CAPVT II.

*Epule & symaxis apud sepulchra
martyrum.*

ITaque cum ad memorias sanctorum, sicut in Africa solebat, pulres & panem & merum attulisset, atque ab ostiario prohiberetur: vbi hoc episcopum veruisse cognouit, tam pie atque obedienter amplexa est, vt ipse mirarer, quod tam facile accusatrix potius consuetudinis suæ, quàm disceptatrix illius prohibitionis, effecta sit. Non enim obsidebat spiritum eius uinolentia, eamque stimulabat

lati & coronati sunt martyres.

3. Sed tamen videtur mihi Domine Deus meus, & ita est in conspectu tuo de hac re cor meum, non facile fortasse de hac amputanda consuetudine matrem meam fuisse cessuram; si ab alio prohiberetur, quem non sicut Ambrosium diligebat, quem propter salutem meam maximè diligebat: eam verò ille, propter eius religiosissimam conuersationem, qua in bonis operibus tam feruens spiritu frequentabat ecclesiam: ita ut sæpe erumperet, cum me videret in eius prædicatione, gratulans mihi, quòd talem matrem haberem; nesciens qualem illa me filium, qui dubitabam de illis omnibus, & inueniri posse viam vitæ minimè putabam.

CAPV T III.

Occupationes & studia Ambrosii.

NE c iam ingemiscebam orando, ut subuenires mihi; sed ad querendum intentus, & ad differendum inquietus erat animus meus. Ipsumque Ambrosium felicem quendam hominem secundum seculum opinabar, quem sic tantæ potestates honorarent, cœlibatus tantum ei

mihi laboriosius videbatur. Quid autem ille spei gereret aduersus ipsius excellentiæ tentamenta, quid luctaminis haberet, quidve solaminis in aduersis, & occultum os eius, quod erat in corde eius quam sapida gaudia de pane tuo ruminaret, nec conijcere noueram, nec expertus eram: nec ille sciebat æstus meos, nec foueam periculi mei. Non enim quarere ab eo poteram, quod volebam, sicut volebam; secludentibus me ab eius aure, atque ore cateruis negotiosorum hominum, quorum infirmitatibus seruiebat. Cum quibus quando non erat, quod perexiguum temporis erat, aut corpus reficiebat necessariis sustentaculis, aut lectione animum. Sed cum legebat, oculi ducebantur per paginas, & cor intellectum rimabatur, vox autem & lingua quiescebant.

2. Sæpe cum adessemus, non enim vetabatur quisquam ingredi, aut ei venientem nunciari mos erat; sic cum legentem vidimus tacitè, & aliter nunquam. Sedentesque in diuturno silentio (quis enim tam intento esse oneri auderet?) discedebamus: & conjectabamus eum paruo illo tempore, quod reparandæ menti suæ nanciscebatur, feriatum ab strepitu causarum alienarum, nolle in aliud auocari,

& cauere fortasse, ne auditore suspensio,
& intento, si qua obscurius posuisset ille,
quem legeret, etiam exponere necesse ef-
set; aut de aliquibus difficilioribus disce-
ptare questionibus, atque huic operi tē-
poribus impensis, minus quam vellet vo-
luminum euolueret: quanquam & causa
seruandæ vocis, quæ illi facillimè obun-
debatur, poterat esse iustior tacitè legen-
di. Quolibet tamen animo id ageret, bo-
no vtrique ille vir agebat.

3. Sed certè mihi nulla dabatur co-
pia sciscitandi, quæ cupiebam, de tam
sancto oraculo tuo pectore illius, nisi cū
aliquid breuiter esset audiendum. Æstus
autem illi mei, ociosum eum valde, cui
refunderentur, requirebāt, nec vnquam
inueniebant. Et eum quidem in populo,
verbum veritatis rectè tractantem, omni
die dominico audiebam; & magis magis-
que mihi confirmabatur, omnes veru-
tarum calumniarum nodos, quos illi de-
ceptores nostri aduersus diuinos libros
† innectebant, posse dissolui.

al. inue-
ctabant.

4. Vbi verò etiam comperi, ad imagi-
nem tuam hominem à te factum, à spi-
ritualibus filiis tuis, quos de matre ca-
tholica per gratiam regenerasti, non sic
intelligi, vt humani corporis forma te
terminatum crederent atque cogitarēt;

quanquam quomodo se haberet spiritalis substantia, ne quidem tenuiter atque in ænigmate suspicabar; tamen gaudens erubui, non me tot annos aduersus catholicam fidem, sed contra carnalium cogitationum signemta latrasse. Eo quippe temerarius & impius fueram, quod ea, quæ debebam quærendo discere, accusando dixeram. Tu enim altissime & proxime, secretissime & præsentissime; cui membra non sunt alia maiora & alia minora; sed vbique totus es, & nusquam locorum es, nō es vtiq̃ue forma ista corporea; tamen fecisti hominem ad imaginem tuam, & ecce ipse à capite vsque ad pedes in loco est.

CAPVT IIII.

De litera & spiritu.

I. CVM ergo nescirem, quo modo hæc subsisteret imago tua, pulsans proponerem, quomodo credendum esset, non insultans opponerem, quasi ita creditum esset: Tanto igitur acrior cura rodebat intima mea, quid certi retinerem; quanto me magis pudebat tam diu illud & deceptum promissione certorum, puerili errore & animositate, tam multa incerta

incerta quasi certa garrisse. Quod enim falsa essent, postea mihi claruit. Certum tamen erat, quòd incerta essent; & à me aliquàdo pro certis habita fuissent, cum catholicam tuam cæcis contentionibus accusarem; & si nondum compertam veram docentem, non tamen ea docentem, quam grauitè accusabam. Itaque confundebar, & conuertebar; & gaudebà Deus meus, quod ecclesia vnica corpus vnicū tui, in qua mihi nomen Christi infanti est inditum, nō saperet infantiles nugæ; neque hoc haberet in doctrina sua sana, quod te creatorem omnium in spacium loci, quamuis summum & amplum, tamen vndique terminatum, membrorum humanorum figura contruderet.

2. Et gaudebam etiam, quod vetera scripta legis & prophetarum, iam non illo oculo mihi legenda proponerentur, quo antea videbantur absurda, cum arguebam tanquam ita sentientes sanctos tuos, verum autem non ita sentiebant: & tanquam regulam diligentissimè commendaret, sæpe in popularibus sermonibus suis dicentem Ambrosium lætus audiebam: Litera occidit, spiritus autem viuificat: cum ea, quæ ad literam, peruersitatem docere videbantur, remoto mystico velamento spiritualiter aperiret, non

2. Cor. 3.

dicens quod me offenderet, quamuis ca-
diceret, quæ vtrum vera essent, adhuc
ignorarem. Tenebam enim cor meum
ab omni assensione, timens præcipitium,
& suspendio magis necabar. Volebam e-
nim eorum, quæ non viderē, ita me cer-
tium fieri, vt certus essem, quòd septem
& tria decem sint.

3. Neque enim tam insanus eram, vt
ne hoc quidem putarem posse compre-
hendi; sed sicut hoc, ita cetera cupiebam:
siue corporalia, quæ corā sensibus meis
non adessent; siue spiritualia, de quibus
cogitare nisi corporaliter nesciebam. Et
sanari credendo poteram, vt purgatio-
res mentis meę dirigeretur aliquomo-
do in veritatem tuam semper manētem,
& ex nullo deficientem. Sed sicut euenire
assolet, vt malum medicum expertus, e-
tiam bono timeat se committere; ita
erat valetudo animæ meæ, quæ vtrique
nisi credendo sanari non poterat. Et ne
falsa crederet, curari recusabat: resistens
manibus tuis, qui medicamenta fidei
confecisti, & aspersisti super morbos
orbis terrarum, & tantam illis autori-
tatem tribuisti.

CAPVT

CAPVT V.

*De sacrorum librorum authoritate,
& necessario usu.*

1. **E**X hoc tamen quæque iam præponens doctrinam catholicam, modestius ibi minimeque fallaciter sentiebam iuberi, ut crederetur, quod non demonstrabatur; siue esset quid, sed cui fortè non esset; siue nec quid esset, quàm illic temeraria pollicitatione scientiæ credulitatem irrideri; & postea tam multa fabulosissima & absurdissima, quia demonstrari non poterant, credenda imperari. Deinde paulatim tu Domine, manu mitissima & misericordissima pertractans & componens cor meum, considerati quàm innumerabilia crederem, quæ non viderem; neque cùm gererentur, affuissem; sicut tam multa in historia gentium, tam multa de locis atque urbibus, quæ nō videram; tam multa amicis, tam multa medicis, tam multa hominibus aliis atque aliis; quæ nisi crederentur, omnino in hac vita nihil ageremus. Postremò, quàm inconcussa fixum fide retinerem, de quibus parētibus ortus essem; quod scire non possem, nisi audiendo credidissem.

2. Persuasisti mihi, non qui crederent libris tuis, quos tanta in omnibus ferè gentibus autoritate fundasti; sed qui non crederent esse culpandos, nec audiendos esse, si qui fortè mihi dicerent: Vnde scis illos libros, vnus veri & veracissimi Dei spiritu esse humano generi ministratos? Id ipsum enim maximè credendum erat, quoniam nulla pugnacitas calumniosarum quaestionum per tam multa, quæ legeram, inter se confligentium philosophorum extorquere mihi potuit, vt aliquando non crederem te esse, quicquid esses, quod ego nescirem; aut administrationem rerum humanarum ad te pertinere. Sed id credebam aliquando robustius, aliquando exilius; semper tamen credidi, & esse te, & curam nostri gerere; etiam si ignorabam, vel quid sentiendū esset de substantia tua, vel quæ via duceret aut reduceret ad te.

3. Ideoque, cùm essemus infirmi ad inueniendam liquida ratione veritatem, & ob hoc nobis opus esset autoritate sanctarum literarum, iam credere cœperam nullo modo te fuisse tributurum tam excellentem illi scripturæ per omnes iam terras autoritatem: nisi & per ipsam tibi credi, & per ipsam te quari voluisses. Iam enim absurditatem, quæ me

in illis literis solebat offendere, cum multa ex eis probabiliter exposita audissem, ad sacramentorum altitudinem referebam: eoque mihi illa venerabilior, & sacrosancta fide dignior apparebat autoritas, quo & omnibus ad legendum esset in promptu, & secreti sui dignitatem in intellectu profundiore seruaret, verbis apertissimis & humillimo genere loquendi se cunctis præbens; & exercens intentionem eorum, qui non sunt leues corde: ut exciperet omnes populari sinu, & per angusta foramina paucos ad te trajiceret; multo tamen plures, quam si nec tanto apice autoritatis emineret, nec turbas gremio sanctæ humilitatis hauriret. Cogitabam hæc, & aderas mihi: Suspirabam, & audiebas me: Fluctuabam, & gubernabas me: Ibam per viam seculi latam, nec deserebas me.

Marr. A

CAPVT VI.

De miseria ambiciosorum, adducto exemplo mendici letantis.

INhiabam honoribus, lucris, conuigio, & tu irridebas. Patiebar in eis cupiditatibus amarissimas difficultates, re-

propitio tanto magis, quanto minus fin-
nebas mihi dulcescere, quod non eras tu.
Vide cor meum Domine, qui voluisti, vt
hoc recordarer, & confiterer tibi. Nunc
tibi inhæreat anima mea, quam de visco-
ram tenaci mortis exuisti. Quam misera
erat, & sensum vulneris sui tu pungebas;
vt relictis omnibus conuerteretur ad te,
qui es super omnia, & sine quo nulla es-
sent omnia, conuerteretur & sanaretur.
Quam ergo miser eram; & quomodo
egisti, vt sentirem miseriam meam die il-
lo, quò cùm pararem recitare Imperato-
ri laudes, quibus plura mentirer, & men-
tienti faueretur ab scientibus; easque cu-
ras anhelaret cor meum, & cogitationū
tabificarum febribus aestuaret; tran-
siens per quendam vicum Mediolanen-
sem, animaduerti pauperem mendi-
cum, iam credo saturum, iocantem at-
que latantem: & ingemui, & locutus
sum cum amicis, qui mecum erant,
multos dolores infaniarum nostrarum;
quia omnibus talibus conatibus no-
stris, qualibus tunc laborabam, sub
stimulis cupiditatum trahens infelici-
tatis meæ sarcinam, & trahendo ex-
aggerans, nihil vellemus aliud nisi ad
securam lætitiā peruenire, quo nos
mendicus ille iam præcessisset, nunquam
illuc

illuc fortasse venturos: Quod enim iam ille pauculis, & emendicatis nummulis adeptus erat, ad hoc ego tam arumnosis anfractibus & circuitibus ambiebam, ad lætitiā scilicet temporalis fœlicitatis.

2. Nō enim verum gaudium habebat, sed & ego illis ambitionibus multò falsius quærebam. Et certè ille lætabatur, ego anxius eram: securus ille, ego trepidus. Et si quisquam percunctaretur me, vtrum mallet exultare an metuere, responderem exultare. Rursus, si interrogaret, vtrum me talem mallet, qualis ille, an qualis ego tunc essem, me ipsum curis timoribusque cōfectum eligerem, sed peruersitate; nunquid veritate? Neque enim eò me præponere illi debebā, quò doctior eram; quoniam non inde gaudebam, sed placere inde quærebam hominibus; nō vt eos docerem, sed tantum vt placerem. Propterea, & tu baculo disciplinæ tuæ confringebas ossa mea. Recedant ergo ab anima mea, qui dicūt ei: Interest, vnde quis gaudeat.

3. Gaudebat mendicus ille vinolentia, tu gaudere cupiebas gloria. Quæ gloria domine? Quæ non est in te. Nam sicut veram gaudium illud non erat, ita nec illa vera gloria: & amplius euertebat mentem meam. Et ille ipsa nocte digesturus
erat

Minor natus: Nam & studuerat apud me, cum in nostro docere cœpi oppido, & postea Carthagini; Et diligebat me multum, quod ei bonus & doctus viderer; & ego illum propter magnâ virtutis indolem, quæ in non magna ætate satis eminebat. Gurges tamen morum Carthaginensium, quibus nugatoria seruent spectacula, absorbuerat cum in insaniam Circensium. Sed cum in eo miserabiliter volueretur, ego autem rhetoricam ibi professus, publica schola vterer, nondum me audiebat ut magistrum, propter quandam simultatem, quæ inter me & patrem eius erat exorta; & compereram, quod Circum exitiabiliter amaret; & grauius angebar, quod tantam spem perditurus, vel etiam perdidisse mihi videbatur. Sed monendi eum, & aliqua coercitione reuocandi nulla erat copia, vel amicitie beneuolentia, vel iure magisterij. Putabam enim cum de me cum patre sentire, ille verò non sic erat. Itaque postposita in hac re patris voluntate, salutare me cœperat, veniens in auditorium meum, & audire aliquid atque abire. Sic enim de memoria mihi lapsus erat agere cum illo, ne vanorum ludorum * cæco & præcipi- al. cæco-
ti studio, tam bonum interimeret ingenium.

2. Verum autem domine, tu qui præsides gubernaculis omnium, quæ creasti, nō cum oblitus eras futurum inter filios tuos antistitem sacramenti tui. Et vt apertè tibi tribueretur eius correctio, per me quidem illam, sed nescientem operatus es. Nam quodam die cum sederem loco solito, & coram me adessent discipuli, venit, salutauit, sedit; atque in ea, quæ agebantur, animū intendit. Et fortè lectio in manibus erat, quam dum exponerem, opportunè mihi videbatur adhibenda similitudo Circensium; quo illud, quod insinuabam, & iucundius & planius fieret, cum irrisione mordaci eorum, quos illa captiuasset infania. Tu scis Deus noster, quod tunc de Alipio ab illa peste sanando non cogitauerim. At ille in se rapuit, meq; illud non nisi propter se dixisse credidit. Et quod alius acciperet ad succensendum mihi, accepit honestus adolescens ad succensendum sibi, & ad me ardentius diligendum. Dixeras enim tu iam olim, & innexueras literis tuis: Corripe sapientem, & amabit te.

Prou. 9.

3. At ego illum iam non corripueram: Sed vteris tu omnibus & scientibus & nescientibus, ordine quo nosti, & ille ordo iustus est. De corde & lingua mea, carbonēs ardentes operatus es, quibus men-

tem

rem spei bonæ adureres tabescentem, ac sanares. Taceat laudes tuas, qui miserationes tuas non considerat, quæ tibi de medullis meis confitentur. Etenim ille post illa verba, proripuit se ex fouea tam alta, qua libenter demergebatur, & cum miserabili voluptate cæcabatur; & excussit animum forti temperantia, & resilerunt omnes Circensium sordes ab eo, ampliusque illuc non accessit. Deinde patrem reluctantem euicit, ut me magistro vteretur. Cessit ille, atque concessit. Et audire me rursus incipiens, illa mecum superstitione inuolutus est, amans in Manichæis ostentationem continentiae, quam veram & germanam putabat. Erat autem illa vecors & seductoria, preciosas animas captans, nondum virtutis altitudinem scientes tangere, & superficie decipi faciles, sed tamen adulatoratæ simulatæque virtutis.

CAPVT VIII.

Alipius capitur insania ludorum gladiatoriorum, à quibus antea abhorruerat.

1. **N**ON sane relinquens incantatam sibi à parentibus terrenam viam, Romam præcesserat, ut ius disceret; & ibi gla-

gladiatorij spectaculi hiatu incredibili
& incredibiliter abreptus est. Cum enim
auersaretur & detestaretur talia, quidam
eius amici & condiscipuli, cum fortè de
prandio redeuntibus peruium obuius es-
set, recusantem vehementer & resisten-
tem, familiari violentia duxerunt in am-
phitheatrum crudelium & funestorum
ludorum diebus, hæc dicentem: Si cor-
pus meum in illum locum trahitis, & ibi
constituitis, nunquid & animū & ocu-
los meos, in illa spectacula potestis in-
tendere? Adero itaque absens, ac sic & vos
& illa superabo. Quibus auditis, illi ni-
hilo segnius eum adduxerunt secum, id-
ipsum forte explorare cupientes, vtrum
posset efficere. Quò ubi ventum est, &
sedibus, quibus potuerunt, locati sunt,
feruebant omnia immanissimis volup-
tatibus.

2. Ille autem clausis foribus oculorum,
interdixit animo, ne in tanta mala pro-
cederet, atque vtinam & aures obtura-
uisset. Nam quodam pugnae casu, cum
clamor ingens totius populi vehemēter
eum pulsasset, curiositate victus, & quasi
paratus quicquid illud esset, etiam visu
contemnere & vincere, aperuit oculos; &
percussus est grauiore vulnere in anima,
quam ille in corpore, quem cernere con-
cupi-

eupiuu, ceciditque miserabilius, quàm ille, quo cadente, factus est clamor; qui per eius aures intrauit, & referauit eius lumina, vt esset, qua feriretur & deijceretur, audax adhuc potius, quàm fortis animus; & eò infirmior, quo de se præsumperat, qui debuit te. Vt enim vidit illum sanguinem, immanitatem simul ebibit; & non se auertit, sed fixit aspectum; & hauebat furias, & nesciebat; & delectabatur scelere certaminis, & cruenta voluptate inebriabatur. Et non erat iam ille, qui venerat; sed vnus de turba, ad quam venerat; & verus eorum socius, à quibus adductus erat. Quid plura? Spectauit, clamauit, exarsit; abstulit inde secum insaniam, qua stimularetur redire; non tantum cum illis, à quibus prius abstractus est; sed etiam præ illis, & alios trahens. Et inde tamē manu validissima & misericordissima eruisti eum tu; & docuisti eum non suū habere, sed tui; sed longe postea.

CAPVT. IX.

Alipius vt fur apprehenditur.

VEruntamen, iam hoc ad medicinam futuram, in eius memoria reponebatur. Nam & illud, quod cum adhuc

adhuc studeret, iam me audiens apud Carthaginem, & medio die cogitaret in foro, quod recitaturus erat, sicuti exerceri scholastici solent, fuisti eum comprehendendi ab ædituis fori, tanquam furem. Non arbitror aliam ob causam te permisisse Deus noster, nisi ut ille vir tantus futurus, iam inciperet discere, quàm non facile in cognoscendis causis, homo ab homine damnandus esset temeraria credulitate. Quippe ante tribunal deambulabat solus cum tabulis ac stylo, cum ecce adolescens quidam ex numero scholasticorum fur verus, securim clanculo apportans, illo non sentiente, ingressus est ad cancellos plumbeos, qui vico argentario desuper præminent, & præcidere plumbum cœpit. Sono autem securis audito, submurmurauerunt argentarii, qui subter erant; & miserunt, qui apprehenderent, quem fortè inuenissent. Quorum vocibus auditis, relicto instrumento ille discessit, timens ne cum eo teneretur.

2. Alipius autem, qui non viderat intrantem, exeuntem sensit, & celeriter vidit abeuntem. Et causam scire cupiens, ingressus est locum, & inuentam securim stans atque admirans considerabat. Cum ecce illi, qui missi erant, reperiunt eum
solum.

solum ferentem ferrum, cuius sonitu excitati venerant. Tenent, attrahunt; congregatis inquilinis fori, tanquam furem manifestum se comprehendisse gratulabantur, & inde offerendus iudici ducebatur. Sed hæcenus docendus fuit. Statim enim domine subuenisti innocētiæ, cuius testis eras tu solus. Cum enim duceretur, vel ad custodiam, vel ad supplicium, sit eis obuiam quidā architectus, cuius maxima erat cura publicarum fabricarum. Gaudent illi eum potissimum occurrisse, cui solebant in suspicionem venire ablatarum rerū, quæ perissent de foro; vt quasi tandem iam ille cognosceret, à quibus hæc fierent.

3. Verum autem viderat homo sæpe Alipium in domo cuiusdam Senatoris, ad quem salutādum ventitabat. Statimque cognitum manu apprehēsa semouit à turbis; & tanti mali causam quærens, quid gestum esset, audiuit. Omnesque tumultuantes, qui aderant, & minaciter frementes, iussit venire secum. Et venerunt ad domum illius adolescentis, qui rem commiserat. Puer verò erat ante ostium, & tam paruus erat, vt nihil exinde domino suo metuens, facilè posset eorum indicare. Cum eo quippe in foro fuit pedissequus, Quem posteaquam recoluit

coluit Alipius, architecto intimaui. At ille securim demonstraui puero, quæres ab eo cuius esset. Qui confestim, nostra inquit. Deinde interrogatus, aperuit cætera. Sic in illam domum translata causa, confusisque turbis, quæ de illo triumphare iam ceperant, futurus dispensator verbi tui, & multarum in ecclesia tua causarum examinador, experientior instructiorque discessit.

C A P V T X.

*De integritate Alipij, & aduentu
Nebridij.*

1. **H** VNC ergo Romæ inueneram, & adhæsit mihi forrissimo vinculo; mecumque Mediolanum profectus est; vt nec me defereret; & de iure, quod didicerat, aliquid ageret, secundum votum parentum magis quam suum. Et inter hæc iam assederat mirabili continentia cæteris, cum ille magis miraretur eos, qui aurum innocentiae præponerent. Tentata est quoque eius indoles, non solum illecebra cupiditatis, sed etiã stimulo timoris. Romæ assidebat Comiti largitionum Italicarum.

2. Erat eo tempore quidam potentissimus senator, cuius & beneficijs obstri-
cti

Et multi, & terrori subditi erant. Voluit
 sibi licere nescio quid ex more potentia
 sua, quod esset per leges illicitum. Resti-
 tit Alipius; promissum est præmium, ir-
 risit animo: Prætentæ minæ, calcavit,
 mirantibus omnibus inusitatâ animam,
 quæ hominem tantum & innumerabili-
 bus præstandi nocendique modis ingenti
 fama celebratum, vel amicum non opta-
 ret, vel non formidaret inimicum. Ipse
 autem Iudex, cui cõsiliarius erat, quam-
 vis & ipse fieri nollet, non tamen aperte
 recusabat; sed in istum causam transfe-
 rens, ab eo se nõ permitti asseribat; quia
 reuera si ipse faceret, iste discederet. Hoc
 solo autem penè iam illectus erat studio
 literario, vt pretiis prætorianis codices
 sibi cõficiendos curaret. Sed cõsulta iu-
 stitia, deliberationem in melius in vertit;
 vt iliorẽ iudicâs æquitatem, qua prohibe-
 batur; quàm potestatem, qua sinebatur.
 Paruum est hoc; Sed qui in paruo fidelis
 fidelis est; & in magno fidelis est. Nec vlti-
 mo modo erit inane, quod de tuæ veritatis
 ore processit, Si in iniusto mammona fi-
 deles nõ fuistis, quod verum est, quis cre-
 det vobis? Et si in alieno fideles non fui-
 stis, quod vestrum est, quis dabit vobis?
 Talis ille tunc inhærebat mihi, mecum-
 que nutabat in consilio, quisnam esset
renew

Lucæ 16.

Ibidem

tenendus vitæ modus.

al secu-
tura.

Psal. 144.

3. Nebridius etiam, qui relicta patria vicina Carthagini atq; ipsa Carthagine, vbi frequentissimus erat; relicto rure paterno optimo, relicta domo, & non * secutura matre, nullam ob aliam causam Mediolanum venerat, nisi vt mecum viueret, in flagrantissimo studio veritatis atque sapientiæ; pariter suspirabat, pariterque fluctuabat; beatæ vitæ inquisitor ardens, & quæstionum difficillimarum scrutator acerrimus. Et erant orationum egentium, & inopiam suam sibi inuicem anhelantium, & à te expectantium, vt dares eis escam in tempore opportuno: & in omni amaritudine, quæ nostros seculares actus de misericordia tua sequebatur; intuentibus nobis finem, circa pateremur, occurrebant tenebræ; & auersabamur gementes, & dicebamus: Quâdiu hæc? Et hoc crebro dicebamus; & dicentes, non relinquebamus ea; quia non elucebat certum aliquid, quod illis relictis apprehenderemus.

CAPVT XI.

Deliberat Augustinus de instituenda vita.

ET ego maximè mirabar satagens & recolens, quam longum tempus

pus esset ab vndeicesimo anno ætatis meæ, quo feruere cœperam studio sapiētiæ: disponēs ea inuenta, relinquere omnes vanarum cupiditatum spes inanes & insanias mendaces. Et ecce iam tricenariam ætatem gerebam, in eodem luto hæsitans auiditate fruendi præsentibus, fugientibus & dissipantibus me, dum dico, Cras inueniam; ecce manifestum apparebit, & tenebo; & ecce Faustus veniet, & exponet omnia. O magni viri Academici, nihil ad agendam vitam certi comprehendendi potest. Imò queramus diligentius, & non desperemus. Ecce iam non sunt absurda in libris ecclesiasticis, quæ absurda videbantur, & possunt aliter atque honestè intelligi. Figam pedes in eo gradu, in quo puer a parentibus positus eram, donec inueniatur perspicua veritas.

2. Sed vbi queretur? quādo queretur? Nō vacat Ambrosio, non vacat legere. Vbi ipsos codices quærimus? Vnde aut quando cōparamus, a quibus sumimus? Deputentur tēpora, distribuātur horæ pro salute animæ. Magna spes oborta est. Non docet catholica fides, quod putabamus, & vani accusabamus. Nefas habent docti eius, credere Deum figura humani corporis terminatum; & dubitamus pulsare,

H

quod

quò aperiantur cætera? Antemeridianas horas discipuli occupant, cæteris quid facimus? Cur non id agamus? Sed quâdo salutamus amicos maiores, quorum suffragiis opus habemus? Quando praparamus, quod emant scholastici? Quando reparamus nos ipsos, animum relaxando ab intentione curarum? Pereant omnia, & dimittamus hæc vana & inania; conferamus nos ad solam inquisitionem veritatis. Vita hæc misera est, mors incerta. Si subitò obrepit: quomodo hinc exhibimus? Et ubi nobis discenda sunt, quæ hic negleximus? Ac non potius huius negligentiae supplicia luenda sunt? Quid si mors ipsa omnem curam cum sensu amputabit, & finietur? Ergo & hoc querendum. Sed absit, ut ita sit. Non vacat, non est inane, quod tam eminens culmen auctoritatis Christianæ fidei, toto orbe diffunditur. Nunquam tanta & talia pro nobis diuinitus agerentur, si morte corporis etiam vita animæ consumeretur. Quid cunctamur igitur relicta spe seculi, confestim nos ipsos ad querendum Deum, & vitam æternam?

3. Sed expecta, iucunda sunt etiã ista, habent non parvâ dulcedinem suam. Nō facile ab eis præcedenda est intentio, quia turpe est ad ea rursus redire, Ecce iam
quan-

quantum est, vt impetretur aliquis honor: Et quid amplius in his desiderandū? Suppetit amicorum maiorum copia, vt nihil aliud, & multū festinemus; vel praesidatus dari potest; & ducenda vxor cum aliqua pecunia, ne sumptum nostrū grauet: & ille erit modus cupiditatis. Multi magni viri & imitatione dignissimi, sapientiae studio cum coniugibus dediti fuerunt.

4. Cū hęc dicebam, & alternabant hi vēti, & impellebāt huc atque illuc cor meum; transibant tempora, & tardabam conuerti ad dominum Deum; & differebam de die in diem viuere in te, & non differebam quotidie in memetipso mori. Amans beatam vitam, timebam illam in sedesua, & ab eā fugiēs, quærebā eam. Putabam enim me miserū fore nimis, si feminae priuaret amplexibus: & medicinam misericordiae tuae, ad eandem infirmitatem sanandam, non cogitabā; quia expertus non eram, & propriarum viriū credebam esse continentiam. Quarum mihi non eram conscius, cū tam stultus essem, vt nescirem, sicut scriptum est: Neminem esse posse continentem, nisi tu dederis. Vtique dares, si gemitu interno pulsarem aures tuas, & fide solida in te iactarem curam meam.

347. 8.

CAPVT XII.

Contentio inter Alipium & Augustinum, de matrimonio & cœlibatu.

1. **P**rohibebat me sane Alipius ab uxore ducenda, causans nullo modo nos posse securo ocio, simul in amore sapientiæ viuere, sicut iā diu desideraueramus, si id fecissem. Erat enim ipse in ea re etiā tunc castissimus, ita vt mirum esset: quia vel experientiam concubitus cœperat in ingressu adolescentiæ suæ, sed non hæserat, magisque doluerat, & spreuerat; & deinde iam continētissimè vivebat. Ego autem resistebam illi exemplis eorum, qui coniugati coluissent sapientiam, & promeruissent Deum, & habuissent fideliter, ac dilexissent amicos. A quorū ego quidem grauiditate animi, lōgè aberā: & † delectatus morbo carnis, & mortificatiua suauitate trahebam catenam meam, solui timens: & quasi concusso vulnere, repellens verba bene suadentis, tanquam manum soluentis.

2. Insuper etiam per me, ipse quoque Alipio loquebatur serpens: & innectabat atque spargebat per linguam meā, dulces laqueos in via eius, quibus illi honesti &

ol. deli-
parus.

sti & expediti pedes implicarentur. Cùm enim me ille miraretur, quem non parvipenderet, ita hærere visco illius voluptatis, vt me affirmarem, quotiescunque inde inter nos quæreremus, cœlibem vitam nullo modo posse degere, atque ita me defenderem; cùm illum mirantem viderem, vt dicerem multum interesse inter illud, quod ipse raptim & furtim expertus esset, quod penè iam nec meminisset quidem, atque idcò nulla molestia facilè contemneret delectationes cōsuetudinis meæ: ad quas si accessisset honestum nomen matrimonii, non eum mirari oportere, cur ego illam vitam nequirem spernere, Cœperat & ipse desiderare coniugium, nequaquam victus libidine talis voluptatis, sed curiositatis. Dicebat enim scire se cupere, quidnam esset illud, sine quo vita mea, quæ illi sic placebat, non mihi vita, sed pœna videretur.

3. Stupebat enim liber ab illo vinculo animus seruitutem meam, & stupendo ibat in experiendi cupidinem, venturus in ipsam experientiam, atque inde fortasse lapsurus in eam, quam stupebat seruitutem, quoniam sponsionem volebat facere cum morte. Et, qui amat periculum, incidet in illud. Neutrum enim

Eccle. 5.

nostram, si quod est conjugale decas, in officio regendi matrimonii & suscipiendorum liberorum ducebat, nisi tenuit. Magna autem ex parte atque vehemēter consuetudo satiandæ insatiabilis concupiscentiæ me captum excruciat, illum autem admiratio capiendum trahebat. Sic eramus, donec tu altissime non deserens hūmum nostram, miseratus miseros, subuenires miris & occultis modis.

CAPVT .XIII.

Uxor quaeritur Augustino.

ET instabatur impigrè, vt ducerem vxorem. Iam petebam, iam promittebatur, maximè inatre dante operā; quò me iam coniugatum baptisumus salutaris ablueret; quo me indies gaudebat aptari, & vota sua ac promissa tua, in mea fide compleri animaduertebat. Cū sanè & rogatu meo & desiderio suo, forticlamore cordis abs te deprecaretur quotidie, vt ei per visum ostenderes aliquid de futuro matrimonio meo, nunquam voluisti.

2. Et videbat quædam vana & phantastica, quæ cogebat impetus de hac resatagen-

agentis humani spiritus; & narrabat mihi, non cum fiducia qua solebat, cum in demonstrabas ei, sed contemnens ea. Dicebat enim discernere se nescio quo sapore, quem verbis explicare nō poterat; quid interesset inter reuelantem te, & animam suam somniantem. Instabatur tamē, & puella petebatur; cuius ætas fermè biennio minor, quàm nubilis erat. Et quia ea placebat, expectabatur.

CAPVT XIII.

Vita communis.

ET † multi amici agitaueramus a- al. mul-
 nimo, & colloquētes ac detestan- ta.
 tes turbulentas humanæ vitæ molestias,
 penè iam firmaueramus remoti à turbis
 ociosè viuere, id otium sic moliti, vt si
 quid habere possemus, conferremus in
 medium, vnamque rem familiarem con-
 flarem ex omnibus; vt per amicitie syn-
 ceritatem, non esset aliud huius, & aliud
 illius; sed quod ex cunctis fieret vnum, &
 vniuersum singulorum esset, & omnia
 omnium: cum videremur nobis esse pos-
 se decem fermè homines in eadem socie-
 tate, essentque inter nos prædiuites, Ro-
 manianus maxime communiceps no-

ster, quem tunc graues æstus negociorum suorum ad comitatum attraxerant, ab ineunte ætate mihi familiarissimus. Qui maximè instabat huic rei, & magnam in suadèdo habebat auctoritatem, quòd ampla res eius multum cæteris anteibat.

2. Et placuerat nobis, vt bini annui, tãquam magistratus omnia necessaria curarent, cæteris quietis. Sed posteaquàm cœpit cogitari, ytrum hoc mulierculæ sinerent, quã & alii nostrum iã habebant, & nos habere volebamus; totum illud placitum, quod bene formabamus, dissiluit in manibus, atque confractum & abiectum est. Inde ad suspiria & gemitus & gressus ad sequendas latas & tritas vias seculi, quoniam multe cogitationes erant in corde nostro, consilium autem tuum manet in æternum. Ex quo consilio decidebas nostra, & tua præparabas; nobis daturus escam in opportunitate, & aperiturus manum tuam, atque impleturus animas nostras benedictione.

Matt. 7.

Psal. 32.

Psal. 144

CAPVT XV.

*In locum discedentis concubina
alia succedit.*

1. **I**NTEREA peccata mea multiplicabantur, & auulsa a latere meo tanquã
impe-

impedimento coniugii, cum qua cubare solitus eram, cor vbi adhærebat, cōcisum & vulneratum mihi erat, & trahebat sanguinem. Et illa in Africam redierat, volens tibi alium se virum nescituram, relicto apud me naturali ex illa filio meo. At ego infelix, nec feminae imitator, dilationis impatiens, tanquam post bienniū accepturus eam, quam petebam; quia non amator coniugii, sed libidinis feruus eram, procuravi aliam, non vtrique coniugam: qua tanquam sustentaretur & perduceretur, vel integer vel auctior morbus animæ meæ, satellitio perdurantis consuetudinis in regnum vxoriū. Nec sanabatur vulnus illud meū, quod prioris præcisione factum fuerat; sed post feruorem doloremque acerrimum putrescebat; & quasi frigidius, sed desperatius dolebat.

CAPVT XVI.

De immortalitate animæ.

1. **T**IBI laus, tibi gloria, fons misericordiarum. Ego fiebam inferior, & tu propinquior. Aderat iam iāque dextera tua, creptura me de cœno, & ablutura, & ignorabam. Nec me reuocabat à

H 2

pro

tenendus vitæ modus.

al secu-
tura.

Psal. 144.

3. Nebridius etiam, qui relicta patria vicina Carthagini atq; ipsa Carthagine, ubi frequentissimus erat; relicto rure paterno optimo, relicta domo, & non * secutura matre, nullam ob aliam causam Mediolanum venerat, nisi vt mecum viveret, in flagrantissimo studio veritatis atque sapientiæ; pariter suspirabat, pariterque fluctuabat; beatæ vitæ inquisitor ardens, & quæstionum difficillimarum scrutator acerrimus. Et erant ora trium egentium, & inopiam suam sibi inuicem anhelantium, & à te expectantium, vt dares eis escam in tempore opportuno: & in omni amaritudine, quæ nostros seculares actus de misericordia tua sequebatur; intuentibus nobis finem, cur ea pateremur, occurrebant tenebræ; & auersabamur gementes, & dicebamus: Quâdiu hæc? Et hoc crebro dicebamus; & dicentes, non relinquebamus ea; quia non elucebat certum aliquid, quod illis relictis apprehenderemus.

CAPVT XI.

Deliberat Augustinus de instituenda vita.

F. **E**T ego maximè mirabar satagens & recolens, quam longum tempus

pus esset ab vndeicesimo anno ætatis meæ, quo feruere cœperam studio sapiētiæ: disponēs ea inuenta, relinquere omnes vanarum cupiditatum spes inanes & insanias mendaces. Et ecce iam tricenariam ætatem gerebam, in eodem luto hæsitans auiditate fruendi præsentibus, fugientibus & dissipantibus me, dum dico, Cras inueniam; ecce manifestum apparebit, & tenebo; & ecce Faustus veniet, & exponet omnia. O magni viri Academici, nihil ad agendam vitam certi comprehendendi potest. Imò queramus diligentius, & non desperemus. Ecce iam non sunt absurda in libris ecclesiasticis, quæ absurda videbantur, & possunt aliter atque honestè intelligi. Figam pedes in eo gradu, in quo puer a parentibus positus eram, donec inueniatur perspicua veritas.

2. Sed ubi queretur? quādo queretur? Nō vacat Ambrosio, non vacat legere. Vbi ipsos codices quærimus? Vnde aut quando cōparamus, a quibus sumimus? Deputētur tēpora, distribuātur horæ pro salute animæ. Magna spes oborta est. Non doctæ catholica fides, quod putabamus, & vani accusabamus. Nefas habent docti eius, credere Deum figura humani corporis terminatum; & dubitamus pullare;

quò aperiantur cætera? Antemeridianas horas discipuli occupant, cæteris quid facimus? Cur non id agimus? Sed quâdo salutamus amicos maiores, quorum suffragiis opus habemus? Quando præparamus, quod emant scholastici? Quando reparamus nos ipsos, animum relaxando ab intentione curarum? Pereant omnia, & dimittamus hæc vana & inania; conferamus nos ad solam inquisitionem veritatis. Vita hæc misera est, mors incerta. Si subito obrepit: quomodo hinc exhibemus? Et ubi nobis discenda sunt, quæ hic negleximus? Ac non potius huius negligentiae supplicia luenda sunt? Quid si mors ipsa omnem curam cum sensu amputabit, & finietur? Ergo & hoc querendum. Sed absit, ut ita sit. Non vacat, non est inane, quod tam eminens culmen auctoritatis Christianæ fidei, toto orbe diffunditur. Nunquam tanta & talia pro nobis diuinitus agerentur, si morte corporis etiam vita animæ consumeretur. Quid cunctamur igitur relicta spe seculi, confestim nos ad querendum Deum, & vitam æternam?

3. Sed expecta, iucunda sunt etiâ ista, habent non parvâ dulcedinem suam. Nô facile ab eis præcedenda est intentio, quia turpe est ad ea rursus redire. Ecce iam
quan-

quantum est, vt impetretur aliquis honor: Et quid amplius in his desiderandū? Supperit amicorum maiorum copia, vt nihil aliud, & multū festinemus; vel præsidatus dari potest; & ducenda vxor cum aliqua pecunia, ne sumptum nostrū grauet: & ille erit modus cupiditatis. Multi magni viri & imitatione dignissimi, sapientiæ studio cum coniugibus dediti fuerunt.

4. Cū hęc dicebam, & alternabant hi vēti, & impellebāt huc atque illuc cor meum; transibant tempora, & tardabam conuerti ad dominum Deum; & differebam, de die in diem viuere in te, & non differebam quotidie in memetipso mori. Amans beatam vitam, timebam illam in sede sua, & ab eā fugiēs, quærebā eam. Putabam enim me miserū fore nimis, si femina priuaret amplexibus: & medicinam misericordiæ tuæ, ad eandem infirmitatem sanandam, non cogitabā; quia expertus non eram, & propriarum viriū credebam esse continentiam. Quarum mihi non eram conscius; cum tam stultus essem, vt nescirem, sicut scriptum est: Neminem esse posse continentem, nisi 347. 8. tu dederis. Vtique dares, si gemitu interno pulsarem aures tuas, & fide solida in te iactarem curam meam.

CAPVT XII.

Contentio inter Alipium & Augustinum, de matrimonio & cœlibatu.

x. **P**rohibebat me sane Alipius ab uxore ducenda, causans nullo modo nos posse securo ocio, simul in amore sapientiæ viuere, sicut iā diu desideraueramus, si id fecissem. Erat enim ipse in ea re etiā tunc castissimus, ita vt mirum esset: quia vel experientiam concubitus cœperat in ingressu adolescentiæ suæ, sed non hauerat, magisque doluerat, & spreuerat; & deinde iam continētissimè vivebat. Ego autem resistebam illi exemplis eorum, qui coniugati coluissent sapientiam, & promeruissent Deum, & habuissent fideliter, ac dilexissent amicos. A quorū ego quidem granditate animi, lōgè aberā: & † delectatus morbo carnis, & mortificati suauitate trahebam catenam meam, solui timens: & quasi concusso vulnere, repellens verba bene suadentis, tanquam manum soluentis.

2. Insuper etiam per me, ipse quoque Alipio loquebatur serpens: & innectabat atque spargebat per linguam meā, dulces laqueos in via eius, quibus illi hone-

sti &

al. deli-
gatus.

sti & expediti pedes implicarentur. Cùm enim me ille miraretur, quem non parvipenderet, ita hæere visco illius voluptatis, vt me affirmarem, quotiescunque inde inter nos quæreremus, cœlibem vitam nullo modo posse degere, atque ita me defenderem; cùm illum mirantem viderem, vt dicerem multum interesse inter illud, quod ipse raptim & furtim expertus esset, quod penè iam nec meminisset quidem, atque idcò nulla molestia facilè contemneret delectationes cōsuetudinis meæ: ad quas si accessisset honestum nomen matrimonii, non eum mirari oportere, cur ego illam vitam nequirem spernere, Cœperat & ipse desiderare coniugium, nequaquam victus libidine talis voluptatis, sed curiositatis. Dicebat enim scire se cupere, quidnam esset illud, sine quo vita mea, quæ illi sic placebat, non mihi vita, sed pœna videretur.

3. Stupebat enim liber ab illo vinculo quimus seruitutem meam, & stupendo ibat in experiendi cupidinem, venturus in ipsam experientiam, atque inde fortasse lapsurus in eam, quam stupebat seruitutem, quoniam sponsonem volebat facere cum morte. Et, qui amat periculum, incidet in illud. Neutrum enim

Ecclesi. 5.

nostram, si quod est coniugale decas, in officio regendi matrimonii & suscipiendorum liberorum ducebat, nisi tenuit ex. Magna autem ex parte atque vehemēter consuetudo satiandæ insatiabilis concupiscentiæ me captum excruciabatur, illum autem admiratio capiendum trahebat. Siceramus, donec tu altissime non deferens humum nostram, miseratus miseros, subuenires miris & occultis modis.

CAPVT .XIII.

Uxor quaeritur Augustino.

ET instabatur impigrè, vt ducerem uxorem. Iam petebam, iam promittebatur, maximè matre dante operā; quò me iam coniugatum baptismus salutaris ablueret; quo me indies gaudebat aptari, & vota sua ac promissa tua, in mea fide compleri animaduertebat. Cùm sanè & rogatu meo & desiderio suo, forti clamore cordis abs te deprecaretur quotidie, vt ei per visum ostenderes aliquid de futuro matrimonio meo, nunquam voluisti.

2. Et videbat quædam vana & phantastica, quo cogebat impetus de hac re sagi-

agentis humani spiritus; & narrabat mihi, non cum fiducia qua solebat, cum in demonstrabas ei, sed contemnaens ea. Dicebat enim discernere se nescio quo sapore, quem verbis explicare nō poterat; quid interesset inter reuelantem te, & animam suam somniantem. Instabatur tamē, & puella pernebatur; cuius ætas ferme biennio minor, quàm nubilis erat. Et quia ea placebat, expectabatur.

CAPVT XIII.

Vita communis.

1. **E**T † multi amici agitaueramus a- al. mul-
ta.
nimo, & colloquētes ac detestantes turbulentas humanæ vitæ molestias, penē iam firmaueramus remoti à turbis ociosè viuere, id ocium sic moliri, vt si quid habere possemus, conferremus in medium, vnāque rem familiarem conficarem ex omnibus; vt per amicitie sinceritatem, non esset aliud huius, & aliud illius; sed quod ex cunctis fieret vnum, & vniuersum singulorum esset, & omnia omnium: cum videremur nobis esse posse decem ferme homines in eadem societate, essentque inter nos prædiuites, Romanianus maxime communiceps no-
H 4 ster,

impedimento coniugii, cum qua cubare solitus eram, cor vbi adhærebat, cōcisum & vulneratum mihi erat, & trahebat sanguinem. Et illa in Africam redierat, volens tibi alium se virum nescituram, relicto apud me naturali ex illa filio meo. At ego infelix, nec feminae imitator, dilationis impatiens, tanquam post bienniū accepturus eam, quam petebam; quia non amator coniugii, sed libidinis feruus eram, procuravi aliam, non vtique coniugam: qua tanquam sustentaretur & perduceretur, vel integer vel auctior morbus animæ meæ, fatellitio perdurantis consuetudinis in regnum vxoriū. Nec sanabatur vulnus illud meū, quod prioris præcisione factum fuerat; sed post feruorem doloremque acerrimum putrescebat; & quasi frigidius, sed desperatius dolebat.

CAPVT XVI.

De immortalitate animæ.

TIBI laus, tibi gloria, fons misericordiarum. Ego fiebam inferior, & tu propinquior. Aderat iam iāque dextera tua, ereptura me de cœno, & ablutura, & ignorabam. Nec me reuocabat à

profundiore voluptatum carnalium gurgite, nisi metus mortis & futuri iudicii tui; qui per varias quidē opiniones, nunquam tan en recessit de pectore meo. Et disputabam cum amicis meis Alipio & Nebridio, de finibus bonorum & malorum, Epicurum accepturum fuisse palmam in animo meo, nisi ego credidissem post mortem restare animæ vitam: & tractus meritorum, quod Epicurus credere noluit.

2. Et quærebam, si essemus immortales, & in perperua corporis voluptate, sine ullo amissionis terrore viveremus, cur non essemus beati, aut quid aliud quæreremus? Nesciēs id ipsum ad magnam miseriam pertinere, quod ita demersus & cæcus cogitare non possem lumen honestatis, & gratis amplectendæ pulchritudinis, quam non videt oculus carnis, & videtur ex intimo. Nec considerabam miser, ex qua vena mihi manaret, quòd ista ipsa, fœda tamen, cum amicis dulciter conferebam; nec esse sine amicis poteram beatus, etiam secundum sententiā, quam tunc habebam in quantalibet affluentia carnalium voluptatum. Quos utique amicos gratis diligebam, vicissimque ab eis me diligi gratis sentiebam.

3. O tortuosas vias. Vt animę audaci quæ
spera-

ſperauit, ſi à te receſſiſſet, ſe aliquid melius habituram. Verſa & reuerſa in tergum, & in latera, & in ventrem, & dura ſunt omnia. Et tu ſolus requies. Et ecce ades; & liberas à miſerabilibus erroribus, & conſtituis nos in via tua, & conſolaris, & dicis: Currite, ego feram, & ego perducam, & ibi ego feram.

DIVI AVRELII

Auguſtini Confeſſionum

Liber ſeptimus.

CAPVT I.

*Quod imaginibus corporeis reiectis,
Deum cœperit agnoſcere incorporeum.*

I. **Q**UAM mortua erat adoleſcentia mea mala & nefanda, & ibam in iuuentutem: quanto ætate major, tanto vanitate turpior; qui cogitare aliquid ſubſtantia, niſi tale non poteram, quale per hos oculos videri ſolet. Non te cogitabam Deus in figura corporis humani; ex quo audire aliquid de ſapientia cœpi.

hoc fugi; & gaudebam me hoc reperisse, in fide spiritualis matris nostræ catholicæ tuæ. Sed quid te aliud cogitarem, non occurrebat. Et conabar cogitare te homo, & talis homo, summum & solum & verum Deum: & te incorruptibilem, & inuiolabilem, & incommutabilem, totis medullis credebam; quia nesciens vnde & quomodo; planè tamen videbam, & certus etiam, id quod corrumpi potest, deterius esse, quàm id quod non potest: & quod violari non potest, incunctanter præponebam violabili; & quod nullam patitur mutationem, melius esse, quàm id quod mutari potest.

2. Clamabat violenter cor meum, adversus omnia phantasmata mea; & hoc vno ictu, conabar abigere circumvolantem turbam immunditiæ, ab acie mentis meæ: & vix dimota in ictu oculi, ecce cōglobata rursus aderat, & irruebat in aspectum meum, & obstruere eum: ut quamvis non forma humani corporis, corporeum tamen aliquid cogitare cogeret, per spacia locorum, siue insulum mundo, siue etiam extra mundum per infinita diffusam; etiam ipsum incorruptibile & inuiolabile & incommutabile, quod corruptibili & violabili &

con-

commutabili praponebam. Quoniam quicquid priuabam spacijs talibus, nihil mihi esse videbatur. Sed prorsus nihil, ne inane quidem; tanquam si corpus auferatur loco, & maneat locus omni corpore vacuatus, & terreno & humido & aëreo & cœlesti; sed tamen sit locus inanis, tanquam spaciosum nihil.

3. Ego itaque incrassatus corde, nec mihi metipsum vel ipsum cōspicius, quicquid non per aliquanta spacia tenderetur, vel diffunderetur, vel conglobaretur, vel tumeret, vel tale aliquid caperet aut capere posset, nihil prorsus esse arbitrabar: Per quales enim formas ire solent oculi mei, per tales imagines ibat cor meum: nec videbam hanc eandem intētionem, qua illas ipsas imagines formabam non esse tale aliquid; quæ tamen ipsas nō formaret, nisi esset magnum aliquid. Ita etiam te vita mea grādem per infinita spacia vndique cogitabam penetrare totam mundi molem; & extra eam quaquaueversum, per immensa sine termino; vt haberet te terra, haberet cœlū, haberent omnia; & illa finirentur in te, tu autem nusquam.

4. Sicut autem luci solis non obsisteret corpus aëris huius, qui supra terram est, quò minus per eum traiceretur, penetrans

trans eum, non dirumpendo aut concidendo, sed implendo eum totum; sic tibi putabam nō solum celi & aëris & maris, sed etiā terræ corpus peruium; & ex omnibus maximis minimisque partibus penetrabile, ad capiendā præsentiā tuā; occulta inspiratione intrinsecus & extrinsecus, administrantem omnia, quæ creasti. Ita suspicabar, quia cogitare aliud non poteram, nam falsum erat. Illo enim modo maior pars terræ, maiorem tui partem haberet, & minorem minor; atque ita te plena essent omnia; vt amplius tui caperet elephanti corpus, quā passēris; quò esset isto grandius, gradiorque occuparet locum; atque ita frustatim partibus mundi, magnis magnas, breuibus breues partes tuas præsentes faceres. Non es autem ita. Sed nondum illuminaueras tenebras meas.

CAPVT II.

Nebridius confutat Manicheos.

x. **S**AT erat mihi domine aduersus deceptos illos & deceptotes & loquentes mutos, quoniam non ex eis sonabat verbum tuum: sat enim ergo illud, quod iamdiu ab vsque Carthagine a Nebridio proponi solebat; & omnes, qui audierant,
 eius.

mus, concussi sumus. Quid erat tibi factura nescio quæ gēstenebrarum, quam ex aduersa mole solent opponere, si tu cū ea pugnare voluisses? Si enim responderetur, aliquid fuisse nocituram, violabilis tu & corruptibilis fores. Si autem nihil ea nocere potuisset diceretur, nulla afferretur causa pugnandi; & ita pugnādi, vt quædam portio tua & membrū tuum, vel proles de ipsa substantia tua misceretur aduersis potestatibus, & nō à te creatis naturis; atque intantum ab eis corrumperetur & cōmutaretur in deterius, vt à beatitudine in miseriam verteretur; & indigeret auxilio, quo erui purgarique posset: & hanc esse animam, cui tuus sermo seruienti liber, & cōtaminatæ purus, & corruptæ integer subueniret; sed & ipse corruptibilis, quia ex vna eademque substantia.

2. Itaque, si te, quicquid es, id est, substantiam tuam quasi incorruptibilem diceret, falsa esse illa omnia & execrabilia. Si autem corruptibilē, id ipsum iam falsum, & prima voce abominandum. Sat ergo erat istud aduersus eos omnino euomendos à pressura pectoris; quia non habebant, qua exirent sine horribili sacrilegio cordis & lingue, sentiendo de te ista, & loquendo.

educare conatus, mergebar iterum; & sepe conatus, mergebar iterum atque iterum. Subleuabat enim me in lucem tuā, quod iam tam sciebā me habere voluntatem, quā me viuere. Itaque, cum aliquid vellem aut nollem, non aliud quā me velle ac nolle certissimus eram; & ibi esse causam peccati mei, iam iamque animaduvertebam. Quod autem iniurus facerem, pati me potius quā facere videbam; & id non culpam sed pœnam esse iudicabam; qua me non iniuste plecti, te iustum cogitans, cito fatebar.

3. Sed rursus dicebam: Quis fecit me? Nōne Deus meus, non tantum bonus sed ipsum bonum? Vnde igitur mihi male velle & bene nolle, vt esset, cur iuste pœnas luerem? Quis in me hoc posuit, & inseruit mihi plātarium amaritudinis, cum totus fierem à dulcissimo Deo meo? Si diabolus autor, vnde ipse diabolus? Quod si & ipse peruersa voluntate, ex bono angelo diabolus factus est; vnde & in ipso voluntas mala, qua diabolus fieret, quando totus angelus à conditore optimo factus esset bonus? Et his cogitationibus deprimebar iterum, & suffocabar. Sed non vsque ad illum infernum subducebar erroris, vbi nemo confitebitur tibi; dum tu potius pati, quā
homo

Psal. 61

homo mala facere putatur.

CAPVT IIII.

Deus cagi non potest.

1. **S**IC enim credebam cætera inuenire, **S**VTIAM inueneram melius esse incorruptibile quàm corruptibile; & ideo te, quicquid esses, esse incorruptibile confitebar. Neque enim vlla anima vnquam potuit, poteritve cogitare aliquid, quod sit te melius, qui summum & optimu bonum es. Cùm autem verissimè atque certissimè incorruptibile corruptibili præponatur, sicut iam ego præponebam, poteram iam cogitatione aliquid attingere, quod esset melius Deo meo, nisi tu esses incorruptibilis. Vbi igitur videbam incorruptibile corruptibili esse præferendum; ibi te quærere debebam, atque inde aduertere, vnde sit malum, id est, vnde sit ipsa corruptio, qua violari substantia tua nullo modo potest.

2. Nullo enim prorsus modo violat corruptio Deum nostrum, nulla voluntate, nulla necessitate, nullo improviso casu; quoniam ipse est Deus; & quod sibi vult, bonum est, &, ipse est idem bonum. Corrupti autem, non est bonum. Nec cogeris inuitus ad aliquid, quia voluntas tua

tua non est maior potentia tua. Esset autem maior, si teipso tuipse maior esses. Voluntas enim & potētia Dei, Deus ipse est. Et quid improuisi tibi, qui nosti omnia; & nulla natura est, nisi quia nosti eam? Et, ut quid multa dicimus, cur non sit corruptibilis substantia, quæ Deus est, quando si hoc esset, non esset Deus?

CAPVT V.

De separatione creatoris à creatura.

Et de uniuersitate somnium.

ET quærebam, unde malum, & male quærebam: & in ipsa inquisitione mea, non videbam malum, & constituēbam in cōspectu spiritus mei uniuersam creaturam, quicquid in ea cernere possumus; sicuti est terra, & mare, & aer, & sidera, & arbores, & animalia mortalia; & quicquid in ea non videmus, sicut firmamentum cœli, insuper & omnes angelos, & cuncta spiritualia eius; sed etiam ipsa quasi corpora essent, locis & locis ordinatæ imaginatio mea: & feci vnā massam grandem distinctam generibus corporum creaturam tuam, siue quæ reuera corpora erāt, siue quæ ipse pro spiritibus finxeram. Et eam feci grandem, nō quantum erat, quod scire non poteram, sed quantum libuit, vndique versum sanè finitam.

nitam. Te autem domine ex omni parte
ambientem & penetrantem eam, sed vs-
que quaque infinitum: tanquam si mare
esset vbiq; & vndique per immensura
infinitum solum mare; & haberet infra
se spongiam quamlibet magnam, sed fi-
nitam tamen; plena esset vndique spon-
gia illa ex omni sua parte ex immenso
mari: sic creaturam tuam finitam, te infi-
nito plenam putabam, & dicebam: Ecce
Deus, & ecce quæ creauit Deus, & bonus
est Deus, atque his validissime lōgissime-
que præstantior; sed tamen bonus bona
creauit, & ecce quomodo ambit atque
implet ea.

2: Vbi ergo malum, & vnde, & quæ huc
irrepsit? Quæ radix eius? & quod semen
eius? An omnino nō est? Cur ergo time-
mus & cauemus, quod non est? Aut si ina-
niter timemus, certè vel timor ipse ma-
lum est, quo incassum stimulat & ex-
cruciat cor. Et tanto grauius malum,
quanto non est, quod timeamus, & time-
mus. Idcirco autem est malum, quod ti-
memus; aut hoc malum est, quia ti-
memus. Vnde est igitur? Quoniam Deus
fecit hæc omnia, bonus bona. Maius qui-
dem & summum bonum, minora fecit
bona: sed tamen & creās & creata, bona
sunt omnia. Vnde est malum? Aut vnde
fecit

fecit ea? materies aliqua mala erat, & formauit atque ordinauit eam; sed reliquit aliquid in illa, quod in bonum non conuerteret? Cur & hoc? An impotens erat totam vertere & cōmutare, vt nihil mali remaneret, cū sit omnia potēs? Postremo, cur inde aliquid facere voluit; ac nō potius eadem omnipotētia fecit, vt nulla esset omnino? Aut verò existere poterat, contra eius voluntatem? Aut si æterna erat, cur tamdiu per infinita retro spacia temporum, sic eam fuit esse, ac tātō post placuit aliquid ex ea facere?

5. Aut iam si aliquid subitō voluit agere, hoc potius ageret omnipotens, vt illa nō esset; atque ipse solus esset, totum verum & summum & infinitum bonum? Aut si non erat bene, vt non aliquid boni etiam fabricaret & cōderet, qui bonus erat, illa sublata & ad nihilum redacta materia, quæ mala erat, bonam ipse instituēter, vnde omnia crearet? Non enim esset omnipotens, si condere non posset aliquid boni, nisi ea, quam ipse non condiderat, adiuuaretur materia. Talia voluebam pectore misero, ingrauidato curis mordacissimis de timore mortis: & non inuenta veritate, stabiliter tamen hæcebat in corde meo, in catholica ecclesia fides Christi tui & domini & saluatoris nostri;

2. Procurasti ergo tu hominē amicū, nō quidē segnem cōsultorē Mathematicorū; nec eas literas bene callentē, sed (vt dixi) cōsultorē curiosum; & tamen scientem aliquid, quod à patre suo se audisse dicebat; quod quātū valeret, ad illius artus opinionem euertendam, ignorabat. Is ergo vir nomine Firminus, liberaliter institutus, & excultus eloquio, cum me tanquam charissimum de quibusdā suis rebus, in quas secularis spes eius intumuerat, consuleret, quid mihi secundum suas, quas constellationes appellant, videretur; ego autem, qui iam de hac re in Nebridii sententiam flecti cœperam, nō quidem abnuerem conijcere ac dicere, quod nutāti occurrebat; sed tamen subiicerem, propè iam mihi esse persuasum, ridicula esse illa & inania.

3. Tum ille mihi narrauit patrem suū fuisse librorum talium curiosissimum; & habuisse amicum æquē illa simul sectantem, qui pari studio & collatione flagrabant in eas nugas igne cordis sui; ita vt mutorū quoque animalium; si quē domi parerent, obseruarent moribus, & habitibus; atque ad ea peruenirent, quæ notarent, vnde illius quali artis experimenta colligerent. Itaque dicebat, audisse se à patre suo, quod cum de eodem

Firmini-

Firmino prægnans mater esset, etiam illius paterni amici famula quædam pariter utero grandescibat, quod latere non potuit dominum; qui etiam canum suarum partus, examinatissima diligentia nosse curabat. Atque ita factum esse, ut cum iste coniugis, ille autem ancillæ dies & horas, minutioresque horarum articulos cautissima observatione numerarent, enixæ essent ambæ simul; ita ut easdem cōstellationes, usque ad easdem minutias, utrique nascēti facere cogerētur, iste filio, ille seruulo. Nam cum mulieris parturire cœpissent, indicauerunt sibiambo, quid in sua cuiusque domo ageretur; & parauerunt, quos ad se inuicem mitterent, simul ut natum quod parturiebatur esset, cuique nunciatum; quod tamen ut continuo nunciaretur, tãquam in regno suo facile effecerant. Atque ita, qui ab alterutro missi sunt, tam ex paribus domorum interuallis sibi obuiam factos esse dicebat; ut aliam positionem siderum, aliasque particulas momentorum, neuter eorum notare sineretur. Et tamen Firminus amplo apud suos loco natus, dealbatiores vias seculi cursitabat, augebaturque diuitijs, sublimabatur honoribus: seruus autem ille, conditionis iugo nullatenus relaxato, domi-

nis

nis seruiebat, ipso indicante qui nouerat eum.

4. His itaque auditis & creditis, talis quippe narrauerat, omnis illa reluctatio mea resoluta concidit; & primo Firminū ipsum conatus sum ab illa curiositate reuocare; cum dicerem constellationibus eius inspectis, ut vera prænuntiarem, debuisse me utique videre ibi, parentes inter suos esse primarios, nobilem familiam propriæ ciuitatis, natales ingenuos, honestam educationem, liberalesque doctrinas. At si me ille seruus ex eisdem constellationibus, quia & illius ipsæ essent, consulisset, ut eidem quoque vera proferrem, debuisse me rursum ibi videre abjectissimam familiam, conditionem seruilem, & cætera longè a prioribus aliena, longèque distantia. Vnde autem fieret, ut eadem inspiciens diuersa dicerem, si vera dicerem; si autem eadem dicerem, falsa dicerem. Inde certillimè collegi ea, quæ vera consideratis constellationibus dicerentur, non arte dici, sed sorte: quæ autem falsa, non artis imperitia, sed sortis mendacio.

5. Hinc autem accepto aditu, ipsæ mecum talia ruminando, ne quis eorum delirorum, qui talem quæstum sequerentur, quos iam iamque inuadere,
I
atque

atque irrisos refellere cupiebam, mihi ita
 resisteret, quasi aut Firminus mihi, aut il-
 li pater falsa narrauerit; intendit confi-
 derationem in eos, qui gemini nascun-
 tur, quorum plerique ita post inuicem
 fūdūtur ex vtero, vt parū ipsū tēporis
 interuallum, quantamlibet vim in re-
 rum natura habere contendat, colligi
 tamen humana obseruatione non pos-
 sit, literisque signari omnino non valeat,
 quas Mathematicus inspecturus est, vt
 vera pronunciet. Et non erunt vera; quia
 eandem literas inspiciens, eadem debuit
Gen. 25. dicere de Esau & Iacob, sed non eadem
 vtrique acciderunt. Falsa ergo diceret.
 Aut si vera diceret, non eadem diceret,
 at eadem inspiceret. Non ergo arte,
 sed sorte vera diceret. Tu enim Domi-
 ne iustissime, moderator vniuersitatis,
 cōsulentibus consultisque nescientibus,
 occulto instinctu agis; vt dum quisque
 consulit, hoc audiat, quod oportet eum
 audire occultis meritis animarum, ex
 abyssu iusti iudicii tui: cui non dicat ho-
 mo, quid est hoc? aut, vt quid hoc? Non
 dicat, non dicat, homo est enim.

CAPVT VII.

*Miserè torquetur, inquirens vnde
sit malum.*

IAM itaque me adiutor meus illis
vinculis solueras; & quærebam vnde
malum, & non erat exitus. Sed me non
sinebas vllis fluctibus cogitationis au-
ferri ab ea fide, qua credebam & esse te,
& esse incommutabilem substantiã tuam,
& esse de hominibus curam & iudicium
tuum, & in Christo filio tuo Domino
nostro; atque in scripturis sanctis, quas
ecclesiæ tuę catholicę commendaret au-
toritas, viam te posuisse salutis humanę;
ad eam vitam, quæ post hanc mortem
futura est. His itaque saluis, atque in-
concussè roboratis in animo meo, quæ-
rebam æstuans, vnde sit malum: Quæ illa
tormenta parturientis cordis mei, qui
gemitus Deus meus? Et ibi erant aures
tuę, nesciente me. Et cum in silentio for-
titer quærerem, magnæ voces erant ad
misericordiam tuã, tacitæ contritiões
animi mei.

2. Tu sciebas, quid patiebar, & nullus
hominum. Quantum enim erat, quod
inde digerebatur per linguam meam in

Psalm. 37.

aures familiarissimorum meorum? Nū-
quid totus tumultus animæ meę, cui nec
tempora, nec os meum sufficebat, sona-
bat eis? Totum tamen ibat in auditum
tuum, quòd rugiebam a gemitu cordis
mei; & ante te erat desiderium meum, &
lumen oculorum meorum non erat me-
cum. Intus enim erat, ego autem foris.
Nec in loco illud; At ego intende-
bam ea, quę locis continentur; & non ibi in-
veniebam locum ad requiescendum, nec
recipiebant me ista, vt dicerem, sat est, &
bene est; nec dimittebant redire, vbi mi-
hi satis esset bene. Superior enim eram
istis, te verò inferior: Et tu gaudium verū
mihi subdito tibi; & tu mihi subjeceras,
quę infra me creasti.

3. Et hoc erat rectum temperamentū,
& media regio salutis meę; vt manerem
ad imaginem tuam, & tibi seruiens do-
minarer corpori. Sed cum superbe con-
tra te surgerem, & currerem aduersus do-
minum in cervice crassa scuti mei, etiam
ista infima supra me facta sunt; & preme-
bant, & nusquam erat laxamentum &
respiramentum. Ipsa occurrebant vndi-
que acervatim & conglobatim cernenti;
cogitantem autem imagines corporū, ipsę
opponerantur redeunti, quasi diceretur,
Quò is indignè & sordidè: Et hæc de vul-

nere

ere meo creuerant, quia humiliasti tan-
quam vulneratum superbum; & tumore
meo, separabar abs te; & nimis inflata fa-
cies mea, claudebat oculos meos. Psal. 38.

CAPVT VIII.

*Quomodo diuina misericordia sub-
uenerit Augustino.*

1. **T**V verò Domine in æternum ma-
nes, & non in æternum irasceris
nobis, quoniam miseratus es terram &
cinerem: & placuit in conspectu tuo, re-
formare deformia mea. Et stimulis inter-
nis agitabas me, vt impatiens essem, do-
nec mihi per interiorem aspectum cer-
tus esses. Et sic residebat tumor meus, ex
occulta manu medicine tuæ; aciesque
conturbata & cõtenebrata mentis meæ,
acti collirio salubriũ dolorum meorum,
de die in diem sanabatur.

CAPVT IX.

*Quæ in libris Platoniorum quorun-
dam inuenerit, consentanea do-
ctrina Christiana.*

1. **E**T primo volens ostendere mihi,
quam resistas superbis, humilibus
I. 3 Iac. 4. autem

Joan. 1.

autem des gratiam: & quanta misericordia tua demonstrata sit hominibus via humilitatis, quod verbum tuum caro factū est, & habitauit inter homines: Procurasti mihi per quendam hominē, immanissimo typho turgidum, quosdam Platoniorum libros ex Græca lingua in Latinam versos; & ibi legi non quidem his verbis, sed hoc idem omnino, multis & multiplicibus suaderi rationibus:

Joan. 1.

quod in principio erat verbum, & verbū erat apud Deum, & Deus erat verbum, hoc erat in principio apud Deum; omnia per ipsum facta sunt, & sine ipso factum est nihil. Quod factum est in eo, vita est. Et vita erat lux hominum, & lux in tenebris lucet, & tenebræ eam non comprehenderunt. Et quia hominis anima, quāuis testimonium perhibeat de lumine, non est tamen ipsa lumen, sed verbum Dei. Deus est enim lumen verum, quod illuminat omnem hominem venientem in hunc mundum. Et quia in hoc mundo erat, & mundus per ipsum factus est, & mundus eum non cognouit. Quia verò in sua propria venit, & sui eum non receperunt; quotquot autem receperunt eum, dedit eis potestatem filios Dei fieri, credentibus in nomine eius: non ibi legi.

Item

2. Item ibi legi; Quia Deus verbum, *Ibidem.*
 non ex carne, non ex sanguine, non ex
 voluntate viri, neque ex voluntate carnis,
 sed ex Deo natus est. Sed quia verbum ca-
 ro factum est, & habitauit in nobis: non
 ibi legi. Indagaui quippe in illis literis va-
 rie dictū, & multis modis, quod sit filius *Phil. 2.*
 in forma patris, non rapinam arbitratus
 esse æqualis Deo, quia naturaliter idip-
 sum est. Sed quia semetipsum ex inaniuit
 formam serui accipiēs, in similitudinem
 hominum factus, & habitu inuentus vt
 homo; humiliavit se, factus obediens vs-
 que ad mortem, mortem autem crucis.
 Propter quod Deus exaltauit eū a mor-
 tuis, & donauit ei nomen, quod est super
 omne nomen; vt in nomine Iesu omne
 genu flectatur, cœlestium, terrestrium, &
 infernorum; & omnis lingua cōfiteatur,
 quia Dominus Iesus in gloria est Dei pa-
 tris: non habent illi libri.

3. Quod enim ante omnia tempora, &
 supra omnia tempora, incommutabili-
 ter manet vnigenitus filius tuus coæter-
 nus tibi; & quia de plenitudine eius acci-
 piunt animæ, vt beatæ sint; & quia parti-
 cipatione manentis in se sapientiæ reno-
 uantur, vt sapientes sint: est ibi. Quòd au-
 tem secundum tempus pro impiis mor-
 tuus est; & filio vnico tuo non pepercisti, *Rom. 8.*

- sed pro nobis omnibus tradidisti eum:
Matt. 11. non est tibi. Abscondisti enim hæc à sapientibus, & reuelasti ea paruulis; vt venirent ad eum laborantes & onerati, & reficeret eos, quoniam mitis est & humilis corde; & dirigit mites in iudicio, & docet mansuetos vias suas, videns humilitatem nostram, & laborem nostrum, & dimittens omnia peccata nostra. Qui autem cothurno, tanquam doctrinæ sublimioris elati, non audiunt dicentem;
Matt. 11. Discite a me, quoniam mitis sum & humilis corde, & inuenietis requiem animabus vestris: Et si cognoscunt Deum, non sicut Deum glorificant, aut gratias agunt, sed euanescent in cogitationibus suis: & obscuratur insipiens cor eorum, dicentes se esse sapientes, stulti facti sunt.
Rom. 1.

4. Et ideo legebam ibi etiam immutatam gloriam incorruptionis tue, in idola & varia simulachra, in similitudinē imaginis corruptibilis hominis, & volucrum, & quadrupedum, & serpentum; videlicet Ægyptium cibum, quo Esau perdidit primogenita sua, quoniam caput quadrupedis pro te honorauit populus primogenitus, conuersus corde in Ægyptum; & curuans imaginem tuam, iumentum suum ante imaginem vituli mādu-
Gen. 25.
Exod. 32.
Psa. 105. cantis

cantis fenum; inueni hæc ibi, & nō manducaui. Placuit enim tibi Domine auferre opprobrium diminutionis ab Iacob, vt maior feruaret minori, & vocasti gentes in hæreditatem tuam.

5. Et ego ad te veneram ex gentibus, & intendi in aurum, quod ab Ægypto voluisti, vt auferret populus tuus, quoniam tuum erat, vbicunque erat. Et dixisti Athenienſibus per apostolum tuum, quod in te viuimus, & mouemur, & sumus; ſicut & quidam ſecūdam eos dixerunt. Et trique inde erant illi libri. Et non attendi in idola Ægyptiorum, quibus de auro tuo miniſtrabant; qui tranſmutauerunt veritatem Dei in mendacium, & coluerunt, & ſeruierunt creature potius, quā creatori.

Exod. 36

ſ. 11.

Act. 17.

Rom. 23.

CAPVT X.

Clarius innotescunt iam Auguſtino diuina.

1. **E**T inde admonitus redire ad me-
metipſum, intraui in intima mea
duce te; & potui, quoniam factus es ad-
iutor meus. Intraui, & vidi qualicunque o-
culo animæ meæ, ſupra eundem oculum
animæ meæ: ſupra metem meam, lucem

quoniam neque per finita, neque per infinita locorum spacia diffusa est? Et clamasti de longinquo: Imò verò, ego sum, *Exod. 3.* qui sum. Et audiui, sicut auditur in corde; & non erat prorsus, vnde dubitarem. Faciliusque dubitarem viuere me, quàm non esse veritatem; quæ per ea quæ facta sunt, *Rom. 1.* intellecta conspicitur.

CAPVT XI.

Quomodo creaturae sunt, & non sunt.

ET inspexi cætera infra te, & vidî nec omnino esse, nec omnino non esse. Esse quidem, quoniam abs te sunt: non esse autē, quoniam id quod es, non sunt. Id enim verè est, quod incommutabiliter manet. Mihi autem inhaerere Deo *Psal. 72.* bonum est: quia si non manebo in illo, nec in me potero. Ille autem in se manēs, *Sap. 7.* innouat omnia. Et Dominus meus es, quoniam bonorum meorum non eges. *Psal. 103.*

CAPVT XII.

Omnia bona, quæ sunt.

ET manifestatum est mihi, quoniā bona sunt, quæ corrumpūtur; quæ neque corrumpi possent, si summa bona
I 6
essent;

essent; neque nisi bona essent, corrumpi possent: Quia si summa bona essent, incorruptibilia essent: si autem nulla bona essent, quod in eis corrumpereetur, non esset. Nocet enim corruptio, & nisi bonū minueret, non noceret. Aut igitur nihil nocet corruptio, quod fieri non potest: aut, quod certissimum est, omnia quæ corrumpuntur, priuantur bono. Si autē omni bono priuantur, omnino non erunt. Si enim erunt, & corrumpi iam nō poterunt, meliora erūt, quia incorruptibiliter permanebunt.

2. Et quid monstruosius, quàm ea dicere omni bono amisso facta meliora? Ergo si omni bono priuantur, omnino nulla erunt. Ergo quamdiu sunt, bona sunt. Ergo quæcūque sunt, bona sunt. Malumque illud, quod quarebam, vnde esset, non est substantia: quia si substantia esset, bonum esset. Aut enim esset incorruptibilis substantia, magnum vtrique bonum; aut substantia corruptibilis esset, quæ nisi bona esset, corrumpi non posset. Itaque vidi, & manifestatū est mihi, quia omnia bona tu fecisti; & prorsus nullæ substantiæ sunt, quas tu non fecisti. Et quoniam nō æqualia omnia fecisti, ideo sunt omnia, quia singula bona sunt, & simul omnia valde bona, quoniam fecisti

Deus

Deus noster omnia bona valde.

CAPVT XIII.

Omnia condita laudant Deum.

1. **E**T tibi omnino non est malum; non solum tibi, sed nec vniuersæ creaturæ tuæ; quia extra te nō est aliquid, quod irrumpat: & corrumpat ordinem, quem posuisti ei. In partibus autem eius, quædam quibusdam, quia non conteniunt, mala putantur: & eadem ipsa conueniunt alijs, & bona sunt, & in semetipsis bona sunt. Et omnia hæc, quæ sibi inuicem non conueniunt, conueniunt inferiori parti rerum, quam terrā dicimus, habentem cælum suum nubilosum atque ventosum, congruum sibi.

2. Et absit iam, ut dicerem non esse nisi ista: quia & si sola ista cernerem, desiderarem quidem meliora. Sed iam etiam de solis istis laudare te debere: quoniam laudandum te ostendat de terra, dracones & omnes veyli: Lemis, grando, nix, glacies, spiritus tempestatis: quæ faciunt Psal 148. verbum tuum: Montes & omnes colles, ligna fructifera, & omnes cedri: Bestiæ & omnia pecora, reptilia & volacilia pennata: Reges terra & omnes populi, principes & omnes iudices terre: Iuvenes & virgi-

virgines, seniores cum iunioribus, laudent nomen tuum. Cum verò etiam de cœlis te laudent, laudent te Deus noster in excelsis omnes angeli tui, omnes virtutes tuæ, sol & luna, omnes stellæ & lumen, cœli cœlorum & aquæ quæ super cœlos sunt, laudent nomen tuum. Non iam desiderabam meliora, quia omnia cogitabam; & meliora quidem superiora, quàm inferiora; sed meliora omnia, quàm sola superiora, iudicio saniore pendebam.

CAPVT XIII.

*Sanæ mentis homini; nihil displicet
inter creaturas Dei.*

NON est sanitas eis, quibus displicet aliquid creature tuæ; sicut mihi non erat, cum displicerent multa, quæ fecisti. Et quia non audebat anima mea, ut ei displiceret Deus meus, nolebat esse tuum, quicquid ei displicebat. Et inde ierat in opinionem duarum substantiarum, & nō requiescebat, & aliena loquebatur: & inde rediens, fecerat sibi Deum per infinita spacia locorum omnium, & eum putauerat esse te; & eum collocauerat in corde suo, & facta erat rursus templum idoli sui abominandum tibi. Sed
postea

posteaquam fouisti caput nescientis, & clausisti oculos meos, ne videret vanitatem, cessauit de me paululum, & consopita est insania mea. Et euigilaui in te, & vidi te infinitum aliter, & visus iste non a carne trahebatur.

CAPVT XV.

Quomodo vernas & falsitas in creaturis.

ET respexi alia, & vidi tibi debere, quia sunt & in te cuncta finita: sed aliter, non quasi in loco, sed quia tu es omnitenens manu veritate; & omnia vera sunt, in quantum sunt: nec quicquam est falsitas, nisi cum putatur esse, quod non est. Et vidi, quia non solum locis, sed quæque suis conueniunt, sed etiam temporibus. Et quia tu, qui solus æternus es, non post innumerabilia spacia temporum coepisti operari: quia omnia spacia temporum, & quæ præterierunt, & quæ præteribunt, nec abirent, nec venirent, nisi te operante & manente.

CAPVT XVI.

Omnia bona, licet quibusdam non apta.

ET sensi, & expertus sum non esse mirum, quod palato non sano pœna esset panis,

panis, qui sano suavis est: & oculis agris
odiosa lux, quæ puris amabilis est. Et iu-
stitia tua displicet iniquis: ne dum vipera
& vermiculus, quæ bona creasti, apta in-
ferioribus creaturæ tuæ partibus, quibus
& ipsi iniqui apti sunt, quanto dissimilio-
res sunt tibi; apti autem superioribus,
quanto similiores fiunt tibi. Et quasiui,
quid esset iniquitas, & non inueni sub-
stantiam: sed a summa substantia te Deo
detorta in infima voluntatis peruersita-
tem, proijcientis intima sua, & tumef-
ecaris foras.

CAPVT XVII

Qua retardet à cognitione diuinorū.

ET mirabar, quòd iam te amabam,
non pro te phantasma. Et non sta-
bam frui Deo meo, sed rapiebar ad te de-
core tuo; moxque diripiebar abs te pon-
dere meo, & ruebam in ista cum gemitu:
& pondus hoc, consuetudo carnalis. Sed
mecum erat memoria tui; neque ullo
modo dubitabam esse, cui cohererem,
sed nondū esse me, qui cohererem: quo-
niam corpus, quod corrumpitur, aggrauat
animā; & deprimit terrena inhabitatio,
sensum multa cogitatem. Erantque cer-
tissima.

zissimus, quòd inuisibilia tua à constitutione mundi, per ea quæ facta sunt, intellecta conspiciuntur, sempiterna quoque virtus & diuinitas tua. Rom. 1.

2. Querens enim vnde approbarem pulchritudinem corporū, siue cœlestiū, siue terrestriū; & quid mihi præsto esset integrè de mutabilibus iudicanti & dicenti, hoc ira esse debet, illud inō ita. Hoc ergo quærens, vnde iudicarem, cum ita iudicarem, inueneram incommutabilem & veram veritatis æternitatem, supra mentem meam commutabilem. Atque ita gradatim a corporibus ad sentiētem per corpus animam; atque inde ad eius interiorem vim, cui sensus corporis exteriora nunciaret, quousque possunt bestię. Atque inde rursus ad ratio cinantem potentiam, ad quam refertur ad iudicandum, quod sumitur à sensibus corporis.

3. Quæ se quoque in me comperiens mutabilem, erexit se ad intelligentiam suam; & abduxit cogitationem a consuetudine, subtrahens se a contradicentibus turbis phantasmatum, vt inuenirēt, quo lumine aspergeretur cū sine vlla dubitatione clamaret, incommutabile præferendum esse mutabili; vnde nosset ipsam incommutabile. Quod nisi aliquo modo nosset, nullo modo illud mutabili certo

Rom. 1.

certo præponeret; vt perueniret ad id, quod est in ictu trepidatis aspectus. Tum verò inuisibilia tua, per ea quę facta sunt, intellecta conspexi, sed aciem figere non valui: & percussa infirmitate redditus solitis, non mecū ferebam nisi amantem memoriā, & quasi olfacta desiderantem, quæ comedere nondum possem.

CAPVT XVIII.

Solus Christus via ad salutem.

1. Tim. 2.

Rom. 9.

Ioan. 14

Ioan. 1.

ET quarebam viam comparandi roboris, quod esset idoneum ad fruendum te: nec inueniebam, donec amplecterer mediatorem Dei & hominum, hominem Christum Iesum, qui est super omnia Deus benedictus in secula, vocantem & dicentem: Ego sum via, veritas, & vita. Et cibum, cui capiendo inualidus eram, miscentem se carni; quoniam verbum caro factum est, vt infantia nostra lactesceret sapiētia tua, per quam creasti omnia. Non enim tenebam dominum meum Iesum Christū, humilis humilem: nec cuius rei magistra esset eius infirmitas, noueram. Verbum enim tuum æterna veritas, superioribus creature tuę patribus supereminens, subditos erigit ad seipsam:

seipsam: In inferioribus autem ædificauit sibi humilem domū de limo nostro, per quam subdēdos deprimeret a seipsis, & ad se traiceret, sanās tumorem, & nutriens amorem. Ne fiducia sui progredirentur lōgius, sed potius infirmarentur, videntes ante pedes suos infirmam diuinitatem, ex participatione tunicæ pelliceæ nostræ; & lassī prosternebantur in eā, illa autem surgens leuaret eos.

CAPVT XIX.

Quid senserit de Christi incarnatione.

I. E Go verò aliud putabam, tātumque sentiebam de domino Christo meo, quantum de excellentis sapientiæ viro, cui nullus posset æquari; præsertim, quia mirabiliter natus ex virgine, ad exemplū cōtemnendorum temporalium pro adipiscenda immortalitate, diuina pro nobis cura tantam auctoritatem magisteriū meruisse videbatur. Quid autem sacramenti haberet, verbum caro factum, ne suspicari quidem poteram. Tantum cognoueram ex ijs, (quæ de illo scripta traderentur, quia manducauit, bibit, dormiuit, ambulauit; exhilaratus est, contristatus est, sermocinatus est) non hæ-

Ioan. 1.

hisse

fuisse carnem illam verbo tuo, nisi cum anima & mente humana. Nouit hoc omnis, qui nouit incommutabilitatem verbi tui, quam ego iam noueram, quātum poteram, nec omnino quicquam inde dubitabam. Etenim nunc mouere membra corporis per voluntatem, nunc non mouere: nunc aliquo affectu affici, nunc non affici: nūc proferre per signa sapientes sententias, nunc esse in silentio: propria sunt mutabilitatis animæ & mentis. Quæ si falsa de illo scripta essent, etiam omnia periclitarentur mendacio: neque in illis literis, vlla fidei salus generi humano remaneret.

2. Quia itaque vera scripta sunt, totum hominem in Christo agnoscebam: non corpus tantum hominis, aut cum corpore sine mente animum, sed ipsum hominem: non persona veritatis, sed magna quidam natura humane excellentia, & perfectiore participatione sapientie prefferri cæteris arbitrabar. Alipius autem Deum carne indutum, ita putabat credi à catholicis, vt præter Deum & carnem, non esset in Christo anima, mentemque hominis nō existimabat in eo prædicari. Et quoniam bene persuasum tenebat ea, quæ de illo memoria mandata sunt, siue vitali & rationali creatura non fieri, ad ipsam

ipsam Christianam fidem pigrius movebatur. Sed postea hæreticorum Apollinaristarum huc errorem esse cognoscēs, catholicæ fidei collatus & contemperatus est. Ego autem aliquāto posterius didicisse me fateor, in eo quod verbum caro factum est, quomodo catholica veritas a Photini falsitate dirimatur. Improbatio quippe hæreticorum facit eminere, quid Ecclesia tua sentiat, & quid habeat sana doctrina. Oportuit enim & hæreses esse, vt probati manifesti fierent inter infirmos. Ioan. 3.
1. Cor. 12.

CAPVT XX.

Platonici libri varij.

I. C Ed tunc lectis Platoniorum illis libris, postea quam inde admonitus, quærerem incorpoream veritatem, inuisibilia tua per ea quæ facta sunt, intellectui conspexi; & repulsus sensi, quid per tenebras animæ meæ contemplari non inerer certus esse te, & infinitu esse, nec tamen per locos finitos infinitūve diffundi; & verè te esse, qui semper idem ipse esses, ex nulla parte nulloque motu aliter aut aliter: cætera verò ex te esse omnia, hoc solo firmissimo documento, quia

Rom. 1.

quia sunt . Certus quidem in istis eram,
nimis tamen infirmus ad fruendum te.
Garriebam planè quasi peritus; & nisi in
Christo saluatore nostro viam tuã quæ-
rerem, non peritus sed periturus essem.
Iam enim cœperam velle videri sapiens,
plenus pœna mea; & non flebam, insuper
& inflabar scientia.

2. Vbi enim erat illa ædificans charitas
à fundamētō humilitatis, quod est Chri-
stus Iesus? Aut quando illi libri me doce-
rent eam? In quos me propterea, prius-
quam scripturas tuas considerare, cre-
do voluisti incurrere; vt imprimeretur
memoriæ meæ, quomodo ex eis affectus
essem: Et cum postea in libris tuis man-
fuefactus essem, & curatibus digitis tuis
contrectarentur vulnera mea, discerne-
rem atque distinguerem, quid interesset
inter præsumptionem & confessionem;
inter videntes quò eūdum sit, nec viden-
tes quā; & viam ducentem ad beatificam
patriam, non tantum cernendam, sed &
inhabitādam? Nam si primo sanctis tuis
literis informatus essem, & in earum fa-
miliaritate obdulcuissem mihi, & post in
illa volumina incidissem, fortasse aut ab-
ripuissent me a solidamento pietatis: aut
si in affectu, quem salubrem imbiberam
perstitissem, putarem etiam ex illis libris
cum

cum posse concipi, si eos solos quisquam didicisset.

CAPVT XXI.

Quid in sacris libris inuenerit: non inuentum in Platonis.

I. Taque auidissime arripui venerabilem styllum spiritus tui, & præ cæteris Apostolum Paulum: & perierunt illæ quæstiones, in quibus mihi aliquando visus est aduersari sibi, & non congruere testimonijs legis & prophetarum textus sermonis eius. Et apparuit mihi vna facies eloquiorum castorum, & exultare cum tremore didici. Et cœpi, & inueni, quicquid illic verum legeram. Hæc cum commendatione gratiæ tuæ didici, vt qui videt, non sic gloriatur, quasi non acceperit, non solum id, quod videt, sed etiam vt videat. *1. Cor. 4.* Quid enim habet, quod non accepit? Et vt te, qui es semper idem, non solum admoneatur, vt videat: sed etiam sanetur, vt teneat. Et qui de longinquo videre non potest, viam tamen ambulet, qua veniat, & videat, & teneat. Quia & si condelectetur homo legi Dei secundum interiorem hominem, quid faciet de alia lege in mēbris suis repugnante legi mētis suæ, & se captiuum ducente in lege peccati,

Rom. 7.

Dan. 3. cati, quę est in membris eius? Quoniam iustus es domine, nos autę peccauimus, iniquę fecimus, impię gessimus, & grauata est super nos manus tua, & iustę traditi sumus antiquo peccatori p[ro]posito mortis: quia persuasit voluntati nostrę similitudinem voluntatis suę, qua in veritate tua non stetit.

2. Quid faciet miser homo? Quis eum liberabit de corpore mortis huius, nisi gratia tua, per Iesum Christum dominum nostrum, quem genuisti cęternum; * & creasti in principio viarum tuarum, in quo princeps huius mundi non inuenit quicquam morte dignum, & occidit eum, & euacuatum est chirographum, quod erat contrarium nobis? Hoc illę litterę non habent. Non habent illę paginę vultum pietatis huius, lacrymas confessionis, sacrificium tuum, spiritum contritulum, cor contritum & humiliatum, populi salutem, sponsam ciuitatem, arratum spiritus sancti, poculum precii nostri. Nemo ibi cantat: Nonne Deo subiecta erit anima mea? ab ipso enim salutare meum. Etenim ipse est Deus meus, & solutarius meus, susceptor meus, non mouebo amplius.

Matth 1. 3. Nemo ibi audit vocantem: Venite ad me, qui laboratis: Et, Dedignatur ab

eo discere, quoniam mitis est, & humilis corde. Abscondisti enim hæc à sapientibus & prudentibus, & reuelasti ea paruulis. Et aliud est de syluestri cacumine videre patriam pacis, & iter ad eam non inuenire; & frustra conari per inuia, circum obsidentibus & insidiantibus fugitiuis desertoribus, cum principe suo leone & dracone: Et aliud tenere viam illuc ducentem, cura cœlestis imperatoris munitam: vbi non latrocinantur, qui cœlestem militiam deseruerunt. Vitant enim eam, sicut supplicium. Hæc mihi inuiscerabatur miris modis, cum minimum Apostolorum tuorum legerẽ; & consideraui operam tuam, & expaui eam.

Matt. 13.

1. Cor. 15.
Amos 3.

DIVI AVRELII

Augustini Confessionum

Liber octauus.

CAPVT I.

*Accensus amore diuinorum, ad
Simplicianum ire statuit.*

1. **D**EVS meus, recorder in gratiarum
actione tibi, & confitear miseri-
cordias tuas super me. Perfundantur ossa
K mea

Psal. 82.
Psal. 115.

2 Cor. 13.

mea dilectione tua, & dicant: Domine quis similis tibi? Dirupisti vincula mea, sacrificem tibi sacrificium laudis. Quomodo dirupisti ea, enarrabo; & dicēt omnes, qui adorant te, cū audient hęc: Benedictus dominus in cēlo & in terra, magnum & mirabile nomen eius. In hæserāt præcordiis meis verba tua, & vndique circumuallabar abs te. De vita tua æterna certus eram, quamuis eam in ænigmate, & quasi per speculum viderā. Dubitatio tamen omnis de incorruptibili substantia, quod ab illa esset omnis substantia, ablata mihi erat; nec certior de te, sed stabilior in te esse cupiebam. De mea verò temporali vita nutabant omnia, & mundandum erat cor à fermento veteri, & placebat via ipse saluator, & ire peccatus angustias adhuc pigebat.

2. Et immisisti in mentem meam, visumque est bonum in cōspectu meo pergere ad Simplicianum, qui mihi bonus apparebat seruus tuus, & lucebat in eo gratia tua. Audieram etiam, quod a iuē-tute sua deuotissime tibi viueret. Iam verò tunc senuerat, & longa ætate in tam bono studio sectanda viæ tuæ, multa expertus, multa edoctus mihi videbatur, & verè sic erat. Vnde mihi vt proferret voluminem conferenti secum æstus meos, quic esset

esset aptus modus sic affecto, vt ego erā,
ad ambulandum in via tua. Videbā enim
plenam ecclesiam: & alius sic ibat, alius
autem sic. Mihi autem displicebat, quod
agebam in seculo; & oneri mihi erat val-
de, non iam inflammantibus cupiditati-
bus, vt solebant, spe honoris & pecuniæ,
ad tolerādā illam seruitutem tam gra-
uem. Iam enim me illa non delectabant
prædulcedine tua, & decore domus tuæ, *Psal. 25.*
quam dilexi. Sed adhuc tenaciter colli-
gabat ex femina, nec me prohibebat A- *1. Cor. 7.*
postolus coniugari, quamuis exhortare-
tur ad melius, maximè volēs omnes ho-
mines sic esse, vt ipse erat.

3. Sed ego infirmior, eligebam mollio-
rem locum: Et propter hoc vnum, volue-
bar in cæteris languidus, & tabescens cu-
ris marcidis; quo & in aliis rebus, quas
nolebam pati, congruere cogebar vitæ
coniugali, cui deditus obstringebar. Au- *Matt. 19.*
dieram ex ore veritatis esse spadones, qui
seipso absceiderunt propter regnum cœ-
lorum: sed qui potest (inquit) capere, ca-
piat. Vani sunt certè omnes homines,
quibus non inest Dei scientia; nec de his,
quæ videntur bona, potuerunt inuenire
eum, qui est. At ego iam non eram in illa
vanitate. Transcenderam eam, & con-
stante vniuersa creatura tua, inueneram

Rom. 1.

te creatorem nostrum; & Verbum tuum apud te Deum, tecumque cum Spiritu sancto vnum Deum, per quod creasti omnia.

Rom. 1.

4. Et est aliud genus impiorum, qui cognoscentes Deum, non sicut Deum glorificauerunt, aut gratias egerunt. In

Psal. 17.

hoc quoque incidetam, & dextera tua Deus suscepit me; & inde ablatum posuisti, vbi conualescerem, quia dixisti homini: Ecce pietas est sapientia; & noli velle

Rom. 3.

videri sapiens; quoniam dicentes se esse

Rom. 1.

sapientes, stulti facti sunt. Et inueneram

Matth. 13.

iam bonam margaritam, & venditis omnibus, quæ haberem, emenda erat, & dubitabam.

CAPVT II.

De Victorino Rhetore conuerso.

1. **P**ERREXI ergo ad Simplicianum, patrem in accipienda gratia tua tunc episcopi Ambrosii, quem verè, vt patrem, diligebat. Narraui ei circuitus erroris mei. Vbi autem commemorauit legisse me quosdam libros Platonicorum (quos Victorinus quodam rhetor vrbis Romæ, quem Christianum defunctum esse audiveram, in latinam linguam trāstulisset, grati-

gratulatus est mihi, quod non in aliorū philosophorum scripta incidissem, plena fallaciarum & deceptionum secundum *Col. 2.* elementa huius mundi: in istis autem omnibus modis insinuari Deum, & eius verbum. Deinde, ut me exhortaretur ad humilitatem Christi, sapientibus absconditam, & reuelatā paruulis. Victorinum ipsum recordatus est, quem, Romæ cum esset, familiarissimè nouerat: de quē illo mihi narrauit, quod non silebo.

1. Habet enim magnam laudem gratiæ tuæ confitendam tibi, quemadmodū ille doctissimus senex, & omnium liberalium doctrinarum peritissimus; qui quæ philosophorum tam multa legerat, & diiudicauerat, & dilucidauerat; doctor tot nobilium senatorum, qui etiam ob insigni præclari magisterii, quod ciues huius mundi eximium putant, statuam in Romano foro meruerat, & acceperat; usque ad illam ætatem venerator idolorum, factorumque sacrilegorum parriceps: quibus tunc tota sece Romana nobilitas inflata spirabat, & populi usum, *al. populus etiam omni.* & omnigenam Deū monstrat, & Anubem latorum, quæ aliquando contra Neprunum & Venerem, contraque Minervam tela tenuerant: & à se victis iam Roma supplicabat, quæ iste senex Victo-

Gen. 1. te creatorem nostrum; & Verbum tuum apud te Deum, tecumque cum Spiritu sancto vnum Deum, per quod creasti omnia.

Rom. 1. 4. Et est aliud genus impiorum, qui cognoscentes Deum, non sicut Deum glorificauerunt, aut gratias egerunt. In

Psal. 17. hoc quoque incideram, & dextera tua Deus suscepit me, & inde ablatum posuisti, vbi conualescerem, quia dixisti homini: Ecce pietas est sapientia; & noli velle

Prov. 3. videri sapiens; quoniam dicentes se esse

Rom. 1. sapientes, stulti facti sunt. Et inueneram

Matt. 13. iam bonam margaritam, & venditis omnibus, quæ haberem, emenda erat, & dubitabam.

CAPVT II

De Victorino Rhetore conuerso.

1. **P**ERREXI ergo ad Simplicianum, patrē in accipienda gratia tua tunc episcopi Ambrosii; quem verē, vt patrem, diligebat. Narraui ei circuitus erroris mei. Vbi autem commemorauī legisse me quosdam libros Platoniorum (quos Victorinus quōdam rhetor vrbis Romæ, quem Christianum defunctum esse audiveram, in latinam linguam trātulisset, gratu-

gratulatus est mihi, quod non in aliorū philosophorum scripta incidissem, plena fallaciarum & deceptionum secundum *Col. 2.* elementa huius mundi: in istis autem omnibus modis insinuari Deum, & eius verbum. Deinde, ut me exhortaretur ad humilitatem Christi, sapientibus absconditam, & reuelatā parvulis. Victorinum ipsum recordatus est, quem, Romæ cū esset, familiarissimè nouerat; de quē illo mihi narrauit, quod non silebo.

MAIUS

2. Habet enim magnam laudem gratiæ tuæ confertendam tibi, quemadmodū ille doctissimus senex, & omnium liberalium doctrinarum peritissimus; qui quæ philosophorum tam multa legerat, & diiudicauerat, & dilucidauerat; doctor tot nobilium senatorum, qui etiam ob insignem præclari magisterii, quod ciues huius mundi eximium putant, statuam in Romano foro meruerat, & acceperat; usque ad illam ætatem venerator idolorum, factorumque sacrilegorum participes: quibus tunc tota fere Romana nobilitas inflata spirabat, & populi usum, & omnigenum Deum monstra, & Anubem sacratorem, quæ aliquando contra Neptunum & Venerem, contraque Minervam tela tenuerant: & a se victis iam Roma supplicabat, quæ iste senex Victo-

al. populus
etiam
omni.

rius tot annos ore terrifico defendit: uerat; non erubuerit esse puer Christi tui, & infans fontis tui, subiecto collo ad humilitatis iugum, & edomita fronte ad crucis opprobrium.

Psalm. 17.

3. O domine domine, qui inclinasti coelos, & descendisti: tetigisti montes, & fumigauerunt: quibus modis te insinua-
sti illi pectori? Legebat, sicut ait Simpli-
cianus, sanctam scripturam, omnesque
Christianas scripturas inuestigabat stu-
diosissimè & perscrutabatur; & dicebat
Simpliciano non palam; sed secretius &
familiarius: Noueris me iam esse Chri-
stianum. Et respondebat ille: Non cre-
dam, nec deputabo te inter Christianos,
nisi in ecclesia Christi te uidero. Ille au-
tem irridebat eum, dicens: Ergo parietes
faciunt Christianos? Et hoc sepe dicebat,
iam se esse Christianum. Et Simplicianus
illud sepe respondebat, & sepe ab illo pa-
rietum irrisio repetebatur. Amicos enim
suos verebatur offendere superbos dæ-
monicolas, quorum ex culmine Babylo-
nicæ dignitatis, quasi ex cedris Libani,
quas nondum contriuerat dominus, gra-
uiter ruituras in se inimicitias arbitra-
batur.

Psalm. 28.

Matt. 22

Lucæ 2

4. Sed postea quam legendo & inhiando
hausit firmitatem, tumuitque negari à
Christo

Christo coram Angelis sanctis, si eum timeret coram hominibus confiteri; reusque sibi magni criminis apparuit, erubescendo de sacramētis humilitatis Verbi tui, & non erubescendo de sacris sacrilegis superbiorum demoniorum, quæ imitator superbus acceperat: depuduit vanitati, & erubuit veritati: subitoque & inopinatus ait Simpliciano, vt ipse narrabat: Eamus in ecclesiam, Christianus volo fieri. At ille nō se capiēs lætitia, perrexit cum eo. Vbi autem imbutus est primis instructionum sacramentis, nō multo post etiam nomen dedit, vt per baptismum regeneraretur, mirāte Roma, gaudente Ecclesia. Superbi videbant, & irascebantur; dentibus suis stridebant & tabescebant: Seruo autem ꝑ tuo Domine Deus erat spes eius, & non respiciebat in vanitates & in infanias mendaces.

Psal. lxxv

al. suo.

Psal. 39.

5. Denique, vt ventum est ad horam profitendæ fidei, quæ verbis certis conceptis retentisque memoriter de loco eminentiore, in conspectu populi fidelis, Romæ reddi solet ab eis, qui accessuri sunt ad gratiam tuam, oblatum esse dicebat Victorino à presbyteris, vt secretius redderet; sicut nonnullis, qui verecūdia trepidaturi videbantur, offerri mos erat: illum autem maluisse salutem suam

in conspectu sanctæ multitudinis profiteri. Non enim eras solus in rhetorica, quam docebat, & tamen cū publicè professus erat. Quāto minus ergo vereri debuit mansuetū gregē tuum, pronuncians Verbum tuum, qui non verebatur in verbis suis turbas infanorum?

6. Itaque, ubi ascendit, ut redderet, omnes sibi met inuicem, quisque ut eum nouerat, instrepuerunt nomen eius strepitu congratulationis. Quis autem ibi non eum nouerat? Et sonuit pressio sonitu per ora cunctorum colliatantium, Victorinus, Victorianus. Cito sonuerūt exultatione, quia videbant eum; & cito siluerunt intentione, ut audirēt eum. Pronunciavit ille fidem veracem præclara fiducia, & volebant eum omnes rapere intro in cor suum: & rapiebant amando, & gaudento. Hæ rapiendum manus erant.

CAPVT III.

*Quod Deus & Angeli magis gaudent
in peccatorum conversione.*

1. **D**EVS bone, quid agitur in homine, ut plus gaudeat de salute desperatæ animæ, & de maiore periculo liberatæ; quam si spes ei semper affuisset, aut periculum minus fuisset? Etenim eum quoque

quoque misericors pater, plus gaudes de vno pœnitente, quam de nonagintanovem iustis, quibus non est opus pœnitentia. Et nos cum magna iucunditate audimus, cum audimus, quam exultantis patris humeris reportetur ovis, quæ errauerat; Et drachma referatur in thesauros tuos, collatantibus vicinis mulieri, quæ inuenit: Et lachrymas excutit gaudium solennitatis domus tuæ, cum legitur in domo tua de minore filio, quoniam mortuus erat, & revixit; perierat, & inuentus est. Gaudes quippe in nobis, & in Angelis tuis sancta charitate sanctis. Nā tu semper idem, quæ, quæ non semper nec eodem modo sunt. eodem modo semper nosti omnia. Quid ergo agitur in anima, cum amplius delectatur inuētis aut redditis rebus, quas diligit, quam si eas semper habuisset? Contestantur enim & cætera; & plena sunt omnia testimoniis claman-
Luc 15
Ibidem
Ibidem
Luc 15

z. Triumphat victor Imperator: & non vicisset, nisi pugnauisset: Et quanto maius periculum fuit in prælio, tanto maius est gaudium in triumpho. Iactat tempestas nauigantes, minaturque naufragiū, omnes futura morte pallescunt. Trāquilatur cælum & mare, & exultant nimis, quoniam timuerunt nimis. Ager est cha-

rus, & vena eius malum renunciat; omnes, qui eum saluum cupiunt, ægrotant simul animo. Fit ei rectè, & nondum ambulat pristinis viribus; & fit iam tale gaudium, quale non fuit, cum antea saluus & fortis ambularet.

3. Easque ipsas voluptates humanæ vitæ, etiam non inopinatis & præter voluntatem irruentibus, sed institutis & voluntariis molestius homines acquirunt. Edendi & bibendi voluptas nulla est, nisi præcedat esuriendi & sitiendi molestia. Et ebriosi quædam falsiuscua comedunt, quo fiat molestius ardor; quem dum extinguunt potatio, fit delectatio. Et institutum est, ut iam pactæ sponsæ non tradantur statim, ne vilem habeat maritus datam, quam non suspirauerit sponsus dilatatam. Hoc in turpi & execranda lætitia: hoc in ea, quæ cōcessa & licita est, hoc in ipsa sincerissima honestate amicitia; hoc in eo, qui mortuus erat, & reuixit; perierat, & inuentus est. Ubique maius gaudium, molestia majori præceditur.

4. Quid est hoc Dōmine Deus meus, cum tu æternum tibi tu ipse sis gaudium, & quædam de te circa te semper gaudeat? Quid est, quod hæc rerum pars alternat defectu & profectu, offensionibus, & cō-

ciliationibus? An is est modus carum, &
tantum

tantum dedisti eis, cum à summis coelo-
rum vsque ad ima terrarum, ab initio vs-
que in finem seculorum, ab angelo vsque
ad vermiculum, à motu primo vsque ad
extremum, omnia genera bonorum, &
omnia iusta opera tua, suis quæque sedi-
bus locares, & suis quæque temporibus
ageres? Hei mihi, quam excelsus es in ex-
cellis, & quam profundus es in profun-
dis, & nusquam recedis, & vix redimus
ad te.

CAPVT IIII.

*Quare plus latendum sit, in magnæ
peccatoris conuersione.*

3. **A**GE Domine, & fac, excita, & re-
uoca nos; accende, & rape; flagra,
dulcesce: iam amemus, & curramus. Nō-
ne multi ex profundiore tartaro carita-
tis, quam Victorinus, redeunt ad te, & ac-
cedunt, & illuminantur recipientes lu-
men? Quod si qui recipiunt, accipiunt à
te potestatem, vt filii tui fiant. Sed si mi-
nus noti sunt populis, minus de illis gau-
dent; etiam qui nouerunt eos. Quando
enim cum multis gaudetur, & in singulis
vberius est gaudium; quia feruefaciunt
se, & inflammantur ex alterutro. Deinde
quod multis noti, multis sunt autoritati

ad salutem, & multis praeiungunt fecututis,
Ideoque multum de illis, & qui eos prae-
cesserunt, latantur: quia non de solis lat-
tantur. Absit enim, vt in tabernaculo tuo
prae pauperibus accipiantur persona di-
uitum, aut prae ignobilibus nobiles: quan-
do potius infirma mundi elegisti, vt con-
funderes fortia; & ignobilia huius mun-
di elegisti, & contemptibilia: & ea quae
non sunt, tanquam quae sunt, vt ea quae
sunt euacuares.

2. Cor. 1.

3. Cor. 15.

al. cogre-
batur.

Matt. 21

2. Et ramen idem ipse minimus Apo-
stolorum tuorum, per cuius linguam tu
ista verba sonuisti, cum Paulus proccidit
per eius militiam debellata superbia, sub-
lenc iugum Christi tui missus, esset regis
magni prouincialis effectus, ipse quoque
ex priore Saulo, Paulus vocari amauit,
ob tam magnae insignie victoriae. Plus e-
nim hostis vincitur in eo, quem plus te-
net, & de quo plures tenet. Plus autem su-
perbos tenet nomine nobilitatis, & de
his plures nomine auctoritatis. Quanto
igitur gratus tibi cogitabatur Victorini
pectus, quod tamquam inexpugnabile re-
ceptaculum diabolus obtinuerat. Victori-
ni lingua, quo telo gradi & acuto multos
peremerat: tanto abundantius exultare o-
portuit filios tuos; quia rex noster alliga-
uit fortem; & videbant yasa eius crepta

mun;

mundari, & aptari in honoré tuū, & fieri
utilia domino ad omne opus bonum.

CAPVT V.

Que remorabatur eum à cōuersione.

1. **S**ED vbi mihi homo tuus Simplicia-
nus, de Victorino ista narrauit, ex-
arsti ad imitandum. Ad hoc enim & ille
narrauerat. Postquam verò & illud ad-
didit, quod imperatoris Iuliani tempori-
bus, lege data prohibiti sunt Christia-
ni docere literaturam & oratoriam;
quam legem ille amplexus, loquacem
scholam deferere maluit, quam verbum
cūm, quo linguas infantium facis diser-
tas; non mihi fortior, quàm felicior vi-
sus est, quia inuenit occasionem vacandi
tibi. Cui rei ego suspirabam ligatus, non
ferro alieno, sed mea ferrea voluntate.
Velle meum tenebat inimicus, & inde
mihi ceteram facerat, & constrinxerat
me. Quippe ex voluntate peruersa, facta
est libido. Et dum seruitur libidini, facta
est consuetudo. Et dum consuetudini
non resistitur, facta est necessitas. Qui-
bus quasi ansulis quibusdam sibi met in-
ueris, inde catenam appellavi, tenebat
me obstrictum dura seruitus. Voluntas
autem noua, quæ mihi esse ceperat, ve-

Sap. 10.

te gratis colerem, fruique te vellem Deus sola certa iucunditas, nondum erat idonea ad superādam priorem vetustate roboratam. Ita duæ voluntates meæ, vna vetus, alia noua; illa carnalis, illa spiritalis, confligebāt inter se, atque discordando dissipabant animam meam:

Gal. 5.

2. Sic intelligebā, me ipso experimento, id quod legeram; quomodo caro concupisceret aduersus spiritum, & spiritus aduersus carnem. Ego quidem in utroque, sed magis ego in eo, quod in me approbabam; quā in eo, quod in me improbabam. Ibi enim magis iam nō ego; quia ex magna parte id patiebar inuitus, quā faciebā volens. Sed tamen consuetudo aduersus me pugnatio ~~ex me~~ facta erat; quoniam volens, quod nollem, peruenieram. Et quis iure cōtradiceret, cum peccanrem iusta perno sequeretur? Et nō erat iam vlla excusatio, qua videri mihi solebā, propterea me nondum cōtempto seculo seruire tibi, quia incerta mihi esset perceptio veritatis. Iam enim & ipsa certa erat. Ego autem adhuc obligatus, militare tibi recusabam; & impedimentis omnibus sic timebam expediri, quemadmodum impediri timendum est. Ita sarcina seculi, velut somno assolet, duleiter premebar; & cogitationes, quibus medi-
tabar.

tabar in te, similes erant conatibus expurgiscentium: qui tamen, superati soporis altitudine, remerguntur. Et sicut nemo est, qui dormire semper velit, omniumque sano iudicio vigilare præstat: differt tamē plerumque homo somnum excutere, cum grauis torpor in membris est; cumque iam displicentem carpit libentius, quamuis surgendi tempus aduenit: Ita certum habebam, esse melius tuæ charitati me dedere, quam me cupiditati cedere.

3. Sed illud placebat, & vincebat, hoc libebat, & vinciebat. Non enim erat, quod tibi responderem dicenti mihi: Surge, qui dormis, & exurge à mortuis, & illuminabit te Christus: & vndique ostendenti vera te dicere, non erat omnino, quid responderem veritate cōuictus, nisi tantum verba lenta & somnolenta: Modo, ecce modo, sine paululum. Sed modo & modo, non habebant modum: & sine paululum, in longum ibat. Frustra condelectabar legi tuæ secundum interiorem hominem, cum lex alia in membris meis repugnaret legi mentis meæ; & captiuum me duceret, in legē peccati, quæ in membris meis erat. Lex enim peccati, est violentia consuetudinis; qua trahitur & retinetur etiam inuitus animus, eo merito, quo.

Ephes. 5.

Rom. 7.

quo in eam volens illabatur. Miserrum ergo me, quis liberaret de corpore mortis huius, nisi gratia tua, per Iesum Christum Dominum nostrum?

CAPVT VI.

Potitianus narrat Antonij vitam.

al. ge-
mebam.

ET de vinculo quidem desiderij concubitus, quo arctissimo tenebar; & secularium negotiorum seruitute, quemadmodum me exemeris, narrabo, & confitebor nomini tuo Domine, adiutor meus, & redemptor meus. Agebam solita crescente anxietudine, & quotidie suspirabam tibi: Frequentabam ecclesiam tuam, quantum vacabat ab eis, negocijs, sub quorū pondere * degebam. Mecum erat Alipius, otiosus ab opere iurisperitorum post afflictionem tertiam, expectans quibus iterum consilia venderet; sicut ego vendebam dicendi facultatem, si qua docendo præstari potest. Nebridius autem amicitia nostra cesserat, ut omnium nostrum familiarissimo Verecundo Mediolanensi & ciui & grammatico subdoceret, vehemēter desideranti, & familiaritatis iure flagitanti, de numero nostro fidele adiutorium, quo indigebar.

gebat nimis.

2. Non itaque Nebridium cupiditas commodorum eò traxit; maiora enim posset, si vellet de literis agere: sed officio benevolentie, petitionem nostram contemnere noluit amicus dulcissimus & mitissimus. Agebat autem illud prudentissimè, cauens innotescere personis, secundum hoc seculum maioribus; deuitans in eis omnè inquietudinem animi, quem volebat habere liberum; & quam multis posset horis feriatum, ad querendum aliquid, vel legendū, vel audiendum de sapientia.

3. Quodam igitur die, non recolo causam, qua erat absens Nebridius, cum ecce ad nos domum venit ad me & Alipiū, Pōticianus quidam cuius noster in quantum Afer, præclarè in palacio militans, nescio quid à nobis volebat. Et confestim, ut colloqueremur: Et fortè super mensam lusoriam, quæ ante nos erat, attendit codicem, tulit, aperuit, inuenit Apostolum Paulum inopinatè sanè, putauerat enim aliquid de libris, quorum professio me conterebat. Tum verò ardens, meque intuens gratulatoriè miratus est, quod eas & solas præ oculis meis literas repentè comperisset. Christianus quippe & fidelis erat; & saepe tibi Deo
nostro

*S. An-
tonius
mona-
chus.*

nostro prosternebatur in ecclesia, crebris & diuturnis orationibus. Cui, ego cum indicassem illis me scripturis curam maximam impendere; ortus est sermo (ipso narrante) de Antonio Ægyptio monacho; cuius nomen excellenter clarebat apud seruos tuos, nos autem vsque in illam horam latebat. Quod ille ubi comperit, immoratus est in eo sermone, insinuans tantum virum ignoratibus, & admirans eandem nostram ignorantiam.

4. Stupebamus autem audientes tam recenti memoria, & propè nostris temporibus testatissima mirabilia tua, in fide recta & catholica ecclesia. Omnes mirabamur; & nos, quia tam magna erant; & ille, quia inaudita nobis erant. Inde sermo eius deuolutus est ad monasteriorum greges, & mores suauolentia tue, & vbera deserta eremi, quorum nos nihil sciebamus. Et erat Monasterium Mediolani plenum bonis fratribus extra vrbs moenia, sub Ambrosio nutritore, & non noueramus. Pertendebat ille, & loquebatur adhuc, & nos intenti tacebamus. Vnde incidit, vt diceret nescio quando se, & tres alios contubernales suos, nimirum apud Treuiros, cum Imperator pomeridiano Circensium spectaculo teneretur, exisse de ambulatū in hortos muris

conti-

contiguos; atque illic, ut fortè combina-
ti spaciabantur, vnum secum seorsum, &
alios duos iidem seorsum pariterque di-
gressos. Sed illos vagabundos irruisse in
quandam casum, vbi habitabāt quidam
serui tui spiritu pauperes, qualium est re-
gnum cœlorū, & inuenisse ibi codicem,
in quo scripta erat vita Antonij.

Matt. 5.

5. Quam legere cœpit vnus eorum, &
mirari, & accendi; & inter legendum me-
ditari arripere talem vitam, & relicta mi-
litia seculari seruire tibi. Erat autem ex
eis, quos dicunt agentes in rebus. Tunc
subito repletus amore sancto & sobrio
pudore, iratus sibi cōiecit oculos in ami-
cum, & ait illi: Dic, quæso te, omnibus
istis laboribus nostris quò ambimus per-
uenire? Quid querimus? Cuius rei causa
militamus? Maior ne esse poterit spes no-
stra in palacio, quàm ut amici Imperato-
ris simus? Et ibi, quid nō fragile, plenum-
que periculis? Et per quod pericula per-
uenitur ad grādus periculum? Et quam-
diu istud erit? Amicus autem Dei, si vo-
lueris, ecce nunc fio.

6. Dixit hoc, & turbidus parturitione
nouæ vitæ, reddidit oculos paginis, & le-
gebat; & mutabatur intus, vbi tu videbas
& exuebatur mundo mens eius, ut mox
apparuit. Namque dum legit, & voluit

fluctus

fluctus cordis sui, infremuit aliquando
& discreuit, decreuitque meliora; iam-
que tuus, ait amico suo. Ego iam abrup-
pi me ab illa spe nostra, & Deo seruire
statui; & hoc ex hora hac, in hoc loco ag-
gredior; te si piget imitari, noli aduersa-
ri. Respondit ille, adherere se socio tan-
tæ mercedis tantæque militiæ. Et ambo
iam tui, ædificabant turrin sumptu ido-
neo, relinquendi omnia sua, & sequendi
te. Tunc Pontitianus, & qui cum eo per
alias horti partes deambulabant, quæ-
rentes eos, deueniunt in eundem locum;
& inuenientes admonuerunt, vt rediret,
quod iam declinasset dies. At illi narrato
placito & proposito suo, quoque modo
in eis talis voluntas orta esset atque fir-
mata, petiuerunt, ne sibi molesti essent,
si adiungi recusarent. Isti autem nihilo
mutati a pristinis, flectunt se tamen, vt
dicebat; atque illis pie congratulati sunt,
& commendauerunt se orationibus eo-
rum; & trahentes cor in terram, abierunt
in palacium. Illi autem affigentes cor in
cælo, manserunt in casa. Et ambo habebant
sponsas. Quæ, posteaquam hoc
audierunt, dicauerunt etiam ipse virgi-
nitatem tibi. Narrabat hæc Pontitianus.

CAPVT VII

Displicuit sibi, audito Potitiano.

TV autem domine, inter verba eius retorquebas me ad meipsum, auferēs me à dorso meo, vbi me posueram, dum nollem me attendere; & constituēbas me autē faciem meam, vt viderem, quam turpis essem, & quam distortus, & sordidus, & maculosus, & vlcerosus. Et videbam, & horrebam; & quo à me fugerem, non erat. Et si conabar à me auertere aspectum, narrabat ille, quod narrabat. Et tu me rursus opponebas mihi, & impingebas me in oculos meos, vt ^{al. vide-} inuenirem iniquitatem meam & odissem. ^{rem.} Noueram eam, sed dissimulabam, & ^{al. assen-} ^{t ebam.} conninebam, & obliuiscabar. Tunc vero, quanto ardentius amabam illos, de quibus audiebam salubres affectus, quod se totos tibi sanandos dederant; tanto execrabilius me comparatum eis oderam: Quoniam multi mei anni mecum effluerāt, fortē duodecim anni, ex quo ab vndeicesimo anno ætatis meæ, lecto Ciceronis Hortētio, excitatus eram studio sapiētiae; & differebam, cōtempta foelicitate terrena, ad eam inuestigādā ^{yacare;}

vacare; cuius non inuentio, sed vel sola inquisitio iam præponenda erat, etiã inuentis thesauris regnisque gētium, & ad nutum circumfluentibus corporis voluptatibus.

2. At ego adolescens miser valde, miser in exordio ipsius adolescentiæ, etiam perieram à te castitatē; & dixeram: Da mihi castitatem & cōtinētiā, sed noli modo. Timebam enim; ne me cito exaudires, & cito sanares; à morbo cōcupiscentiæ, quē malebā expleri quàm exingui. Et ieram per vias prauas superstitione sacrilega; nō quidem certus in ea, sed quasi præponens eam cæteris, quæ non piè quærebam, sed inimicè oppugnabam. Et propterea putaueram me differre de die in diem; contempta spe seculi te solum sequi; quia nō mihi apparebat certum aliquid, quò dirigerem cursum meum. Et venerat dies, quo nudarer mihi, & increparet me conscientia mea.

3. Vbi es lingua? Nempe tu dicebas propter incertum verū, nolle te abijcere sarcinam vanitatis. Ecce iam certū est, & illa te adhuc premit, humerisque liberioribus pennas recipiunt; qui neque ita inquirendo atterriti sunt, nec decēnio & amplius ista meditati. Ita rodebar intus, & confundebar pudore horribili vehementer,

te, cum Pontitianus talia loqueretur. Terminato autem sermone & causa, qua venerat, abiit ille. Et ego ad me: Quid in me dixi? quibus sententiarum verberibus non flagellavi animam meam, ut sequeretur me conātem post te ire; & renitebatur? Recusabat, & se non excusabat. Consumpta erant & cōuicta argumenta omnia. Remanserāt muta trepidatio; & quasi mortem reformidabat restringi a fluxu consuetudinis, quo tabescebat in mortem.

CAPVT VIII.

In horto quid fecerit.

TVM in illa grandi rixa interioris domus meæ, quam fortiter excitaueram cū anima mea, in cubiculo nōstro corde meo, tam vultu quā mente turbatus, inuado Alipiū, & exclamo: Quid patimur? Quid est hoc? Quid audistis? Surgunt indocti, & cœlum rapiūt, & nos cum doctrinis nostris sine corde, ecce vbi volutamur in carne & sanguine. An quia præcesserunt, pudet sequi, & non pudet nec saltem sequi? Dixi nescio quæ talia; & abripuit me ab illo æstus meus, cum raceret attonitus me intuens. Neque enim solita sonabam: plus loquebantur animum meum, frons, genæ, oculi, co-
lor;

lor, modus vocis, quàm verba quæ pro-
mebam.

2. Hortulus quidã erat hospitij nostri,
quo nos vrebamur, sicut tota domo. Nã
hospes ibi non habitabat dominus do-
mus. Illuc me abstulerat tumultus pecto-
ris, vbi nemo impediret ardentem litem,
quam mecum aggressus eram, donec exi-
ret, quæ tu sciebas, ego autem non. Sed
tantum insaniebam salubriter, & morie-
bar vitaliter; gnarus quid mali essem, &
ignarus quid boni post paululũ futurus
essem. Abscessi ergo in hortũ, & Alipius
pedem post pedem: Neque enim secre-
tum meum non erat, vbi ille aderat? Aut
quando me sic affectum defereret? Sedi-
mus, quantum potuimus remoti ab adi-
bus: Ego fremebam spiritu, indignans
turbulētissima indignatione, quod non
irem in placitum & pactum tecum Deus
meus, in quod eundum esse omnia ossa
clamabant; & in cœlum tollebant laudi-
bus, & non illuc ibatur nauibus, aut
quadrigis, aut pedibus, quantum saltem
de domo in eum locum ieram, vbi se-
debamus.

3. Nam non solum ire, verũ etĩã per-
uenire illuc, nihil erat aliud, quam velle
ire; sed velle fortiter & integrè; non semi-
sauciam hac atque hac versare, & iactare
volun-

voluntatem, hac parte assurgentem, cum alia parte cadente luctantem. Denique, tam multa faciebam corpore in ipsis curationis æstibus, quæ aliquando volunt homines, & non valent; si aut ipsa mēbra non habeant; aut ea vel colligata vinculis, vel resoluta lāguore, vel quoquomodo impedita sint. Si euulsi capillum, si percussi frontem, si consertis digitis amplexarus sum genu, quia volui, feci. Potui autem velle, & non facere, si mobilitas membrorum non obsequeretur. Tam multa ergo feci, vbi non hoc erat velle, quod posse; & non faciebam, quod & incomparabili affectu amplius mihi placebat; & mox, vt vellē, possem; quia mox, vt vellem, vtique vellem. Ibi enim facultas ea, quæ voluntas; & ipsum velle, iam facere erat, & tamen non fiebat. Faciliusque obtemperabat corpus tenuissimæ voluntati animæ, vt ad nutum membra mouerētur, quam ipsa sibi anima ad voluptatem suam magnam, in sola voluntate perficiendam.

CAPVT IX.

Animus quare ad bonum tardus.

1. **V**NDE hoc monstrum? & quare istud? Luceat misericordia tua, & interrogem, si fortè mihi respondere pos-

L

fint

sint latebra pœnarum hominum, & tenebrosissimę contritiones filiorũ Adam. Vnde hoc monstrum, & quare istud? Imperat animus corpori, & paretur statim: imperat animus sibi, & resistitur. Imperat animus, vt moueatur manus; & tanta est facilitas, vt vix a seruitio discernatur imperium: Et animus animus est, manus autem corpus est. Imperat animus, vt velit animus, nec alter est, nec facit tamen. Vnde hoc monstrum? & quare istud? Imperat, inquam, vt velit; qui non imperaret, nisi vellet; & non fit, quod imperat.

2. Sed non ex toto vult, non ergo ex toto imperat. Nam in tantum imperat, in quantum vult: & in tantum non fit, quod imperat, in quantum non vult. Quoniam voluntas imperat, vt sit voluntas, nec alia, sed ipsa. Non vtrique plena imperat: ideo non est, quod imperat. Nam si plena esset, nec imperaret, vt esset, quia iam esset. Non igitur monstrum, partim velle, partim nolle: sed ægritudo animi est, quia non totus assurgit veritate subleuatus, consuetudine pragrauatus. Et ideo sunt duę voluntates, quia vna earum tota nõ est; & hoc adest alteri, quod deest alteri.

CAPVT X.

Varia hominis voluntas.

I. **P**EREANT à facie tua Deus, sicuti
 percunt vaniloqui & mentis sedu-
 ctiores; qui cùm duas voluntates in deli-
 berando animaduenterint, duas naturas
 duarum mentium esse assueuerāt, vnā
 bonā, alterā malā. Ipsi verè mali
 sunt, cùm ista mala sentiunt; & iidem ipsi
 boni erunt, si vera senserint, verisque cō-
 senserint; vt dicat eis Apostolus tuus; Fui- *Ephē. 5.*
 stis aliquando tenebræ, nunc autem lux
 in Domino. Illi enim, volunt esse lux, nō
 in Domino, sed in seipsis, putādo animæ
 naturam hoc esse, quod Deus est, Ita fa-
 cti sunt densiores tenebræ, quoniam lō-
 gius à te recesserunt horrenda arrogātia;
 à te vērō lumine, illuminante omnē ho- *Ioan. 1.*
 minem venientem in hunc mundum. At-
 tendite, quid dicatis, & erubescite; & ac-
 cedite ad eum, & illuminamini, & vultus *Psal. 33.*
 vestri non erubescant. Ego cùm delibe-
 rabā, vt iam seruirem Domino Deo meo,
 sicut diu disposuerā, ego eram, qui vole-
 bam; ego eram, qui nolebā; Ego ego erā,
 nec plene volebam, nec plene nolebam.
 Ideo mecum contendebam, & dissipabar

à meipso. Et ipsa dissipatio, me inuito quidem fiebat; nec tamen ostēdebat naturam mentis alienæ, sed pœnam meæ.

Rom. 7.

Et ideo, iam non ego operabar illam, sed quod habitabat in me peccatum, de supplicio liberioris peccati: quia eram filius Adam. Nam si tot sunt contrarię naturę, quot voluntates sibi resistunt: non iam duę, sed plures erunt.

2. Si deliberet quisquam, vtrum ad cōsuetudinem eorum pergat, an ad theatrum, clamant isti: Ecce duę naturę, vna bona hac ducit, altera mala illac reducit. Nam vnde ista cunctatio sibi met aduersantium voluntatum? Ego autem dico ambas malas; & quę ad illos ducit, & quę ad theatrum reducit. Sed non credunt nisi bonam esse, quā itur ad eos. Quid si ergo quisquam nostrum deliberet, & secum altercantibus duabus voluntatibus fluctuet, vtrum ad theatrum pergat, an ad Ecclesiam nostram; nōne & isti, quid respondeant, fluctuabunt? Aut enim fatebuntur, quōd nolunt bona voluntate pergi in Ecclesiam nostram; sicut in eam pergunt, qui sacramentis eius imbuti sunt, atque detinentur: Aut duas malas naturas, & duas malas mentes in vno homine confingere putabunt, & non erit verum, quod solēt dicere, vnā bonā, alterā

alteram malam: Aut conuertentur ad verum, & non negabunt, cū quisque deliberat animā vnā diuersis volūtātibus exsequare. Iā ergo nō dicant, cū duas voluntates in homine vno aduersari sibi sentiunt, duas contrarias mentes de duabus contrariis substantiis, & de duobus contrariis principiis contendere, vnā bonā, alterā malam.

3. Nam tu Deus verax improbas eos, & redarguis atque conuincis eos, sicut in vtraque malā volūtate, cū quisque deliberat, vtrum hominem veneno interimat, an ferro: Vtrum fundum alienum, illum, an illum inuadat, quando vtrūque non potest: Vtrum eiat voluptatem luxuria, an pecuniam seruet avaritia: Vtrū ad circum pergat, an ad theatrum, si vno de vtrūque exhibeatur: Addo etiam tertiam, an ad furtum de domo aliena, si subest occasio: Addo & quartum, an ad committendum adulterium, si & inde simul facultas aperitur, si omnia concurrant in vtrum articulum temporis, pariterque cupiantur omnia, quæ simul agi nequeunt.

4. Discerpūt enim animum sibi met aduersantibus, quatuor voluntatibus, vel etiā pluribus in tāta copia rerū, quæ aperiuntur; nec tamē tantā multitudinē di-

uerfarū substantiarū solent dicere: Ita & in bonis voluntatibus. Nā quæro ab eis, vtrum bonum sit delectari in lectione Apostoli; & vtrum bonum sit delectari Psalmo sobrio; & vtrum bonum sit Euāgelium differere? Respondebūt ad singula, Bonum. Quid si ergo pariter delectent omnia, simulque vno tempore, nōne diuersæ voluntates distendunt cor hominis, cū deliberatur, quid potissimū arripiamus? Et omnes bonæ sunt, & cerant secum, donec eligatur vnum, quo feratur tota voluntas vna, quæ in plures diuidebatur. Ita etiam, cū eternitas delectat superius, & temporalis boni voluntas retentat inferius, eadem anima est, non tota voluntate illud aut hoc volens; & ideo discerpitur graui molestia, dum illud veritate præponit, hoc familiaritate non ponit.

CAP V T XI.

*Lucta spiritus & carnis, in
Augustino.*

S I c agrotabam & excruciar, accusans memetipsum solito acerbius nimis, ac voluens ac versans me in vinculo meo, donec abrumperetur totum, quo

quo iam exiguo tenebar, sed tenebar tamen. Et instabas tu in occultis meis Domine seuera misericordia, flagella ingeminans timoris & pudoris, ne rursus cessarem, & non abrumperetur id ipsum exiguum & tenue, quod remanserat, & reualefceret iterum, & me robustius alligaret. Dicebam enim apud me intus: Ecce modo fiat, modo fiat. Et cum verbo iam ibam in placitum. Iam penè faciebam, & non faciebam: nec relabebar tamen in pristina, sed de proximo stabam, & respirabam. Et item conabar, & paulò minus ibi eram, & paulò minus iam iamque attingebam & tenebam; & non ibi eram, nec attingebam, nec tenebam, hæsitans mori mori, & vitæ viuere: plusque in me valebat deterius inolitum, quam melius insolitum: Punctumque ipsum temporis, quo aliud futurus eram, quanto propius admouebatur, tanto ampliorem incutiebat horrorem: sed non recutiebat retro; nec auertebar, sed suspendebat.

2. Retinebant nugæ nugarum, & vanitates vanitatum, antiquæ amicæ meæ; & succutiebant vestem meam carneam, & submurmurabant: Dimittis ne nos? & à momento isto, non erimus tecum ultra in æternum? & à momento isto, non tibi licebit hoc & illud ultra in æternum?

Et quæ suggerebant in eo, quod dixi hoc & illud, quæ suggerebāt Deus meus? auertat ab anima serui tui misericordia tua. Quas sordes suggerebant? quæ dedecora? Et audiebam eas iam longe minus, quàm dimidijs; non tanquam libere cōtradicientes cundo in obuiam, sed velut à dorso mussitantes, & discedentem quasi furtim vellicantes, vt respicerem: Retardabant tamen me recun̄ctantem abriperē, atque excutere ab eis, & transilire quò vocabar, cū diceret mihi cōsuetudo violenta: Putāsne sine istis poteris?

3. Sed iam tepidissimè hoc dicebat. Aperiebatur enim ab ea parte, qua intenderam faciem, & quò transire trepidabam; casta dignitas continentiae, serena, & non dissolute hilaris; honestè blādiens vt venirem, neque dubitarem; & extendens ad me suscipiendum & amplectendum pijs manus, plenas gregibus bonorum exemplorum. Ibi tot pueri, & puellæ; ibi iuuentus multa, & omnis ætas, & graues viduæ, & virgines anus; & in omnibus ipsa continentia nequaquam sterilis, sed secunda mater filiorum gaudiorum, de marito te Domine. Et irridebat me irrisione exhortatoria, quasi diceret: Tu non poteris, quod isti & istæ? An verò isti & istæ in semet-

femetipſis poſſunt, ac non in Domino Deo ſuo? Dominus Deus eorum me dedit eis. Quid in te ſtas, & non ſtas? Projice te in eum; noli metuere, non ſe ſubtrahet, vt cadas. Projice te ſecurus, excipiet & ſanabit te. Et erubeſcam nimis; quia illarum nugarum murmur adhuc audiebam, & cunctabundus pēdebam. Et rursus illa, quaſi diceret: Obſurdeſce aduerſus immunda illa membra tua ſuper terram, vt mortificentur. Narrant tibi delectationes, ſed non ſicut lex Domini Dei tui. Iſta controuerſia in corde meo, non niſi de meipſo aduerſus meipſum. At Alipius affixus lateri meo, inuſitati motus mei exitum tacitus operiebatur.

Conti-
nentia
loqui-
tur hęc.

Psalmus.

CAPVT XII.

*Vocis admonitu. quomodo totius
conuerſus.*

VBI verò a fundo atreano alta conſideratio contraxit, & congeſſit totam miſeriam meam in conſpectum cordis mei, oborta eſt procella ingens, ferens ingentem imbrem lachrymarum. Et vt totum effunderem cum vocibus ſuis, ſurrexi ab Alipio. Solitudo enim

L 5

mihi.

mihi, ad negotium flendi aptior sugger-
 rebatur. Et secessi remotius, quàm ut
 posset mihi onerosa esse etiam eius præ-
 sentia. Sic tunc eram, & ille sensit, ne-
 scio quid. Aliquid enim puto dixeram, in
 quo apparebat sonus vocis meæ iam fle-
 tu grauidus, & sic surrexeram. Mansit
 ergo ille, ubi sedebamus, nimie stupens.
 Ego sub quadam fici arbore strauit me,
 nescio quomodo; & dimisi habenas la-
 chrymis, & proruperunt flumina ocu-
 lorum meorum, acceptabile sacrificium
 tuum. Et non quidam his verbis, sed
 in hac sententia multa dixi tibi: Et tu
 Domine usquequo? Usquequo Domine
 irasceris in finem? Ne memor fueris ini-
 quitatum nostrarum antiquarum. Sen-
 tiebam enim me ab eis teneri. Iactabam
 enim voces miserabiles: Quamdiu? qua-
 diu, cras & cras? Quare non modo? quare
 non hac hora finis turpitudinis meæ?

2. Dicebam hæc, & flebam amarissima
 contritione cordis mei. Et ecce audio
 vocem de vicina domo, cum cantu dicē-
 tis & crebro repetentis, quasi pueri an-
 puellæ, nescio: Tolle lege, tolle lege. Sta-
 timque mutato vultu, intentissimus co-
 gitare cœpi, vtrum nam solerent pueri in
 aliquo genere ludendi cantare tale ali-
 quid: nec occurrebat omnino audiuisse

me.

me vsquam. Repressioque impetu lachry-
marum surrexi, nihil aliud interpretans,
nisi diuinitus mihi iuberi, vt aperirem
codicem, & legerem, quod primum ca-
pitulum inuenissem. Audieram enim de
Antonio, quòd ex euangelica lectione,
cui forte superuenerat, admonitus fue-
rit, tanquam sibi diceretur, quod lege-
batur: Vade, vende omnia quæ habes, & *Marc. 10.*
da pauperibus, & habebis thesaurum in
cælis; & veni, sequere me: & tali oraculo,
confestim ad te esse conuersum.

3. Itaque concitus redi ad eum locū,
vbi sedebat Alipius: ibi enim posueram
codicem Apostoli, cum inde surrexeram.
Arripui, aperui, & legi in silentio capitu-
lum, quo primum coniecti sunt oculi
mei: Nō in comessationibus, & ebrie-
tatibus; non in cubilibus, & impudiciis;
Rom. 13.
non in contentione & amulatione: sed
induimini Dominum Iesum Christum,
& carnis prouidentia ne feceritis in con-
cupiscentiis vestris. Nec vltra volui lege-
re, nec opus erat. Statim quippe cum fi-
ne huiusce sententiæ, quasi luce securita-
tis infusa cordi meo, omnis dubitatio
tenebræ diffugerunt. Tum interjecto
aut digito, aut nescio quo alio signo, co-
dicem clausi, & tranquillo iam vultu in-
dicaui Alipio.

DIVI AVRELII
Augustini Confessionum.
Liber nonus.

CAPVT I

*Laudat Dei bonitatem, agnoscens
suam miseriam.*

E DOMINE, ego seruus tuus, ego
seruus tuus, & filius ancillæ tuæ.
Dirupisti vincula mea, tibi sacrificabo *Psal. 115.*
hostiam laudis. Laudet te cor meum, &
lingua mea, & omnia ossa mea dicant:
Domine, quis similis tibi? Dicant, & *Psal. 82.*
responde mihi; & dic anime meæ: Salus
tua ego sum. Quis ego, & qualis ego? *Psal. 34.*
Quid non mali ego, aut facta mea: aut si
non facta, dicta mea: aut si non dicta, vo-
luntas mea fuit? Tu autē domine bonus
& misericors, & dextera tua respiciens
profunditatem mortis meæ, & à fundo
cordis mei exhaustiens abyssum corrup-
tionis. Et hoc erat totum nolle, quod vo-
lebas; & velle, quod nolebas.

2. Sed vbi erat tam annoso tempore, &
de quo imo altoque secreto, euocatū est
in momento liberum arbitrium meum,
quo

dies supererant, ad vindemiales ferias; &
 statui tolerare illos, vt solenniter absce-
 derem; & redemptus à te, iam nō redirem
 ventralis. Consilium ergo nostrum erat
 coram te, coram hominibus autem nisi
 nostris non erat. Et cōuenerat inter nos,
 ne passim cuiquam effunderetur; quan-
 quam tu nobis à conualle plorationis *Psalm. 133.*
 ascendentibus, & cantantibus canticum
 graduum, dederas sagittas acutas, & car- *Psalm. 119.*
 bones vastatores aduersus linguam sub-
 dolam, velut consulendo contradicentē,
 & sicut cibum assolet amando cōsumen-
 tem. Sagittaueras tu cor nostrum, chari-
 tate tua; & gestabamus verba tua trans-
 fixa visceribus; & exempla seruorum tuo-
 rū, quos de nigris lucidos, & de mortuis
 viuos feceras. Congesta in sinum cogi-
 tationis nostræ vrebant, & absolvebant
 grauē torporem, ne in ima vergeremur.
 Et accendebant nos valide, vt omnis ex
 lingua subdola contradictionis flatus
 inflammare nos acrius posset, non ex-
 tinguere.

2. Veruntamen, quia propter nomen
 tuum, quod sanctificasti per terras, etiam
 laudatores utrique haberet votum & pro-
 positum nostrum, iactantiæ simile vide-
 batur, non operiri tam proximum feria-
 rum tempus, sed de publica professione
 atque

atque ante oculos omnium sita antè discedere, vt conuersa in factum meum oracundorum intuentium, quàm vicinum vindemialium diem pręuenire voluerim, multa dicerent, quod quasi appetissem magnus videm. Et quo mihi erat istud, vt putaretur & disputaretur de animo meo, & blasphemaretur bonum nostrũ? Quinetiam, quod ipsa astate literariorum labori nimio pulmo meus cedere cęperat, & difficulter trahere suspinia, doloribusque pectoris testari se saucium, vocemque clariorem produxiorẽ me recusare, primo perturbauerat me, quia magisterij illius sarcinam, penè iam necessitate deponere cogebat, aut si curari & conualescere potuissem, certè intermittere. Sed vbi plena voluntas vacandi & videndi, quoniam tu es Deus, oborta mihi est atque firmata, nesci Deus meus: et iam gaudere cępi, quod hæc quoque suberat non mendax excusatio, quæ offensionem hominum temperaret; qui propter liberos suos, me liberũ esse nunquam volebant.

3. Plenus igitur tali gaudio, tolerabam illud interuallũ temporis, donec decurreret. Nescio vtrum vel viginti dies erāt, sed tamen fortiter tolerabantur, quia recesserat cupiditas, quæ mecum solebat ferre.

ferre graue negocium; & ego premendus remanseram, nisi patientia succederet. Peccasse me in hoc, quisquam seruorum tuorum, fratrum meorum dixerit; quod iam pleno corde militia tua, passus me fuerim vel vna hora sedere in cathedra mendacij. At ego non contendo. Sed tu domine misericordissime, nonne & hoc peccatum cum cæteris horrendis & funereis, in aqua sancta ignouisti, & remisisti mihi?

CAPVT III.

Verecundus concedit illi rus suum.

1 **M**Acerabatur anxietudine Verecundus de isto nostro bono, quod propter vincula sua, quibus tenacissime tenebatur, deferri se nostro consortio videbat, nondum Christianus coniuge fidei. Ea ipsa tamen arctiore præ cæteris compede, abstinere, quod aggressi eramus, retardabatur. Nec Christianum esse alio modo se velle dicebat, quam illo, quo non poterat. Benigne sanè obtulit, ut quamdiu ibi essemus, in rure eius essemus. Retribues illi domine in resurrectione iustorum, quia iam ipsam sortem retribuisti ei. Quamuis enim absentibus nobis,

nobis, cum Romæ iam essemus, corporali ægritudine correptus, & in ea Christianus & fidelis factus, ex vita hac migravit. Ita misertus es non solum eius, sed etiam nostri: ne cogitantes egregiam erga nos amici humanitatem, nec eum in grege tuo numerantes, dolore intolerabili cruciaremur.

2. Gratias tibi Deus noster, tui sumus: indicant hortationes & consolationes tuæ, fidelis promissor, reddes Verecūdo pro rure illo eius Cassiciaco, vbi ab astu seculi requieuiimus in te, amœnitatem sempiternè virētis paradisi tui; quoniam dimisisti ei peccata super terram, in mōte incaſeato, monte tuo, monte vberi. Angebatur ergo tūc ipse, Nebridius autem collatabatur. Quamuis enim & ipse nōdum Christianus, in illam foueam pernicioſissimi erroris inciderat, vt veritatis filij tui carnem phantasma crederet; tamen inde emergens, sic sibi erat, nōdum vllis ecclesiæ tuæ sacramentis imbutus, sed inquisitor ardentissimus veritatis. Quem, non multo post conuersionem nostram, & regenerationem per baptismum tuum, ipsum etiam fidelem catholicum, castitate perfecta atque cōtinentia, tibi seruiētem in Aphrica apud suos, cum tota domus eius per eū Christiana facta

facta esset, carne soluiſti, & nunc ille vi- *Luc. 16.*
uit in ſinu Abraham.

3. Quicquid illud eſt, quod illo ſigni-
ficatur ſinu, ibi Nebridius meus uiuit,
dulcis amicus meus; tuas autem domine
adoptiuus ex liberto filius, ibi uiuit. Nam
quis alius tali animæ locus? Ibi uiuit, vn-
de me multa interrogabat homuncio-
nem inexpectum. Iam non ponit aurem
ad os meum, ſed ſpirituale os ad fontem
tuum; & bibit, quantum poteſt, ſapientia-
m pro auiditate ſua, ſine fine felix. Nec
ſic eum arbitror inebriari ex ea, ut obli-
uiſcatur mei, cum tu domine, * quem *al. quō*
potat ille, noſtri ſis memor. Sic ergo era- *potatur.*
mus, Verecundum conſolantes tristem,
ſalua amicitia de tali conuerſione no-
ſtra; & exhortantes ad fidem gradus ſui,
vitæ ſcilicet coniugalis. Nebridiū autem
operientes, quando ſequeretur, quod de
tam proximo poterat, & erat iam iamq;
facturus, cum ecce euoluti ſunt dies illi
tandem. Nam longi & multi videbatur
pro amore libertatis ocioſæ, ad cantan-
dum de medullis omnibus: Tibi dixit *Tſal. 136.*
cor meum, quaſi uultum tuū, vultum
tuum domine requiram.

CAPVT IIII.

*Quæ scripserit cum Nebridio de
Psalmis, ac dolore dentium.*

ET venit dies, in quo etiam actu soluerer a professione rhetorica, vnde iam cogitatu solutus eram. Et factum est. Et eruiſti linguam meam, vnde iam erras cor meum: & benedicebam tibi gaudens, profectus in villam cum meis omnibus. Ibi quid egerim in literis, iam quidem ſeruientibus tibi, ſed adhuc in ſuperbiæ, ſcholam, tanquam in pauſationem anhelantibus, teſtantur libri diſputati cum præſentibus, & cum ipſo me ſole coram te: quæ autem cum abſente Nebridio, teſtantur epiſtolæ. Et quâdo mihi ſufficiat tempus commemorandi omnia magna erga nos beneficia tua in illo tempore, præſertim ad alia maiora properanti? Reuocat enim me recordatio mea; & dulce mihi fit domine confiteri tibi, quibus internis me ſtimulis perdomueris; & quem ad modum me complaueris humilitatis môtibus & collibus cogitationum mearum, & tortuoſa mea direxeris, & aſpera lenieris. Quoquẽ modo ipſam etiam Alipſum fratrem cordis mei ſubegeris nomini vnigeniti tui, domini

mini & saluatoris nostri Iesu Christi, quod primo dedignabatur inferi literis nostris. Magis enim eas volebat redolere gymnasiolorum cedros, quas iam cōtrivit dominus, quam salubres herbas ecclesiasticas aduersas serpentibus.

Quas tibi Deus meus voces dedi, cum legerem Psalmos David, cantica fidelia, & sonos pietatis excludētes turgidum spiritum; rudis in germano amore tuo, catechumenus in villa, cum catechumeno Alipio feriatu; matre adherente nobis muliebri habitu, virili fide, anili securitate, materna charitate, Christiana pietate. Quas tibi voces dabam in Psalmis illis, & quomodo in re inflammabar ex eis; & accendebar eos recitare, si possem toto terrarum orbe, aduersus typhum generis humani? Et, tamen toto orbe errantur; & non est, qui se abscondat a calore tuo. Quam vehementi & acuti dolore indignabar Manichæis; & miserebar eos rursus, quod illa sacramenta, illa medicamenta nescirent: & insani essent aduersus antidotum, quo sani esse potuissent. Vellem, ut alicubi iuxta essent ignorante me, utrum audirēt tunc; & me nesciente quod ibi essent, intuerentur faciem meā; & audirent voces meas, quando legi quartum Psalmum, in illo tunc ocio,

*Explicatio
sio 4.
psalmi,
Cum in-
uocarem.*

ocio, quid de me fecerit ille Psalmus.

3. Cum inuocarem, exaudisti me Deus iustitiæ meæ, in tribulatione dilatasti mihi: Miserere mei domine, & exaudi orationem meam. Audirent ignorante me, vtrum audirent; ne me propter se illa dicere putarent, quæ inter hæc verba dixim. Quia & reuera nec ea dicerem, nec sic ea dicerem, si me ab eis audiri viderique sentirem: nec si dicerem, sic acciperent, quomodo mecum & mihi coram te, de familiari affectu animi mei. Inhorruimendo, ibidemque inferbui sperando, & exultando in tua misericordia pater. Et hæc omnia exhibant per oculos meos & vocem meam, cum conuersus ad nos spiritus tuus bonus, ait nobis: Filij hominum, quousque graues corde? vt quid diligitis vanitatem, & queritis mendacium? Dilexeram enim vanitatem, & quaesieram mendacium. Et tu domine iam magnificaneras sanctum tuum, suscitans eum à mortuis, & collocans ad dexteram tuam; vnde mitteret ex alto promissionem suam paracletum, spiritum veritatis: & miserat eum iam, sed ego nesciebam.

*Mat. 16.
Mat. 2.*

Joan. 7.

4. Miserat eum, quia iam magnificatus erat, resurgens à mortuis, & ascendens in cælum. Antè autem spiritus nondum erat datus, quia Iesus nondum erat clarificatus.

fectus. Et clamat propheta: Quousque graues corde? Vt quid diligitis vanitatem, & quæritis mendacium? Et scitote, quoniam dominus mirificauit sanctum suum. Clamat; quousque clamat, scitote? Et ego tamdiu nesciens, vanitatem dilexi, & mendacium quæsiui: Et ideo audiui, & contremui; quoniam talibus dicitur, qualem me fuisse reminiscebar. In phantasmatibus enim, quæ pro veritate tenueram, vanitas erat & mendacium. Et insonui multa grauiter ac fortiter, in dolore recordationis meæ. Quæ vtinam audissent, qui adhuc vsque diligunt vanitatem, & quærant mendacium. Fortè conturbarentur, & euouissent illud, & exaudires eos, cum clamarent ad te: quoniam vera morte carnis mortuus est pro nobis, qui te interpellat pro nobis.

Legebam, Irascimini, & nolite peccare. Et quomodo mouebar Deus meus, qui iam didiceram irasci mihi de præteritis, vt de cætero non peccarem? Et merito irasci, quia non alia natura gentis tenebrarum de me peccabat, sicut dicunt, qui sibi non irascuntur, & thesaurizant sibi iram in die ire, & reuelationis iudicii tui. Nec iam bona mea foris erant, nec oculis carnis in isto sole quærebantur. Volentes enim gaudere foris,

secus, facilè euanescent; & effunduntur in ea, quæ videntur, & temporalia sunt; & imagines eorum, famelica cogitatione lambunt. Et, ò si fatigentur inedia, & dicant: **Quis ostendet nobis bona?** Et dicamus, & audiant: Signatum est in nobis, lumen vultus tui domine. Non enim lumen nos sumus, quod illuminat omnem hominem, sed illuminamur à te; vt qui fuimus aliquando tenebræ, sumus lux in te.

Joan. 1.

Epho. 5.

Isal. 4.

6. O si viderent **internum lumen æternum**, quod ego, quia gustaueram, frendebam; quoniam non eis poteram ostendere, si afferrent ad me cor in oculis suis foris à te, & dicerent: **Quis ostendet nobis bona?** Ibi enim, ibi mihi iratus eram intus in cubili; vbi compunctus eram, vbi sacrificaueram mactans vetustatem meam, & inchoatam meditationem renouationis meæ, sperans in te; ibi mihi dulcescere cœperas, & dederas lætitiā in corde meo. Et exclamabam legens hæc foris, & agnoscens intus. Nec volebam multiplicari terrenis bonis, deuorans temporalia, & deuoratus temporalibus; cum haberem in æterna simplicitate aliud frumentum, & vinum, & oleum.

7. Et clamabam in consequenti versu, clamore alto cordis mei: O in pace,
O in

O in idipsum; O quid dixit: Obdormiam
& somnum capiam? Quoniam, quis resi-
ster nobis, cum fiet sermo, qui scriptus
est: Absorpta est mors in victoria? Et tu es I. Cor. 15.
idipsum valde, qui non mutaris; & in te
requies, obliuiscens laborum omnium,
quoniam nullus alius tecum. Sed nec ad
alia multa adipiscenda, quæ non sunt,
quod tu; sed tu Domine, singulariter in
spe constituisti me. Legebam, & ardebam;
nec inueniebam, quid facerẽ surdis mor-
tuis; ex quibus fueram pestis, larrator a-
marus, & cecos aduersus literas de melle
coeli melleas, & de lumine tuo lumino-
sas; & super scripturæ huius inimicos, ta-
bescebam, quãdo recordabar omnia dic-
tum illorum feriatorum.

8. Sed nec oblitus sum, nec silebo fla-
gelli tui asperitatem, & misericordiæ tuæ
mirabilem celeritatem. Doloꝛe dentium
tunc exercebas me; & cum in tantum
ingrauesceret, ut non valerem loqui, af-
cendit in cor meum admonere omnes
meos, qui aderant, ut deprecarentur te
pro me, Deũ salutis omnimodæ. Et scri-
psi hoc in cera, & dedi eis, ut legeretur.
Mox, ut genua supplici affectu fiximus,
fugit dolor ille. Sed quis dolor? aut quo-
modo fugit? Expauit fateor Domine
meus, Deus meus, nihil enim tale ab in-

cante ætate expertus fueram. Et insinua-
ti sunt mihi in profundo nutus tui, &
gaudens in fide laudavi nomen tuum. Et
ea fides, me securum esse non sinebat de
præteritis peccatis meis, quæ mihi per
baptismum tuum remissa nõdum erant.

CAPVT V.

Ambrosius consulit, quid legendum.

I. **R** Enunciaui peractis vindemalibus,
vt scholasticis suis Mediolanenses,
venditoresq; verborum alium provide-
rent; quòd & tibi ego seruire delegissem;
& illi professioni, præ difficultate spirandi
ac dolore pectoris, non sufficerem. Et in-
sinuavi per literas Antistiti tuo, viro san-
cto Ambrosio, pristinos errores meos, &
præsens votum meum; vt moneret, quid
potissimum mihi de libris tuis legendum
esset, quo percipiendæ tantæ gratiæ pa-
rator aptiorq; fierem. At ille iussit E-
saïam prophetam, credo, quod præ cæte-
ris, euangelii vocationisq; gentium sic
prænunciator apertior. Veruntamen ego
primam huius lectionem non intelligēs,
totumq; talem arbitrans, distuli repe-
tendum exercitator in dominico elo-
quio.

CAPVT

CAPVT VI.

Mediolani baptizatur.

1. **I**NDE, vbi tempus aduenit, quo me
nomen dare oporteret, relicto rure
Mediolanum remeauimus. Placuit & A-
lipio renasci in temecum, iam induto
humilitate sacramentis tuis congrua, &
fortissimo domitori corporis, vsque ad
Italicum solium glaciale nudo pede obte-
rendum infelito auti. Adjunximus etiam
nobis puerum Adeodatum, ex me natum
carnaliter de peccato meo. Tu bene fo-
ceras eum. Annorū erat ferē quindecim,
& ingenio praeueniebat multos graues &
doctos viros. Munera tua tibi confiteor,
Domine Deus meus, creator omnium, &
multum potens reformare nostra defor-
mia: Nam ego in illo puero, praeter deli-
ctam nihil habebam. Quod enim enu-
triebatur a nobis in disciplina tua, tu in-
spiraueras nobis, nullus alius. Munera
tua tibi confiteor. Est liber noster, qui in-
feribitur de Magistro: ipse ibi mecum lo-
quitur. Tu scis illius esse sensa omnia,
quae inferuntur ibi ex persona colloca-
toris mei. Cum esset in annis sedecim,
multa eius alia mirabilia expertus sum.

*Miles
dat no-
men, cum
iurat de-
ci s. o.*

Horrori mihi erat illud ingenium: Et quis prater te, taliū miraculorū opifex?

2. Cito de terra abstulisti vitam eius; & securior eum recordor, non timēs quicquam pueritiæ, nec adoleſcētiæ, nec omnino homini illi. Sociauimus eum coeū nobis in gratia tua, educandum in disciplina tua: & baptizati ſumus, & fugit à nobis ſollicitudo vitæ præteritæ. Nec ſatiabar illis diebus dulcedine mirabili, conſiderare altitudinem conſilii tui, ſuper ſalutem generis humani. Quantum fleui in hymnis & canticis tuis, ſuaue ſonantis eccleſiæ tuæ vocibus commotus acriter. Voces illæ influebant auribus meis, & eliquabatur veritas tua in cor meum; & exaſtuabat inde affectus pietatis, & eruebant lacrymæ, & bene mihi erat cum eis.

CAPVT VII

Qua Mediolani viderit.

1. **N**ON longè coeperat Mediolanenſis eccleſia, genus hoc conſolationis & exhortationis celebrare, magno ſtudio fratrum concinentium vocibus & cordibus. Nimirum annus erat, aut non multo amplius, cū Juſtina Valentiniæ regis

regis pueri mater, hominem tuum Ambrosium persequeretur hæresis suæ causa, qua fuerat seducta ab Arrianis. Excubabat pia plebs in Ecclesia, mori parata cum Episcopo suo, seruo tuo. Ibi mater mea, ancilla tua, sollicitudinis & vigiliarum primas partes tenens, orationibus vivebat. Nos adhuc frigidi à calore spiritus tui, excitabamur tamen ciuitate attonita atque turbata. Tunc Hymni & Psalmi ut canerentur, secundum morem Orientalium partium, ne populus meroris tedio contabesceret, institutum est: & ex illo in hodiernum recitatum, multis iam ac penè omnibus gregibus tuis, & per ceteras orbis imitantibus.

2. Tunc memorato antistiti tuo per visum aperuisti, quo loco laterent martyrum corpora Geruasii & Protasii, qui per tot annos incorrupta in thesauro secreti tui recondideras: vnde opportunè promeres, ad coercendam rabiem femineam, sed regiam. Cum enim propalata & effusa digno cum honore transferrentur ad Ambrosianam basilicam, non solū quos immundi vexabant spiritus, confellis eisdem demonibus sanabantur, verum etiā quidam plures annos cæcus ciuis ciuitatique notissimus, cum populi tumultuatus latitæ causam quesisset atque audis-

S Protasius & Geruasius

Psal. 113

fer, exiliuit; eo que se ut duceret, suum ducem rogauit. Quò perductus impetrauit admitti, ut sudario tangeret feretrum preciosa in cōspectu tuo mortis sanctorum tuorum. Quod ubi fecit, atque admouit oculis, confestim aperti sunt. Inde fama discurrens, inde laudes tuae feruenter lucentes, inde illius inimica animus, et si ad cre dēdi sanitatem non applicitus, à persequendi tamen furore compressus est. Gratias tibi Deus meus. Vnde, & quo duxisti recordationem meam, ut hæc etiam confiterer tibi, quæ magna oblitus præterieram. Et tamen tunc, cū m ita flagraret odor vnguentorum tuorum, non currebamus post te; & ideo plus flebā inter cantica hymnorum tuorum, olim suspirans tibi, & tandem aspirans, quantum patet aura in domo fornica.

Cant. 1.

CAPVT VIII.

*Euodij conuersio.**Psal. 67.*

I. **Q**UI habitare facis vniuersos in domo, consociasti nobis & Euodium iuuenem ex nostro municipio. Qui cum agens in rebus militaret, prior nobis ad te conuersus est, & baptizatus; & relicta militia seculari, accinctus tua. Simul eramus,

mus, simul habitaturi in placito sancto. Querebamus, quisnam locus nos vrilius haberet seruientes tibi. Pariter remeabamus in Africam. Et cum apud ostia Tyberina essemus, mater defuncta est. Multa pretereo, quia multum festino. Accipe confessiones meas & gratiarum actiones Deus meus, de rebus innumerabilibus etiam in silentio. Sed non preteribo, quicquid mihi anima parturit de illa famula tua, quæ me parturiuit: & carne, ut in hanc temporalem; & corde, ut in æternam lucem renascerer. Nō eius, sed tua dicam dona in ea. Neque enim seipsam fecerat, aut educauerat seipsam.

1. Tu creasti eam; nec pater, nec mater sciebat, qualis ex eis fieret. Et erudiuit eam in timore tuo virga Christi tui, regimen vnici filii tui in domo fideli, bono membro ecclesiæ tuæ. Nec tantam erga suam disciplinam diligentiam matris prædicabat, quantam famulæ cuiusdam decrepitæ, quæ patrem eius infantem portauerat, sicut dorso grandiuscularum puellatum paruuli portari solent. Cuius rei gratia, & propter senectam ac mores optimos, in domo Christiana satis à dominis honorabatur. Vnde etiam curam dominicarum filiarum commissam sibi, diligenter gerebat; & erat in eis coercen-

*Manica
mors.*

dis, cum opus esset, sancta seueritate re-
hemiens, atque in docendis sobria pru-
dentia. Nam eas præter illas horas, qui-
bus ad mensam parentum moderatissi-
me alebantur, etiam si exardescerent siti,
nec aquam bibere sinebat, præcauens
consuetudinem malam, & addens ver-
bum sanum: Modo aquam bibitis, quia
in potestate vinum non habetis: cum
autem ad maritos veneritis, factæ
dominæ apothecarum & cellariorum,
aqua fordebit, sed mos potandi præua-
lebit.

3. Hac ratione præcipiendi & autori-
tate imperandi, frenabat auiditatem te-
nerioris ætatis, & ipsam puellarum sitim,
formabat ad honestum modum, ut iam
nec liberet, quod non deceret. Et surre-
plerat tamen, sicut mihi filio famula tua
narrabat, surreplerat ei vinolentia. Nam
cum de more tanquam puella sobria iu-
beretur a parentibus de cuppa vinum de-
promere, submisso poculo, qua de super
patet, priusquam in lagunculam funde-
ret merum, primoribus labris sorbebat
exiguum, quia non poterat amplius sen-
su recusante. Non enim vlla temulenta
cupidine faciebat hoc, sed quibusdam
superfluentibus ætatis excessibus, qui lu-
dicris moribus ebulliunt, & in puerili-
bus

bus animis majorum pendere premi solent.

3. Itaque ad illud modicum quotidiana modica addendo (quoniam qui modica spernit, paulatim decidit) in eam consuetudinem lapsa erat, ut propè iam plenos mero caliculos inbibenter hauriret. Vbi tunc sagax anus, & vehemens illa prohibere? Nunquid valebat aliquid aduersus latentem morbum, nisi tua medicina Domine vigilaret super nos? Absente patre & matre & nutritoribus, tu præsens qui creasti, qui vocas, qui etiam per præpositos homines boni aliquid agis ad animarum salutem, quid tunc egisti Deus meus? Vnde curasti? Vnde sanasti? Nónne protulisti durum & acutum ex altera anima conuicium, tanquam medicinale ferrum, ex occultis prouisionibus tuis, & vno ictu putredinem illam præcidisti?

4. Ancilla enim, cum qua solebat accedere ad cuppam, litigans cum domina minore, ut sit, sola cum sola, objecit hoc crimen amarissima insultatione, vocans meribibulam. Quo illa stimulo percussa, respexit sorditatē suam, cōfestimq; damnauit, atque exiit. Sicut amici adulantes pervertunt, sic inimici litigantes plerūq; colligunt. Nec tu, quod per eos agis, sed

quod ipsi voluerunt, retribues eis. Illa enim irata, exagitare appetiuit, minorem dominam non sanare, & ideo clanculo; aut quia ita eas inuenerat locus & tempus litis: aut ne fortè & ipsa periclitaretur, quod tã sero prodidisset. At tu domine rector cœlitum & terrenorum, ad vsus tuos contorquens profunda torrētis, fluxum seculorum ordinans turbulētum, etiam de alterius animæ infanta sanasti alterā. Ne quisquam cum hoc aduertit, potentiae suae tribuat, si verbo eius alius corrigatur, quem vult corrigi.

CAPVT IX.

Monica qualis erga maritum.

EDUCATA itaque pudicè ac sobriè, potiusque à te subdita parentibus, quàm à parentibus tibi; vbi plenis annis nubilis facta est, tradita viro seruauit veluti domino; & satagit eum lacrare tibi, loquens te illi moribus suis, quibus eam pulchram faciebas, & reuerenter amabilem, atque mirabilem viro. Ita autem tolerauit cubilis iniurias, vt nullam de hac re cum marito haberet vnquam simultatem. Expectabat enim misericordiam tuam super eum, vt in te credens castificaretur.

careretur. Erat verò ille præterea, sicut benevolentia præcipuus, ita ira feruidus. Sed nouerat hæc non resistere irato viro, non tantum facto, sed ne verbo quidem. Iam verò refracto & quieto, cùm oportunum videret, rationem facti sui reddebat, si forrè ille inconsideratius commotus fuerat.

*Prudens
uxor &
Christiana
describitur*

2 Denique cùm matrone multe, quarum viri mitiores erant, plagarum vestigia etiam de honestata facie gererent, inter amica colloquia illæ atquebant maritorum vitam, hæc earum linguam, veluti per iocum, grauitè admonens; ex quo illas tabulas, quæ matrimoniales vocantur, recitari audissent, tãquam instrumenta, quibus ancillæ factæ essent, deputare debuisse: proinde memores conditionis, superbire aduersus dominos nõ oportere. Cumque mirarètur illæ, scientes quam ferocem coniugem sustineret, nunquam fuisse auditum, aut aliquo indicio claruisse, quod Patricius cæderet uxorem, aut quod à se inuicem vel vnum diem domestica lite dissenserint; & cùm causam familiariter quærerent, docebat illa institutum suum, quod supra memorauì. Quæ obseruabant, expertæ gratulabantur: quæ non obseruabant, subiectæ vexabantur.

*Patricius
pater Augustini.*

3. Socrum etiam suam, primo susurriis malarum ancillarum aduersus se irritam, sic vicit obsequiis, perseverans tolerantia & mansuetudine, vt illa vltro filio suo medias linguas famularum proderet, quibus inter se & nulum pax domestica turbabatur, expeteretque vindictā. Itaque, posteaquam ille & matri obtemperans, & curans familiæ disciplinam, & concordia suorum consulens, proditas ad prodentis arbitrium verberibus coercuit; promisit illa talia de se præmia sperare debere, quæcunque de sua nutu sibi, quo placeret, mali aliquid loqueretur nullaque iam audente, memorabili inrer se beneuolentiæ suauitate vixerunt. Hoc quoque illi bono mancipio tuo, in cuius vtero me creasti, Deus meus misericordia mea, munus grande donaueras, quod inter dissidentes atque discordes quælibet animas, vbi poterat, tam se præbebat pacificam, vt cum ab vtraque multa de inuicem audiret amarissima, qualia solet eructare turgens atque indigesta discordia, quando præsentis amicæ de absente inimicæ per acida colloquia cruditas exhalatur odiorum; nihil tamē alteri de altera proderet, nisi quod ad eas reconciliandas valeret.

4. Paruum hoc bonum mihi videretur,

mi.

nisi turbas innumerabiles tristes experier, nescio qua horrenda pestilentia peccatorum latissimè peruagante, non solum iratorum inimicorū iratis inimicis dicta prodere, sed etiam quæ non dicta sunt addere: cum contra animò humanò parum esse debeat inimicitias hominum nec * exagitare, nec augere male loquendo: nisi eos etiā extinguere bene loquendo studuerit, qualis illa erat, docente te magistro incunio, in schola pectoris. Denique etiam vitam suam, iam in extrema vita temporali eius, lucrata est tibi: nec in eo iam fidei planxit, quod in nondum fidei tolerauerat. Erat etiam serua seruorum tuorum.

* excitare.

¶ Quisquis eorum nouerat eam, multum in ea laudabat & honorabat & diligebat te: quia sentiebat præsentiam tuam in corde eius sanctæ conuersationis fructibus testibus. Fuerat enim vnus viri vxor, mutuum vicem parentibus reddiderat, domum tuam pie tractauerat, in operibus bonis testimoniam habebat. Nutrierat filios, totiens eos parturiens, quotiens ate deuiare cernebat. Postremò, nobis domine omnibus, qui ex munere tuo linis loqui seruis tuis, qui ante dormitionem eius in te iam confociati uiuabamus, percepta gratia baptismi tui,

ita curam gessit, quasi omnes genuisset:
ita seruiuit, quasi ab omnibus genita
fuisset.

CAPVT X:

*Colloquium cum matre de regno
cælorum.*

Imminente autem die, quo ex hac vi-
ta erat exitura, quem diem tu noue-
ras ignorantibus nobis, prouenerat (ut
credo) procurante te oculis tuis modis,
ut ego & ipsa soli staremus incumbentes
ad quandam fenestram, vnde hortus in-
tra domum, quæ nos habebat, prospe-
ctabatur, illuc apud ostia Tyberina, vbi
remoti à turbis, post longi itineris labo-
rē, instaurabamus nos navigationi. Col-
loquebamur ergo soli valde dulciter, &
præterita obliuiscētes, in ea quæ ante
fuit extēti, quærebamus inter nos apud
præsentem veritatem, quod tu es, qualis
futura esset vita æterna sanctorū; quam
nec oculus vidit, nec auris audiuit, nec in
cor hominis ascendit. Sed inhiabamus
ore cordis in superna fluenta fontis tui,
fontis vitæ, qui est apud te; ut inde pro
captu nostro aspersi, quoquo modo rem
tantam cogitaremus.

2. Cumque ad eum finem sermo per-
duce-

Phil. 3.

1. Cor. 1.

Psal. 35.

duceretur, vt carnaliū sensuum delectatio quantalibet, in quantalibet luce corporea, præ illius vitæ iucunditate, non comparatione, sed nec commemoratione quidem digna videretur; erigētes nos ardentiorē affectu in id ipsum, perambulauimus gradatim cuncta corporalia, & ipsum cœlum, vnde sol & luna & stellæ lucent super terram. Et adhuc ascēdebamus intētius cogitando, & loquendo te, & mirando opēta tua. Et venimus ad mentes nostras, & transcendimus eas, vt attingeremus regionem vbertatis indeficientis; vbi pascis Israël in æternum veritatis pabulo; & vbi vita sapientia est, per quam fiunt omnia ista, & quæ fuerunt, & quæ futura sunt: Et ipsa nō sit, sed sic est, vt fuit, & sic erit semper; cum potius fuisse, & futurum esse, non est in ea, sed esse solum, quoniam æterna est. Nam fuisse & futurum esse, non est æternum. Et dum loquimur & inhiamus illi, attingimus eam modice toto ictu cordis; & suspiramus, & reliquimus tibi religatas primitias spiritus; & remeauimus ad strepitum oris nostri, vbi verbum & incipitur & finitur. Et quid simile verbo tuo domino nostro, in se permanenti siue verustate, atque innouanti omnia?

3. Dicebamus ergo: Si cui sileat tumultus

tus

tas carnis, fileant phātaſiæ terræ & aquarum & aëris. Sileant & poli, & ipſa ſibi anima fileat, & tranſeat ſc non ſc cogitando. Sileant ſomnia & imaginaria reuelationes, omnis lingua & omne ſignum, & quicquid tranſeundo ſit, ſi cui fileat omnino. Quoniam, ſi quis audiat, dicūt hæc omnia: Non ipſa nos fecimus, ſed fecit nos, qui manet in æternum. His dictis, ſi iam taceant, quoniam erexerunt aurem in eum, qui fecit ea, & loquatur ipſe ſolus, non per ea, ſed per ſeipſum; vt audiamus verbum eius, non per linguam carnis, neque per vocem angeli, nec per ſonitum nubis, nec per ænigma ſimilitudinis; ſed ipſum, quem in his amamus, ipſum ſine his audiamus: ſicut nunc extendimus nos, & rapida cogitatione attingimus æternam ſapientiam ſuper omnia manentem, ſi cōtinuetur hoc, & ſubtrahantur aliæ viſiones lōgè imparis generis, & hæc vna rapiat & abſorbeat & recōdat in interiora gaudia ſpectatore ſuum; vt talis ſit ſempiterna vita, quale fuit hoc momentum intelligentiæ, cui ſuſpiramus. Nōne hoc eſt; iuſta in gaudium domini tui? Et iſtud quando?

Matt. 25.

2. Cor. 15.

4. An cū omnes reſurgemus, ſed non omnes immutabimur? Dicebamus talia, & ſi non iſto modo, & his verbis, tamen
domine

domino tu scis, quod illo die cum talia loqueremur, & mundus iste nobis inter verba vilesceret, cum omnibus delectationibus suis. Tunc ait illa: Fili, quantum ad me attinet, nulla re iam delector in hac vita. Quid hic faciam adhuc, & cur hic sim nescio, iam consumpta spe huius seculi. Vnum erat, propter quod in hac vita aliquantum immorari cupiebam: vt te Christianū catholicū viderem, priusquam morerer. Cumulatius hoc mihi Deus meus præsinit, vt te etiā cōtemptra felicitate terrena, seruum eius videam. Quid hic facio?

CAPVT XI

De ecstasi & morte matris.

AD hæc ei quid responderim, non satis recolo. Cum interea vix intra quinque dies, aut nō multo amplius, decubuit febribus. Et cum ægotaret quodam die, defectum animæ passa est, & paululū subtrac̃ta a præsentibus. Nos concurrimus, sed cito reddita est sensui, & aspexit astantes, me & fratrem meum; & ait nobis, quasi quarenti similis: Vbi eram! Deinde nos intuens morore attonitos, ponetis hic (inquit) matrem vestram.

stram. Ego flebam, & fletum frenabam.
 Frater autem meus quiddam locutus est,
 quo eam non peregre, sed in patria sua
 defungi tanquam feliciter optaret. Quo
 audito, illa vultu anxio reuerberans eum
 oculis, quòd talia saperet, atque inde me
 intuens, Vide ait, quid dicit. Et mox am-
 bobus: Ponite, (inquit) hoc corpus vbi-
 eunque, nihil vos eius cura conturbet.
 Tantum illud vos rogo, vt ad domini al-
 tare memineritis mei, vbi fueritis.

*Cura se-
 pulchri.*

2. Cumque hanc sententiam, verbis
 quibus poterat, explicasset, contieuit, &
 ingrauescente morbo exercebatur. Ego
 vero cogitans dona tua Deus meus inui-
 sibilis, quæ immittis in corda fidelium
 tuorum, & proueniunt inde fruges admi-
 rabiles, gaudebam, & gratias agebam ti-
 bi, recolens quòd noueram, quanta cu-
 ra semper astuasset de sepulchro, quod si-
 bi prouiderat & preparauerat, iuxta cor-
 pus viri sui. Quia enim valde concorditer
 vixerant, id etiam volebat, vt est ani-
 mus humanus minus capax diuinorum,
 adiungi ad illam felicitatem, & commem-
 morari ab hominibus, concessum sibi es-
 se post transmarinam peregrinationem,
 vt coniuncta terra amborum coniugum
 terra regeretur.

3. Quando autem ista inanitas pleni-
 tudine

rudine bonitatis tuę cōperat in eius corde non esse, nesciebam; & letabar admirans, quod sic mihi aperuisset: quāquam & illo sermone nostro ad fenestram, cum dixit: Iam quid hic facio: non apparuit desiderare in patria mori. Audiui etiam postea, quod iā cū Ostijs essemus, cum quibusdam amicis meis materna fiducia colloquebatur quodam die de cōtēpta vita huius & bono mortis, vbi ipse non aderat: Illisque stupentibus virtutem feminæ, quā tu dederas ei; querentibusque virum non formidaret tam lōge à sua ciuitate corpus relinquere; Nihil (inquit) longè est Deo; neque timendum est, ne ille non agnoscat in fine seculi, vnde me resuscitet. Ergo die nono ægritudinis suæ, quinquagesimo & sexto anno ætatis suæ, tricesimo & tertio ætatis meæ, anima illa religiosa & pia, corpore soluta est.

CAPVT. XII.

Quomodo luxerit mortem matris.

P Remebam oculos eius, & cōfluebat in præcordia mea inconstitudo ingēs, & transfluebat in lachrymas, ibidemque oculi mei, violēto animi imperio, reforescebant.

bebant fontem suū vsque ad siccitatem;
 & in tali luctamine valde malè mihi erat.
 Tum verò, vbi efflauit extremum spiri-
 tū, puer Adeodatus exclamauit in plan-
 ctum, atque ab omnibus nobis coërcitus
 tacuit. Hoc modo etiam * meum quid-
 dam puerile, quod labebatur in fletus,
 iuuenili voce cordis coërcēbatur, & ta-
 cebar. Neque enim decere arbitrabamur,
 funus illud quæstibus lachrymiosis gemit-
 ibusque celebrare: quia his plerunque
 solet deplorari quædam miseria morien-
 tium, aut quasi omnimoda extinctio. Ac
 illa nec misere moriebatur, nec omnino
 moriebatur. Hoc & documētis monum-
 eius, & fide non ficta, rationibusque cet-
 tis tenebamus.

2. Quid ergo erat, quod intus mihi
 grauitè dolebat, nisi ex consuetudine si-
 mul viuendi dulcissima & charissima, re-
 pente dirupta, vulnus recens? Gratulabar
 quidem testimonio eius, quod in ea ipsa
 vltima ægitudine, obsequijs meis inter-
 blandiens, appellabat me prium; & com-
 memorabat grandi dilectionis affectu,
 nunquam se audisse ex ore meo, iaculariū
 in se durum, aut contumeliosum sermo-
 nem. Sed tamen, quid tale Deus meus,
 qui fecisti nos: quid comparabile habe-
 bat honor à me delatus illi, & seruitus ab
 illa

* in eū.

*Pius
 Augusti-
 nus.*

illa

illa mihi? Quoniā itaque deferabar tam magno eius solatio, lauciabatur anima mea, & quasi dilaniabatur vita, quæ una facta erat ex mea & illius.

3. Cohibito ergo a fletu illo puero, Psalterium arripuit Euodius, & cantare cepit Psalmum, cui respōdebamus omnis domus: Misericordiam & iudicium cantabo tibi domine. Audite autē quid ageretur, conuenerunt multi fratres ac religiosæ feminae: Et de more illis, quorum officium erat, funus curantibus, ego in parte, vbi decenter poteram, cum eis qui me non deferendum esse censebant, quod erat tempori congruum disputabam; eoque fomento veritatis mitigabam cruciatū tibi notum, illis ignorantibus, & intente audientibus, & sine sensu doloris me esse arbitrantibus. At ego in auribus eius, vbi eorum nullus audiebat, incropebam molliorem affectus mei, & constringebam fluxum mæroris. Cedebatque mihi paululum; tarsusque impetu suo ferebatur, nō vique ad eruptionem lachrymarum, nec vique ad vultus mutationem; sed ego sciebam, quid corde premerem. Et quia tibi vehementer displicebat, tantum in me posse hæc humana, quæ ordine debito & sorte conditionis nostræ accidere necesse est, alio dolore

Psalm. 130

dolore dolebam dolorem meum; & duplici tristitia macerabar.

Missæ

*pro de-
junctis.*

4. Cum ecce corpus clarum est, imus, & redimus sine lachrymis. Nam neque in eis precibus, quas tibi fudimus, cum tibi offerretur pro ea Sacrificium precij nostri, iuxta sepulchrum posito cadauere, priusquã deponeretur, sicut illic fieri solet, nec in eis precibus ego fleui; sed toto die grauitè in occulto mœstus eram; & mente turbata rogabam te, vt poterã, quo sanares dolorem meũ, nec faciebas; credo commendans memoriæ meæ, vel hoc vno documento omnis consuetudinis vinculum, etiam aduersus mentem, quæ iam non fallaci verbo pascitur. Visum etiam mihi est, vt item lauatur, quod audieram inde balneis nomen inditum; quia Græci *Βαλαντιον* dixerunt, quod anxietatem pellat ex anima. Ecce & hoc confiteor misericordiæ tuæ pater orphanorum, quoniam laui; & talis eram, qualis prius aquã lauisssem. Neque enim exdauit de corde meo mœroris amaritudo.

5. Deinde dormiui & euigilaui, & non parua ex parte mitigatum inueni dolorem meum. Atque vt eram in lecto meo solus, recordatus sum veridicos versus Ambrosij tui: Tu es enim

Deus creator omnium,

Poli que

Polique rector, vestiens
 Diem decoro lumine.
 Noctem soporis gratia,
 Artus solutos ut quies
 Reddat laboris vsui,
 Mentisque fessas alleuet,
 Luctusque soluat anxios.

Atque inde paulatim reducebam in pri-
 stinum sensum ancillam tuam, cōuersa-
 tionemque eius piam in te & sanctam, in
 nos blandam atque mōigeram, qua su-
 bito destitutus sum: Et libuit flere in
 conspectu tuo de illa & pro illa, de me &
 pro me. Et dimisi lachrymas, quas con-
 tinebam; ut effluerent, quantum vellent,
 substernens eas cordi meo: & requieui in
 eis, quoniam ibi erant aures tuæ, nō cu-
 iusquam hominis superbè interpretātis
 ploratum meum.

6. Et nunc domine, confiteor tibi in
 literis; legat, qui volet: & interpretetur,
 ut volet. Et si peccatum iouenerit fleui-
 se me matrē exigua parte horæ, matrem
 oculis meis interim mortuam, quæ me
 multos annos fleuerat, ut oculis tuis vi-
 nerem: non irideat; sed potius si est
 grandi charitate, pro peccatis meis fleat
 ipse ad te patrem omnium fratrum Chri-
 sti tui.

CAPVT XIII.

Orat pro matre defuncta.

EGO autem iam sanato corde ab illo
 vulnere, in quo poterat redargui
 carnalis affectus, fundo tibi Deus noster
 pro illa famula tua lōge aliud lachryma-
 rum genus, quod manat de concusso spi-
 ritu, consideratione periculorum omnis
 animæ, quæ in Adam moritur. Quan-
 quam illa in Christo viuificata, etiā non-
 dum à carne resoluta sic vixerat, vt laude-
 tur nomē tuum in fide moribusque eius:
 Non tamē audeo dicere, ex quo eam per
 baptismum regenerasti, nullum verbum
 exillē ab ore eius contra præceptū tuum.
Blas. 5. Et dictum est a veritate, filio tuo: Si
 quis dixerit fratri suo fatue, reus erit ge-
 hennæ ignis. Et væ etiam laudabili vi-
 rē hominū, si remota misericordia discen-
 tias eam. Quia vero non exquisitis deli-
 cta vehementer, fiducialiter speramus a-
 liquem apud te locum inuenire indul-
 gentiæ. Quisquis autem tibi enumerat
 vera merita sua, quid tibi enumerat nisi
 munera tua? O si cognoscāt se homines,
 homines: & qui gloriatur, in domino
 gloriatur.

2. Ego

2. Ego itaque laus mea & vita mea, Deus cordis mei, sepositis paulisper bonis eius actibus, pro quibus tibi gaudens gratias ago, nunc pro peccatis matris meae deprecor te: exaudi me per medicinā vulnerum nostrorum, quæ pependit in ligno; & sedens ad dexteram tuam, te interpellat pro nobis. Scio misericorditer operatam, & ex corde dimissile debita debitoribus suis: dimitte illi & tu debita sua. Si qua etiam contraxit per tot annos post aquam salutis, dimitte domine, dimitte obsecro: ne intres cum ea in iudicium. * Superexaltet misericordia iudicium, quoniam eloquia tua vera sunt, & promisti misericordiā misericordibus. Quod ut essent, tu dedisti eis: qui misereberis, cui misertus eris; & misericordiam præstabis, cui misericors fueris. Et credo iam feceris, quod te rogo, sed voluntaria oris mei approba Domine.

Mat. 6.

Super-
exaltet.

3. Namque illa imminente die resolutionis suæ, non cogitavit suum corpus sumptuose contegi, aut cōdiri aromatibus; aut monumentum electū cōcupiuit, aut curauit sepulchrum patriū. Non ista mandauit nobis, sed tantummodo memoriam sui, ad altare tuum fieri desiderauit; cui nullius diei prætermissione seruierat; unde sciret dispensari victimam sanctam,

Oratio.
pro de-
unctis
ad altare

Col. 2.

N

qua

quā deletum est chirographū, quod erat contrarium nobis; quā triumphatus est hostis, computans delicta nostra; & querens quid objiciat: & nihil inueniens in illo, in quo vincimus. Quis ei refundet innocētē sanguinem? Quis ei restituet precium, quo nos emit, vt nos offerat ei? ad cuius precii nostri sacramentum, ligauit ancilla tua animam suam vinculo fidei.

4. Nemo à protectione tua dirumpat eam. Non se interponat, nec vi nec insidiis, leo & draco. Neque enim respondebit illa nihil se debere, ne conuincatur & obtineatur ab accusatore callido: sed respondebit dimissa debita sua ab eo, cui nemo reddet, quod pro nobis non debēs reddidit. Sit ergo in pace cum viro, ante quem nulli, & post quem nulli nupta est: Cui seruiuit, fructum tibi afferens cum rolerantia, vt eum quoque lucraretur tibi. Et inspira Domine Deus meus, inspira seruis tuis fratribus meis, filiis tuis, dominis meis: quibus & voce, & corde, & literis seruiuo; vt quotquot hæc legerint, meminerint ad altare tuum Monica famula tuæ, cū Patricio quondam eius coniuge: per quorū carnē introduxisti me in hanc vitam, quemadmodum nescio. Meminerint cū affectu pio parētū meorum

in hac luce transitoria, & fratrum meorum
sub te patre in matre catholica, & ciuium
meorum in eterna Hierusalem; cui suspi-
rat peregrinatio populi tui, ab exitu vsq;
ad reditum; vt quod a me illa poposcit
extremum, vberius ei præstetur in mul-
torum orationibus, tam per cōfessiones,
quàm per orationes meas.

DIVI AVRELII Augustini Confessionum Liber decimus.

CAPVT I.

Confessio cordis.

COGNOSCAM te Domine co-
gnitor meus, cognoscam te, sicut
& a te cognitus sum. Virtus animæ meæ
intra in eam, & coapta tibi; vt habeas &
possideas sine macula & ruga. Hæc est
mea spes, ideo loquor; & in ea spe gau-
deo, quando sanè gaudeo. Cætera verò
vitæ huius tanto minus flenda, quanto
magis fletur: & tãto magis flenda, quan-
to minus fletur in eis. Ecce enim verita-
tem dilexisti; quoniam qui facit eam, ve-

1. Cor. 12.

Ephes. 5.

Psalm. 12.

nit ad lucem. Volo eam facere in corde meo coram te in confessione, in stylo autem meo coram multis testibus.

CAPVT II.

Deo nota arcana.

Heb. 4.

I. **E**T tibi quidem Domine, cuius oculis nuda est abyssus humanæ conscientiæ, quid occultum esset in me, etiam si nollem confiteri tibi? Te enim mihi absconderem, non me tibi. Nunc autem, quod gemitus meus testis est, displicere me mihi, tu refulges, & places, & amaris, & desideraris; ut erubescam de me, & abjiciam me, atque eligam te; & nec tibi nec mihi placeam, nisi de te.

Tsal. 5.

2. Tibi ergo Domine manifestus sum, quicumque sum; & quo fructu tibi confitear, dixi: Neque enim id ago verbis carnis & vocibus, sed verbis animæ & clamore cogitationis, quæ nouit auris tua. Cum enim malus sum, nihil est aliud cōfiteri tibi, quam displicere mihi: Cum verò pius, nihil est aliud cōfiteri tibi, quam hoc non tribuere mihi: quoniam tu Domine benedicis iustum, sed prius eum iustificas impium. Confessio itaque mea Deus meus in conspectu tuo tibi tacite fit,

fit, & non tacitè: tacet enim strepitu, clamat affectu. Neq; enim dico recti aliquid hominibus, quod non à me tu prius audieris; aut etiam tu aliquid tale audis à me, quod non prius mihi tu dixeris.

CAPVT III.

Confessio malorum ad quid conducat.

I. **Q**UID mihi ergo est cum hominibus, ut audiant cōfessiones meas, quasi ipsi sanaturi sint omnes languores meos? Curiosum genus ad cognoscendā vitam alienam, desidiosum ad corrigendam suam. Quid a me quærunt audire, qui sim; qui nolunt à te audire, qui sint? Et vnde sciunt, cū à me ipso de me ipso audiunt, an verum dicam; quandoquidē nemo scit hominum, quid agatur in homine, nisi spiritus hominis, qui in ipso est? Si autem à te audiant de seipsis, non poterunt dicere, mētitur dominus. Quid est enim à te audire de se, nisi cognoscere se? Quis porro cognoscit, & dicit falsum est, nisi ipse mētiatur? Sed quia charitas omnia credit, inter eos vtique, quos connexos sibi met vnum facit, ego quoque Domine etiam sic tibi confiteor, ut audiant homines, quibus demonstrare

1. Cor. 13.

N. 3 non

non possum, an vera confitear, sed credunt mihi, quorum mihi aures charitas aperit.

2. Veruntamen tu, medice meus intime, quo fructu ista faciam, eliqua mihi. Nam confessiones præteritorum malorum meorum, quæ remisisti & texisti, ut beares me in te, mutans animam meam fide & sacramento tuo, cum leguntur & audiuntur, excitant cor, ne dormiat in desperatione, & dicat, non possum: sed euigilet in amore misericordiæ tuæ, & dulcedine gratiæ tuæ; qua potens est omnis infirmus, qui sibi per ipsam sit conscius infirmitatis suæ. Et delectat bonos audire præterita mala eorum, qui iam catent eis; nec ideo delectat, quia mala sunt, sed quia fuerunt, & non sunt.

3. Quo itaque fructu Domine Deus meus, cui quotidie confitetur conscientia mea, spe misericordiæ tuæ securior, quam innocentia sua: Quo fructu quaffo, etiam hominibus coram te confiteor per has literas, adhuc quis ego sim, non quis fuerim: Nam illum fructum vidi, & commemoravi. Sed quis adhuc sim, ecce in ipso tempore confessionum mearum, & multi hoc nosse cupiunt, qui me nouerunt, & non me nouerunt, qui ex me vel de me aliquid audierunt, sed auris eorum

non

non est ad cor meū, vbi ego sum, quicumque sum. Volunt ergo audire confitētem me, quid ipse intus sum; quo nec oculum, nec aurem, nec mentem possunt intendere; credituri tamen volunt, nunquid cognitari? Dicit enim eis charitas, quia boni sunt, non mentiri me de me confitentem, & ipsa in eis credit mihi.

CAPVT III.

Quod magni sunt fructus cōfessionis.

SED quo fructu id volunt? An congratulari mihi cupiunt, cū audierint, quātum ad te accedam munere tuo, & orare pro me, cū audierint, quātum retarder pondere meo? Indicabo me talibus. Non enim paruus est fructus Domine Deus meus, vt à multis tibi gratiæ agantur de nobis, & à multis rogeris pro nobis. Amet in me fraternus animus; quod amandum doces: & doleat in me, quod dolendum doces. Animus ille hoc faciat fraternus, non extraneus, non filiorum alienorum, quorum os locutum est vanitatem, & dextera eorum dextera iniquitatis: sed fraternus ille, qui cū approbat me, gaudet de me. Cū autem improbat me, contristatur pro me; quia

Psa. 143.

siue approbet me, siue improbet, diligit me. Indicabo me talibus: respirent in bonis meis, suspirent in malis meis. Bona mea, instituta tua sunt, & dona tua: mala mea, delicta mea sunt, & iudicia tua. Respirent in illis, suspirent in his. Et hymnus & fletus ascendant in conspectum tuum de fraternis cordibus thuribulis tuis.

Psal. sc. 2. Tu autem Domine delectatus odore sancti templi tui, miserere mei secundum magnam misericordiam tuam, propter nomen tuum, & nequaquam deferens cœpta tua, consumma imperfecta mea. Hic est fructus confessionum mearum, non qualis fuerim, sed qualis sim; vt hoc confitear, non tantum coram te secreta exultatione cum tremore, & secreto mœrore cum spe, sed etiam in auribus credentium filiorum hominum, sociorũ gaudium mei, & * consortium mortalitatis meæ, ciuium meorum & mecum peregrinorum, præcedentium & consequentium, & comitum vitæ meæ.

* cõsortium.

3. Hi sunt serui tui fratres mei, quos filios tuos esse voluisti; dominos meos, quibus iussisti, vt seruiam, si volo tecum de te viuere. Et hoc mihi verbum tuum parum erat, si loquendo præciperet, nisi & faciẽdo præiret. Et ego id ago factis & dictis,

dictis, id ago sub alis tuis nimis cum ingenti periculo; nisi quia sub alis tuis tibi subdita est anima mea, & infirmitas mea tibi nota est. Parvulus sum, sed vivit semper pater meus, & idoneus est mihi tutor meus. Idem ipse est enim, qui genuit me, & tuetur me, & tu ipse es omnia bona mea; tu omnipotens, qui mecum es, & priusquam tecum sim. Indicabo ergo talibus, qualibus iubes, ut serviam, non quis fuerim, sed quis iam sim, & quis adhuc sim. Sed neque me ipsum diiudico: *1. Cor. 4.* Sicutaque audiar.

CAPVT V.

*Hominem sese totum non nosse Deum
in enigmate cognoscere.*

1. **T**V enim Domine diiudicas me, quia & si nemo scit hominum, quae sunt hominis, nisi spiritus hominis, qui in ipso est: tamen est aliquid hominis, quod nec ipse scit spiritus hominis, qui in ipso est. Tu autem scis eius omnia, qui fecisti eum. Ego vero quamvis praeter tuum conspectu me despiciam, & aestinem me terram & cinerem; tamen aliquid de te scio, quod de me nescio. Et certe nunc videmus per speculum in enigmate, non-

N 5

dum

2. Cor. 5. dum facie ad faciem. Et ideo quādiu peregrinor abs te, mihi sum præsentiore quā tibi, & tamen te noui nullo modo posse violari. Ego verò quibus tentationibus resistere valeam, quibusve non valeam, nescio.

1. Cor. 10 2. Et spes est, quia fidelis es, qui nos nō finis tentari supra, quā possumus ferre; sed facis cum tentatione etiam exitum, ut possumus sustinere. Confitear ergo, quid de me sciam, confitear, & quid de me nesciam. Quoniam, & quod de me scio, te mihi lucente scio: & quod de me nescio, tamdiu nescio, donec fiant tenebræ meæ sicut meridies in vultu tuo.

CAPVT VI.

*Deus quid sit, & quomodo
cognoscatur.*

1. **N**ON dubia, sed certa cōsciētia, domine amo te. Percussisti cor meū verbo tuo, & amavi te. Sed & cælū, & terrā, & omnia quę in eis sunt, ecce vndique mihi dicunt, ut te amē: nec cessant dicere omnibus, ut sint inexcusabiles. Altius autem tu misereberis, cui misertus eris; & misericordiam præstabis, cui misericors fueris. Alioquin cælū & terrā, surdis loquantur

quantur laudes tuas. Quid autē amo, cū te amo? Nō speciē corporis, nec decus tēporis; nō candorē lucis ecce istis amicū oculis; nō dulces melodias cātilenarum omnimodarū; non florum & vnguentorum & aromatū suaueolentiā; non māna & mella; non membra acceptabilia carnis amplexibus.

2. Non hæc amo, cū amo Deū meū; & tamen amo quandā lucē, & quandam vocē, & quandā odorem, & quandā cibū, & quandam amplexū, cū amo Deum meum, lucē, vocē, odorem, cibū, amplexum interioris hominis mei; vbi fulget anima mea, quod non capit locus; & vbi sonat, quod non rapit tēpus; & vbi olet, quod nō spargit flatus; & vbi sapit, quod nō minuit edacitas; & vbi hēret, quod nō diuellit satietas. Hoc est quod amo, cū Deum meū amo. Et quid est hoc? Interrogauit tertiam, & dixit: Nō sum; & quæcunque in eadem sunt, idem confessa sunt. Interrogauit mare & abyssos, & reptilia animarū viuarum, & responderunt: Non sumus Deus tuus, quære super nos. Interrogauit auras flabiles, & inquit vniuersus aēr cum incolis suis; fallitur Anaximenes, non sum Deus. Interrogauit cælum, solem, lunam & stellas, neque nos sumus Deus, quem quæris, inquit.

3. Et dixi omnibus his, quæ circumstāt
fores carnis meæ: Dixistis mihi de Deo
meo, quòd vos non estis, dicite mihi de
illo aliquid. Et exclamauerunt voce ma-
gna; ipse fecit nos. Interrogatio mea, in-
tentio mea; & responsio eorū, species eo-
rum. Et direxi me ad me, & dixi mihi: Tu
qui es? Et respondi, homo. Et ecce corpus
& anima, in me mihi præsento sunt, vnum
exterius & alterum interius. Quid horū
est, vnde quærere debui Deum meum,
quem iam quæsueram per corpus à ter-
ra vsque ad cælum, quousque potui
mittere nuncios, radios oculorum meo-
rum? Sed melius, quod interius est. Et
quippe renunciabant omnes nuncii cor-
porales, præsidenti & iudicanti de singu-
lis responsionibus cæli & terræ, & om-
nium quæ in eis sunt, dicentium: Non
sumus Deus, sed ipse fecit nos: Ho-
mo interior cognouit hæc, per exte-
rioris ministerium; Ego interior cog-
nouit hæc, ego animus per sensus corpo-
ris mei.

4. Interrogavi mundi molem de Deo
meo, & respōdit mihi: Non ego sum, sed
ipse me fecit. Nōne omnibus, quibus in-
teger sensus est, apparet hæc species? Cur
non omnibus eadem loquitur? Animalia
pusilla & magna videt ea, sed interrogato
nequeunt.

nequeunt. Non enim præposita est in eis nunciâtibus sensibus iudex ratio. Homines autem possunt interrogare, vt inuisibilia Dei, per ea quæ facta sunt, intellecta conspiciant. Sed amore subduntur eis, & subditi iudicare non possunt. Nec respondent ista interrogantibus, nisi iudicantibus; nec vocem suam mutant, id est, speciem suam, si alius tâtum videat, alius autem videns interroget; vt aliter illi appareat, aliter huic; sed eodẽ modo vtrisque apparēs, illi muta est, huic loquitur: Imò verò omnibus loquitur; sed illi intelligunt, qui eius vocem acceptam foris, intus cum veritate conferunt. Veritas enim dicit mihi: Non est Deus tuus cœlũ & terra, neque omne corpus. Hoc dicit eorum natura videnti; moles minor est in parte, quàm in toto. Iam tu melior es, tibi dico anima, quoniã tu vegetas molem corporis tui, præbens ei vitam, quod nullum corpus præstat corpori, Deus autem tuus etiam tibi vitæ vita est.

CAPVT VII.

Corporea virtute Deus nõ inuenitur.

I. Quid ergo amo, cùm Deum meum amo: Quis est ille, super caput animæ meæ? Per ipsam animam meam, ascen-
dam

dam ad illum. Transibo vim meam, qua hæreo corpori, & vitaliter cōpagem eius repleo. Non ea vi reperio Deum meum; *Psalm. 31.* nam reperiet equus & mulus, quibus nō est intellectus; & est eadē vis, qua viuunt etiam eorum corpora.

2. Est alia vis, non solum qua viuifico, sed etiā qua sensifico carnem meā, quam mihi fabricauit dominus; iubens oculos, vt non audiat; & auri, vt non videat: sed illi, per quem videam; huic, per quam audiam: & propria sigillatim cæteris sensibus sedibus suis & officijs suis, quæ diuersa per eos ago vnus ego animus. Trāsi-
ibo & istam vim meam. Nam & hāc habet equus & mulus, sentiunt enim etiam ipsi per corpus.

CAPVT VIII

Memoria vis.

1. **T**ransibo ergo & istam vim naturæ meæ, gradibus ascendens ad eum, qui fecit me cum ea; & venio in campos & lata prætoria memoriæ meæ, vbi sunt thesauri innumerabilium imaginum de huiusmodi rebus * sensus inuētarū. Ibi reconditum est, quicquid etiam cogitamus, vel augendo, vel minuendo, vel vt-
*al. inuē-
tarum.* cunque variando ea, quæ sensus attigerit,
& si

& si quid aliud commendatum & repositum est, quod nōdum absorbuit & sepe-
liuit obliuio. Ibi quando sum, posco, vt
proferatur quicquid volo; & quædam
statim prodeunt, quædam requiruntur
diutius, & tanquā de abstrusioribus qui-
busdam receptaculis eruuntur; quædam
cateruatim se proruunt; & dum aliud pe-
titur & quaeritur, prosiliunt in medium
quasi dicentia: Ne fortè nos sumus? Et
abigo ea manu cordis, à facie recorda-
tionis meæ; donec enubiletur illud quod
volo, atque in cōspectum prodeat ex ab-
ditis. Alia faciliter atque imperturbata
serie, sicut poscuntur, suggeruntur; & ce-
dunt præcedentia consequentibus; & ce-
dendo conduntur, iterum cum voluero
processura. Quod totū fit, cum aliquid
narro memoriter.

Ibi sunt omnia distinctè generatim-
que seruata, quæ suo quæque aditu in ge-
sta sunt: sicut lux, atque omnes colores,
formæque corporum per oculos; per au-
res autem, omnia genera sonorum: om-
nesque odores, per aditum narium; om-
nesque sapores, per oris aditum; ad sen-
sum autem totius corporis, quid durum,
quid molle, quid calidum, frigidūve,
lene aut asperum, graue seu leue, siue ex-
trinsecus siue intrinsecus corpori. Hæc
omnia

omnia recipit recolenda, cum opus est, & retractanda grandis memoriæ recessus. Et nescio, qui secreti atque ineffabiles sinus eius, quæ omnia suis quæque foribus intrant ad eam, & reponuntur in ea. Nec ipsa tamen intrant, sed rerum sensarum imagines illic præstò sunt cogitationi reminiscenti eas.

3. Quæ quomodo fabricatæ sint, quis dicit, cum appareat, quibus sensibus raptæ sint, interiusque reconditæ? Nam & in tenebris atque in silentio dum habito, in memoria mea profero, si volo, colores; & discerno inter album & nigrum, & inter quos alios volo: Nec incurrunt soni atque perturbant, quod per oculos haustum considero; cum & ipsi ibi sint, & quasi seorsum repositi lateant. Nam & ipsos posco, si placet, atque adsunt ilico. Et quiescere lingua ac silente gutture, cæto quantum volo; imaginesque illæ colorum, quæ nihilominus ibi sunt, non se interponunt, neque interrumpunt, cum thesaurus alius retractatur, qui influxit ab auribus. Ita cætera, quæ per sensus cæteros ingesta atque congesta sunt, recordor, prout liber. Et auram liliorum discerno a violis, nihil olfaciens; & mel de fruto, lene aspero, nihil tunc gustando neque contrectando, sed reminiscendo

ante

De fructu
et vini
ex dua.

antepono. Intus hæc ago, in aula ingenti
memoriæ meæ.

*bus par-
tibus, ad
tertiam
deserve-
scendo re-
dactum.
Nominus
Marcel-
lus.*

4. Ibi enim mihi cœlum & terra & ma-
re præsto sunt, cum omnibus quæ in eis
sentire potui, præter illa quæ oblitus sum.
Ibi & ipse mihi occurro, meque recolo,
quid, quando, vel ubi egerim; quoque
modo, cum agerem, affectus fuerim. Ibi
sunt omnia, quæ siue experta à me, siue
credita memini. Ex eadem copia etiam
similitudines rerum, vel expertarum, vel
ex eis quas expertus sum creditarum alias
atque alias, & ipse contexo præteritis; at-
que ex his etiã futuras actiones, & euen-
ta, & spes, & hæc omnia rursus quasi præ-
sentia meditor. Faciã hoc aut illud, dico
apud me, in ipso ingenti sinu animi mei,
pleno tot & tantarum rerum imaginibus,
& hoc aut illud sequetur. O si esset hoc,
aut illud! Auertat Deus hoc, aut illud.
Dico apud me ista. Et cum dico, præsto
sunt imagines omnium quæ dico, ex eo-
dem thesauro memoriæ; nec omnino al-
iquid eorum dicerem, si defuissent.

5. Magna ista vis est memorię, magna
nimis Deus meus, penetrabile amplum &
infinitum. Quis ad fundũ eius peruenit?
Et vis est hæc animi mei, atque ad meam
naturam pertinet; nec ego ipse capio to-
tum, quod sum. Ergo animus ad habenda
dum

dum seipsum angustus est, ut ubi sit, quid sit non capiat. Nunquid extra ipsum, an non in ipso? Quomodo ergo non capit?

6. Multa mihi super hoc oboritur admirationis, stupor apprehendit me. Et eunt homines mirari alta montium, & ingentes fluctus maris, & latissimos lapsus fluminum, & Oceani ambitum, & gyros syderum, & relinquunt seipsum, nec mirantur. Quia hæc omnia, cum dicerem, non ea videbam oculis; nec tamen dicebam, nisi montes & fluctus & flumina & sidera, quæ vidi, & Oceanum quem credidi, intus in memoria mea viderem spacijs tamen ingentibus, quasi foris viderem: Nec ea tamen videndo absorbum, quando vidi oculis; nec ipsa sunt apud me, sed imagines eorum. Et noui, quid ex quo sensu corporis impressum sit mihi.

CAPVT IX.

Memoria disciplinarum.

SED non ea sola gestat immensa ista
 al. Hinc. **S**capacitas memoriæ meæ. * Hic sunt
 & illa omnia, quæ de doctrinis liberalibus præcepta nondum exciderunt; quasi remota interiore loco, non loco; nec eorum imagines, sed res ipsas gero. Nam quid sit literatura, quid peritia disputandi,

di, quot genera quæstionum, quicquid horum scio, sic est in memoria mea, ut non retenta imagine rem foris reliquerim: aut sonuerit & præterierit; sicut vox impressa per aures vestigio, quo recolitur; quasi sonaret, cum iam non sonaret: Aut sicut odor, dum transit & euanescit in ventos, olfactum afficit? unde traiecit in memoriam imaginem sui, quam reminiscendo repetamus: Aut sicut cibus, qui certè in ventre iam non sapit, & tamen in memoria quasi sapit: Aut sicut aliquid, quod corpore tangendo sentitur, quod etiam separatum a nobis imaginatur memoria. Iste quippe res non intromittuntur ad eam, sed earum solæ imagines mira celeritate capiuntur, & miris tanquam cellis reponuntur, & mirabiliter recordando proferuntur.

CAPVT X.

Sensus res tradunt memoria.

I. **A**T verò, cum audio tria genera esse quæstionum, an sit, quid sit, quale sit, sonorum quidem, quibus hæc verba confecta sunt, imagines teneo, & eos per auras cum strepitu transisse, ac iam non esse scio. Res verò ipsas, quæ illis significantur

cantur sonis, neque vlllo sensu corporis attigi, nec vspiam vidi præter animum meum, & in memoria mea recōdidi, non imagines earum, sed ipsas. Quæ vnde ad me intrauerint, dicant, si possunt. Nam percurro ianuas omnes carnis meæ, nec inuenio, quæ earum ingressæ sint.

2. Quippe oculi dicunt: Si coloratæ sunt, nos eas nunciauimus. Aures dicunt: Si sonuerūt, à nobis indicatæ sunt. Nares dicunt: Si oluerunt, per nos transierunt. Dicit etiam sensus gustandi: Si sapor non est, nihil me interroges. Tactus dicit: Si corpulentum non est, non contrectaui: si non contrectaui, non indicaui. Vide vnde & quæ hæc intrauerunt in memoriā meam? Nescio quomodo: Nam cum ea didici, non credidi alieno cordi, sed in meo recognoui, & vera esse approbaui, & commendaui ei tanquam reponens, vnde proferrem, cum vellem. Ibi ergo erant, & antequam ea didicissem, sed in memoria non erant. Vbi ergo? aut quare cum dicerentur, agnouī, & dixit: Ita est, & verum est; nisi quia iam erant in memoria, sed tā remota & retrusā, quasi in caueis abditioribus; vt nisi admonente aliquo eruerentur, ea fortasse cogitare non possem?

CAP. V T XI.

Species rerum in anima.

1. **Q**Uocirca inuenimus, nihil esse aliud discere ista, quorum non per sensus haurimus imagines, sed sine imaginibus, sicuti sunt, per seipsa intus cernimus; nisi ea, quæ passim atq; indisposite memoria continebat, cogitando quasi colligere, atque animaduertendo curare; vt tanquam ad manū posita in ipsa memoria, vbi sparsa prius & neglecta latitabāt, iam familiari intentioni facile occurrant.

2. Et quam multa huiusmodi gestat memoria mea, quæ iam inuenta sunt; & sicut dixi, quasi ad manum posita, quæ didicisse & nosse dicimur. Quæ si modo de istis temporum interuallis recolere desuero, ita rursus demerguntur, & quasi in remotiora penetralia dilabuntur, vt denno velut noua excogitanda sint in idem iterum. Neque enim est alia regio eorum, & cogenda rursus, vt sciri possint; id est, velut ex quadam dispersione colligenda, vnde dictum est cogitare. Nam cogo & cogito, sic est, vt ago & actito, facio & factito. Veruntamen, sibi animus hoc verbum proprie vindicauit, vt non quod alibi, sed quod in animo colligitur,

CAPVT XIII.

Affectioinum memoria.

1. **H**Æc omnia memoria teneo; & quomodo ea didicerim, memoria teneo. Multa etiam, quæ aduersus hæc falsissimè disputantur, audiui, & memoria teneo; quæ tamen si falsa sunt, tamen ea meminisse me nō est falsum; & discreuisse me inter illa vera & hæc falsa, quæ contradicuntur. Et hoc memini, Aliterq; nunc video discernere me ista, aliter autē memini saepe me discreuisse, cū ea saepe cogitarē. Ergo, & intellexisse me sepius ista memini; & quod nunc discerno & intēligo, recōdo in memoria, vt postea me nunc intellexisse meminerim. Ergo & meminisse memini, sicut postea quòd hæc reminisse nunc potui, si recordabor, vtiq; per vim memoriæ recordabor.

2. Affectiones quoque animi mei eadem memoria continet; non illo modo, quo eas habet ipse animus, cum patitur eas; sed alio multum diuerso, sicut sese habet vis memoriæ. Nam & lætatum me fuisse, reminiscor non latus; & tristitiam meam præteritam, recordor non tristis. Et me aliquando timuisse, recolo sine timore;

more; & pristinae cupiditatis, sine cupiditate sum memor. Aliquando econtra-rio, tristitiam meam transactam lætus reminiscor, & tristis lætitiam meam.

CAPVT XIII.

Læta non latiquomodo recordamur.

*Animus
pro me-
moriam.*

1. **Q**UOD mirandum non est de corpore, Aliud enim animus, aliud corpus. Itaque, si præteritum dolorem corporis gaudēs meminī, non ita mirum est. Hic verò cum animus sit etiam ipsa memoria. Nam & cum mandamus aliquid, vt memoriter habeatur, dicimus: vide, vt illud in animo habeas. Et cum obliuiscimur, dicimus: fuit in animo, & elapsum est animo, ipsam memoriam vocantes animum: Cum ergo ita sit, quid est hoc, quòd cum tristitiam meam præteritam lætus meminī, animus habet lætitiam, & memoria tristitiam; lætusque est animus, ex eo quod inest ei lætitia; memoria verò, ex eo quòd inest ei tristitia, tristis non est: Num forte nō pertinet ad animum? Quis hoc dixerit? Nimirum ergo memoria, quasi venter est animi; lætitia verò atq; tristitia, quasi cibus dulcis & amarus; cum memoria commendantur,

tur, quasi traiecta in ventrem, recondi illic possunt, sapere non possunt. Ridiculū est hæc illis similia putare, nec tamē sunt omnimodo dissimilia.

2. Sed ecce de memoria profero, cū dico quatuor esse perturbationes animi, cupiditatem, lætitiā, metum, tristitiā: & quicquid de his disputare potuero, diuidendo singula per species sui cuiusque generis, & definiendo; ibi inuenio quid dicam, atque inde profero: nec tamen vlla earum perturbatione perturbor, cū eas reminiscendo cōmemoro; & antequam recolerentur à me & retractarentur, ibi erant, propterea inde per recollectionem potuere depromi. Fortè ergo, sicut de ventre cibus ruminando, sic ista de memoria recordando proferuntur. Cur igitur in ore cogitationis non sentitur à disputante, hoc est, à reminiscēte lætitiæ dulcedo vel amaritudo mœstitiæ? An in hoc dissimile est, quod nō vndique simile est? Quis enim talia volens loqueretur, si quoties tristitiā metumve nominamus, toties mœrere vel timere cogeremur? Et tamen non ea loqueremur, nisi in memoria nostra, non tantum sonos nominum secundum imagines impressas sensibus corporis, sed etiam rerum ipsarū notiones inueniremus; quas

nulla ianua carnis accepimus, sed eas ipse animus per experiētiā passionum suarum sentiens, memoria commendauit; aut ipsa sibi hæc etiam non commendata retinuit.

CAP V T XV.

Etiam, quæ absunt, meminimus.

SED VTRUM per imagines, an non, quis facilè dixerit? Nomino quippe lapidē, nomino solem, cū res ipsa nō adsunt sensibus meis, in memoria sane mea præsto sunt imagines earum. Nomino dolorem corporis, nec mihi adest, dū nihil dolet; Nisi tamen adesset imago eius in memoria mea, nescirem, quid dicerem; nec eum in disputando, à voluptate discernere.

2. Nomino salutem corporis, cū saluus sum corpore; adest mihi quidē res ipsa; veruntamen nisi & imago eius inesset in memoria mea, nullo modo recorder, quid huius nominis significaret sonus: Nec ægrotantes agnoscerent salute nominata, quid esset dictum, nisi eadem imago vi memoriæ teneretur, quāuis ipsa res abesset à corpore. Nomino numeros, quibus numeramus: Et adsunt

in memoria mea, non imagines eorum, sed ipsi. Nomino imaginem solis, & hæc adest in memoria mea. Neque enim imaginem imaginis eius, sed ipsam recolo, ipsa mihi reminiscenti præsto est. Nomino memoriam, & agnosco, quod nomino. Et ubi agnosco, nisi in ipsa memoria? Num & ipsa per imaginem suam sibi adest, ac non per seipsam?

CAPVT XVI.

Et obliuionis memoria est.

I. QUID, cum obliuionem nomino, atque itidem agnosco, quod nomino, unde agnoscerē, nisi meminissem? Non eundem sonum nominis dico, sed rem quam significat. Quam si oblitus essem, quid ille valeret sonus, agnoscere utique non valerem. Ergo cum memoriā memini, per seipsam sibi præsto est ipsa memoria: cum verò nemini obliuionem, & memoriam, præsto est & obliuio; memoria, qua meminerim; obliuio, qua nō meminerim. Sed quid est obliuio, nisi priuatio memoriæ? Quomodo ergo adest, ut eam meminerim, quando cum adest, meminisse non possum? At, si quid meminimus, memoria retinemus:

obliuionem autem nisi meminissemus, nequaquam possemus audito isto nomine, rem, quæ illo significatur sono, agnoscere. Memoria retinetur obliuio. Adest ergo, ne obliuiscamur; quæ cum abest, obliuiscimur. An ex hoc intelligitur, non per seipsam inesse memoriæ, cū eam meminimus, sed per imaginem suā? Quia si per seipsam præsto esset obliuio, non ut meminissemus, sed ut obliuisceremur, efficeret.

2. Et hoc quis tandem indagabit? Quis comprehendet, quomodo sit? Ego certe Domine laboro hîc, & laboro in meipso; factus sum mihi terra difficultatis, & sudoris nimij. Neque enim nûc scrutamur plagas cæli, aut siderum interualla dimetimur, vel terræ libramenta quærimus. Ego sum, qui memini, ego animus. Non ita mirum, si à me longè est, quicquid ego non sum. Quid autem propinquius meipso mihi? Et ecce memoriæ meæ vis non comprehenditur à me, cū ipsum me non dicam præter illam. Quid enim dicturus sum, quando mihi certum est meminisse me obliuionem? An dicturus sum non esse in memoria mea, quod memini? An dicturus sum ad hoc inesse obliuionem in memoriâ meâ, ut non obliuiscar? Vtrumque absurdissimum est.

3. Quid

3. Quid illud tertium? Quo pacto dicam imaginem obliuioni teneri in memoria mea, non ipsam obliuionem, cum eam memini? Quo pacto & hoc dicam, quando quidem cum imprimitur rei cuiusquā imago in memoria, prius necesse est, vt adsit res ipsa, vnde illa imago possit imprimi? Sic enim Carthaginis memini; sic omnium locorum, quibus interfui; sic facies hominum, quos vidi, & cæterorū sensuum nunciata; sic ipsius corporis salutem siue dolorem: Cum præsto essent ista, cœpit ab eis imagines memoria, quas intuerer præsentem, & retractarem animo, cum illa & absentia reminiscerer. Si ergo per imaginem suam, non per se ipsam in memoria tenetur obliuio, ipsa vtique aderat, vt eius imago caperetur. Cum autem adesset, quomodo imaginē suam in memoria conscribebat; quando id etiam, quod iam notatum inuenit, præsentia sua delet obliuio? Et tamē quocunque modo licet sit modus iste incomprehensibilis & inexplicabilis, etiam ipsam obliuionem meminisse me certus sum; qua id, quod meminimus, obruitur.

CAPVT XVII.

Humana memoria vis triplex.

1. **M**AGNA ista vis est memoria. Nescio quid horrédum Deus meus, profunda & infinita multiplicitas, & hoc animus est, & hoc ego ipse sum. Quid ergo sum Deus meus? Quæ natura sum? Varia multimoda vita, & immensa vehementer. Ecce in memoria meæ campis, & antris, & cauernis innumerabilibus, atque innumerabiliter plenis innumerabilium rerum generibus; siue per imagines, sicut omnium corporum; siue per præsentiam, sicut artium; siue per nescio quas notiones vel notationes, sicut affectionum animi, quas & cùm animus nō patitur, memoria tenet; cùm in animo sit, quicquid est in memoria, Per hæc omnia discuro & volito; hac atque illac penetro etiam quantum possum, & finis nusquam: Tanta vis est memoria, tanta vitæ vis est, in homine viuente mortaliter.

2. Quid igitur agam, tu vera mea vita, Deus meus; Transibo & hāc vim meam, quæ memoria vocatur; transibo eam, vt perueniam ad te dulce lumen. Quid dicis mihi?

mihi? Ecce ego ascendēs per animū meū ad te, qui desuper mihi manes. Transibo & istam vim meam, quæ memoria vocatur; volens te attingere, vnde attingi potes; & inhærere tibi, vnde inhæreri tibi potest. Habent enim memoriam & pecora, & aues; alioquin, non cubilia nidōsve repeterent; non alia multa, quibus assuescunt; neque enim & assuescere valerent vllis rebus, nisi per memoriam. Transibo ergo & memoriam, vt attingam eū, qui separauit me à quadrupedibus & volatilibus cœli, sapientiolem me fecit. Transibo & memoriam. Et vbi te inueniam verè bone, & secura suauitas. Et vbi te inueniam?

CAPVT XVIII.

Reminiscencia.

2. **S**I præter memoriam meam te inuenio, immemor tui sum. Et quomodo iam inueniam te, si memor non sum tui? Perdiderat enim mulier dragmam, & quæsiuit eam cum lucerna; & nisi memor eius esset, non inuenisset eam. Cum enim esset inuēta, vnde sciret, vtrum ipsa esset, si memor eius non esset? Multa meminime perditā quæsisse, atq; inuenisse. Vnde

Lucæ 15.

O 4

istud.

istud scio? Quia cū quærerem aliquid eorum, & diceretur mihi, numquid forte hoc est, num forte illud. Tamdiu dicebā, non est, donec id offerretur, quod quærebā. Cuius nisi memor essem, quicquid illud esset, etiam si mihi offerretur, non inuenirem, quia nō agnoscerem. Et semper ita fit, cū aliquid perditum quærimus, & inuenimus.

2. Veruntamen, si fortè aliquid ab oculis perit, non à memoria, veluti corpus quodlibet visibile, tenetur intus imago eius, & quæritur, donec reddatur aspectui. Quod cū inuētum fuerit, ex imagine, quæ intus est, recognoscitur. Nec inuenisse nos dicimus quod perierat, si non agnoscimus: nec agnoscere possumus, si non inuenimus, sed hoc perierat quidem oculis, memoria tenebatur.

* me-
mini-
mus.

CAPVT XIX.

Quid sit reminisci.

1. **Q**UID cum ipsa memoria perdit aliquid, sicut fit, cum obliuiscimur; & quærimus, ut recordemur: vbi tādē quærimus, nisi in ipsa memoria? Et ibi si aliud pro alio fortè offeratur, respuimus, donec illud occurrat, quod quærimus, & cū
occur-

occurrerit, dicimus, hoc est; quod nō diceremus, nisi agnosceremus; nec agnosceremus, nisi meminissemus. Certe ergo obliti fuēramus. An nō totum exciderat? Sed ex parte qua tenebatur, pars aliaque rebatur; quia sentiebat se memoria non simul voluere, quod simul solebat; & quasi detruncata consuetudine claudicans, reddi, quod deerat, flagitabat. Tanquam si homo notus, siue conspiciatur oculis, siue cogitetur, & nomen eius obliti requiramus, quicquid aliud occurrerit, nō connectitur; quia non cum illo cogitari cōsuevit, ideoque respuitur, donec illud assit, vbi simul assuefacta notitia non inæqualiter acquiescat. Et vnde adest, nisi ex ipsa memoria? Nam & cum ab alio cōmoniti recognoscimus, inde adest. Nō enim quasi nouum credimus, sed recordantes approbamus hoc esse, quod dictū est. Si autē penitus aboleatur ex animo, nec admoniti reminiscimur. Neque enim omnimodo adhuc obliti sumus, quod vel oblitos non esse meminimus. Hoc ergo nec amissum querere poterimus, quod omnino obliti fuēramus.

aliquo modo haberent sam; non ita
vellent beati esse, quod eos velle certissi-
mum est.

2. Nescio quomodo nouerunt eam.
Ideoque habent eam nescio qua notitia,
de qua satago, vtrum in memoria sit; quia
fratri est; iam beati fuimus aliquando.
Vtrum sigillatim omnes, an in illo ho-
mine, qui primus peccauit, in quo & om-
nes mortui sumus, & de quo omnes
cum miseria nati sumus, non quæro
nunc; sed quæro, vtrum in memoria sit
beata vita. Neque enim amaremus eam,
nisi nossemus. Audimus nomen hoc, &
rem ipsam omnes nos appetere fatemur.
Nō enim sono delectamur. Nā hoc cum
Latinè audit græcus, nō delectatur; quia
ignorat quid dictū sit, nos autē delecta-
mur. Sicut etiā ille, si Græcè hoc audierit:
quoniam res ipsa nec Græca, nec Latina
est; cui adipiscendæ Græci Latiniq̃ue in-
hiant, cæterarumq̃ue linguarum homi-
nes. Nota est igitur omnibus, quia
vna voce si interrogari possent, vtrum
beati esse vellent, sine vlla dubitatione
velle responderent. Quod non fieret, nisi
res ipsa, cuius hoc nomen est, eorum me-
moriam teneretur.

CAPVT XXI.

*Meminimus & eorum, quæ nunc
quam habuimus.*

1. **N**UNQUID ita, vt meminit Carthaginem, qui vidit? Non. Vita enim beata non videtur oculis, quia non est corpus. Nunquid sicut meminimus numeros? Non. Hos enim qui habet in notitia, nō adhuc quærit adipisci: Vitam verò beatā habemus in notitia, ideoque amamus; & tamen adhuc adipisci eam volumus, vt beati simus. Nunquid sicut meminimus eloquētiā? Non. Quamuis enim & hoc nomine audito recordentur ipsam rem, qui etiam nondū sunt eloquentes, multi que esse cupiant, vnde apparet eam esse in eorū notitia: tamen per corporis sensus alios eloquentiores animaduenterūt, & delectati sunt, & hoc esse desiderant; * quanquam, nisi in exteriorē notitia, non delectarētur, neque hoc esse vellent, nisi delectarentur. Beatam vero vitam nullo sensu corporis in alijs experimur.

2. Nunquid sicut meminimus gaudiū? Fortasse ita. Nam gaudium meum etiam in tristis memini, sicut vitam beatam
miser.

al. qua.

miser. Neque vnquam corporis sensu gaudium meum vel vidi, vel audiui, vel odoratus sum, vel gustauī, vel tetigi; sed expertus sum in animo meo, quando latus sum; & adhæsit eius notitia memoriæ meæ, vt id reminisci valeam aliquādo cum aspernatione, aliquando cum desiderio, pro earum rerum diuersitate, de quibus me gauisum esse memini. Nam & de rursibus gaudiō quodā perfusus sum, quod nunc recordās detestor atque execror. Aliquando de bonis & honestis, quod desiderans recolo; tametsi fortē nō adsunt, & ideo tristis gaudium pristinum recolo. Vbi ergo & quando expertus sum vitam meam beatam, vt recorder eam, & amem, & dēsidērem? Nēc ego tātum aut cum paucis, sed beati prorsus omnes esse volumus. Quod nisi certa notitia nossemus, non tam certa voluntate vel'emus.

3. Sed quid est hoc? Quod si quæraturs à duobus, vtrū militare velint; fieri possit, vt alter eorum velle se, alter nolle respondeat. Si autem ab eis quæraturs, vtrū beati esse velint; fieri possit, vt vterque statim se sine vlla dubitatione dicat optare: nec ob aliud velit ille militare, nec ob aliud iste nolit, nisi vt beati sint. Nam fortē, quoniā alius hinc, alius inde gaudet, ita se omnes beatos esse velle conso-

nant; quemadmodū consonarent, si hoc interrogarentur, se velle gaudere, atque ipsum gaudium vitam beatam vocant. Quod & si alius hinc, alius illinc assequitur, vnum est tamen, quo peruenire omnes nituntur, vt gaudeāt. Quę quoniam res est, quam se expertum non esse nemo potest dicere, propterea reperta in memoria recognoscitur, quando beatę vitę nomen auditur.

CAPVT XXII.

Verum gaudium.

ABSIT domine, absit à corde serui tui, qui confitetur tibi; absit, vt quocūque gaudio gaudeam, beatum me putem. Est enim gaudium, quod nō datur impijs, sed eis, qui te gratis colunt, quorum gaudium tu ipse es. Et ipsa est beata vita, gaudere ad te, de te, propter te: ipsa est enim, & non est altera. Qui autem aliam putant esse, aliud sectantur gaudium, neque ipsum verum. Ab aliqua tamen imagine gaudiij, voluntas eorum non auertitur.

CAPVT XXIII.

Beata vita quid, & vbi.

NON ergo certum est, quod omnes esse beati volunt; quoniam qui

NON

non de te gaudere volunt, quæ sola vita beata est, non utique vitam beatam volunt. An omnes hoc volūt? Sed quoniam *Galat. 5.* caro cōcupiscit aduersus spiritum, & spiritus aduersus carnem, ut non faciant, quod volunt; cadunt in id, quod valent, eoque contenti sunt; quia illud, quod nō valent, non tantum volunt, quantum sat est, ut valeant. Nam quæro ab omnibus, utrum malint de veritate, quàm de falsitate gaudere? Tam non dubitant dicere, de veritate se malle; quàm non dubitant dicere, beatos esse se velle. Beata quippe vita est, gaudiū de veritate. Hoc est enim gaudium de te, qui veritas es, Deus illu- *Ioan. 14.* minatio mea, salus faciei meæ; Deus *Psalm. 26.* meus. Hanc vitam beatam, omnes volunt; hanc vitam, quæ sola beata est, omnes volunt, gaudium de veritate omnes volunt. Multos expertus sum, qui vellēt fallere; qui autem falli, neminem. Vbi ergo nouerunt hanc vitam beatam, nisi ubi nouerunt etiam veritatem? Amant enim & ipsam, quia falli nōlunt. Et cum amāt beatam vitam, quod non est aliud quàm de veritate gaudium, utique amāt etiam veritatem. Nec amarent, nisi esset aliqua notitia eius in memoria eorum.

2. Cur ergo non de illa gaudent? Cur non beati sunt? Quia fortius occupantur

12.

in alijs, quæ potius eos faciunt miseros,
quàm illud beatos quod tenuiter memi-
nerunt. Adhuc enim modicum lumen
est in hominibus; Ambulent, ambulent,
ne eos tenebræ comprehendant. Cur au-
tem veritas parit odium, & inimicus eis
factus est homo tuus verum prædicans,
cum ametur beata vita, quæ non est nisi
gaudium de veritate; nisi quia sic amatur
veritas, vt quicunque aliud amant, hoc
quod amant, velint esse veritatem? Et
quia falli nolunt, nolunt conuinci, quòd
falsi sint? Itaque propter eam rem oderunt
veritatem, quam pro veritate amant. A-
mant eam lucētem, oderunt eam redar-
guentem. Quia enim falli nolunt & fal-
lere volunt, amant eam, cum seipsam in-
dicat; & oderunt eam, cum eos ipsos in-
dicat. Inde retribueretur eis, vt qui se ab
ea manifestari nolunt, & eos nolentes
manifestet, & eis ipsa non sit manifesta.
Sic sic etiam, sic animus humanus, etiam
sic cæcus & languidus, turpis atque inde-
cens latere vult; se autē vt lateat, aliquid
non vult. Contra illi redditur, vt ipse nō
lateat veritatem, ipsum autem veritas la-
teat. Tamen etiam sic dum miser est,
veris mauult gaudere quàm falsis. Bea-
tus ergo erit, si nulla interpellante mole-
stia, de ipsa, per quam vera sunt omnia,
sola

sola veritate gaudebit.

CAPVT XXIIII.

Deum quoque continet memoria.

ECCE quantum spaciatus sum in memoria mea, quærens te domine, & non te inueni extra eam. Neque enim aliquid de te inueni, quod non meminissem, ex quo didici te. Nam ex quo didici te, non sum oblitus tui. Vbi enim inueni veritatem, ibi inueni Deum meum, ipsam veritatem; quam, ex quo didici, non sum oblitus. Itaque ex quo didici te, manes in memoria mea; & illic te inuenio, cum reminiscor tui, & delector in te. Hæ sunt sanctæ deliciæ meæ, quas donasti mihi misericordia tua, respiciens paupertatem meam.

CAPVT XXV.

*In quo memoria gradu reperiatur
Deus.*

SED vbi manes in memoria mea, tu domine? Vbi illic manes? Quale cubile fabricasti illic tibi? Quale sanctuarium ædificasti tibi? Tu dedisti hanc dignationem

gnationem memoriæ meæ, vt maneat in ea; sed in qua eius parte maneat, hoc cōsidero. Transcēdi enim partes eius, quas habent & bestia, cum te recordarer; quia non ibi te inueniebam inter imagines rerū corporalium; & veni ad partes eius, vbi commendaui affectiones animi mei, nec illic inueni te. Et intraui ad ipsius animi mei sedem, quæ illic est in memoria mea, quoniam sui quoque meminit animus; nec ibi tu eras: quia sicut non es imago corporalis, nec affectio viuentis, qualis est cum lætamur, contristamur, cupimus, metuimus, meminimus, obliuiscimur, & quicquid huiusmodi est; ita nec ipse animus es, quia dominus Deus animi tu es. Et commutantur hæc omnia, tu autem incommutabilis manes super omnia; & dignatus es habitare in memoria mea, ex quo te didici. Et quid quæro, quo loco eius habites, quasi verò loca ibi sint? Habitas certè in ea, quoniam tui memini, ex quo te didici; & in ea te inuenio, cum recordor te.

CAPVT XXVI.

Vbi inuenitur Deus.

VBI ergo te inueni, vt discerem te? Neque enim iā eras in memoria mea.

mea, priusquam te discerem. Vbi ergo inueni te, vt discerem te, nisi in te supra me? Et nusquam locus, & recedimus & accedimus, & nusquam locus. Vbiq; veritas præsides omnibus consulentibus te; simulq; respondes omnibus, etiam diuersa cōsulentibus. Liquidè tu respondes, sed non liquidè omnes audiūt. Omnes, vnde volunt, consulunt; sed nō semper, quod volunt, audiunt. Optimus minister tuus est, qui nō magis intuetur hoc à te audire, quod ipse voluerit; sed potius hoc velle, quod à te audierit.

CAPVT XXVII.

Quomodo rapiat hominem Deus.

SERO te amaui pulchritudo tam antiqua & tam noua, sero te amaui. Et ecce intus eras, & ego foris, & ibi te quærebam; & in ista formosa, quæ fecisti, deformis irruebam. Mecum eras, & tecum non eram. Ea me tenebant longè à te, quæ si in te non essent, non essent. Vocasti, & clamasti, & rupisti surditatem meā. Coruscasti, splendui, & fugasti cæcitatem meam. * Flagrasti, & duxi spiritum, & anhele tibi. Gustauit, & esurio, & sitio. Tetigisti me, & exarsi in pacem tuam.

* Fra
grasti

CAPVT

CAPVT XXVIII.

Miseria huius vite.

CVM inhæsero tibi ex omni me, omni-
 nusquam erit mihi dolor &
 labor: & viua erit vita mea, tota plena te:
 Nunc autem quoniam, quem tu impleſ;
 ſubleuas eum: quoniam tui plenus non
 ſum, oneri mihi ſum. Contendunt laci-
 riæ meæ ſcandere cum lacrimis mœroribus:
 & ex qua parte ſtet victoria, nescio. Hei
 mihi domine, miſerere mei. Contendunt
 mœrores mei mali cum gaudijs bonis: &
 ex qua parte ſtet victoria, nescio. Hei mi-
 hi domine, miſerere mei. Hei mihi: Ec-
 ce vulnera mea non abſcondo. Medicus
 es, æger ſum: Miſericors es, miſer ſum.
 Nunquid non tentatio eſt vita humana
 ſuper terram?

Job 7.

2. Quis velit moleſtias & difficultates?

* To-
lerari.

* Tolerare iubet eas; non amari. Nemo
 quod tolerat amat, & ſi tolerare amata.
 Quamuis enim gaudeat ſe tolerare, ma-
 uult tamen non eſſe, quod toleret. Pro-
 ſpera in aduerſis deſidero, aduerſa in pro-
 ſperis timeo. Quis inter hæc medius lo-
 cus, ubi non ſit humanæ vitæ tētatio? Væ
 proſperitatibus ſeculi ſemel & iterum, à

timore

timore aduersitatis, & à corruptione læ-
titiæ. Væ aduersitatibus seculi, semel &
iterū & terriò, à desiderio prosperitatis.
Et quia ipsa aduersitas dura est, & nau-
fragat tolerantia, nunquid non tentatio
est vita humana super terram, sine vllò
interstitio?

CAPVT XXIX.

In Deo spes.

ET tota spes mea, non nisi in ma-
gna valde misericordia tuâ Domi-
ne Deus. Da quod iubes, & iube quod
vis. Imperas nobis cōtinentiam. Et cum
scirem, ait quidam, quia nemo potest ef-
se continens, nisi Deus det; & hoc ipsum
erat sapientiæ, scire cuius esset hoc donū.
Per continentiam quippe colligimur &
redigimur in vnū, à quo in multa deflu-
ximus. Minus enim te amat, qui tecum
aliquid amat, quod non propter te amat.
O amor, qui semper ardes, & nunquam
extingueris! Charitas Deus meus, accen-
de me. Continentiam iubes: Da quod
iubes, & iube quod vis.

Sap. 2.

CAPVT XXX.

Somniorum ludibria.

IVES certè, vt cōtineam à concu-
piscencia carnis, & concupiscencia
oculo.

1. Ioan. 2.

al. fbi.
al. finxit.

oculorum, & ambitione seculi. Iussisti à concubitu; & de ipso coniugio melius aliquid, quàm concessisti, monuisti. Et quoniam dedisti, factū est, & antequam dispensator Sacramenti tui fierem. Sed adhuc viuunt in memoria mea (de qua multa locutus sum) talium rerum imagines, quas * ibi consuetudo mea * fixit; & occurrant mihi vigilāti quidem carentes viribus, in somnis autem nō solum vsque ad delectationem, sed etiā vsque ad consensionem factumque simillimum. Et tantum valet imaginis illusio in anima mea & in carne mea, vt dormienti falsa visa persuadeant, quod vigilanti vera nō possunt. Nunquid tūc ego non sum domine Deus meus? Et tamen tantum interest inter meipsum & meipsum, intra momētum quo hinc ad soporem trāseo, vel huc inde rerranseo.

2. Vbi est tunc ratio, qua vigilās animus talibus suggestionibus resistit? Et si res ipsę ingerantur, inconcussus manet. Nūquid clauditur cū oculis? Nūquid sopitur cum sensibus corporis? Et vnde saepe etiā in somnis resistimus, nostrique propositi memores, atque in eo castissimè permanentes, nullum talibus illecebris adhibemus assensum? Et tamen tantum interest, vt cum aliter accidit, euigilantes ad conscientiam

conscientię requiem redeamus: ipsaque
distātia reperiamus nos nō fecisse, quod
tamen in nobis quoquo modo factū esse
doleamus. Nunquid non potens est ma-
nus tua Deus omnipotens, sanare omnes
languōres animæ meæ; atque abundan-
tiore gratiā tuā, lasciuios motus etiā mei
soporē extinguerē?

3. Augebis domine magis magisque in
me munera tua, vt anima mea sequatur
me ad te, concupiscentiæ visco expedita,
vt non sit rebellis sibi; atque vt in somnis
etiā, non solum nō perpetret istas cor-
ruptelarum turpitudines per imagines a-
nimales vsque ad carnis fluxum, sed ne
consentiat quidem. Nam vt nihil tale
vel tantillum libeat, quantum possit nu-
tu cohiberi, etiā in casto dormiētis af-
fectu, non tantum in hac vita, sed etiā
in hac ætate, non magnum est omni-
potenti, qui vales facere supra quā peti-
mus, & intelligimus. Nunc tamen, quid
adhuc sim in hoc genere mali mei, dixi
bono domino meo; exultās cum tremore
in eo, quod donasti mihi: & lugens in
eo, quod inconsummatus sum; sperans
perfecturum te in me misericordias tuas,
vsque ad pacem plenariam; quam tecum
habebūt interiora & exteriora mea; cum
absorpta fuerit mors in victoriam.

Ephes. 3.

I. Cor. 13.

CAPVT

CAPVT XXXI.

Gula tentatio.

1. **E**ST alia malitia diei, quæ vtinam sufficiat ei. Reficimus enim quotidianas ruinas corporis edendo & bibendo, priusquam estas & ventrem destruas, cum occideris indigentiam meam satietate mirifica, & corruptibile hoc indueris incorruptione sempiterna. Nunc autem suavis est mihi necessitas, & aduersus istam suauitatem pugno, ne capiar; & quotidianum bellum gero in ieiunijs, sapius in seruitutem redigens corpus meum, & dolores mei voluptate pelluntur. Nam fames & sitis, quidam dolores sunt. Vrunt, & sicut febris necant, nisi alimentorum medicina succurrat. Quæ quoniam præsto est, ex consolatione munerum tuorum, in quibus nostræ infirmitati terra & aqua & cælum seruiunt, calamitates deliciæ vocantur. Hoc me docuisti, vt quemadmodum medicamenta, sic alimenta sumpturus accedam.

2. Sed dum ad quietem satietatis ex indigentia molestia transeo, in ipso transitu mihi insidiatur laqueus concupiscentiæ. Ipse enim transitus, voluptas est: &

non

non est aliàs, qua transeat, quàm qua transire cogit necessitas. Et cum salus sit causa edendi ac bibendi, adiungit se tanquam pedisse qua periculosa iucunditas; & plerumque præire conatur, ut eius causa fiat, quod salutis causa me facere vel dico, vel volo; nec idem modus utriusque est. Nam quod saluti satis est, delectationi parum est. Et sæpe incertum fit, utrum adhuc necessaria corporis cura subsidiū petat, an voluptaria cupiditatis fallacia ministerium suppetat. Ad hoc incertum hilarescit infœlix anima, & in eo præparat excusationis patrociniū; gaudens non apparere, quid satis sit moderationi valetudinis; ut obtentu salutis, obumbrat negocium voluptatis.

3. His tentationibus quotidie conor resistere, & inuoco dextram tuam ad salutem meam, & ad te refero æstus meos: quia consilium mihi de hac re nondum stat. Audio vocē iubentis Dei mei: Non *Luc. 21.* grauentur corda vestra, in crapula & ebrietate. Ebrietas longe est à me, misereberis, ne appropinquet mihi. Crapula autem nonnunquam surrepit seruo tuo, misereberis, ut longe fiat à me. Nemo e- *Sup. 2.* nim potest esse cōtinens, nisi tu des. Multa nobis orantibus tribuis; & quicquid boni, antequam oremus, accipimus, à

te accipimus; & vt hoc postea cognosceremus, à te accipimus. Ebriosus nunquā fui, sed ebriosos à te sobrios factos ego noui. Ergo, à te factum est, vt hoc non essent, qui nunquam fuerunt; à quo factū est, vt hoc non iēper essent, qui fuerunt; à quo etiam factum est, vt scirent vtrique, à quo factū est.

- Ecl. 18.* 4. Audiui & aliam vocem tuam: Post concupiscentias tuas non eas, & à voluptate tua auertere. Audiui & illam ex munere tuo, quam multum amaui: Neque si manducauerimus, abundabimus: neque si non manducauerimus, decrit nobis. Hoc est dicere: Nec illa res me copiosum faciet, nec illa erumnosum. Audiui & alteram: Ego enim didici, in quibus sum sufficiens esses, & abundare noui, & penuriā pati noui. Omnia possum in eo, qui me confortat. Ecce miles castrorum cœlestium, nō puluis, quod nos sumus: sed memento domine, quia puluis sumus, & de puluere fecisti hominem; & perierat, & inuentus est. Nec ille in se potuit, quia idem puluis fuit, quem talia dicentē afflatu tuæ inspirationis adamaui. Omnia possum (inquit) in eo, qui me confortat. Conforta me, vt possim. Da quod iubes, & iube quod vis. Iste se accepisse confitetur; & quod gloriatur, in domino

immo gloriatur. Audiui alium rogātem,
 vt accipiat: Aufer à me, inquit, concupis- *Ecccl. 23.*
 centias vëtris. Vnde apparet sancte Deus
 meus te dare, cum sit, quod imperas fieri.
 Docuisti me pater bone, omnia munda *Tit. 1.*
 mundis. Sed malum esse homini, qui per
 offensionem manducat: Et omnem crea- *1. Tim. 4.*
 turam tuam bonam esse; nihilque abij-
 ciendum, quod cum gratiarum actione
 percipitur: Et, quia esca nos non com- *1. Cor. 8.*
 mendat Deo: Et, vt nemo nos iudicet in *Col. 2.*
 cibo, aut in potu: Et, vt qui manducat, *Rom. 14.*
 non manducantem non spernat; &, qui
 non manducat, manducantem non iudi-
 cet. Didici hæc; gratias tibi, laudes tibi
 Deo meo, magistro meo, pulsatori au-
 rium mearum, illustratori cordis mei.
 Eripe me ab omni tentatione.

6. Non ego immunditiam obsonij ti-
 meo, sed immunditiam cupiditatis. Scio *Gene. 9.*
 Noë omne carnis genus, quod cibo esset
 vsui, manducare permissum; Heliam ci- *1. Reg. 17*
 bo carnis refectum; Ioannem mirabili *Matt. 3.*
 abstinentia præditum; animalibus, hoc
 est, locustis in escam cedētibus, nō fuisse
 pollutum. Et scio Esau lenticulæ concu- *Gene 25.*
 piscencia deceptum; & Dauid propter a- *2 Reg 23*
 quæ desiderium, à seipso reprehensum; Et
 regem nostrum nō de carne, sed de pane *Matt. 4*
 esse tētatum. Ideoque & populus in cre-

- Num. 11.* mo, non quia carnes desiderauit, sed quia
 esca desiderio aduersus dominum mur-
 murauit, meruit improbari. In his ergo
 tentationibus positus, certo quotidie
 aduersus concupiscentiam manducandi
 & bibendi. Non enim est, quod semel
 præcidere, & vltius non attingere de-
 cernam, sicut de cõcubitu potui. Itaque
 freni gutturis, temperata relaxatione &
 constrictione, tenendi sunt. Et quis est
 domine, qui non rapiatur aliquantulum
 extra metas necessitatis? Quisquis est,
 magnus est, magnificet nomen tuũ. Ego
 autem nõ sum, quia peccator homo sum.
- Rom. 8.* Sed & ego magnifico nomẽ tuum; & in-
 terpellat te pro peccatis meis, qui vicit
 seculum, numerans me inter infirma
- Ep. 138.* membra corporis sui; quia & imperfectũ
 meum viderunt oculi tui, & in libro tuo
 omnes scribentur.

CAPVT XXXII.

Nihil est securum in hac vita.

1. **D**E illecebra odorum, non satago
 nimis. Cũ absunt, nõ requiro:
 cum adsunt, non respuo, paratus etiam
 eis semper carere. Ita mihi videor; forsi-
 tan fallor. Sunt enim & ista plangenda
 tenebrae,

tenebræ, in quibus me latet facultas
mea, quæ in me est: vt animus meus de
viribus suis ipse se interrogans, nō facile
sibi credendum existimet; quia & quod
nunc inest, plerunque occultum est, nisi
experientia manifestetur. Et nemo secu-
rus esse debet in ista vita, quæ tota tenta- Iob 7.
tio nominatur: vtum qui fieri potuit ex
deteriore melior, non fiat etiam ex me-
liore deterior. Vna spes, vna fiducia, vna
firma promissio, misericordia tua.

CAPVT XXXIIL.

Voluptas aurium.

VOLVPTATES aurium tenacius
me implicauerant, & subiugaue-
rant; sed resoluiſti, & liberaſti me. Nunc
in sonis, quos animant eloquia tua, cum
ſuaui & artificioſa voce cātantur, fateor,
aliquantulum acquieſco; non quidem vt
hæream, ſed vt ſurgam, cum volo. Atta-
men, cum iſſis ſententijs, quibus viuunt,
vt admittantur ad me, quærunt in corde
meo non aullius dignitatis locum, & vix
eis præbeo congruentem. Aliquando
enim plus mihi videor honoris eis tri-
buere quàm decet; cum iſſis ſanctis di-
ctis religioſius & ardentius ſentio moue-

ri animos nostros in flammam pietatis; cum ita cantantur, quam si non ita cantarentur; & omnes affectus spiritus nostri, pro sui diuersitate, habere proprios modos in voce atque cantu, quorum nescio qua occulta familiaritate exci- tentur.

2. Sed delectatio carnis meæ, cui mentem eneruandam non oportet dari, sæpe me fallit; dum rationem sensus non ita comitatur, ut patienter sit posterior; sed rātum quia propter illam meruit admitti, etiam præcurrere ac ducere conatur. Ita in his pecco non sentiens, sed postea sentio. Aliquando autem hanc ipsam fallaciam immoderatus cauens, erro nimia seueritate. Sed valde interdum, ut melos omne cantilenarum suauium, quibus Dauidicum Psalterium frequētatur, ab auribus meis remoueri velim, atque ipsius ecclesiæ: Tutiusque mihi videtur, quod de Alexandrino Episcopo Athanasio, sæpe mihi dictum commemini; qui tam modico flexu vocis faciebat sonare lectorem Psalmi, ut pronuncianti vicinior esset quàm canenti.

3. Verūtamen cum reminiscor lachrymas meas, quas fudi ad cantus ecclesiæ tuæ, in primordijs recuperatæ fidei meæ; & nunc ipsum cum moueor, non cantu, sed

sed rebus quæ cantantur: cum liquida voce & cōuenientissima modulatione cantantur, magnam instituti huius vtilitatem rursus agnosco. Ita fluctuo inter periculum voluptatis & experimentum salubritatis; magisque adducor, non quidem irretractabilem sententiam proferens, cantandi cōsuetudinem approbare in ecclesia; vt per oblectamenta aurium, infirmior animus in affectum pietatis assurgat. Tamen, cum mihi accidit, vt me amplius cantus, quàm res quæ canitur, moueat, pœnaliter me peccare cōfiteor: & tunc in allem non audire cantantem. Ecce vbi sum. Flete mecum; & pro me flete, quia aliquid boni vobiscum intus agitis, vnde facta procedunt. Nam qui non agitis, non vos hæc mouent. Tu autem domine Deus meus, respice, exaudi, & vide, & miserere, & sana me: in cuius oculis mihi quæstio factus sum, & ipse est languor meus.

CAPVT XXXIIII.

Oculorum illecebra.

1. **R**ESTAT voluptas oculorum istorum carnis meæ, de qua loquor confessiones, quas audiant aures templi

- tui, aures fraternæ accipia; vt concludamus tentationes concupiscentiæ carnis, quæ me adhuc pulsant ingemiscientem; & habitaculum meum, quod de cœlo est, superindui cupientem. Pulchras formas & varias, nitidos & amœnos colores amant oculi. Non teneant hæc animam
- Gene. 1.* meam; teneat eam Deus, qui hæc fecit, bona quidem valde; sed ipse est bonum meum, non hæc. Et tangunt me vigilan-tem totis diebus; nec requies ab eis datur mihi, sicut datur à vocibus canoris aliquândo ab omnibus in silentio. Ipsa enim regina colorum lux ista, perfundens cuncta quæ cernimus; vbi per diem fuero, multimodo allapsu blanditur mihi aliud agenti, & eam non aduertenti. Insinuat autem se ita vehementer, vt si repente subtrahatur, cum desiderio requiratur; & si diu absit, contristat animum. O lux,
- Tob. 4.* quam videbat Tobias, cum clausis oculis istis, filium docebat vitæ viam, & ei præibat pede charitatis, nusquam errās:
- Gene. 27.* Aut quam videbat Isaac, prægrauatis & opertis senectute carneis luminibus; cū filios non agnoscendo benediceret, sed
- Gene. 48.* benedicendo agnoscere meruit: Aut quā videbat Iacob, cum & ipse prægradi ætate captus oculis, in filiis præsignata futuri populi genera, luminoso corde radiauit: &

uit: & nepotibus suis ex Ioseph, diuexas mystice manus, non sicut pater eorum foris corripiebat, sed sicut ipse intus discernobat, imposuit. Ipsa est lux, vna est, & alia non est; & vnum omnes, qui vidēt & amant eam. At ista corporalis, de qua loquebar, illecebrosa ac periculosa dulcedine condit vitam seculi cæcis amatoribus. Qui autem & de ipsa laudare tenorunt, Deus creator omnium, absumūt eam in hymno tuo, non assumuntur ab ea, in somno suo. Sic esse cupio.

3. Resisto seductionibus oculorum, ne implicētur pedes mei, quibus ingredior viam tuam; & erigo ad te inuisibiles oculos, vt tu euellas de laqueo pedes meos. Tu subinde euellis eos, nam illaqueātur. Tu non cessas euellere, ego autē crebro hareo vbique sparsis insidijs; quoniam *Psalm. 262*
non dormies neq; dormitabis, qui custodis Israël. Quàm innumerabilia varijs artibus & opificijs, in vestibus, calceamentis, vasis, & huiuscemodi fabricationibus; picturis etiā, diuersisq; figmentis; atque his vsum necessarium atque moderatū, & piam significationem longe transgredientibus, addiderunt homines ad illecebras oculorū; foras sequentes, quod faciunt; intus relinquentes, à quo facti sunt; & exterminantes, quod
facti

facti sunt.

4. At ego Deus meus & decus meum, etiam hinc tibi dico hymnū, & sacrifico laudem sanctificatori meo; quoniam pulchra traiecta per animas in manus artificiosas, ab illa pulchritudine veniunt, quæ super animas est, cui suspirat anima mea die ac nocte. Sed pulchritudinum exteriorum operatores & sectatores inde trahunt approbandi modum, non autem inde trahunt vtendi modum. Et ibi est, & non vident eum, vt non eant longius, & fortitudinem suam ad te custodiant, nec eam spargant in deliciosas lassitudines. Ego autem hæc loquens atque discernens, etiam istis pulchris gressum innecto; sed tu euellis domine, euellis tu, quoniam misericordia tua ante oculos meos est. Nam ego capior miserabiliter, & tu euellis misericorditer; aliquando non sentientem, quia suspensus incideram; aliquando cum dolore, quia iam in hæseram.

Psalm. 58.
Psalm. 25.

CAPVT XXXV.

Curiositas cognoscendi.

1. **H** Vc accedit alia forma tentationis, multiplicius periculosa. Præter eam enim concupiscentiam carnis, quæ

quæ inest in delectatione omnium sensuum & voluptatû, cui seruientes deperunt, qui longe se faciunt à te; inest animæ per eosdem sensus corporis quædam non se oblectandi in carne, sed experiendi per carnem vana & curiosa cupiditas, nomine cognitionis & scientiæ palliata. Quæ quoniam & in appetitu noscendi est, oculi autem sunt ad cognoscendum in sensibus principes, concupiscentia oculorum eloquio diuino appellata est. Ad oculos enim propriè, videre pertinet. Vtimur autem hoc verbo etiam in cæteris sensibus, cum eos ad cognoscendum intendimus. Neque enim dicimus, audi, quàm rutilet; aut olfac, quàm niteat; aut gusta, quàm splendeat; aut palpa, quàm fulgeat. Videri enim dicuntur hæc omnia. Dicimus autem non solum, vide, quid luceat, quod soli oculi sentire possunt: sed vide etiam, quid sonet; vide, quid oleat; vide, quid sapiat; vide, quàm durum sit. Ideoque generalis experientia sensuum, concupiscentia (sicut dictum est) oculorum vocatur; quia videndi officium, in quo primatum oculi tenent, etiam ceteri sensus sibi de similitudine usurpant, cum aliquid cognitionis explorant. Ex hoc autem euidentius discernitur, quid voluptatis, quid curiositatis agatur per

1. Ioan. 2.

*Videre
refertur
ad omnes
sensus.*

sensus; quod voluptas, pulchra, canora, suauia, lapida, lenia sectatur.

2. Curiositas autem etiam his contraria tentandi causa, non ad subeundam molestiam, sed ad experiēdi noscendique libidinem. Quid enim voluptatis habet videre in laniato cadauere, quod exhorreas? & tamen sicubi iaceat, concurrunt, vt contristentur, vt palleant. Timent etiam, ne in somnis hoc videant; quasi quisquam eos vigilantes videre coegerit, aut pulchritudinis vlla fama persuaserit. Ita & in ceteris sensibus, quæ persequi longum est. Ex hoc morbo cupiditatis, in spectaculis exhibentur quæque miracula. Hinc ad perscrutanda naturæ (quæ præter nos est) operta, proceditur, quæ scire nihil prodest; & nihil aliud, quam scire homines cupiunt. Hinc etiam, si quid eodem peruersæ scientiæ fine, per artes magicas quæritur. Hinc etiam in ipsa religione Deus tentatur, cum signa & prodigia flagitantur; non ad aliquam salutem, sed ad solam experientiam desiderata.

3. In hac tam immensa sylua plena insidiarum & periculorū, ecce quā multa præciderim, & à meo corde dispulerim, sicuti donasti me facere Deus salutis meæ. Attamen quādo audeo dicere, cum
cir-

circumquaque quotidianam vitam nostram, tam multa huius generis rerum circumstrepant; quando audeo dicere, nulla re tali me intētum fieri ad spectandum, & vana cura capiendum? Sanè me iam theatra non rapiunt; nec curo nosse transitus syderū; nec anima mea vnquam responsa quæsiuit vmbrearum; omnia sacrilega sacramenta derestor. A te Domine Deus meus, cui humilem famulatum ac simplicem debeo, quātis mecum suggestionum machinationibus agit inimicus, vt signum aliquod petam.

4. Sed obsecro te per Regem nostrum, & patriam Hierusalem, simplicem, castā; vt quemadmodū à me longe est ista consensio, ita sit semper longe atque lōgius. Pro salute autem cuiusquam cum te rogo, alius multum differēs finis est intentionis meæ, & te facientem quod vis, das mihi, & dabis libenter sequi. Verūtamen in quā multis minutissimis & contemptibilibus rebus, curiositas quotidie nostra tētatur; & quā sepe labamur, quis enumerat? Quoties narrantes inania, primò quasi toleramus, ne offendamus infirmos, deinde paulatim libenter aduertimus. Canem currentē post leporem iam non specto, cum in circo sit: at verò in agro si casu transeam, auertit me fortassis

tassis & ab aliqua magna cogitatione, atque ad se conuertit illa venatio; non deuiare cogens corpore iumentis, sed cordis inclinatione. Et nisi iam mihi demonstrata infirmitate mea cito admoneas; aut ex ipsa visione, per aliquam considerationem in te assurgere; aut totum contemnere atque transire, vanus hebesco.

5. Quid cum me domi sedentem stellio muscas captas, vel aranea retibus suis irruentes implicans, sæpe intentū facit? Num quia parua sunt animalia, ideo nō res eadem geritur? Pergo inde ad laudandum te creatorem mirificum, atque ordinatorem rerum omnium, sed non inde intentus esse incipio. Aliud est cito surgere, aliud est non cadere. Et talibus vita mea plena est, & vna spes mea in magna valde misericordia tua. Cum enim huiusmodi rerum conceptaculum sit cor nostrum, & portat copiosæ vanitatis cateruas, hinc & orationes nostræ sæpe interrumpuntur atque turbantur; & ante conspectum tuum, dum ad aures tuas vocem cordis intendimus, nescio vnde irruentibus nugatorijs cogitationibus, res tanta præciditur.

CAPVT XXXVI.

Superbia vitium.

NVNQVVD etiam hoc inter con-
temnēda deputabam, aut aliquid
nos reducet in spem, nisi tota misericor-
dia tua, quoniam cœpisti mutare nos? Et
tu scis, quāta ex parte mutaueris, qui me
primitus sanas à libidine vindicandi me;
vt propitius fias etiam cæteris omnibus
iniquitatibus meis; & sanes omnes lan-
guores meos; & redimas de corruptione
vitam meam; & coronas me in misera-
tione & misericordia; & saties in bonis
desiderium meum: quia compressisti à ti-
more tuo superbiam meam, & mansue-
fecisti iugo tuo ceruicem meam. Et nunc
porto illud, & leue est mihi; quoniam sic
promisisti, & fecisti; & vere sic erat, &
nesciebam, quando id subire metuebam. Psa. 102.

2. Sed nunquid Domine, qui solus sine
typho dominaris, quia solus verus domi-
nus es, qui non habes dominū; nunquid
hoc quoque tertium tentationis genus
cessauit à me, aut cessare in hac tota vita
potest, timeri & amari velle ab homini-
bus; nō propter aliud, sed vt inde sit gau-
dium, quod non est gaudium? Misera vi-
ta est,

Mat. 4

ta est, & fœda iactantia. Hinc fit, vel maximè non amare te, nec castè timere te. Ideoque tu superbis resistis, humilibus autem das gratiam; & intonas super ambitiones seculi, & contremiscunt fundamenta mōrium. Itaque nobis, quoniam propter quædam humanę societatis officia, necessarium est amari & timeri ab hominibus, instat aduersarius veræ beatitudinis nostræ; vbique spargens in laqueis, euge, euge: vt dum auidè colligimus, incautè capiamur; & à veritate tua gaudium nostrum deponamus, atque in hominum fallacia ponamus; libeatque nos amari & timeri, non propter te, sed pro te; atque isto modo sui similes factos, secum habeat, non ad concordiam charitatis, sed ad consortium supplicij; qui statuit sedem suam ponere in aquilone, vt te peruersa & distorta via imitantes, tenebroſi frigidiue seruirent.

Esa. 14

3. Nos autem domine, pusillus grex tuus ecce sumus, tu nos posside. Præte de alas tuas, & fugiamus sub eas. Gloria nostra tu esto, propter te amemur, & verbum tuum timeatur in nobis. Qui laudari vult ab hominibus vituperante te, non defendetur ab hominibus iudicante te, nec eripietur damnante te. Cum autem non peccator laudatur, in desiderijs anime

animæ suæ: nec qui iniqua gerit, benedicitur; sed laudatur homo propter aliquod bonum, quod dedisti ei: at ille plus gaudet sibi laudari se, quàm ipsum donū habere, vnde laudatur: etiam iste, te vituperante, laudatur. Et melior iam ille, qui laudauit; quàm iste, qui laudatus est: Illi enim placuit in homine donū Dei, huic amplius placuit donum hominis, quàm Dei.

CAPVT. XXXVII.

Laudes & vituperatio mouent.

TENTAMUR his tentationibus: quotidie Domine, sine cessatione tentamur. Quotidiana fornax nostra, est humana lingua. Imperas nobis & in hoc genere continentiam: Da quod iubes, & iube quod vis. Tu nosti de hac re ad te gemitum cordis mei, & flumina oculorū meorum. Neque enim facile colligo, quàm sim ab ista peste mūdator; & multum timeo occulta mea, quæ norūt oculi tui, mei autem non. Est enim qualiscunque in alijs generibus tentationum mihi facultas explorādi me; in hoc penè nulla est. Nam & à voluptatibus carnis, & à curiositate superuacanea cognoscēdi, video quantum assecutus sim posse re-
frenare.

frenare animum meum, cum eis rebus careo, vel voluntate, cum absunt; vel necessitate, cum desunt. Tunc enim me interrogo, quàm magis minùsve mihi molestum sit non habere. Diuitiæ verò, quæ ob hoc expetuntur, ut alicui istarum trium cupiditatum, vel duabus earum, vel omnibus seruiant; si persentiscere non potest animus, ytrum eas habēs cōtemnat, possunt & dimitti, ut se probet.

2. Laude vero ut careamus, atque in eo experiamur, quid possumus; nunquid male viuendum est; & tam perditè atque immaniter, ut nemo nos nouerit, qui nō detestetur? Quæ maior dementia dici, aut cogitari potest? At si bonæ vitæ bonorumque operum comes & solet & debet esse laudatio, tam comitatum eius, quàm ipsam bonam vitam deserui non oportet. Non autem sentio, sine quo esse, aut æquo animo, aut ægre possim, nisi cum abfuerit. Quid igitur tibi in hoc genere tentationis domine cōfiteor? Quid? nisi delectari me laudibus; sed amplius ipsa veritate, quàm laudibus. Nam si mihi proponatur, ytrum malim furens, aut in omnibus rebus errans, ab omnibus hominibus laudari; an constans & in veritate certissimus, ab omnibus vituperari, video quid eligam.

3. Veruntamen nollem, vt vel augeret mihi gaudium cuiuslibet boni mei, suffragatio oris alieni. Sed auget fateor, nō solum, sed & vituperatio minuit. Et cum ista miseria mea perturbor, subintrat mihi excusatio, quæ qualis sit, tu scis Deus, nam me incertum facit. Quia enim nobis imperasti non tantum cōtinentiam, id est, à quibus rebus amorem cohibeamus, verumetiam iustitiam, id est, quocum conferamus: Nec te tātum voluisti à nobis, verumetiam proximum diligere. sepe mihi videor de profectu aut spe proximi delectari; cum bene intelligentis laude delector; & rursus eius malo contristari, cum eum audio vituperare, quod aut ignorat, aut bonū est. Nam & contristor aliquando laudibus meis, cum vel ea laudantur in me, in quibus mihi ipse displiceo; vel etiam bona minora & leuia pluris æstimantur, quàm æstimāda sint.

4. Sed rursus vnde scio? An propterea sic afficior, quia nolo de meipso à me dissentire laudatorem meum; non quia illius vtilitate moueor, sed quia eadem bona, quæ mihi in me placent, iucundiora mihi sunt, cum & alteri placent? Quodammodo enim non ego laudor, cum de me sententia mea nō laudatur; quandoquidem aut illa laudantur, quæ mihi displicent:

CAPVT XXXVIII.

Et virtuti periculum, à vana gloria.

I. **S**ERMO autem ore procedens, & facta quę innotescunt hominibus, habet tentationem periculosissimam ab amore laudis, qui ad priuatam quandam excellentiam contrahit, & emendicata suffragia tētat; & cum à me in me arguitur, eo ipso quo arguitur. Et saepe homo, de ipso vanę glorię contemptu, vanius gloriatur: ideoque, non iam de ipso vanę glorię contemptu gloriatur. Non enim eam contemnit, cum gloriatur intus.

CAPVT XXXIX.

Φιλαντία.

I. **E**TIAM intus est aliud in eodem genere tentationis malum, quo inanesunt, qui placent sibi de se; quamuis alijs vel placeant, vel displiceant, nec placere affectant ceteris. Sed sibi placentes, multum tibi displicent; non tantum de non bonis quasi bonis; verumetiam de bonis tuis, quasi suis: Aut etiam sicut de tuis, sed tanquam ex meritis suis: Aut etiam sicut ex tua gratia, sed non
* sua

* secundum.

* sua merita, non tamen socialiter gaudentes, sed alijs inuidentes eam. In his omnibus atque huiuscemodi periculis & laboribus, vides tremorē cordis mei; sed & vulnera mea magis subinde à te sanari, quàm mihi non infligi sentio.

CAPVT XXXX.

Contra vitia lucta.

VI BI non mecum ambulasti veritas, docens quid caueam, & quid appetam, cum ad se referrem inferiora visa mea, quæ potui, teque consulerem? Lustraui mūdum foris sensu, quo potui: & attendi vitam corporis mei de me, sensusque ipsos meos. Inde ingressus sum in recessus memoriæ meæ multiplices amplitudines, plenas miris modis copiarum innumerabilium; & cōsideraui, & expaui, & nihil eorum discernere potui sine te, & nihil eorum esse te inueni; Nec ego ipse inuentor, qui peragraui omnia, & distinguere & pro suis quæque dignitatibus æstimare conatus sum; excipiens alia nunciantibus sensibus; & interrogans alia mecum commixta sentiens, ipsosque nuncios dinoscens atque dinumerans; iamque in memoria elatis opibus alia per-

pertractans, alia recondens, alia eruens.

2. Nec ego ipse, cū hæc agerem, id est, vis mea, qua id agebam, nec ipsa eras tu, quia lux es tu permanens, quam de omnibus consulebam, an essent, quid essent, quāti pendenda essent. Et audiebam docentem ac iubentem; & sæpe istud facio. Hoc me delectat, & ab omnibus actionibus necessitatis, quantū relaxari possum, ad istam voluptatem refugio. Neque in his omnibus, quæ percurro consulens te, inuenio tutum locum animę meę, nisi in te, quo colligantur sparsa mea, nec à te quicquam recedat ex me. Et aliquando intrōmittis me in affectum multū inusitatum introrsus, ad nescio quam dulcedinem; quæ si perficiatur in me, nescio quid erit, quod vita ista non erit. Sed recido in hæc erumnosus ponderibus, & resorbeor solitis, & teneor, & multum fleo, sed multum teneor. Tantum consuetudinis sarcina digna est. Hic esse valeo, nec volo: illic volo, nec valeo, miser utrobique.

CAPVT XXXXI.

Triplex cupiditas carnis.

I. DEO QVÆ consideraui languores peccatorum meorum, in cupiditate

triplici: & dexteram tuam inuocaui, ad salutem meam. Vidi enim splendorem tuum corde saucio, & percussus dixi: *Psalm. 30.* Quis illuc potest? Proiectus sum à facie oculorum tuorum. Tu es veritas super omnia præsidens. At ego per avaritiam meam non amittere te volui, sed volui tecum possidere mendacium: sicut nemo vult ita falsum dicere, vt nesciat ipse, quid verum sit. Itaque amisi te, quia non dignaris cum mendacio possideri.

CAPVT XXXXII.

Remedia vitiorum à demonibus.

1. **Q**UEM inuenirem, qui me reconciliaret tibi? An obeundum mihi fuit ad angelo? Qua prece? Quibus sacramētis? Multi conantes ad te redire, neque per seipso valentes, sicut audio, tentauerunt hæc, & inciderunt in desiderium curiosarum visionum, & digni habitii sunt illusionibus. Elati enim te quærebant doctrinæ fastu, exerentes potius quam tundentes pectora; & adduxerūt sibi per similitudinem cordis sui, conspirantes & *Ephes. 2.* socias superbix suæ, potestates aëris huius; à quibus per potentias magicas deciperentur; quærentes mediatorem, per quem

quem purgarentur, & non erat. Diabolus enim erat, transfigurans se in angelum lucis.

2. Et multū illexit superbam carnem, quod carneo corpore ipse non esset. Erant enim illi mortales & peccatores; tu autem domine, cui recōciliari superbè querebant, immortalis & sine peccato. Mediator autem inter Deum & homines, oportebat ut haberet aliquid simile deo, aliquid simile hominibus; ne in utroque hominibus similis, longe esset à Deo: aut in utroque Deo similis, longe esset ab hominibus, atque ita mediator nō esset. Fallax itaque ille mediator, quo per secreta iudicia tua, superbia meretur illudi. Vnum cum hominibus habet, id est, peccatum; aliud videri vult habere cū Deo: ut quia carnis mortalitate non tegitur, pro immortalī se ostendet. Sed quia stipendiū peccati mors est, hoc habet commune cum hominibus, vnde simul damnatur in mortem.

1. Tim. 2.

Rom. 6.

CAPVT XXXIII.

Christus intercessor efficax.

1. **V**ERAX autem mediator, quem secreta tua misericordia demonstrasti

Q

Mortales & peccatores mortales & iustus.

humilibus; & misisti, vt eius exemplo etiā ipsam discerent humilitatem; mediator ille Dei & hominum, homo Christus Iesus, inter mortales peccatores & immortalem iustum apparuit; mortalis cum hominibus, iustus cum Deo: Vt quoniam stipendium iustitiæ, vita & pax est; per iustitiam cōiunctam Deo, euacuaret mortem iustificatorum impiorum, quam cū illis voluit habere communem. Hic demonstratus est antiquis sanctis; vt ita ipsi per fidem futuræ passionis eius, sicut nos per fidem præteritæ, salui fierent. In quantum enim homo, in tantum mediator: in quantum autem verbum, non medius, quia æqualis Deo: & Deus apud Deum, & simul cum Spiritu sancto vnus Deus.

- Rom. 8.* 1. Quomodo nos amasti pater bone, qui filio tuo vnico non pepercisti, sed pro nobis impiis tradidisti eum? Quomodo
- Phil. 2.* nos amasti? pro quibus ille, qui non rapinā arbitratus est esse æqualis tibi, factus est subditus vsque ad mortem, mortē autē crucis; vnus ille in mortuis liber, potestatem habens ponendi animā suā, & potestatem habens iterum sumendi eam; pro nobis tibi victor & victima, & ideo victor, quia victima; pro nobis tibi sacerdos & sacrificium, & ideo sacerdos, quia sacrificium; faciens tibi nos de seruis filios,

lios, de te nascendo, nobis seruiendo: Meritò mihi spes valida in illo est, quod sanabis omnes languores meos, per eum qui sedet ad dexteram tuam, & te interpellat pro nobis, alioquin desperarem. Multi enim & magni sunt iidem languores mei; multi sunt & magni, sed amplior est medicina tua.

Psa. 133.

Rom. 1.

3. Potuimus putare verbum tuum remotum esse à coniunctione hominis, & desperare de nobis: nisi caro fieret, & habitaret in nobis. Conterritus peccatis meis & mole miseriæ meæ, agitaueram in corde, meditatusq; fueram fugam in solitudinem, sed prohibuisti mihi, & cōfirmasti me; dicēs: Ideo pro omnibus Christus mortuus est, ut qui viuunt, iam non sibi uiuant, sed ei, qui pro ipsis mortuus est. Ecce Domine iacto in te curam meā, ut viuam, & considerabo mirabilia de lege tua. Tu scis imperitiam meam & infirmitatem meam, doce me, & sana me. Ille ruus vnicus, in quo sunt omnes thesauri sapientiæ & scientiæ absconditi, redemit me sanguine suo. Non calumniētur mihi superbi: quoniā cogito precium meum, & manduco, & bibo, & erogo: & pauper cupio saturari ex eo, inter illos, qui edunt & saturantur; & laudabunt dominum, qui requirunt eum.

Ioan. 1.

Psal. 54.

2. Cor. 5.

Psa. 112.

Col. 2.

Psa. 112.

Psal. 21.

D I V I A V R E L I I
Augustini Confessionum
Liber vndecimus.

CAPVT I.

Cur confitemur Deo scienti.

N V N Q V I D Domine, cum tua sit
eternitas, ignoras, quæ tibi dico;
aut ad tempus vides, quod sit in tempo-
re? Cur ergo tibi tot rerum narrationes
digerò? Non utique, ut per me noueris
ea, sed affectum meum excito in te: & eo-
rum, qui hæc legant, ut dicamus omnes:
Psal. 95. Magnus Dominus, & laudabilis valde.
Iam dixi, & dicam, amore amoris tui fa-
cio istud. Nam & oramus, & tamen ve-
Mat. 6. ritas ait: Nouit pater vester, quid vobis
opus sit, prius quam petatis ab eo. Affe-
ctum ergo nostrum patefacimus in te,
confitendo tibi miseras nostras, & mise-
ricordias tuas super nos: ut liberes nos
Mat. 5. omnino, quoniam cœpisti, ut desinamus
esse miseri in nobis, & beatificemur in
te: quoniam vocasti nos, ut simus paupe-
res spiritu, & mites, & lugētes, & elurien-
tes ac sitientes iustitiam, & misericordes,

& mundi corde, & pacifici. Ecce narra-
ui tibi multa, quæ potui, & quæ volui;
quoniam tu prior voluisti, vt confiterer
tibi domino Deo meo, quoniam bonus Psa. 137.
es, quoniam in seculū misericordia tua.

CAPVT II.

*Petit liberari à peccato & ab errori-
bus, & duci ad verā cognitionem.*

Q VANDO autē sufficio calami lin-
gua enunciare omnia hortamenta
tua, & omnes terrores tuos & consola-
tiones & gubernationes, quibus me per-
daxisti prædicare verbum tuum, & sacra-
mentum tuum dispensare populo tuo? Et
si sufficio hæc enunciare ex ordine, caro
mihi valent stillæ temporum; & olim in-
ardescō meditari in lege tua, & in ea tibi
confiteri sciētiam & imperitiā meā,
primordia illuminationis tuæ, & reli-
quias tenebrarum mearum, quousque
deuoretur à fortitudine infinitas. Et
nolo, defluant in aliud horæ, quas in-
uenio liberas à necessitatibus reficiendi
corporis, & intentionis animi, & serui-
tutis, quā debemus hominibus, & quam
non debemus, & tamen reddimus.

2. Domine Deus meus intende oratio-

Q 3

nimæ,

ni meæ, & misericordia tua exaudiat desiderium meum: quoniam non mihi soli æstuat, sed vsui vult esse fraternæ charitati; & vides in corde meo, quia sic est; vt sacrificem tibi famulatû cogitationis & linguæ meæ; & da, quod offeram tibi.

Psal. 85.

Rom. 10.

Inops enim & pauper sum, tu diues in omnes inuocantes te, qui securus curam nostri geris. Circumcide ab omni temeritate, omniq̃ue mendacio, interiora & exteriora labia mea. Sint castæ deliciae meæ, scripturæ tuæ; nec fallar in eis, nec fallam ex eis. Domine attende, & misere Domine Deus meus, lux cæcorum & virtus infirmorum, statimq̃ue lux videntium & virtus fortium; attende animam meam, & audi clamantem de profundo. Nam nisi adsint & in profundo aures tuæ, quo ibimus? quo clamabimus? Tuus est dies, & tua est nox. Ad nutum tuum momenta transuolant.

Psal. 73.

3. Largire inde spaciû meditationibus nostris in abdita legis tuæ, neque aduersus pulsantes claudas eam. Neque enim frustra scribi voluisti tot paginarum opaca secreta. Aut non habet ille syonæ ceruos suos, recipiētes se in eos, & resumentes, & ambulantes, & pascentes, recumbentes, & ruminantes? O Domine perfice me, & reuela mihi eas. Ecce vox tua, gaudium

gaudium meum; vox tua, super affluen-
tiam voluptatum. Da, quod amo: Amo
enim, & hoc tu dedisti. Nec dona tua
deseras, nec herbam tuam spernas sitien-
tem. Confitear tibi, quicquid intuenero
in libris tuis; & audiam vocem laudis, &
te bibam, & considerem mirabilia de le-
ge tua; ab vsque principio, in quo fecisti
coelum & terram, vsque ad regnum te-
cum perpetuum sanctæ ciuitatis tuæ:
Domine miserere mei, & exaudi deside-
rium meum. Puto enim, quod non sit de
terra, non de auro & argento, & lapidi-
bus; aut decoris vestibus, aut honoribus
& potestatibus, aut voluptatibus carnis;
neque de necessarijs corpori, & huic vi-
tæ peregrinationis nostræ: quæ omnia
apponuntur, nobis quarētibus regnum
& iustitiam tuam. Vide Domine Deus
meus, vnde sit desiderium meum. Narra-
uerūt mihi iniusti delectationes suas, sed
non sicut lex tua Domine. Ecce vnde est
desiderium meum.

Psal. 118.

Psal. 112.

3. Vide pater, aspice, & approba; &
placeat in conspectu misericordiæ tuæ,
inuenire me gratiam ante te, vt aperian-
tur pulsanti mihi interiora sermonum
tuorum. Obsecro per Dominū nostrum
Iesum Christum filium tuum, virum
dexteræ tuæ, filiū hominis, quem confir-

- masti tibi mediatorem tuum & nostrum;
 per quem nos quesisti, non quærentes te;
Iean. 1. Quesisti autem, ut quæreremus te ver-
 bum tuum, per quod fecisti omnia, in
 quibus & me: vnicum tuum, per quem
 vocasti in adoptionem populum creden-
 tium, in quo & me: per eum te obsecro,
Rom. 8. qui sedet ad dexteram tuam, & te inter-
Col. 2. pellat pro nobis; in quo sunt omnes the-
 sauri sapientiæ & scientiæ absconditi.
Deut. 12. Ipsum quæro in libris tuis, Moyses de illo
Iuan. 5. scripsit: Hoc ipse ait, hoc veritas ait.

CAPVT III.

Creatio cœli & terre.

- Genes. 1.* 1. **A**VDIAM & intelligam, quomo-
 do in principio fecisti cœlum &
 terram. Scripsit, hoc Moyses, scripsit &
 abiit, transijt hinc ad te. Neque enim
 nunc ante me est: nam si esset, tenerem
 & rogarem eum, & per te obsecrarem, ve
 mihi ista panderet: & præberem aures
 corporis mei, sonis erumpentibus ex ore
 eius. Et si Hebræa voce loqueretur, fru-
 stra pulsaret sensum meum, nec inde men-
 tem meam quicquam tangeret. Si autem
 Latine, scirem quid diceret.

2. Sed vade scirem, an verum diceret
 Quod

Quod si & hoc scirem, num & ab illo scirem? Intus vtique mihi, intus in domicilio cogitationis; nec Hæbræa, nec Græca, nec Latina; nec Barbara vox, sed veritas, sine oris & linguæ organis, sine strepitu syllabarum diceret, verum dicit; & ego statim certus cōfidenter illi homini tuo dicerem, verum dicis. Cum ergo illum interrogare non possim, te, quo plenus vera dixit, veritas te rogo deus meus, rogo parce peccatis meis; & qui illi seruo tuo dedisti hæc dicere, da & mihi hæc intelligere.

CAPVT IIII.

Creatura clamat creatorem Deum.

ECCE sunt cœlum & terra; clamant, quòd facta sunt. Mutantur enim, atque variantur. Quicquid enim factum non est, & tamen est, non est in eo quicquam, quod ante non erat, quod est mutari atque variari. Clamant etiam, quòd se ipsa non fecerint, ideo sumus, quia facti sumus. Non ergo eramus, antequam essemus, vt fieri possemus a nobis. Et vox dicentium est, ipsa euidencia. Tu ergo domine fecisti ea; qui pulcher es, pulchra sunt enim: qui bonus es, bona sunt enim:

Q

qui

quies, sunt enim. Nec ita pulchra sunt, nec ita bona sunt, nec ita sunt, sicut tu cōditor eorum: cui comparata, nec pulchra sunt, nec bona sūt, nec sunt. Scimus hæc, gratias tibi. Et scientia nostra scientia tuæ comparata, ignorantia est.

CAPVT V.

Ex nihilo conditus mundus.

Genes. 1, 1. **I**N principio, fecit Deus cœlum & terram. Quomodo autē fecisti cœlum & terram, & quæ machina tā grandis operationis tuæ? Non enim sicut homo artifex formans corpus de corpore, arbitrata animæ volentis imponere vtrunque speciem, quam cernit in semet ipsa interno oculo. Et vnde hoc valeret, nisi quia tu facisti eam? Et imponit speciem iam existenti, & habenti vt esset, veluti terræ, aut lapidi, aut ligno, aut auro, aut id genus rerum cuiuslibet. Et vnde ista essent, nisi tu instituisse ea? Tu fabro corpus; tu animum membris impericantem fecisti; tu materiam, vnde facit aliquid: tu ingenium, quo artem capiat, & videat intus, quid faciat foris. Tu sensum corporis, quo interprete traiciat ab animo ad materiam, id quod facit, et enun-
ciet

ciet animo, quid factum sit; vt ille intus consulat præsidem sibi veritatem, an bene factum sit. Te laudent hæc omnia, creatorem omnium.

2. Sed tu quomodo facis ea? Quo-
modo fecisti Deus cælum & terram? Nō
vtique in cælo, neque in terra, fecisti cæ-
lū & terram; neque in aëre, aut in aquis,
quoniam & hæc pertinent ad cælum &
terram: Neque in vniuerso mundo feci-
sti vniuersum mūdum, quia non erat, vbi
fieret, antequam fieret, vt esset: Nec ma-
nu tenebas aliquid, vnde faceres cælum
& terram. Nam vnde tibi hoc, quod tu
non feceras, vnde aliquid faceres? Quid
enim est, nisi quia tu es? Ergo dixisti, & *Psalm. 106.*
facta sunt, atque in verbo tuo fecisti ea.

CAPVT VI.

Verbo aeterno Deus condidit omnia.

1. S E D quomodo dixisti? Nunquid il-
lo modo, quo facta est vox de nube,
dicens: Hic est filius meus dilectus? Illa *Mat. 17.*
enim vox acta atque transacta est, corpta
& finita. Sonuerunt syllabæ, atque tran-
sierunt; secunda post primam, tertia post
secundam; atque inde ex ordine, do-
nec ultima post cæteras, silentiumque

post ultimam. Vnde claret atque eminet, quod creaturæ motus expressit eam, seruans æternæ voluntati tuæ ipse temporalis. Et hæc ad tempus facta verba tua, nunciauit auris exterior menti prudenti, cuius auris interior posita est ad æternū verbum tuum. At illa comparauit hæc verba temporaliter sonantia, cum æterno in silentio verbo tuo, & dixit: Aliud est, longe aliud est. Hæc longe infra me sunt, nec sunt, quia fugiunt & prætereunt: verbum autem Dei supra me, manet in æternum.

Psa. 118.

2. Si ergo verbis sonantibus & prætereuntibus dixisti, vt fieret cœlum & terra, atque ita fecisti cœlum & terrā, erat iam creatura corporalis ante cœlū & terram, cuius motibus temporalibus temporaliter vox illa percurreret, nullum autem corpus ante cœlum & terram. Aut si erat, id certē sine transitoria voce feceras, vnde transitoriam vocem faceres, qua diceres, vt fieret cœlum & terra. Quicquid enim illud esset, vnde talis vox fieret, nisi abs te factum esset, omnino non esset. Vt ergo fieret corpus, vnde ista verba fieret, quo verbo à te dictum est?

CAPVT

CAPVT VII.

Filius Dei, verbū patris coæternum.

1. **V**Ocas itaque nos ad intelligendum verbum Deum apud te Deū, quod sempiternè dicitur, & eo sempiternè dicuntur omnia. Neque enim finitur, quod dicebatur; & dicitur aliud, vt possint dici omnia, sed simul ac sempiternæ omnia. Alioquin, iam tempus, & mutatio, & non vera æternitas, nec vera immortalitas. Hoc noui Deus meus, & gratias ago. Noui, confiteor tibi Domine; mecumque nouit, & benedicit te, quisquis ingratus non est certæ veritati.

2. Nouimus Domine, nouimus; quoniam inquantum quicquid non est, quod erat, & est quod non erat, intantum moritur & oritur. Non ergo quicquam verbi tui cedit atque succedit, quoniam vere immortale atque æternum est. Et ideo verbo tuo tibi coæterno, simul & sempiterno dicis omnia, quæ dicis; & fit, quicquid dicis, vt fiat. Nec aliter, quam dicendo, facis; nec tamen simul & sempiterna sunt omnia, quæ dicendo facis.

CAPVT

CAPVT VIII.

Verbo Dei docemur in omnibus.

Joan. 1.

CVK quæso te, Domine Deus meus? Vt cunque video, sed quomodo id eloquar, nescio: nisi quia omne, quod esse incipit, & esse desinit; tunc esse incipit, & tunc desinit, quando debuisse incipere vel desinere in æterna ratione cognoscitur; vbi nec incipit aliquid, nec desinit? Ipsum est verbum tuum, quod & principium, qui & loquitur nobis. Sic in euangelio per carnem ait, & hoc insonuit foris auribus hominum, vt crederetur, & intus quæreretur, & inueniretur in æterna veritate, vbi omnes discipulos bonus & solus magister docet. Ibi audio (Domine) vocem tuam dicentem mihi, quoniam ille loquitur nobis, qui docet nos. Qui autem nō docet nos, etiam si loquitur, non nobis loquitur.

Joan. 3.

2. Quis porrò nos docet, nisi stabilis veritas? Quia & per creaturam mutabilem cum admonemur, ad veritatem stabilem ducimur; vbi verè discimus, cum stamus & audimus eam; & gaudio gaudemus propter vocem sponsi, reddentes nos vnde sumus. Et ideo principiū, quia nisi

nisi maneret, cum erraremus, non esset,
quo rediremus. Cum autem redimus
ab errore, cognoscendo utique redimus.
Ut autem cognoscamus, docet nos, quia
principium est, & loquitur nobis.

Ioan. 8.

CAPVT IX.

*Quomodo verbum Dei loquatur
cordi.*

IN hoc principio Deus fecisti calū *Genes. 1.*
& terram, in verbo tuo, in filio tuo,
in virtute tua, in sapientia tua, in verita-
te tua; miro modo dicens, & miro modo
faciens. Quis cōprehendet? Quis enar-
rabit? Quid est illud, quod interlucet mi-
hi, & percutit cor meum sine latione; &
inhorresco, & inardesco? Inhorresco, in
quantum dissimilis ei sum; inardesco, in
quantum similis ei sum.

2. Sapientia, sapientia ista est, quæ in-
terlucet mihi; discendens nubilum meū,
quod me rursus coeperit deficientem ab
ea caligine atque aggere peccatorum mearum.
Quoniam sic infirmatus est in egesta-
te vigor meus, ut nō sufferam bonū meū,
donec tu domine, qui propitiū factus es *Psal. 102.*
omnibus iniquitatibus meis, etiam sanes
languores meos. Quia & redimes de
corruptione vitam meam; & coronabis *Psal. 102.*

inc

Rom. 8.

Psa. 103.

me in miseratione & misericordia; & satiabis in bonis desiderium meum, quoniam renouabitur iuuentus mea, sicut aquilæ. Spe enim salui facti sumus, & promissa tua per patientiam expectamus. Audiat te intus sermocinans, qui potest. Ego fidenter ex oraculo tuo clamabo: Quam magnificata sunt opera tua domine, omnia in sapientia fecisti; & illa est principium, & in eo principio fecisti coelum & terram.

CAPVT X.

Voluntas Dei principium nescit.

NONNE ecce pleni sunt vernaculi sarrax, qui nobis dicunt: Quid faciebat Deus, antequam faceret coelum & terram? Si enim vacabat, inquiunt, & non operabatur aliquid, cur non sic semper & deinceps, quemadmodum retro semper cessauit ab opere? Si enim vllus motus in Deo nouus extitit, & voluntas noua, ut conderet creaturam, quam nunquam ante condiderat, quomodo iam vera æternitas, vbi oritur voluntas, que non erat? Neque enim voluntas Dei creatura est, sed ante creaturam, quia non crearetur aliquid, nisi creatoris voluntas præcederet.

CAPVT

CAPVT XI.

Æternitas Dei nescit tempora.

I. **A**D ipsam ergo Dei substantiam, pertinet voluntas eius. Quod si exortum est aliquid in Dei substantia, quod prius non erat, non veraciter dicitur æterna illa substantia. Si autem voluntas Dei sempiterna erat, ut esset creatura, cur non sempiterna & creatura? Qui hæc dicunt, nondum te intelligunt (ô sapientia Dei, lux mentium) nondum intelligunt, quomodo fiant, quæ per te atque in te fiunt, & conantur æterna sapere; sed adhuc in præteritis & futuris rerum motibus, eorum volitat, & adhuc vanum est.

2. Quis tenebit illud, & affiget illud, ut paululū stet, & paululū rapiat splendore semper stans æternitatis, & cōparet cum temporibus nunquā stantibus, & videat esse incomparabilem, & videat longum tempus, nisi ex multis prætereuntibus motibus, qui simul extendi non possunt, longum nō fieri; non autem præterire quicquam in æterno, sed totum esse præsens, nullum verò tempus totum esse præsens, & videat omne præteritum propelli, ex futuro, & omne futurum, ex præterito consequi.

consequi; & omne præteritū ac futurum, ab eo quod semper est præsens, creari & excurrere? Quis tenebit cor hominis, ut stet & videat, quomodo stās dicter futura & præterita tempora, nec futura nec præterita æternitas? Nūquid manus mea valet hoc, aut manus oris mei per loquelas agit tam grandem rem?

CAPVT XII

Quid Deus fecerit ante mundi creationem.

ECCE respondeo dicēti, quid faciebat Deus, antequam faceret cælum & terram? Respondeo non illud, quod quidam respondisse perhibetur ioculariter, eludens quæstionis violentiam. Alta, inquit, scrutantibus gehennas parabat. Aliud est videre, aliud est ridere. Hęc non respondeo. Libentius enim respōderim, nescio, quod nescio; quàm illud, vnde irideretur, qui alta interrogauit; & laudatur, qui falsa respondebit. Sed dico te Deus noster, omnis creaturæ creatorem. Et si cæli & terræ nomine omnis creatura intelligitur, audenter dico: Antequam faceret Deus cælum & terram, nō faciebat aliquid. Si enim faciebat, quid nisi crea-

creaturam faciebat? Et vtinam sic sciam,
quicquid vtiliter scire cupio; quemad-
modum scio, quòd nulla fiebat creatura,
antequam fieret vlla creatura.

CAPVT XIII.

*Quod ante tempora à Deo creata,
nulla fuerint tempora.*

I. **A**T si cuiusquam volatilis sensus
vagatur per imagines retro tem-
porum, & te Deum omnipotentem, &
omnia creantem, & omnitenentem, cæ-
li & terræ artificem, ab opere tanto, an-
tequam id faceres, per innumerabilia se-
cula cessasse miratur, euigilet atque at-
tendat, quia falsa miratur. Nam vnde po-
terant innumerabilia secula præterire,
quæ ipse non feceras, cum sis omnium se-
culorū autor & conditor? Aut quæ tem-
pora fuissent, quæ abs te condita non es-
sent? Aut quomodo præterirent, si nun-
quam fuissent? Cum ergo sis operator
omnium temporum, si fuit aliquod tem-
pus, antequam faceres cælum & terram,
cur dicitur, quod ab opere cessabas? Id-
ipsum enim tempus tu feceras; nec præ-
terire potuerunt tempora, antequam fa-
ceres tempora. Si autem ante cælum &
terram nullū erat tempus, cur queritur,
quid tunc faciebas. Nō enim erat tūc, vbi
non.

non erat tempus; nec tu tempore tēpora
præcedis; alioquin non omnia tempora
præcederes.

Ps. 101.

2. Sed præcedis omnia tempora præte-
rita, celsitudine semper præsentis æterni-
tatis; & superas omnia futura, quia & illa
futura sunt; & cum venerint, præterita
erunt; tu autem idem ipse es, & anni tui
non deficient. Anni tui nec eunt, nec ve-
niunt: isti enim nostri, & eunt, & veniūt,
ut omnes veniant. Anni tui omnes simul
stant, quoniā stant; nec euntes a venien-
tibus excluduntur, quia non transeunt:
isti autem nostri omnes erūt, cum omnes
non erūt. Anni tui dies vnus, & dies tuus
non quotidie, sed hodie: quia hodiernus
tuus non cedit crastino, neque succedit
hesterno: Hodiernus tuus æternitas, id-
co coæternum genuisti, cui dixisti: Ego
hodie genui te. Omnia tempora tu feci-
sti, & ante omnia tempora tu es, nec
aliquo tempore non erat tempus.

Ps. 109.

CAPVT XIII.

Temporis differentia tres.

NVLLO ergo tempore non feceras
aliquid, quia ipsum tempus tu fe-
ceras: & nulla tēpora tibi coæterna sunt,
quia

quia tu permanes. At illa si permanerent, non essent tempora. Quid enim est tempus? Quis hoc facile breuiterque explicauerit? Quis hoc ad verbum de illo proferendum vel cogitatione comprehenderit? Quid autem familiarius & notius in loquendo cōmemoramus, quā tempus? Et intelligimus utique, cū id loquimur; intelligimus etiam, cum alio loquente id audimus.

2. Quid ergo est tempus? Si nemo ex me quærat, scio; si quærenti explicare velim, nescio: Fidenter tamē dico scire me, quod si nihil præteriret, non esset præteritum tempus; & si nihil adueniret, non esset futurum tempus; & si nihil esset, nō esset præsens tempus. Duo ergo illa tempora, præteritum & futurum, quomodo sunt, quando & præteritum iam non est, & futurum nondum est? Præsens autem si semper esset præsens, nec in præteritum transiret, iam non esset tempus, sed æternitas. Si ergo præsens, ut tempus sit, ideo fit, quia in præteritum transit, quomodo & hoc esse dicimus, cui causa, ut sit, illa est, quia non erit? ut scilicet non vere dicamus tempus esse, nisi quia tendit ad non esse.

CAPVT XV.

Mensura temporis in quo.

1. **E**T tamen dicimus longum tempus & breue tempus, neque hoc nisi de præterito aut futuro dicimus. Præteritum tempus longum (verbi gratia) vocamus ante centum annos, futurum itidem longum post centum annos. Breue autem præteritum (sicut puta) dicimus ante decem dies, & breue futurum post decem dies. Sed quo pacto longum est aut breue, quod non est? Præteritum enim iam non est, & futurum nondum est. Non itaque dicamus, longum est, sed dicamus de præterito longum fuit, & de futuro longum erit. Domine Deus meus lux mea, nonne & hic veritas tua deridebit hominem? Quod enim longum fuit præteritum tempus, cum iam esset præteritum, longum fuit, an cum adhuc præsens esset? Tunc enim poterat esse longum, quando erat, quod esset longum, Præteritum verò iam non erat, unde nec longum esse poterat, quod omnino non erat. Non ergo dicamus, longum fuit præteritum tempus, neque enim inueniemus, quid fuerit longum; quando, ex quo præteritum est, non est. Sed dicamus, longum fuit illud præsens

fens tempus, quia cum præsens esset, longum erat. Nōdum enim præterierat, vt non esse, & ideo erat, quod longum esse posset. Postea verò quam præterijt, simul & longum esse destitit, quod esse destitit.

2. Videamus ergo anima humana, vtrum & præsens tempus possit esse longum. Datum enim tibi est sentire moras, atque metiri. Quid respōdebis mihi? An centum anni præsentes, longum tempus est? Vide prius, vtrum possint præsentes esse centum anni. Si enim primus eorum annus agitur, ipse præsens est; non agitura verò & nouem futuri sunt, & ideo nōdum sunt. Si autem secundus annus agitur, iā vnus est præteritus, alter præsens, ceteri futuri: Atque ita si mediorū quolibet centenarij huius numeri annū præsentem posuerimus, ante illum præteriti erunt, post illum futuri. Quocirca centū anni, præsentes esse non potuerunt. Vide saltem, vtrū qui agitur, vnus ipse sit præsens; & eius enim, si primus agitur mēsis, futuri sunt ceteri. Si secundus, iam & primus præterijt, & reliqui nondum sunt. Ergo nec annus, qui agitur, totus est præsens: & si non totus est præsens, non est annus præsens. Duodecim enim menses annus est, quorum quilibet vnus mensis

mensis, qui agitur, ipse præsens est, cæteri autem præteriti aut futuri. Quanquam neque mensis, qui agitur, præsens est, sed vnus dies. Si primus, futuris cæteris; si nouissimus, præteritis cæteris; si mediorum quilibet, inter præteritos & futuros.

3. Ecce præsens tempus, quod solum inueniebamus, longum appellandum, vix ad vnus diei spacium cōtractum est: Sed discutiamus etiam ipsum, quia nec vnus dies totus est præsens. Nocturnis enim & diurnis horis omnibus viginti-quatuor expletur. Quarum prima cæteras futuras habet, nouissima præteritas, aliqua verò interiectarum ante se præteritas, post se futuras. Et ipsa vna hora, fugitiuis particulis agitur. Quicquid eius auolauit, præteritum est; quicquid eius restat, futurum. Si quid intelligitur temporis, quod in nullas iam, vel in minutissimas momentorum partes diuidi possit, id solum est, quod præsens dicatur. Quod tamen ita raptim a futuro in præteritum trāsuolat, vt nulla morula extendatur: Nam si extenditur, diuiditur in præteritum & futurum. Præsens autem nullum habet spacium. Vbi est ergo tempus, quod longum dicamus? An futurum? Non quidem dicimus longum est, quia nondum est; quod longum sit, sed dicimus longum erit.

Quando

Quando igitur erit? Si enim & tunc, cum adhuc futurum erit, non erit longū, quia quid sit longum, nondum erit. Si autem tunc erit longum, cum ex futuro, quod nondum est, esse iam cœperit, & præsens factum erit, vt possit esse, quod longum sit, iam superioribus vocibus clamat præsens tempus, longum se esse non posse.

CAPVT XVI.

Quale tempus metiri liceat, & quare non.

I. **E**T tamē Domine sentimus intervalla temporum, & comparamus sibi met, & dicimus alia longiora, & alia breviora. Metimur etiam, quāto sit brevius an lōgius illud tempus, quā illud; & respondemus, duplum esse hoc vel triplum, illud autem simplum; aut tantum hoc esse, quātum illud. Sed prætereuntia metimur tempora, cum sentiendo metimur. Præterita verò, quæ iam non sunt; aut futura, quæ nondum sunt, quis metiri potest; nisi forte audebit quis dicere, metiri potest, quod non est? Cum ergo præterit tempus, sentiri & metiri potest: cum autem præterierit, quoniam nō est, non potest.

R

CAPVT

tentio mea. Si enim sunt futura & præterita, volo scire, ubi sint. Quod si nondū valeo, scio tamen, ubicunque sunt, non ibi ea futura esse, aut præterita, sed præsentia. Nam si & ibi futura sunt, nondū ibi sunt: Si & ibi præterita sunt, iam ibi non sunt. Ubicunque ergo sunt, quæcunque sunt, non sunt nisi præsentia: quamquam præterita, cum vera narrantur, ex memoria proferuntur; non res ipsæ, quæ præterierunt; sed verba concepta ex imaginibus earum, quæ in animo velut vestigia per sensus prætereundo fixerunt. Pueritia quippe mea, quæ iam non est, in tempore præterito est, quod iam non est. Imaginem verò eius, cum eam recolo & narro, in præsentī tempore intueor, quia est adhuc in memoria mea.

2. Vtrum similis sit causa etiam prædicendorum futurorum, ut rerum quæ nondum sunt, iam existentes præsententur imagines, confiteor Deus meus, nescio. Illud sanè scio, nos plerunque præmeditari futuras actiones nostras, eamque præmeditationem esse præsentem; actionem autem, quam præmeditamur, nondum esse, quia futura est. Quam cum aggressi fuerimus, & quod præmeditamur agere cœperimus, tunc

erit illa actio; quia tunc non futura, sed
præsens est. Quoquomodo se itaque ha-
beat arcana præsentio futurorum, vide-
ri, nisi quod est, non potest. Quod autem
iam est, non futurum, sed præsens est. Cum
ergo videri dicuntur futura, non ipsa quæ
nondum sunt, id est, quæ futura sunt; sed
eorum causæ vel signa forsitan videntur,
quæ iam sunt. Ideo non futura, sed præ-
sentia sunt iam videntibus, ex quibus fu-
tura prædicantur animo concepta. Quæ
rursus conceptiones iam sunt, & eas præ-
sentes apud se intuentur, qui illa prædi-
cunt.

3. Loquatur mihi aliquod exemplum,
tanta rerum numerositas. Intueor auro-
ram, oriturum solem prænuncio. Quod
intueor, præsens est, quod prænuncio fu-
turum. Non sol futurus, qui iam est; sed
ortus eius, qui nondum est. Tamē etiam
ortum ipsum nisi animo imaginarer, si-
cut modo cum id loquor, non eum pos-
sem prædicere. Sed nec illa aurora, quam
in celo video, solis ortus est, quamuis
eum præcedat, nec illa imaginatio in a-
nimo meo; quæ duo præsentia cernun-
tur, vt futurus ille antedicatur. Futura
ergo nondum sunt. Et si nondum sunt,
non sunt: & si non sunt, videri omnino
non possunt; sed prædici possunt ex præ-
sentibus,

sentibus, quæ iam sunt, & videntur.

CAPVT XIX.

Quomodo præsciantur futura.

I. **T**V autem regnator creaturæ tuæ, quis est modus, quo doces animas, ea quæ futura sunt? Docuisti enim prophetas tuos. Quisnam ille modus est, quo doces futura, cui futurū quicquam non est; vel potius de futuris doces præsentia? Nam quod nō est, nec doceri vti que potest. Nimis longe est modus iste ab acie mea. Inualuit ex me, non potero ad illum: potero autem ex te, cum dederis tu dulce lūmen occultorū oculorum meorum.

CAPVT XX.

Differentiæ temporum quomodo nominanda.

I. **Q**UOD autem nunc liquet & claret, nec futura sunt, nec præterita. Nec propriè dicitur, tempora sunt tria, præteritum, præsens, & futurum: Sed fortasse propriè diceretur, tempora sunt tria: præsens de præteritis, præsens de præsentibus, præsens de futuris. Sunt enim hæc

in anima tria quædam, & alibi ea non vî-
deo. Præsens de præteritis memoria, præ-
sens de præsentibus contuitus, præsens
de futuris expectatio. Si hæc permitti-
mus dicere, tria tempora video, fateor-
que, tria sunt. Dicatur etiam, tempora
sunt tria, præteritū, præsens, & futurum,
sicut abutitur consuetudo, dicatur. Ecce
non curo, non resisto, nec reprehendo;
dum tamen intelligatur, quod dicitur;
neque id, quod futurum est, esse iam; ne-
que id, quod præteritum est. Pauca sunt
enim, quæ propriè loquimur, plura non
propriè: sed agnoscitur, quid velimus.

C A P V T X X I.

Quomodo tempus liceat metiri.

I. **D**IXI ergo paulò ante, quod præ-
tereuntia tempora metimur; vt
possimus dicere duplum esse hoc tempo-
ris, ad illud simplum; aut tantum hoc,
quantum illud, & si quid aliud de parti-
bus temporum, possumus renūciare me-
tiendo. Quocirca, vt dicebam, præter-
euntia metimur tempora. Et si quis mi-
hi dicat, vnde scis? respōdeam, scio, quia
metimur; nec metiri, quæ non sunt, pos-
sumus: & non sunt præterita, vel futura.
Præsens

Præfens verò tēpus quomodo metimur, quando non habet ſpaciū? Metimur ergo dum præterit: cum autē præterierit, non metimur. Quid enim metiatur, non erit.

2. Sed vnde, & quā, & quò prætererit, cum metitur? Vnde, niſi ex futuro? Quā, niſi per præſens: Quò, niſi in præteritū? Ex illo ergo, quod nondum eſt, per illud quod ſpacio caret, in illud quod iam non eſt. Quid autem metimur, niſi tempus in aliquo ſpacio? Neque enim dicimus ſimpla, & dupla, & tripla, & æqualia, & ſi quid hoc modo in tempore dicimus, niſi inter ſpacia temporum. In quo ergo ſpacio metimur tempus præteriens? Vtrum in futuro, vnde præterit? Sed quod nondum eſt, non metimur. An in præſenti, quā præterit? Sed nullum ſpaciū non metimur. An in præterito, quò præterit? Sed quod iam non eſt, non metimur.

CAPVT XXII.

Petit ænigmatis ſolutionem à Deo.

EXARSIT animus meus noſſe iſtud implicatiſſimum ænigma. Noli claudere Domine Deus, bone pater;

in anima tria quædam, & alibi ea non vīdeo. Præsens de præteritis memoria, præsens de præsentibus contuitus, præsens de futuris expectatio. Si hæc permittimus dicere, tria tempora video, fateor-que, tria sunt. Dicatur etiam, tempora sunt tria, præteritū, præsens, & futurum, sicut abutitur consuetudo, dicatur. Ecce non curo, non resisto, nec reprehendo; dum tamen intelligatur, quod dicitur; neque id, quod futurum est, esse iam; neque id, quod præteritum est. Pauca sunt enim, quæ propriè loquimur, plura non propriè: sed agnoscitur, quid velimus.

CAPVT XXI.

Quomodo tempus liceat metiri.

I. **D**IXI ergo paulò ante, quod prætereuntia tempora metimur; vt possimus dicere duplum esse hoc temporis, ad illud simplum; aut tantum hoc, quantum illud, & si quid aliud de partibus temporum, possumus renūciare metiendo. Quocirca, vt dicebam, prætereuntia metimur tempora. Et si quis mihi dicat, vnde scis? respōdeam, scio, quia metimur; nec metiri, quæ non sunt, possumus: & non sunt præterita, vel futura.

Præsens

Præfens verò tēpus quomodo metimur, quando non habet ſpaciū? Metimur ergo dum præterit: cum autē præterierit, non metimur. Quid enim metiatur, non erit.

2. Sed vnde, & qua, & quò præterierit, cum metitur? Vnde, niſi ex futuro? Quā, niſi per præſens: Quò, niſi in præteritū? Ex illo ergo, quod nondum eſt, per illud quod ſpacio caret, in illud quod iam non eſt. Quid autem metimur, niſi tempus in aliquo ſpacio? Neque enim dicimus ſimpla, & dupla, & tripla, & æqualia, & ſi quid hoc modo in tempore dicimus, niſi inter ſpacia temporum. In quo ergo ſpacio metimur tempus præteriens? Vtrum in futuro, vnde præterit? Sed quod nondum eſt, non metimur: An in præſenti, quā præterit? Sed nullum ſpaciū non metimur. An in præterito, quò præterit? Sed quod iam non eſt, non metimur.

CAPVT XXII.

Petit ænigmatis ſolutionem à Deo.

EXARSIT animus meus noſſe iſtud implicatiſſimum ænigma. Noli claudere Domine Deus, bone pater;

R. 4.

per

per Christum obsecro, noli claudere desiderio meo ista & vsitata & abdita, quominus in ea penetret, & dilucescant allucente misericordia tua Domine. Quem percunctabor de his? Et cui fructuosius confitebor imperitiam meam, nisi tibi, cui non sunt molesta studia mea, flammantia vehementer in scripturas tuas? Da, quod amo; amo enim, & hoc tu dedisti. Da pater, qui verè nosti data bona dare filiis tuis. Da, quoniam suscepi cognoscere te; & labor est ante me, donec aperias.

Mat. 7.

Psal. 72.

2. Per Christum obsecro, in nomine eius sancti sanctorum, nemo mihi obstrepat. Et ego credidi, propter quod & loquor. Hæc est spes mea, ad hanc * viuo, ut contemplet delectationes Domini. Ecce vereres posuisti dies meos, & transcunt; & quomodo, nescio. Et dicimus tempus & tempus, tempora & tempora. Quamdiu dixit hoc ille; quamdiu fecit hoc ille: & quam longo tempore illud non vidi; & duplum temporis habet hæc syllaba, ad illam simplam breuem. Dicimus hæc, & audimus hæc; & intelligimur, & intelligimus. Manifestissima & vsitatissima sunt, & eadem rursus nimis latent, & noua est inuentio eorum.

Isa' 115.
al. in hio

Psal. 38.

CAPVT XXIII.

Quid sit tempus.

AVDIVI à quodam homine docto, quòd solis ac lunæ ac syderum motus, ipsa sint tempora, & non anni. Cur enim non potius omnium corporum motus, sint tempora? An verò, si cessarent cæli lumina, & moueretur rota figuli, non esset tempus, quo metiremur eos gyros; & diceremus, aut æqualibus morulis agi; aut si aliàs tardius, aliàs velocius moueretur, alios magis diuturnos esse, alios minus? Aut cum hoc diceremus, nō & nos in tempore loqueremur? Aut essent in verbis nostris aliæ longæ syllabæ, aliæ breues; nisi quia illæ lōgiore tēpore sonuissent, istæ breuiore? Deus dona hominibus videre in paruo, cōmunes notitias rerum, paruarum atque magnarum.

2: Sunt & sydera & luminaria cæli, in signis, & in temporibus, & in annis, & in diebus. Sunt verò, sed nec ego dixerim circuitum illius ligneolæ rotæ diem esse, nec tamen ideo tempus non esse. Ille dixerit. Ego scire cupio vim naturamque temporis, quo metimur corporum mo-

R s

tus; &

tus; & dicimus illū motum, verbi gratia, tempore duplo esse diuturniorem quā istum. Nam quæro, quoniam dies dicitur, non tantum morula solis super terram, secundum quod aliud est dies, aliud nox; sed etiam totus eius circuitus, ab oriente vsque ad orientem, secundū quod dicimus, tot dies transierunt. Cum suis enim noctibus dicuntur tot dies, nec extra reputatur spacia noctium. Quoniam ergo dies expletur motu solis atque circuitu, ab oriente vsque ad orientem, quæro vtrum motus ipse sit dies, an mora ipsa quāta peragitur, an vtrumque. Si enim primum, dies esset: dies ergo esset, etiam si tāto spacio temporis sol cursum illum peregisset, quantum est horæ vnius. Si secundum, non ergo esset dies, si ab ortu solis vsque in ortum alterum, tam brevis mora esset, quā est horæ vnius: sed vicies & quater circumiret sol, vt expleret diem. Si vtrumque, nec ille appellaretur dies, si horæ spacio sol totum suum gyrum circumiret; nec illē, si sole cessante tantum temporis præteriret, quanto peragere sol totum ambitum de mane ad mane assolet.

3. Non itaque nunc quæram, quid sit, illud, quod vocatur dies: sed quid sit tempus, quo metientes solis circuitum, dicemus.

temus eum dimidio spacio temporis peractum minus quàm solet; si tanto spacio temporis peractus esset, quanto peraguntur horæ duodecim. Et vtrumque tempus comparantes diceremus illud simplum, hoc duplum; etiam si aliquando illo simplò, aliquando isto duplo, sol ab oriente vsque ad orientem circumiret. Nemo ergo mihi dicat, cœlestium corporum motus esse tempora; quia & cuiusdam voto cum sol steterisset, vt victoriosum prælium perageret, sol stabat, sed tempus ibat. Per suum quippe spacium temporis, quod ei sufficeret, illa pugna gesta atque finita est. Video igitur tempus, quandam esse distensionem: Sed video, an videre mihi videor? Tu demonstra-
Ios. 13.

CAPVT XXIIII.

Tempus est, quo metimur motum corporis.

R. V B E S, vt approbem, si quis dicat tempus esse motum corporis? Non iubes. Nam corpus nullum, nisi in tempore, moueri audio. Tu dicis, Ipsum autem corporis motum, tempus esse non audio. Nō tu dicis. Cum enim mouetur

R 6.

corpus,

corpus, tempore metior, quamdiu moueatur, ex quo moueri incipit, donec desinat. Et si non vidi, ex quo cœpit, & perseuerat moueri, vt non videam, cum desinit, nō valeo metiri; nisi fortè ex quo videre incipio, donec desinam. Quod si diu video, tantummodo longum tempus esse renuncio; non autem quantum sit: quia & quātum cum dicimus, collatione dicimus; velut tantum hoc quantū illud, aut duplum hoc ad illud; & si quid aliud isto modo: Si autem notare potuerimus locorum spacia, vnde & quo veniat corpus, quod mouetur; vel partes eius, si tanquam in torno mouetur, possumus dicere, quantum sit temporis, ex quo ab illo loco, vsque ad illum locum, motus corporis vel partis eius effectus est.

2. Cum itaque aliud sit motus corporis, aliud quo metimur, quamdiu sit: quis non sentiat, quid horum potius tempus dicendum sit? Nam & si variè corpus aliquando mouetur, aliquando stat; nō solum motum eius, sed etiam statum tempore metimur: & dicimus, tantum stetit, quātum motum est; aut. duplo vel triplo stetit, ad id quod motum est; & si quid aliud nostra dimensio siue cōprehenderit, siue existimauerit, vt dici solet plus minus. Non est ergo tēpus, corporis motus.

CAPVT XXV.

Rursus orat.

ET confiteor tibi (Domine) ignorare me adhuc, quid sit tempus; & rursus confiteor tibi Domine scire me in tempore ista dicere, & diu me iam loqui de tempore; atque id ipsum diu, non esse nisi moram temporis. Quomodo igitur hoc scio, quando quid sit tempus nescio? An fortè nescio, quemadmodum dicam, quod scio? Hei mihi, qui nescio saltem quid nesciam. Ecce Deus meus coram te, quia non mentior; sicut loquor, ita est cor meum. Tu illuminabis lucernam meam Domine, Deus meus illumina te. *Psal. 173.* nebras meas.

CAPVT XXVI.

Mensura pedum & syllabarum.

NONNE tibi cōfiteatur anima mea confessione veridica, metiri me tempora? Ita ne Deus meus metior, & quid metiar, nescio? Metior motum corporis in tempore, item ipsum tempus nō metior? An verò corporis motum metier.

rer, quamdiu sit, & quamdiu hinc illuc
perueniat, nisi tempus, in quo mouetur,
metirer? Ipsum ergo tēpus vnde metior?
An tempore breuiore metimur longius,
sicut spacio cubiti spaciū transtri? Sic
enim videmur spacio brevis syllabæ, me-
tiri spaciū longæ syllabæ, atque id du-
plum dicere. Ita metimur spacia carmi-
num, spacijs versuum; & spacia versuum,
spacijs pedum; & spacia pedum, spacijs
syllabarum; & spacia longarum, spacijs
breuium, non in paginis. Nam eo mo-
do loca metimur, non tempora. Sed
cum voces pronunciando transeunt, &
dicimus lōgum carmen est; nam tot ver-
sibus contextitur; longi versus, nam tot
pedibus constant: longi pedes, nam tot
syllabis tenduntur: longa syllaba, nam
dupla est ad breuem.

2. Sed neque ita comprehenditur certa
mensura temporis: quandoquidem fieri
potest, vt ampliori spacio temporis per-
sonæ versus breuior, si productius pro-
nunciatur, quàm longior, si correptius.
Ita carmen, ita pes, ita syllaba. Inde mi-
hi visum est, nihil esse aliud tēpus quàm
distensionem. sed cuius rei, nescio; & mi-
rum, si non ipsius animi. Quid enim me-
tior, obsecro Deus meus, & dico, aut in-
definitè longius est hoc tempus quàm
illud;

illud; aut etiam definitè, duplum est hoc, ad illud? Tempus metior, scio. Sed non metior futurum, quia nondum est. Non metior præsens, quia nullo spacio traditur. Non metior præteritum, quia iam non est. Quid ergo metior? An prætereuntia tempora, non præterita? Sic enim dixeram.

CAP. VT XXVII.

Quomodo metimur tempus.

IN SISTE anime meus, & attende fortiter. Deus adiutor noster, ipse ^{psal. 92.} fecit nos, & non ipsi nos. Attende, ubi albescit veritas. Ecce puta, vox corporis incipit sonare, & sonat, & adhuc sonat, & ecce desinit sonare, iam quies silentium est, & vox illa præterita est, & nō est iam. Vox futura erat, antequam sonaret; & non poterat metiri, quia nondum erat: & nunc nō potest, quia iam nō est. Tunc ergo poterat, cū sonabat, quia tunc erat, quæ metiri posset. Sed & tunc nō stabat, ibat enim, & præteribat. An ideo magis poterat? Præteriens igitur tendebatur in aliquod spacium temporis, quo metiri posset, quoniam præsens nullum habet spacium. Si ergo tunc poterat, ecce
puta,

puta, altera cœpit sonare, & adhuc sonat, continuato tenore sine vlla distinctione, metiamur eam, dum sonat. Cum enim sonare cessauerit, iam præterita erit, & non erit, quæ possit metiri.

2. Metiamur plane, & dicamus, quanta sit. Sed adhuc sonat, nec metiri potest, nisi ab initio sui quo sonare cœpit, vsque ad finem quo desinit. Ipsum quippe interuallū metimur, ab aliquo initio vsque ad aliquem finem. Quapropter vox, quæ nondum finita est, metiri non potest, vt dicatur, quā longa vel brevis sit: nec dici aut æqualis alicui, aut ad aliquam simpla, vel dupla, vel quid aliud. Cum autem finita fuerit, iam non erit. Quo pacto igitur metiri poterit? Et metimur tamen tempora, nec ea quæ nōdum sunt, nec ea quæ iam non sunt, nec ea quæ nulla mora extēduntur, nec ea quæ terminos non habent. Nec futura ergo, nec præterita, nec præsentia, nec prætereuntia tempora metimur, & metimur tamen tempora.

3. Deus creator omnium, versus iste octo syllabarum, breuibus & lōgis alternat syllabis. Quatuor itaque breues, prima, tertia, quinta, septima, simplæ sunt ad quatuor longas, secundam, quartam, sextam, & octauam. Hæ singulæ ad illas singulas, duplum habent temporis:

pro-

pronuncio & renuncio : & ita est, quantum sentitur sensu manifesto. Quatum sensus manifestus est, breui syllaba longam metior, eamque habere bis tantum sentio. Sed cum altera post alteram sonat, si prior brevis, longa posterior, quomodo tenebo breuem, & quomodo eam longè metiens applicabo, ut inueniam, quod bis tantum habeat; quandoquidem longa sonare non incipit, nisi brevis sonare destiterit? Ipsam quoque longam non presentem metior, quando nisi finitam non metior. Eius autem finitio, præteritio est. Quid ergo est, quod metior? Vbi est, quam metior, brevis? Vbi est longa, quam metior? Ambæ sonuerunt, & volauerunt, præterierunt, iam non sunt; & ego metior? Fidenterque respondeo, quantum exercitato sensu fiditur, illam simplam esse, illam duplam, in spacio scilicet temporis. Neque hoc possum, nisi quia præterierunt, & finitæ sunt. Non ergo ipsas, quæ iam non sunt, sed aliquid in memoria mea metior, quod infixum manet. In te anime meus tempora metior. Noli mihi obstrepere, quod est; noli tibi obstrepere turbis affectionum tuarum. In te, inquam, tempora metior, affectionem, quam res prætereuntes in te faciunt, & cum illæ præterierint, manet. Ipsam
metior.

tior præsentem, nõ eas quæ præterierũt, vt fieret. Ipsam metior, cum tempora metior. Ergo aut ipsa sunt tempora, aut nõ tempora metior.

4. Quid cum metimur silentia, & dicimus illud silentium tãtum tenuisse temporis, quantum illa vox tenuit: nõne cogitationem tendimus ad mensuram vocis, quasi sonaret; vt aliquid de interuallis silentiorum, in spacio temporis renunciare possimus? Nam & voce atque ore cessante, peragimus cogitando carmina, & versus, & quemque sermonem, motionumque dimensiones quaslibet; & de spacijs temporum, quantum illud ad illud sit, renunciamus, non aliter, ac si ea sonando diceremus. Si voluerit aliquis edere longiusculam vocem, & constituerit præmeditando quàm lõga futura sit, egit vtique iste spaciũ temporis in silentio, memoriæque commendans, cœpit edere illam vocem, quæ sonat, donec ad propositum terminum perducatur. Imò sonuit, & sonabit. Nam quod eius iam peractum est, vtique sonuit; quod autem restat, sonabit. Atque ita peragitur, dum præsens intentio futurum in præteritum traijcit, diminutione futuri crescẽte præterito, donec consummatione futuri sit totum præteritum.

CAPVT XXVIII.

Animo motimur tempora.

SED quomodo minuitur aut consumitur futurum; quod nondum est? Aut quomodo crescit præteritum, quod iam non est; nisi quia in animo, qui illud agit, tria sunt? Nam expectat, & attendit, & meminit; ut id quod expectat, per id quod attendit, transeat in id, quod meminerit. Quis igitur negat futura nōdum esse? Sed tamen iam est in animo expectatio futurorū. Et quis negat præterita iam non esse? Sed tamen adhuc est in animo membra præteritorū. Et quis negat præsens tempus carere spacio, quia in puncto præterit? Sed tamen perdurat attentio, per quam pergat abesse, quod aderit. Non igitur longum tempus futurum, quod non est; sed longum futurum, longa expectatio futuri est. Neque longum præteritum tempus, quod non est; sed longum præteritum, longa memoria præteriti est.

2. Dicturus sum canticum, quod noui. Antequam incipiam, in totū expectatio mea tēditur: Cum autem cœpero, quantum ex illo in præteritum decerpsero, tantum.

tantum tenditur in memoria mea, atque distenditur vita huius actionis meæ in memoriam, propter quod dixi; & in expectationē, propter quod dicturus sum; præsens tamen adest attentio mea, per quam traicitur, quod erat futurū, ut fiat præteritum. Quod quanto magis agitur & agitur, tanto breuiata expectatione prolongatur memoria; donec tota expectatio consumatur, cum tota illa actio finita transferit in memoriam. Et quod in toto cantico, hoc in singulis particulis eius fit, atque in singulis syllabis eius; hoc in actione longiore, cuius fortè particula est illud canticum; Hoc in tota vita hominis, cuius partes sunt omnes actiones hominis; Hoc in toto seculo filiorum hominum, cuius partes sunt omnes vitæ hominum.

CAPVT XXIX.

Animi extensio.

- Psal.* 62. 1. **S**ED quoniā melior est misericordia tua super vitas, ecce distensio est vita mea, & me suscepit dextera tua, in domino meo, mediatore filio hominis, inter te vnum & nos multos, in multis per multa; ut per eum apprehendam, in quo & appreh-

apprehensus sum; & à veteribus diebus colligar sequēs vnum, præterita oblitus: non in ea, quæ futura & transitura sunt; sed in ea, quæ ante sunt; nō distentus, sed *Phil. 4.* intentus; non secundum distensionem, sed secundum intētionem sequor ad palmam supernę vocationis: vbi audiam vocem laudis tuæ, & cōtempler delectationem tuā, nec venientem, nec prætereuntem. Nunc verò anni mei in gemitibus: & tu solatium meū Domine pater meus æternus es. At ego in tempora dissilui, quorum ordinem nescio; & tumultuosis varietatibus dilaniantur cogitationes meæ, intima viscera animæ meæ, donec in te confluum purgatus & liquidus, igne amoris tui.

CAPVT XXX.

Quo extendendus animus.

1. **E**T stabo atque solidabor in te, in forma mea veritate tua; nec patiar quæstiones hominum, qui pœnali morbo plus sitiunt quam capiunt, & dicunt: Quid faciebat Deus, antequam faceret cælū & terram? Aut quid ei venit in mentem, vt aliquid faceret, cum antea nunquam aliquid fecerit? Da illis Domine
benc

bene cogitare, quid dicant; & inuenire, quia non dicitur nunquam, ubi non est tempus. Quod ergo dicitur nunquam fecisse, quid aliud dicitur, nisi nullo tempore fecisse? Videant itaque nullum tempus esse posse sine creatura tua, & desināt istam vanitatem loqui. Extendantur etiam in ea, quæ ante sunt; & intelligant te ante omnia tempora, æternū creatorem omnium temporum; neque vlla tempora tibi esse coæterna, nec vllam creaturam, etiam si est aliqua supra tempora.

CAPVT XXXI.

Quomodo cognoscitur Deus, quomodo creatura.

DOMINE Deus meus, quis ille finis est alti secreti tui; & quàm longe inde me proiecerunt cōsequentia delictorum meorum: Sana oculos meos, vt congaudeam luci tuæ. Certè si est tam grandi scientia, & præscientia pollens animus, cui cuncta præterita & futura ita nota sint, sicut mihi vnum canticum notissimum; nimirum mirabilis est animus iste, atque ad horrorem stupēdus. Quippe, quem ita non lateat quicquid peractum, & quicquid reliquum seculorum est;

est; quemadmodum me non latet cantantem illud canticum, quid & quantum eius abierit ab exordio, quid & quantum restet ad finem. Sed absit, vt tu conditor vniuersitatis, conditor animarum & corporum, absit vt ita noueris omnia futura & præterita. Longe tu, longe mirabilius, longeque secretius. Neque enim sicut nota cantantis, notumve canticum audientis, expectatione vocum futurarum, & memoria præteritarum variatur affectus, sensusque distenditur; ita tibi aliquid accidit incommutabiliter æterno; hoc est, verè æterno creatori mentium. Sicut ergo nosti, in principio cœlum & terram, sine varietate notitiæ tuæ: *Gene. 1.* ita fecisti in principio cœlum & terram, sine distinctione actionis tuæ. Qui intelligit, confiteatur tibi: & qui non intelligit, confiteatur tibi. O quam excelsus es, & humiles corde sunt domus

tua! Tu enim erigis elisos,

& non cadunt quo-

rum fortitudo

tu es.

Psal. 137.

DIVI

DIVI AVRELII
Augustini Confessionum
Liber duodecimus.

CAPVT I.

Difficilis inquisitio veri.

MVLTA fatagit cor meum domi-
ne, in hac inopia vitæ meæ, pul-
satum verbis sanctæ scripturæ tuæ. Et
ideo plerumque in sermone, copiosa est
egestas humanæ intelligentiæ: quia plus
loquitur inquisitio, quam inuentio; &
longior est impetratione petitio; & ope-
rosior est manus pulsans, quam sumens.
Tenemus promissum, quis corrumpet
illud? Si Deus pro nobis, quis contra nos?
Rom. 8. Petite & accipietis: querite & inuenietis:
Mat. 7. Pulsate & aperietur vobis. Omnis enim,
qui petit, accipit: & quærit, inuenit; &
pulsanti aperietur. Promissa tua sunt.
Et quis falli timeat, cum promittit
veritas?

CAPVT

CAPVT II.

De duplici celo & terra.

CONFITEVR altitudini tuę humilitas linguę meę; quoniam tu fecisti cælum & terram: hoc cælum, quod video; terramque, quam calco. Vnde est hæc terra, quam porto? tu fecisti. Sed vbi est, cælum cæli domino de quo audiui-
 mus in voce Psalmi: Cælum cæli domi-
 no, terram autem dedit filijs hominum? *Psalmi*
 Vbi est cælum, quod non cernimus? cui terra est hoc omne, quod cernimus. Hoc enim totum corporeum, non vbique totum ita accepit speciem pulchram in nouissimis; cuius fundus est terra nostra; sed ad illud cælum cæli, etiã terrę nostrę cælum, terra est. Et hoc vtrūque magnū corpus, non absurde terra est, ad illud nescio quale cælum, quod domino est, non filijs hominum.

CAPVT III.

Tenebrę super faciem abyssi.

ET nimirum hæc terra erat inuisibilis & incompressa; & nescio, quę
 § pro-

profunditas abyssi, super quam non erat lux, quia nulla species erat illi. Vnde iussisti, vt scriberetur, quod tenebræ erant super abyssum; quid aliud, quàm lucis absentia? Vbi enim lux esset, si esset, nisi superesset eminendo & illustrando? Vbi ergo lux nondum erat, quid erat adesse tenebras, nisi abesse lucem? Super itaque erant tenebræ, quia lux super aberat; sicut sonus vbi non est, silentium est. Et quid est esse ibi silentium, nisi sonum ibi non esse? Nónne tu Domine docuisti hanc animam, quæ tibi confitetur? Nónne tu domine docuisti me, quod priusquam istam informem materiam formares atque distingueres, non erat aliquid, non color, non figura, non corpus, non spiritus? Non tamen omnino nihil; erat quædam informitas, sine vlla specie.

CAPVT IIII

Materia prima Hyle.

QUID ergo vocaretur, quo etiam sensu tardioribus vtcunque insinuaretur, nisi vsitato aliquo vocabulo? Quid autem in omnibus mûdi partibus, reperiri potest propinquius infirmitati omnimodæ, quàm terra & abyssus? Mi-
nus

nus enim speciosa sunt pro suo gradu infimo, quàm cætera superiora, perlucida & luculenta omnia. Cur ergo non accipiam informitatem materiæ, quam sine specie feceras, vnde speciosum mundum faceres; ita cōmode hominibus intimatam, vt appellaretur terra inuisibilis & incomposita?

CAPVT V.

Hyle qualis.

I. CVM in ea quærit cogitatio, quid sensus attingat; & dicit sibi, non est intelligibilis forma, sicut vita, sicut iustitia, quia materies est corporum: neque sensibilis est, quoniã quid videatur, & quid sentiatur in inuisibili & incomposita; non est. Dum sibi hæc dicit humana cogitatio, conetur eã vel nosse ignorando, vel ignorare noscendo.

CAPVT VI.

Quid senserit aliquando de materia prima, & quid modo.

I. EGŌ verò Domine, si totū confitear tibi ore meo & calamo meo, quicquid de ista materia docuisti me: cuius

antea nomen audiens & non intelligens
narrantibus mihi eis, qui non intellige-
rent eam, cum speciebus innumeris &
varijs cogitabam: Et ideo non eam co-
gitabam, fœdas & horribiles formas
perturbatis ordinibus voluebat ani-
mus; sed formas tamen: & informe ap-
pellabam, non quod careret forma, sed
quod talem haberet: vt si appareret inso-
litum & incongruum, auerfaretur sensus
meus, & conturbaretur infirmitas homi-
nis. Verû autem illud, quod cogitabam,
non priuatione omnis formæ sed com-
paratione formosiorum erat informe; &
suadebat vera ratio, vt omnis formæ qua-
lescûque reliquias omnino detraherem,
si vellem prorsus informe cogitare, & nō
poteram. Citius enim non esse cense-
bā, quod omni forma priuaretur; quam
cogitabam quiddam inter formam & ni-
hil, nec formatum, nec nihil, informe
prope nihil.

2. Et cessauit mens mea interrogare
hinc spiritum meum, plenum imagini-
bus formatorum corporum, & eas pro
arbitrio mutantem atque variantem. Et
intendi in ipsa corpora, eorumque mu-
tabilitatem altius inspexi, qua desinunt
esse, quod fuerant; & incipiunt esse, quod
non erant. Eundemque trāsitum de for-

ma

ma in formā, per informe quiddam fieri
 suspicatus sum, non per omnino nihil;
 sed nosse cupiebam, non suspicari. Et si
 totum tibi cōfiteatur vox & stylus meus,
 quicquid de ista quæstione enodasti mi-
 hi, quis legentium capere durabit? Nec
 ideo tamen cessabit cor meum dare tibi
 honorem & canticum laudis, de his quæ
 dictare non sufficit. Mutabilitas enim
 rerum mutabilium capax ipsa est forma-
 rum omnium, in quas mutantur res mu-
 tabiles. Et hæc quid est? Nunquid ani-
 mus? Nunquid corpus? Nunquid species
 animi vel corporis? Si dici posset, nihil a-
 liquid est, & non est, hoc eam dicerem;
 & tamen iam vtcunque erat, vt species
 caperet istas visibiles & compositas.

CAPVT VII.

Celum terra maius.

ET vnde vtcunque erat, nisi esset abs-
 te, à quo sunt omnia, in quantum-
 cunque sunt? Sed tanto à te longius,
 quanto dissimilius. Neque enim locis.
 Itaque tu domine, qui non es alias aliud,
 & alias aliter; sed id ipsum, & id ipsum, &
 id ipsum. Sanctus, sanctus, sanctus, Do- *Esa. 6.*
 minus Deus omnipotens: in principio,
 S. 3. quod

quod est in te; in sapientia, tua, quæ nata est de substantia tua, fecisti aliquid, & de nihilō.

Psalm. 113.

2. Fecisti enim cælum & terram, non de te: nam esset æquale vnigenito tuo, ac per hoc & tibi: & nullo modo iustum esset, ut æquale tibi esset, quod de te non esset. Et aliud præter te non erat, unde faceres ea Deus, vna trinitas, & trina vnitas. Et ideo de nihilo fecisti cælum & terram, magnum quiddam, & paruum quiddam; quoniam omnipotens & bonus es, ad faciēda omnia bona, magnum cælum, & parua terram. Tu eras, & aliud nihil, unde fecisti cælum & terram, duo quædam, vnum prope te, alterum prope nihil. Vnum, quo superior tu esses; alterum, quo inferior nihil esset.

E

CAPVT VIII.

Materia prima ex nihilo, ex hac omnia.

Psal. 113.

1. **S**ED illud cælum cæli tibi Domine, terrā autem quam dedisti filiis hominum cernendam atque tangendam, non erat talis, qualem nunc cernimus & tāgimus. Inuisibilis enim erat, & incomposita; & abyssus erat, super quam non erat lux, aut tenebræ erāt super abyssum; id est,

Gen. 1.

id est, magis quam in abyſſo. Iſta quippe abyſſus aquarum iam viſibilem, etiam in profundis ſuis habet ſpeciei ſuæ lucem, vtcunque ſenſibilem piſcibus & repentibus in ſuo fundo animantibus. Illud autem totum propè nihil erat, quoniam adhuc omnino informe erat. Iam tamen erat, quod formari poterat. Tu enim Domine feciſti mundum de materia informi, quam feciſti de nulla repenè nullam rem, vnde faceres magna, quæ miramur filij hominum.

2. Valde enim mirabile hoc cælū corporeum, quod firmamentū inter aquam & aquam, ſecundo die poſt cōditionem lucis dixiſti: Fiat, & ſic factum eſt. Quod firmamentum vocaſti cælum, ſed cælum terræ huius & maris, quæ feciſti tertio die dando ſpeciem viſibilem informi materiæ, quam feciſti ante omnem diem. Iam enim feceras & cælum ante omnem diem: ſed cælum cæli huius, quia in principio feceras cælum & terram: Terra autem ipſa, quam feceras, informis materies erat; quia inuiſibilis erat & incompoſita, & tenebræ ſuper abyſſum. De qua terra inuiſibili & incompoſita, de qua informitate, de quo penè nihilo faceres hæc omnia, quibus iſte mutabilis mūdus cōſtat; & nō cōſtat,

in quo ipsa mutabilitas apparet, & in qua
sentiri & dinumerari possunt tempora;
Quia rerum mutationibus fiunt tempo-
ra, dum variantur & vertuntur species,
quarum materies prædicta est terra in-
uisibilis.

CAPVT. IX.

Cælum cæli quid.

I. I D E O Q V E spiritus doctor famuli
tui, cum te commemorat fecisse in
principio cælum & terram, tacet de tem-
poribus, silet de diebus. Nimirum enim
cælū cæli, quod in principio fecisti, crea-
tura est aliqua intellectualis, quanquam
nequaquam tibi Trinitati coæterna: par-
ticeps tamen æternitatis tuæ, valde mu-
tabilitatem suam præ dulcedine fœlicis-
simæ contemplationis tuæ cohibet; & si-
ne vlllo lapsu, ex quo facta est, inherendo
tibi, excedit omnem volubilem vicissitu-
dinem temporum. Ista verò informitas
terræ inuisibilis & incompositæ, nec ipsa
in diebus numerata est. Vbi enim nulla
species, nullus ordo; nec venit quicquā,
nec præterit. Et vbi hoc non fit, nō sunt
vtique dies, nec vicissitudo spaciōrum
temporalium.

CAPVT X.

Credere scripturis.

QUONIAM VERITAS lumen cordis mei, non tenebre meę loquantur mihi. De-
fluxi ad ista, & obscuratus sum, sed hinc
etiam hinc adamaui te. Erraui, & recor-
datus sum tui. Audiui vocem tuam post
me, vt redirem, & vix audiui, propter tu-
multus peccatorum. Et nũc ecce redeo,
æstuans & anhelās ad fontem tuum. Ne-
mo me prohibeat, hunc bibam, & tunc
viuam. Nam non ego vita mea. Si male
vixi, ex me mors mihi fui, & in te reui-
uisco. Tu me alloquere, tu mihi sermo-
cinare. Credidi libris tuis, & verba eo-
rum arcana valde.

CAPVT XL

Quid à Deo didicerit.

IAM dixisti mihi Domine voce forti
in aurem interiorē, quia tu æter-
nus es, solus habens immortalitatem; 1. Tim. 33
quoniā ex nulla specie motiue mutaris;
nec temporibus variatur voluntas tua;
quia non est immortalis voluntas, quę
alia & alia est. Hoc in conspectu tuo cla-

ret mihi, & magis magisque clarescat; oro te; atque in ea manifestatione persistam sobrius, sub alis tuis. Item dixisti mihi domine voce forti in aurem interiorem, quod omnes naturas atque substantias, quæ non sunt, quod tu es, & tamen sunt, tu fecisti; & hoc solum à te non est, quod non est; motusque voluntatis à te, quies, ad id quod minus est; quia talis motus, delictum atque peccatum est: Et quod nullius peccatum, aut tibi nocet, aut perturbat ordinem imperij tui, vel in primo, vel in imo. Hoc in conspectu tuo claret mihi, & magis magisque clarescat, oro te; atque in ea manifestatione persistam sobrius, sub alis tuis.

2. Item dixisti mihi voce forti in aurem interiorem, quod nec illa creatura tibi coæterna est, cuius voluntas tu solus es, teque perseverantissima castitate hauriens, mutabilitatem suam nusquam & nunquam exerit; & te sibi semper præsentem, ad quem toto affectu se tenet, non habens futurum, quod expectet; nec in præteritum trajiciens, quod meminerit; nulla vice variatur, nec in tempora vlla distenditur. O beata, si qua ista est, inhærendo beatitudini tuæ; beata, sempiterno inhabitatore te atque illustratore suo. Nec inuenio, quid libentius appellandum
existi-

existimem, cælum cæli domino, quam domum tuā contemplantem delectationem tuam, sine vllō defectu egrediēdi in aliud; mētem puram cōcordissimē vnā stabilimēto pacis sanctorum spirituum, eiuium ciuitatis tuæ in cœlestibus, super ista cœlestia. Vnde intelligat anima, quātum peregrinatione longinqua facta est, si iam sitit tibi; si iam factę sunt ei lachrymę suę panis, dum dicitur ei per singulos dies, vbi est Deus tuus. Si iam petit a te vnam, & hanc requirit, vt inhabitet in domo tua, per omnes dies vitę suę. Psa 41.

3. Et quæ vitā eius, nisi tu? Et qui dies tui, nisi æternitas tua; sicut anni tui, qui non deficiunt, quia idem ipse es? Hinc ergo intelligat anima, quæ potest, quā longē super omnia tempora sis æternus, quando tua domus, quæ peregrinata nō est, quamuis nō sit tibi coæterna, tamen indefinenter & indeficienter tibi cohærendo, nullam patitur vicissitudinem temporum. Hoc in conspectu tuo claret mihi, & magis magisque clarescat, oro te; atque in hac manifestatione persistā sobrius, sub alis tuis. Ecce, nescio quid informe in istis mutationibus rerum extremarum atque infimarum. Et quis dicet mihi, nisi quisquis per inania cordis sui cum suis phantasmatibus vagatur. Psal. 103.

& voluitur? Quis nisi talis dicet mihi, quòd diminuta atque consumpta omni specie, si sola remaneat informitas, per quam de specie in speciem res mutabatur & vertebatur, possit exhibere vices temporum? Omnino enim non potest; quia sine varietate motionum, non sunt tempora: & nulla varietas, vbi nulla species.

CAPVT XII.

Creatura duplex.

I. **Q**VIBVS consideratis, quātum donas Deus meus, quantum me ad pulsandū excitas, quantumque pulsanti aperis: Duo reperiō, quæ fecisti carentia temporibus, cum tibi neutrum coæternum sit. Vnum, quod ita formatum est, vt sine vllō defectu contemplationis, sine vllō interuallō mutationis, quāuis mutabile, tamen non mutatum, tua æternitate atque incommutabilitate perfruatur. Alterum, quod ita informe erat, vt ex qua forma, in quam formam vel motionis vel stationis mutaretur, quo tempori subderetur, non haberet. Sed hoc, vt informe esset, non reliquisti; quoniam fecisti ante omnem diem, in principio caelum & terram; hæc duo quæ dicebam.

2. Terra autem inuisibilis erat & incomposita, & tenebræ super abyssum. Quibus verbis insinuatur informitas, vt gradatim excipiantur, qui omnimodam speciei priuationem, nec tamen ad nihilum peruentionem cogitare nō possunt; vnde fieret aliud cælum, & terra visibilis atque cōposita, & aqua speciosa, & quicquid deinceps in constitutione huius mundi, non sine diebus factum commemoratur: quia talia sunt, vt in eis agātur vicissitudines temporum, propter ordinatas commutationes motionum atque formarum.

CAPVT XIII.

Creatura spiritualis qualis.

HOC interim sentio Deus meus, cum audio loquētem scripturam tuam: in principio fecit Deus cælum & terram: terra autem erat inuisibilis & incomposita, & tenebræ erant super abyssum; neque commemorātem quoto die feceris hæc. Sic interim sentio, propter illud cælum celi, cælum intellectuale; vbi est intellectus nosse simul, non ex parte, *1. Cor. 13.* non in ænigmate, non per speculum, sed ex toto in manifestata facie ad faciē: non modo

modo hoc, modo illud, sed quod dictum est, nosse simul sine vlla vicissitudine temporum: & propter inuisibilem atque incompositam terram, sine vlla, vicissitudine temporum, quæ solet habere modo hoc & modo illud; quia vbi nulla species, nusquam est hoc aut illud. Propter duo hæc primitus formatum & penitus informe, illud cælum, sed cælū cæli; hoc vero terram, sed terram, inuisibilem & incompositam; propter duo hæc interim sentio sine commemoratione dierum, dicere scripturam tuam: In principio fecit Deus cælum & terram. Statim quippe subiecit, quam terram dixerit. Et quod secundo die, commemoratur factum firmamentum, & vocatum cælum, insinuat de quo cælo prius sine diebus sermo locutus sit.

Gen. 1.

CAPVT XIIIIE

Scriptura profunditas.

MIRA profunditas eloquiorū tuorum, quorū ecce ante nos superficies blandiens paruulis; sed profunditas Deus meus, mira profunditas. Horror est, intendere in eam; horror honoris, & tremor amoris. Odi hostes eius
vehe-

vehementer. O si occidas eos gladio bis acuto, & non sint hostes eius. Sic enim amo eos occidi sibi, vt viuant tibi. Ecce autem alij non reprehensores, sed laudatores libri Geneseos: Non, inquiunt, hoc voluit in his verbis intelligi spiritus Dei, qui per Moysen famulum eius ista conscripsit: non hoc voluit intelligi, quod tu dicis; sed aliud, quod nos dicimus. Quibus ego te arbitror, Deus omnium nostrorum, ita respondeo.

CAPVT XV.

*Quantum intersit, inter conditorem
& condita.*

I. **N**VM dicetis falsa esse, quæ mihi veritas voce forti in aurem interiori dicit, de vera æternitate creatoris; quod nequaquã eius substantia per tempora varietur; nec eius volũtas extra eius substantiam sit? Vnde nõ eum modo velle hoc; modo velle illud; sed semel & simul & semper velle omnia, quæ vult: non iterum, & iterum; neque nunc ista, nunc illa; nec velle postea, quod nolebat; aut nolle, quod prius volebat: quia talis voluntas mutabilis est, & omne mutabile æternũ non est: Deus autem noster æternus est. Item, quod mihi dicitur in aurem

interio-

interiorem, expectatio rerū venturarum fit cōtuitus, cum venerint; idemque cōtuitus fit memoria, cū præterierint. Omnis porrò intētio, quæ ita variatur, mutabilis est, & omne mutabile æternū non est; Deus autem noster æternus est. Hæc colligo, atque cōiungo; & inuenio Deū meum, Deum æternum; non aliquam tali noua voluntate condidisse creaturam, nec scientiam eius transitorium aliquid pati.

2. Quid ergo dicetis contradicētores? An falsa sunt ista? Non, inquiunt. Quid illud? Nam falsum est omnem naturam formatam materiāve formabilem non esse, nisi ab illo, qui summè bonus est, quia summè est? Neque hoc negamus, inquiunt. Quid igitur? An illud negatis, sublimem quandam esse creaturam, tam casto amore cohærentem Deo vero & vere æterno; vt quamuis ei coæterna non sit, in nullam tamen temporum varietatem & vicissitudinem, ab illo se resoluat ac defluat, sed in eius solius veracissima cōtemplatione requiescat? Quoniam tu Deus diligenti te, quantum præcipis, ostendis ei te, & sufficis ei; & ideo nō declinat à te, nec ad se. Hæc est domus Dei nō terrena, neque vlla cœlesti mole corporea; sed spiritalis & particeps æternitatis

tatis tuæ, quia sine labe in æternum. Statuisti enim eam in seculum & in seculum *Psal. 148.* seculi; præceptum posuisti, & non præteribit. Nec tamen tibi Deo coæterna, quoniam non sine initio, facta est enim. Nam & si non inuenimus tempus ante illam, prior quippe omnium creata est *2. sentent. distin. 2.* sapientia; nec utique illa sapientia tibi Deus noster, patri suo plane coæterna & æqualis, & per quam creata sunt omnia; & in quo principio, fecisti cælum & terram; sed profecto sapientia, quæ creata est, intellectualis natura scilicet, quæ contemplatione luminis lumen est: Dicitur enim & ipsa, quamuis creata, sapientia.

3. Sed quantum interest inter lumen, quod illuminat, & quod illuminatur; tantum inter sapiētiam quæ creat, & istam quæ creata est; sicut inter iustitiam iustificantem, & iustitiam, quæ iustificatione facta est. Nam & nos dicti sumus iustitia *2. Cor. 5.* tua. Ait enim quidam seruus tuus, ut nos sumus iustitia Dei in ipso. Ergo, quia *Eccle. 1.* prior omniū creata est quædam sapientia, quæ creata est mens rationalis & intellectualis. castæ ciuitatis tuæ, matris *Galat. 4.* nostræ, quæ sursum est, & libera est, & æterna in cælis: Quibus cælis, nisi qui te laudant cæli cælorum? Quia hoc est, & *Psal. 148.* cælum.

cælum cæli domino: Et si nō inuenimus tempus ante illam, quia & creaturā temporis antecedit, quæ prior omniū creata est; ante illam tamen est ipsius creatoris æternitas, à quo facta sumpsit exordium; quamuis non temporis, quoniam nondum erat tempus, ipsius tamen conditionis suæ. Vnde ita est abs te Deo nostro, vt aliud sit planè quàm tu, & non id ipsum. Quoniam & si non solum ante illam, sed nec in illa inuenimus tempus, quia est idonea faciem tuam semper videre, nec vsquam deflectitur ab ea. Quo fit, vt nulla mutatione varietur. Inest ei tamen ipsa mutabilitas, vnde tenebresceret & frigeret, nisi amore grandi tibi coherēs, tanquam semper meridies luceret, & ferueret ex te.

Psal. 25.

4. O domus luminosa & speciosa, dilexi decorem tuum, & locum habitationis gloriæ domini mei, fabricatoris & possessoris tui. Tibi suspiret peregrinatio mea; & dico ei, qui fecit te, vt possideat & me in te, quia fecit & me. Erraui sicut ouis perdita, sed in humeris pastoris mei, structoris tui, spero me reportari tibi. Quid dicitis mihi, quos alloquebar contradictores; qui tamen & Moysen pium famulū Dei, & libros eius oracula sancti spiritus creditis? Est ne ista domus Dei,

Psa. 118.

Luc. 15.

non

non quidem Deo coæterna, sed tamen secundum modum suum æterna in cælis; ubi vices temporū frustra queritis, quia non inuenietis? Supergreditur enim omnem distensionem & omne spacium ætatis volubile, cui semper inhærere Deo Psal. 72. bonum est. Est, inquiunt. Quid igitur ex his, quæ clamauit cor meum ad Deum meum, cum audiret interius vocē laudis eius, quid tandem falsum esse contenditis? An quia erat informis materies, ubi propter nullam formā nullus ordo erat? Vbi autem nullus ordo erat, nulla esse vicissitudo temporum poterat; & tamen hoc penè nihil. In quātum non omnia nihili erat, ab illo vtique erat, à quo est, quicquid est, quod vtcunque aliquid est. Hoc quoque aiunt, non negamus.

CAPVT XVI.

Aduersus eos, qui contradicunt veritati diuina.

I. CVM his enim volo coram te aliquid colloqui Deus meus, qui hæc omnia, quæ intus in mente mea non tacet veritas tua, vera esse cōcedunt. Nam qui hæc negant, latent quantum volunt & obstrepant sibi; persuadere conabor, vt quiescant, & viā præbeāt ad se verbo tuo.

Quod

Psa 27. Quod si noluerint & repulerint me, obsecro te Deus meus, ne tu sileas à me. Tu loquere in corde meo veraciter, solus enim tu si loqueris: Et dimittam eos foris sufflantes in puluerean, & excitantes terram in oculos suos: & intrem in cubile meum, & cantem tibi amatoria, gemens inenarrabiles gemitus in peregrinatione mea; & recordans Hierusalem, extento in eam sursum corde, Hierusalem patriam meam. Hierusalem matrem meam; reque super eam regnatorem, illustratorem, patrem, tutorem, maritum, castas & fortes delicias, & solidum gaudium, & omnia bona ineffabilia, simul & omnia, quia vnum summum & verum bonum: & non auertar, donec in eius pacem matris charissimæ, ubi sunt primitiæ spiritus mei, vnde mihi ista certa sunt, colligas totum quod sum, à dispersione & deformitate hac; & conformes atque cõfirmes in æternum; Deus meus, misericordia mea. Cum his autem, qui cuncta illa, quæ vera sunt, falsa esse non dicunt, honorantes & in culmine sequendæ autoritatis, nobiscum cõstituentes illam per sanctum Mõysen editam sanctam scripturam tuam; & tamen nobis aliquid contradicunt, ita loquor: Tu esto Deus noster arbiter, inter confessiones meas,

& contradictiones eorum.

CAPVT XVII.

*Quid cœli & terræ nominibus
significatum.*

I. **D**ICUNT enim, quamuis vera sint hæc, non ea tamen duo Moyses intuebatur, cum spiritu reuelante diceret: In principio fecit Deus cælum & terram. Non cœli nomine spiritalem vel intellectualem illam creaturam, semper faciem Dei contemplantem significauit; nec terræ nomine, informem materiam. *Gen. 1.* Quid igitur? Quod nos dicimus, inquit, hoc ille vir sensit, hoc verbis istis elocutus est. Quid illud est? Nomine aiunt cœli & terræ, totum istum visibilem mundum prius vniuersaliter & breuiter significare voluit, vt postea digereret dierum enumeratione; quasi articulatim vniuersa, quæ sancto spiritui placuit sic enunciare. Tales quippe homines erant, rudis ille atque carnalis populus, cui loquebatur; vt eis opera Dei, non nisi sola visibilia commendâda indicaret: terram verò inuisibilem & incompositam, tenebrosamque abyssum. Vnde consequenter ostenditur, per illos dies facta atque disposita esse cuncta ista visibilia, quæ

nota

nota sunt omnibus; non incongruenter informem istam materiam intelligēdam esse consentiunt.

2. Quid si dicat alius, eādem informitatem, confusionemque materiæ, cæli & terræ nomine prius insinuatam, quod ex ea mūdus iste visibilis, cum omnibus naturis, quæ in eo manifestissimè apparēt, qui cæli & terræ nomine sæpe appellari solet, conditus atque perfectus est? Quid si dicat & alius, cælum & terram quidem inuisibilem, visibilemque naturam non indecenter appellatam; ac per hoc vniuersam creaturam, quam fecit in sapientia; id est, in principio Deus, huiuscemodi duobus vocabulis esse comprehensam. Veruntamen, quia non de ipsa substātia Dei, sed ex nihilo cuncta facta sunt, quia nō sunt id ipsum quod Deus, & inest quedam mutabilitas omnibus; siue maneat, sicut æterna domus Dei; siue mutantur, sicut anima hominis & corpus, communem omnium rerum inuisibilium visibiliumque materiam adhuc informem, sed certè formabilem, vnde fieret cælum & terra, id est, inuisibilis atque visibilis iam vtraque formata creatura, his nominibus enunciata, quibus appellaretur terra inuisibilis & incompressa; & tenebræ super abyssum: ea distinctione,

ut terra inuisibilis & incomposita intelligatur materies corporalis, ante qualitatem formæ. Tenebrę autem super abyssum, spiritualis materies ante cohibitionem quasi fluentis immoderationis, & ante illuminationem sapientiæ?

3. Est adhuc quod dicat, si quis aliud velit, non scilicet iam perfectas atque formatas inuisibiles visibilesque naturas, cæli & terræ nomine significari, cum legitur: In principio fecit Deus cælum & terram; sed ipsam adhuc informem inchoationem rerum, formabilem creabilemque materiam his nominibus appellatam, quod in ea iam essent ista cōfusa, nondum qualitatibus formisque distincta; quæ nūc iam digesta suis ordinibus, vocantur cælum & terra; illa spiritualis, hæc corporalis creatura.

Gen. 1.

CAPVT XVIII.

Quis error innoxius in scripturis.

a. QVIBVS omnibus auditis & consideratis, nolo verbis cōtendere. Ad nihil enim vtile est, nisi ad subuersionem audientium. Ad ædificationē autem bona est lex, si quis ea legitime vtatur; quia finis eius est charitas, de corde puro, & con-

2. Tim. 2.

2. Tim. 1.

con-

Matt. 22. conscientia bona, & fide non ficta. Et novit magister noster, in quibus duobus præceptis, totam legem prophetasque suspendere. Quæ mihi ardentè confitenti, Deus meus, lumē oculorum meorum in occulto, quid mihi obest, cum diuersa in his verbis intelligi possint, quæ tamen vera sint? Quid inquam mihi obest, si aliud ego sensero, quàm sensit alius eum sensisse, qui scripsit? Omnes quidem, qui legimus, nitimur hoc indagare atque cōprehendere, quod voluit ille, quem legimus. Et cum eum veridicum credimus, nihil quod falsum esse vel nouimus vel putamus, audemus eum existimare dixisse: Dū ergo quisquis conatur id sentire in scripturis sanctis, quod in eis sensit ille, qui scripsit; quid mali est, si hoc sentiat, quod tu lux omnium veridicarum mentium, ostendis verum esse; etiam si hoc nō sensit ille, quem legit, cum & ille verum, nec tamen hoc senserit?

CAPVT XIX.

Quæ liquidò vera.

Gene. 1. I. **V**ERVM est enim Domine, fecisse te
 cœlum & terram; & verū est, Prin-
Psa. 103. cipium esse sapientiam tuam, in qua fe-
 cisti

cisti omnia. Item verum est, quod mūdus iste visibilis, habet magnas partes suas cælum & terram, breui complexione factarum omnium conditarumque naturarum. Et verum est, quod omne mutabile insinuat notitiæ nostræ quandam informitatem, qua formam capit, vel qua mutatur & vertitur. Verum est, nulla tēpora perpeti, quod ita cohæret formæ incommutabili; vt quamuis sit mutabile, non mutetur. Verum est informitatem, quæ propè nihil est, vices temporum habere non posse. Verum est, quod vnde fit aliquid, potest quodam genere locutionis habere iam nomen eius rei, quæ inde fit. Vnde potuit vocari cælum & terra quælibet informitas, vnde factū est cælum & terra. Verum est, omnium formatorum nihil esse informi vicinius, quàm terram & abyssum. Verū est, quod non solum creatum atque formatum, sed etiam quicquid creabile atque formabile est, tu fecisti, ex quo sunt omnia. Verum est, omne quod ex informi formatur, prius esse informe, deinde formatum.

CAPVT XX.

Gen. 1. In principio creauit, &c. variè intellectum.

Gen. 1. **1.** **E**X his omnibus veris, de quibus non dubitant, quorum interiori oculo talia videre donasti; & qui Moysen famulum tuum, in spiritu veritatis locutum esse immobiliter credunt: Ex his ergo omnibus aliud sibi tollit, qui dicit: In principio fecit Deus cælum & terram; id est, in verbo suo sibi coæterno, fecit Deus intelligibilem atque sensibilem, vel spiritualē corporalemque creaturam. Aliud, *Ibidem.* qui dicit: In principio fecit Deus cælum & terram; id est, in verbo suo sibi coæterno, fecit Deus vniuersam istam molem corporei mundi huius, cum omnibus, quas continet, manifestis notisque naturis.

Ibidem. **2.** Aliud, qui dicit: In principio fecit Deus cælū & terrā; id est, in verbo suo sibi coæterno, fecit Deus informem materiā creaturæ spiritualis & corporalis. Aliud,

Ibidem. qui dicit: In principio fecit Deus cælum & terram; id est, in verbo suo sibi coæterno, fecit Deus informem materiam creaturæ corporalis, vbi confusum adhuc

huc erat cælum & terra, quæ nunc iam distincta atque formata, in istius mundi mole sentimus. Aliud, qui dicit: In principio fecit Deus cælum & terram; id est, in ipso exordio faciendi atque operandi, fecit Deus informem materiam, confusè habentem cælum & terram; vnde formata nunc eminent & apparent, cum omnibus quæ in eis sunt. *Ibidem.*

CAPVT XXI:

Terra erat inanis: variè intellectum. Gene. 1.

I. TEM, quod attinet ad intellectum verborum sequētium, ex illis omnibus veris, aliud sibi tollit, qui dicit: Terra autem erat inuisibilis & incompressa, & tenebræ erant super abyssum; id est, incorporale illud, quod fecit Deus, adhuc materies erat corporearum rerum informis, sine ordine, sine luce. Aliud, qui dicit: Terra autē erat inuisibilis & incompressa, & tenebræ erant super abyssum; id est, hoc rotum, quod cælū & terra appellatū est, adhuc informis & tenebrosa materies erat, vnde fieret cælum corporeum & terra corporea, cum omnibus quæ in eis sunt, corporeis sensibus nota. Aliud, qui dicit: Terra autem erat inuisibilis &

incomposita, & tenebræ erāt super abyſſum; id eſt, hoc totum, quod cælū & terra appellatum eſt, adhuc informis & tenebroſa materies erat; vnde fieret cælum intelligibile, quod alibi dicitur cælū cæli; & terra, ſcilicet omnis natura corporea; ſub quo nomine, intelligatur etiam hoc cælum corporeum; id eſt, vnde fieret omnis inuiſibilis viſibilisq̃ue creatura.

2. Aliud, qui dicit: Terra autem erat inuiſibilis & incōpoſita, & tenebræ erant ſuper abyſſum, non illam informitatem nomine cæli & terræ Scriptura appellauit; ſed iam erat, inquit, ipſa informitas, quam terram inuiſibilem & incompoſitam tenebroſamq̃ue abyſſum nominauit, de qua cælū & terram Deum feciſſe prædixerat, ſpiritualem ſcilicet corporalemq̃ue creaturā. Aliud, quid dicit. Terra autem erat inuiſibilis & incompoſita, & tenebræ erant ſuper abyſſum; id eſt, informitas quædā iam materies erat, vnde cælum & terram Deum feciſſe Scriptura prædixit; totam ſcilicet corporeā mundi molem, in duas maximas partes, ſuperiorem atque inferiorem diſtributam, cum omnibus quę in eis ſunt, vſitatis notisq̃ue creaturis.

CAPVT XXII.

*Et aquæ, nomine celi ac terræ
significantur.*

1. **C**V M enim duabus istis extremis sententijs resistere quisquam ita tentauerit, si non vult istam informitatem materiæ, cæli & terræ nomine appellatam, videri; erat ergo aliquid, quod nō fecerat Deus, vnde cælum & terram faceret. Neq; enim scriptura narrauit, quòd istam materiam Deus fecerit, nisi vt intelligamus eam cæli & terræ, aut solius terræ vocabulo significatam, cum diceretur: In principio fecit Deus cælum & terrā; vt id, quod sequitur: Terra autem erat inuisibilis & incompressa, quamuis informem materiam sic placuerit appellare; non tamen intelligamus nisi eam, quam fecit deus, in eo quod scriptum est: Fecit Deus cælum & terram.

Gene. 1.

2. Respondebunt assertores duarum istarum sententiarum, quas extremas posuimus, aut illius aut illius, cum hæc audierint, & dicent: Informem quidē istam materiam non negamus à Deo factam, à quo sunt omnia bona valde. Quia sicut dicimus amplius bonum esse, quod creatum atque formatum est; ita fatemur mi-

nus bonum esse, quod factum est creabile atque formabile, sed tamen bonum. Non autem commemorasse scripturam, quod hanc informitatem fecerit Deus, sicut alia multa non commemoravit, ut Cherubin & Seraphin, & quæ Apostolus distincte ait, sedes, dominationes, principatus, potestates; quæ tamē omnia Deū fecisse, manifestum est.

3. Aut si in eo, quod dictum est: Fecit cælum & terram, comprehensa sunt omnia, quid de aquis dicimus, super quas ferebatur spiritus Dei? Si enim terra nominata simul intelliguntur, quomodo iam terræ nomine, materies informis accipitur, quādo tam speciosas aquas videmus? Aut si ita accipitur, cur ex eadem informitate scriptum est, factum firmamentum & vocatum cælum; neque scriptum est factas esse aquas? Non enim adhuc informes sunt & inuisæ, quas ita decora specie fluere cernimus. Aut si tunc acceperunt istam speciem, cum dixit Deus: Congregetur aqua, quæ est sub firmamento: ut congregatio sit ipsa formatio, quid respondebitur de aquis, quæ super firmamentum sunt? Quia neque informes tam honorabilem sedem accipere meruissent; nec scriptum est, qua voce formatae sint:

Gene. 1.

4. Vnde

4. Vnde si aliquid Genesis tacuit Deum fecisse, quod tamen Deū fecisse, nec sana fides, nec certus ambigit intellectus. Nec ideo vlla sobria doctrina dicere audebit, istas aquas coæternas Deo, quia in libro Genesios commemoratas quidem audiui-
mus; vbi autem factæ sint, non inuenimus. Cur non informem quoque illam materiem, quam scriptura hæc terram inuisibilem & incompositam, tenebro-
samque abyssum appellat, docente veritate intelligamus a Deo factam esse de nihilo: ideoque illi non esse coæternam, quamuis, vbi facta sit, omiserit enunciare ista narratio?

CAPVT XXIII.

*A sensu scriptura aberrare lenius est,
quam scripturam dicere falsam.*

1. **H**is ergo auditis atque perspectis, pro captu infirmitatis meæ, quam tibi confiteor sciēti Deo meo, duo video dissensionum genera oboriri posse, cum aliquid a nuncijs veracibus per signa enunciatur: Vnum, si de veritate rerum; alterum, si de ipsius, qui annūciat voluntate, dissensio est. Aliter enim quærimus de creaturæ cōditione, quid verū sit; aliter

autem, quid in his verbis Moyses egregius domesticus fidei tuæ, intelligere lectorem auditoremque voluerit. In illo primo genere discedant à me omnes, qui ea, quæ falsa sunt, se scire arbitrantur. In hoc item altero, discedant à me omnes, qui ea quæ falsa sunt, Moysen dixisse arbitrantur. Coniungar autem illis Domine in te, & delecter cum eis in te, qui veritate tua pascuntur in latitudine charitatis; & accedamus simul ad verba libri tui, & queramus in eis voluntatem tuam, per voluntatem famuli tui, cuius calamo dispensasti ea.

CAPVT XXIIII.

Verax est scriptura, etiam si non intelligatur.

SED quis nostrum sic inuenies eam inter tam multa verba, quæ in illis verbis aliter atque aliter intellectis, occurrunt quærentibus; vt tam fidenter dicat hoc sensisse Moysen, atque hoc in illa narratione voluisse intelligi, quàm fidenter dicit hoc verum esse, siue ille hoc senserit, siue aliud? Ecce enim Deus meus, ego seruus tuus, qui voui tibi sacrificium confessionis in his literis; & oro, vt ex misericordia

ſericordia tua reddam tibi vota mea.

2. Ecce ego quàm fidenter dico, in tuo verbo incommutabili, omnia te feciſſe, inuiſibilia & viſibilia. Nunquid tam fidenter dico, non aliud quàm hoc attendiſſe Moysen, cum ſcriberet: In principio fecit Deus cælum & terram? Quia non ſicut in tua veritate hoc cærtum video, ita in eius mète video id eum cogitaſſe, cum hæc ſcriberet. Potuit enim cogitare in ipſo faciendi exordio, cum diceret: In principio; potuit & cælum & terram hoc loco nullam iam formatā perfectamque naturam, ſiue ſpiritualem ſiue corporalem; ſed vtramque inchoatam & adhuc informem velle intelligi.

Gen. 1.

3. Video quippe vere potuiſſe dici, quicquid horum diceretur; ſed quid horum in his verbis ille cogitaſſet, non ita video. Quamuis ſiue aliquid horum, ſiue aliquid aliud, quod à me cōmemoratum non eſt, tantus vir ille mente cōſpexerit, cum hæc verba promeret, verum eum viſiſſe, apteque id enūciaſſe non dubitem. Nemo mihi iam moleſtus ſit dicēdo mihi, non hoc ſenſit Moysēs, quod tu dicis; ſed hoc ſenſit, quod ego dico. Si enim mihi diceret: vnde ſcis hoc ſenſiſſe Moysen, quod de his verbis eius eloqueris, æquo animo ferre deberem; & responderem

T. 5

fortaſſe.

fortasse, quæ superius respondi; vel aliquanto vberius, si essem durior.

CAP V T XXV.

Obscuritas Geneseos.

CV M vero dicit; Non hoc ille sensit, quod tu dicis, sed quod ego dico; neque tamen negat, quod vterque nostrum dicit, vtrumque verum esse. O vita pauperum Deus meus, in cuius sinu non est contradictio; plue mihi mitigationes in cor; vt patiēter tales feram, qui nō mihi hoc dicūt, quia diuini sunt; & in corde famuli tui viderūt, quod dicūt: Sed quia superbī sunt, nec nouerunt Moyse sententiā, sed amant suam; non quia vera est, sed quia sua est. Alioquin, & aliā veram pariter amarent, sicut & ego amo, quod dicunt, quādo verum dicunt; non quia ipsorum est, sed quia verum est; & ideo iam nec ipsorum est, quia verū est. Si autem ideo amant illud, quia verū est; iam & ipsorum est, & meum est; quoniam in commune omnium est veritatis amatorum.

2. Illud autem, quod contendunt non hoc sensisse Moyse, quod ego dico, sed quod ipsi dicunt, nolo, non amo: quia & fiita.

si ita est, tamen ista temeritas non scientiæ, sed audaciæ est: nec visus, sed typhus eam peperit. Ideoque Domine, tremenda sunt iudicia tua, quoniam veritas tua nec mea est, nec illius aut illius; sed omnium nostrum; quos ad eius communio-
nem publicè vocas; terribiliter admonēs nos, vt nolimus eam habere priuatam, ne priuemur ea. Nam quisquis id, quod tu omnibus ad fruēdum proponis, sibi propriè vindicat; & suum vult esse, quod omniū est; à cōmuni propellitur ad sua, hoc est à veritate ad mendacium. Qui enim *Ioan. 8.* loquitur mendacium, de suo loquitur.

3. Attende iudex bptime Deus, ipsa veritas attende, quid dicam contradictori huic; attende, coram te enim dico, & coram fratribus meis, qui legitime vtuntur lege vsque ad finem charitatis; attende, & vide, quid ei dicam, si placet tibi. Hanc enim vocem huic refero fraternam & pacificam. Si ambo videmus verum esse, quod dicis; & ambo videmus verum esse, quod dico, vbi quaeso id videmus? Nec ego vtique in te, nec tu in me, sed ambo in ipsa, quæ supra mentes nostras est, incommutabili veritate. Cum ergo de ipsa Domini Dei nostri luce non contendamus, cur de proximi cogitatione contendimus: Quam sic videre non

possumus, ut videtur incommutabilis veritas, quando si ipse Moyses apparuisset nobis, atque dixisset, hoc cogitavi; nec sic eam videremus, sed crederemus.

4. Non itaque supra, quàm scriptū est, vnus pro altero infletur aduersus alterū. *1. Cor. 4.*
Dent. 6. Diligamus Dominum Deum nostrum, ex toto corde, & ex tota anima, & ex tota mēte nostra, & proximum sicut nosmet ipsos. Propter quæ duo præcepta charitatis, sensisse Moysen, quicquid in illis libris sensit; nisi crediderimus, mendacem faciemus Deum; cum de animo cōserui, aliter quàm ille docuit, opinamur. Iam vide, quàm stultum sit, in tanta copia verissimarum sententiarum, quæ de illis verbis erui possunt, temere affirmare, quam earum Moyses potissimū senserit; & perniciosis contentionibus ipsam offendere charitatem, propter quam dixit omnia; cuius dicta conamur exponere.

CAPVT XXVI

Qui sermo deceat scripturam.

1. **E**T ramen ego, Deus meus, celsitudo humilitatis meæ, & requies laboris mei, qui audis cōfessiones meas, & dimittis peccata mea; quoniam tu mi-

hi

hi præcipis, vt diligam proximum sicut meipsum; non possum minus credere de Moyse fidelissimo famulo tuo, quàm mihi optarem ac desiderarem abs te dari aliquid muneris; si tempore illo natus essem, quo ille; eoque loci me cõstituissem, vt per seruitutem cordis ac linguæ meæ, literæ illæ dispensarentur; quæ tãto post essent omnibus gentibus profuturæ; & per vniuersum orbem, tanto autoritatis culmine omnium falsarum superbarumque doctrinarum verba superaturæ.

2. Vellem quippe, si tunc ego essem Moyses, ex eadem namque massa omnes venimus; & quid est homo, nisi quia me- Psal. 2. mor es eius? Vellem ergo, si tunc ego essem, quod ille; & mihi abs te Genesios liber scribendus iniungeretur, talem mihi eloquendi facultatem dari, & eum texendi sermonis modum; vt neque illi, qui nõdum queunt intelligere, quemadmodum creat Deus, tanquam excedentia vires suas, dicta recusarent: & illi, qui hoc iam possunt, in quamlibet veram sententiam cogitando venissent, eam non prætermittam in paucis verbis tui famuli reperirent: & si alius aliam vidisset in luce veritatis, nec ipsa in eisdem verbis intelligenda deesset.

CAPVT XXVII.

Ex fonte melius haurimus.

SICVT enim fons in paruo loco vberior est, pluribusque riuis in ampliora spacia fluxū ministrat, quā quilibet eorum riuorum, qui per multa locorum spacia, ab eodem fonte deducitur: ita narratio dispensatoris tui, sermocinaturis pluribus profutura, paruo sermonis modulo scaret fluente liquidæ veritatis: vnde sibi quisque verū, quod de his rebus potest, hic illud, ille illud, per longiores loquelarum anfractus trahat.

2. Alij enim, cum hæc verba legūt vel audiunt, cogitant Deum quasi, hominem, aut quasi aliquam molem immensa præditam potestate, nouo quodam & repentino placito; extra seipsam tanquā locis distantibus, fecisse cælū & terram: duo magna corpora supra & infra, quibus omnia continerentur. Et cum audiunt; Dixit Deus, fiat illud, & factum est illud; cogitant verba cœpta & finita, sonantia tēporibus atque transeuntia, post quorum transitum statim existeret, quod iussum est, vt existeret; & si quid forte aliud hoc modo ex familiaritate carnis

opi-

opinantur. In quibus adhuc paruulis animalibus. Dum isto humilimo genere verborum, tanquam materno sinu eorum gestatur infirmitas, salubriter ædificatur fides, qua certum habeant: & teneant Deum fecisse omnes naturas, quas eorū sensus mirabili varietate circumspicit. Quorum si quispiam quasi vilitatem dictorum aspernatus, extra nutritorias cunas superba imbecillitate se extenderit; heu cadet miserè. Domine Deus misere-re, ne implumem pullum conculcent, qui transeunt viam: & mitte angelum tuum, qui eum reponat in nido, vt viuat, donec volet.

CAPVT XXVIII.

Vane intelligitur à diuersis scriptura.

I. **A**LIJ verò, quibus hæc verba non iā nidus, sed opaca fructa sunt, vident in eis latentes fructus, & volitant latantes, & garriunt scrutantes, & carpunt eos. Vidēt enim; cum hæc verba legunt vel audiunt, tua Deus æterna & stabili permansione cūcta præterita & futura tempora superari; nec tamen quicquā esse temporalis creaturæ, quod tu non feceris. Cuius voluntas, quia idem est,
quod

quod tu, nullo modo mutata; vel quę antea non fuisset exorta voluntate, fecisti omnia; non de te similitudinem tuā formam omnium, sed de nihilo dissimilitudinē informemus, quę formaretur per similitudinem tuam, recurrens in te vnum pro captu ordinato, quantum cuique rerum in suo genere datum est; & fierēt omnia bona valde, siue maneant circa te, siue gradatim remotiorem distantia per tempora & loca pulchras narrationes faciant aut patiantur. Vident hæc, & gaudent in luce veritatis tuę, quantulum hinc valent.

Gene, 1.

2. Et alius eorum intendit in id, quod dictum est: In principio fecit Deus; & respicit sapientiam principium, quia & loquitur ipsa nobis. Alius itidem intendit in eadem verba, & principium intelligit exordium rerum conditarum; & sic accipit, In principio fecit; ac si diceretur, primo fecit; atque in eis, qui intelligunt, In principio; quod in sapiētia fecisti cælum & terram. Alius eorum, ipsum cælum & terram; creabilem materiem cæli & terrę, sic esse credit cognominatam: Alius iam formatas distinctasq; naturas: Alius vnā formatam eademque spiritualem, cæli nomine; aliam informem corporalis materię; terrę nomine. Qui autem intel-

intelligunt in nominibus cæli & terræ, adhuc informem materiem, de qua formaretur cælum & terra, nec ipsi vno modo id intelligunt; sed alius, vnde consummaretur intelligibilis sensibilisq; creatura; alius tātum, vnde sensibilis moles ista corporea, sinu grandi continens perspicuas promptasque naturas. Nec illi vno modo, qui iam dispositas digestasq; creaturas, cælum & terram vocari hoc loco credunt; sed alius inuisibilem atque visibilem; alius solam visibilem, in qua luminosum cælum suspicimus; & terram caliginosam, quæque in eis sunt.

CAPVT XXIX.

Quod modis dicitur aliquid prius.

I. **A**T illē, qui non aliter accipit: In principio fecit, quàm si diceretur, primo fecit; non habet, quomodo veraciter intelligat cælum & terram, nisi materiam cæli & terræ intelligat, videlicet vniuersæ, id est, intelligibilis corporalisque creaturæ. Si enim iam formatam velit vniuersam, rectè ab eo quæri poterit; si hoc primo fecit Deus, quid fecerit deinceps & post vniuersitatem non inueniet; ac per hoc audiet inuitus, quomodo illud

illud primo, si postea nihil. Cum vero dicit, primo informem, deinde formatam, non est absurdum; si modo est idoneus discernere, quid præcedat æternitate, quid tempore, quid electione, quid origine. Æternitate, sicut Deus omnia: tempore, sicut flos fructum: electione, sicut fructus florem: origine, sicut sonus cantum. In his quatuor, primū & vltimum, quæ commemoravi, difficillime intelliguntur, duo media facillime. Namque rara visio est & nimis ardua, conspiceret Dominæ æternitatem tuam, incommutabiliter mutabilia facientem, ac per hoc priorem.

2. Quis deinde sic acuto cernat animo, ut sine labore magno dignoscere valeat, quomodo sit prior sonus quàm cantus? Ideo, quia cantus est formatus sonus, & esse vtrique aliquid nō formatum potest; formari autem, quod non est, nō potest. Sic est prior materies, quàm id, quod ex ea fit. Non ideo prior, quia ipsa efficit, cum potius fiat; nec prior interuallo temporis. Neque enim priore tempore sonos edimus informes sine cantu, & eos posteriore tempore in formam cantici coaptamus aut fingimus; sicut ligna, quibus arca; vel argentum, quo vasculum fabricatur. Tales quippe materie,

tem-

tempore etiam præcedūt formas rerum; quæ fiunt ex eis. At in cantu, non ita est. Cum enim cantatur, auditur sonus eius. Non prius informiter sonat, & deinde formatur in cantum.

3. Quod enim primo vtcunque sonuerit, præterit; nec ex eo quicquam reperies, quod resumptum arte componas; & ideo cantus in sono suo vertitur, qui sonus eius, materies eius est. Idem quippe formatur, vt cantus sit; & ideo; sicut dicebam; prior materies sonandi quàm forma cantandì, non per faciendi potetiam prior. Neque enim sonus est cantandi artifex, sed cantanti animæ subiacet ex corpore, de quo cantum faciat. Nec tēpore prior, simul enim cum cantu editur. Nec prior electione; non enim potior sonus quàm cantus; quandoquidem cantus est non tantum sonus, verum etiam sonus speciosus. Sed prior est origine, quia non cantus formatur, vt sonus sit; sed sonus formatur, vt cantus sit. Hoc exemplo, qui potest, intelligat materiam rerum primo factam, & appellatam cælum & terram, quia inde facta sunt cælum & terra: Nec tempore primo factam, quia formæ rerum exerunt tempora; illa autem erat informis, iamque in temporibus simul animaduertitur.

Nec

Nec tamen de illa narrari aliquid potest, nisi velut tempore prior sit, cū pendatur extremior. Quia profectò meliora sunt formata, quàm informia; & præcedunt æternitate creatoris, vt esset de nihilo, vnde aliquid fieret.

CAPVT XXX.

*Scrutanda scriptura cum honore
scriptoris.*

IN hac diuersitate sententiarum verarum, concordiam pariat ipsa Veritas. Et deus noster misereatur nostri, vt legitimè lege vtamur præcepti fine, pura charitate. Ac per hoc, si quis quærit ex me, quid horum Moyses ille tuus famulus senserit, non sunt hi sermones confessionum mearum, si ubi non confiteor. Nescio, & scio tamen illas veras esse sententias, exceptis carnalibus; de quibus, quantum existimaui, locutus sum. Quos tamen bonæ spei paruulos, hæc verba libri tui non territant, alta humiliter, & pauca copiosè, Sed omnes, quos in eis verbis vera cernere ac dicere fateor, diligamus nos inuicem, pariterq; diligamus te deum nostrum, fontem veritatis; si non vana, sed ipsam sitimus; eundemque
famus.

famulum tuum scripturæ huius dispensatorem, spiritu tuo plenum, ita honoremus; vt hoc eum, te reuelante, cum hæc scriberet, attendisse credamus; quod in eis maximè, & luce veritatis, & fruge utilitatis excellit.

CAPVT XXXI.

*Veritas, à quocunque dicta,
recipienda.*

ITA cum alius dixerit, hoc sc̃sit, quod ego; & alius, imò illud, quod ego; religiosius me arbitror dicere, cur nō vtrūque potius, si vtrumque verum est? Et si quid tertium, & si quid quartū, & si quid omnino aliud verum quispiam in his verbis videt, cur non illa omnia vidisse credatur, per quem deus vnus sacras literas vera & diuersa visuris, multorum sensibus temperauit? Ego certè quod intrepidus de corde meo pronuncio, si ad culmen autoritatis aliquid scriberem, sic mallet scribere, vt quod veri quisque de his rebus capere posset, mea verba resonarent, quàm vt vnā verā sententiam ad hoc apertius ponerem; vt excluderem ceteras, quarum falsitas me non posset offendere. Nolo itaque deus meus tam præ-
ceptis

ceps esse, vt hoc illum virū de te meruisse non credam. Sensit ille omnino in his verbis, atque cogitauit, cum ea scriberet, quicquid hic veri potuimus inuenire; & quicquid nos non potuimus, aut nondum possumus, & tamen in eis inueniri potest.

CAP V T XXXII.

Veritas reuelata.

1. **P**OSTREMO Domine, qui Deus es, & non caro & sanguis; si quid homo minus vidit, nunquid & spiritum tuum bonum, qui deducet me in terrā rectam, latere potuit, quicquid eras in eis verbis tu ipse reuelaturus legentibus posteris; etiam si ille, per quem dicta sunt, vnā fortassis ex multis veris sententiam cogitauit? Quod si ita est, sit igitur illa, quam cogitauit, ceteris excellentior. Nobis autem Domine, aut ipsam demonstra, aut quam placet alteram veram; vt siue nobis hoc, quod etiam illi homini tuo; siue aliud ex eorundem verborum occasione patefacias, tu tamen pascas nos, nō error illudat.

2. Ecce Domine Deus meus, quam multa de paucis verbis; quā multa, oro te, scripsimus? Quæ nostræ vires, quæ tempora

tempora omnibus libris tuis, ad istum modū sufficiant? Sine itaque me breuius in eis confiteri tibi, & eligere vnum aliquid, quod tu inspiraueris verum, certum & bonum: etiam si multa occurrerint, vbi multa occurrere poterūt, ea fide confessionis meæ; vt si hoc dixerō, quod sensit minister tuus rectè atque optimè, id enim conari me oportet. Quod si affectus non fuero, id tamen dicam, quod mihi per eius verba veritas tua dicere voluerit; quæ illi quoque dixit, quod voluit.

D I V I A V R E L I I

Augustini Confessionum

Liber decimus- tertius.

C A P V T I.

Inuocat Deum.

1. **I**N V O C O te Deus meus, miserī-
cordia mea, qui fecisti me, & oblitum tui non oblitus es. Inuoco te in animam meam; quam præparas ad capiendum te ex desiderio, quod inspiras ei; nunc inuocātem te ne deseras, qui prius quā inuocare, præuenisti; & institisti cre-
brescens

brescens multimodis vocibus, vt audirem de longinquo, & conuerterer, & vocantem me inuocarem te. Tu enim Domine deleuisti omnia mala merita mea, ne retribueres manibus meis, in quibus à te defeci: & præuenisti omnia bona merita mea, vt retribueres manibus tuis, quibus me fecisti; quia & priusquam essem, tu eras. Nec eram, cui præstares, vt essem; & tamen ecce sum, ex bonitate tua præueniente totum hoc, quod me fecisti, & vnde me fecisti. Neque enim eguisti me, aut ego tale bonum sum, quo tu adiuueris domine meus, & Deus meus: Nō vt tibi sic seruiam, quasi ne fatigeris in agendo: Aut ne minor sit potestas tua, carens obsequio meo: Neque vt sic te colā, quasi terrā, vt sis incultus, si nō te colam: Sed vt seruiam tibi, & colam te, vt de te mihi bene sit; à quo mihi est, vt sum, cui bene sit.

CAPVT II.

*Colimus agrum, & colimus numen:
& de Ordine creaturarum.*

EX plenitudine quippe bonitatis tuę, creatura tua subsistit; vt bonū, quod tibi nihil prodesset, nec de te æquale tibi esset; tamen quia ex te fieri potuit,
non

non deesset. Quid enim te promeruit
 calum & terra, quæ fecisti in principio?
 Dicant, quid te promeruerunt spirituales
 corporalesque naturæ, quas fecisti in sa-
 pientia tua; ut inde penderent etiam in-
 choata & informia quæque in genere
 suo, vel spirituali, vel corporali, euntia
 in * immoderationem, & in lōginquam al mo-
 dissimilitudinem tuam. Spirituale infor- deratio-
 me præstantius, quàm si formatum cor- nem.
 pus esset: corporale autem informe præ-
 stantius, quàm si omnino nihil esset. At-
 que ita penderēt in tuo verbo informia,
 nisi per idem verbum reuocarentur ad v-
 nitatem tuam; & formarentur, & essent
 ab vno te summo bono vniuersa bona
 valde. Quid te promeruerunt, ut essent
 saltem informia; quia neque hoc essent,
 nisi ex te?

2. Quid te promeruit materies corpo-
 ralis, ut esset saltem inuisibilis & incom-
 posita? Quia neque hoc esset, nisi quia fe-
 cisti eam; ideoque te, quia non erat, pro-
 mererit ut esset, non poterat? Aut quid te
 promeruit inchoatio creaturæ spiritua-
 lis, ut saltem tenebrosa fluitaret, similis
 abyssō, tui dissimilis; nisi per idem verbū
 conuerteretur ad idem, à quo facta est;
 atque ab eo illuminata lux fieret; quam-
 vis non æqualiter, tamen conformis for-

ma æquali tibi? Sicut enim corpori, non hoc est esse, quod pulchrū esse, alioquin deforme esse non posset; ita etiam creato spiritui, non id est viuere, quod sapienter viuere, alioquin incommutabiliter sapieret. Bonū autem illi est hærere tibi semper, ne quod adeptus est conuersione, auersione lumen amittat, & relabatur in vitam tenebrosæ abyssio similem. Nam & nos, qui secundum animam creatura spiritualis sumus, auersi à te nostro lumine, in ea vita fuimus aliquando tenebræ; & in reliquijs obscuritatis nostræ laboramus, donec simus iustitia tua in vnico tuo, sicut montes Dei. Nam iudicia tua fuimus, sicut abyssus multa.

Eph. 5.

Psal. 35.

CAPVT III.

Ex Dei gratia omnia.

Gen. 1.

1. **Q**UOD autem in primis conditionibus dixisti, Fiat lux, & facta est lux; non incōgruenter hoc intelligo in creatura spirituali; quia erat iam qualiscunque vita, quam illuminares. Sed sicut nō te promeruerat, vt esset talis vita, quæ illuminari posset: ita nec cum iam esset, promeruit te, vt illuminaretur. Neque enim eius informitas placeret tibi, si non
lux

lux fieret; non existendo, sed intuendo illuminantem lucem, eique coherendo: ut & quod vtcunque viuit, & quod beate viuit, non deberet nisi gratiæ tuæ, cōuersa per commutationem meliorem ad id, quod neque in melius, neque in deterius cōmutari potest. Quod tu solus es, quia solus simpliciter es; cui non est aliud viuere, aliud beatè viuere, quia tua beatitudo tu es.

CAPVT IIII.

Deus non eget rebus conditis.

QUOD ergo tibi deesset ad bonum, quod tu tibi es, etiam si ista vel omnino nulla essent, vel informia remanerent; quæ non ex indigentia fecisti, sed ex plenitudine bonitatis tuæ, cohibens atque conuertens ad formam, non ut tanquam tuum gaudium compleatur ex eis? Perfecto enim tibi displicet eorum imperfectio, ut ex te perficiantur, & tibi placeant; non autem imperfecto, tanquam & tu eorum perfectione perficiendus sis. Spiritus enim tuus bonus superferebatur *Gene. i.* super aquas; non ferebatur ab eis, tanquam in eis requiesceret. In quibus enim requiescere dicitur spiritus tuus bonus, hos in se requiescere facit. Sed superferebatur

batur incorruptibilis & incommutabilis voluntas tua, ipsa in se sibi sufficiens super eam, quam feceras, vitam: cui non hoc est viuere, quod beate viuere; quia uiuit etiam fluitas in obscuritate sua: cui restat conuerti ad eum, à quo facta est; & magis magisque viuere apud fontem uitæ, & in lumine eius videre lumen, & perfici, & illustrari, & beari.

Psal. 35.

CAPVT V.

Filius principium.

ECCE apparet mihi in ænigmate Trinitas, quod es Deus meus; quoniam tu pater in principio, quod est tua sapientia de te nata, æqualis tibi & coæterna; id est, in filio tuo fecisti cælum & terram. Et multa diximus de cælo cæli, & de terra inuisibili & incomposita, & de abyssu tenebrosa, secundum spiritualis informitatis vagabunda deliquia; nisi conuerteretur ad eum, à quo erat qualiscunque vita: & illuminatione fieret speciosa vita, & esset cælum cæli eius, quod inter aquam & aquam postea factum est: & tenebam iam patrem in Dei nomine, qui fecit hæc; & filium in Principij nomine, in quo fecit hæc; & Trinitatem credens Deum

Deum meū, sicuti credebam; quærebam
in eloquijs sanctis eius, & ecce spiritus
eius superferebatur super aquas. Ecce
Trinitas Deus meus, Pater & Filius &
spiritus sanctus, creator vniuersæ crea-
turæ tuæ.

CAPVT VI.

Spiritus superflusus aquis.

IS ED quæ causa fuerat, ô lumen veri-
dicum. Tibi admoueo cor meum,
ne me vana doceat; discute tenebras eius,
& dic mihi, obsecro te per matrem cha-
ritatem; obsecro te, dic mihi, quæ causa
fuerat, vt post nominatum cælum & ter-
ram, inuisibilem & incompositam, & te-
nebras super abyssum, tum demum scri-
ptura tua nominaret spiritum tuum? Ad-
quia oportebat eum sic insinuari, vt dice-
retur superferri; & non posset hoc dici,
nisi prius illud commemoraretur, cui su-
perferri spiritus tuus posset intelligi. Nec
patri enim nec filio superferebatur: nec
superferri rectè diceretur, si nulli rei su-
perferretur. Prius ergo dicendū erat, cui
superferretur; & deinde ille, quem non o-
portebat aliter commemorari, nisi vt su-
perferri diceretur. Cur ergo aliter eū in-
sinuari non oportebat, nisi vt superferri
diceretur.

CAPVT VII.

Effectus spiritus.

1. **I** AM hinc sequatur, qui potest intel-
 lectu Apostolum tuum dicentem:
Rom. 5. quia charitas tua diffusa est, in cordibus
 nostris per spiritum sanctum, qui datus
 est nobis; & de spiritualibus docentem &
 demonstrantem supereminentem viam
 charitatis, & flectentem genua pro nobis
 ad te, vt cognoscamus supereminentem
 scientiam charitatis Christi. Ideoque ab
 initio supereminens superferebatur su-
 per aquas. Cui dicam? Quomodo dicam
 de pōdere cupiditatis in abruptam abyf-
 sum, & de subleuatione charitatis per
 spiritum tuum, qui superferebatur super
 aquas? Cui dicam? Quomodo dicam?
 Neque enim loca sunt, quibus mergi-
 mur, & emergimus. Quid similis, &
 quid dissimilis? Affectus sunt, amores
 sunt, immunditia spiritus nostri defluens
 inferius amore curarum, & sanctitas spi-
 ritus tui, attollens nos superius amore ser-
 curitatis, vt sursum corda habeamus ad
 te, vbi spiritus tuus superfertur super a-
 quas; & veniamus ad supereminentem
Psal. 123. requiem, cum pertransierit anima nostra
 aquas, quæ sunt sine substantia.

CAPVT VIII.

Spiritus fouens animas infirmas.

DEFLUXIT angelus, defluxit anima hominis, & indicauerūt abyssum vniuersæ spirituales creaturæ in profundo tenebroso. Nisi dixisses ab initio: Fiat lux, & facta esset lux, & inhæreter tibi omnis obediens intelligentia cœlestis ciuitatis tuæ; & requiesceret in spiritu tuo, qui superfertur incommutabiliter super omne mutabile. Alioquin, & ipsum cælum cæli tenebroso abyssus esset in se, nunc autem lux est in domino. Nam & in ipsa misera inquietudine defluentium spirituum, & indicantium tenebras suas nudatas veste luminis tui: satis ostendis, quàm magnam creaturam rationalem feceris, cui nullo modo sufficit ad beatam requiem, quicquid te minus est, ac per hoc nec ipsa sibi. Tu enim Deus non *Psal. 172* solum illuminabis tenebras nostras. Ex te enim oriuntur vestimēta nostra, & tenebræ nostræ sicut meridies erunt. *Psal. 138*

2. Da mihi te Deus meus, redde te mihi. Te enim amo; & si parum est, amen validius. Non possum metiri, vt sciam, quantum desit mihi amoris, ad id quod satis est, vt currat vita mea in amplexus

Psal. 30. tuos; nec auertatur, donec abscondar in abscondito vultus tui. Hoc tantum scio, quia male mihi est præter te, non solum extra me, sed & in meipso; & omnis mihi copia, quæ Deus meus non est, egestas est.

CAPVT IX.

*Cur solus spiritus feratur super
aquas.*

1. **N**VN QVID aut pater aut filius nõ superferebatur super aquas? Si tanquam loco, sicut corpus, nec spiritus sanctus. Si autem incommutabilis diuinitatis eminentia super omne mutabile, & Pater & Filius & Spiritus sanctus superferebatur super aquas. Cur ergo tantum de spiritu tuo, dictum est hoc? Cur de illo tantum dictum est, quasi locus ibi esset, qui non est locus; de quo solo dictum est, quod sit donum tuum? In dono tuo requiescemus: ibi te fruemur requies nostra, locus noster.

2. Amor illuc attollit nos, & spiritus tuus bonus exaltat humilitatem nostram de portis mortis. In bona voluntate, pax nobis est. Corpus pondere suo, nititur ad locum suum. Pondus non ad ima tantum est, sed ad locum suum. Ignis sursum tendit,

dit, deorsum lapis. Ponderibus suis aguntur, loca sua petunt. Oleum infra aquam fusum, supra aquam attollitur: aqua supra oleum fusa, infra oleum demergitur. Ponderibus suis aguntur, loca sua petunt. Minus ordinata, inquieta sunt; ordinantur, & quiescunt. Pondus meum, amor meus; eo feror, quocunque feror. Dono tito accendimur, & sursum ferimur. Inardescimus, & imus. Ascendimus ascensionem in corde, & cantamus canticum gradu. Igne tuo, igne tuo bono, inardescimus, & imus; quoniam sursum imus, ad pacem Hierusalem: quoniam iucundatus sum in his, quae dixerunt mihi, in domum domini ibimus. Ibi nos collocavit voluntas bona, ut nihil velimus aliud, quam permanere illic in aeternum. Psal. 83.

CAPVT X.

Ex dono Dei omnia.

I. **B**EATA creatura, quae non nouit aliud, cum esset ipsa aliud, nisi dono tuo, quod superfertur super omne mutabile, mox ut facta est, attolleretur nullo intervallo temporis, in ea vocatione, qua dixisti, Fiat lux, & facta est lux. In nobis enim distinguitur tempore, quod Gene. 1.

V. s.

tene-

Eph. 5. tenebræ fuimus, & lux efficiamur. In illa
verò dictum est, quid esset, nisi illumina-
retur. Et ita dictum est, quasi prius fue-
rit fluxa & tenebrosa: vt appareret cau-
sa, qua factum est, vt aliter esset; id est,
vt ad lumen indeficiens cōuersa lux esset.
Joan. 1. Qui potest, intelligat; qui non potest, a-
te petat. Vt quid mihi molestus est, quasi
ego illuminem vllum hominem venien-
tem in hunc mundum?

CAPVT XI.

Symbola trinitatis in homine.

TRINITATEM omnipotētem
quis intelligit? Et quis non loqui-
tur eam, si tamen eam? Rara anima, quæ
dum de illa loquitur, sciat, quid loqua-
tur. Et contendunt & dimicant, & nemo
fine pace videt istam visionem. Vellem,
vt hæc tria cogitarent homines in seipsis.
Lōge aliud sunt ista tria, quàm illa trini-
tas. Sed dico, vbi se exercent, & probent,
& sentiant, quàm lōgè sunt. Dico autem,
hæc tria, esse, nosse, velle. Sum enim; &
noui, & volo. Sum sciens, & volēs: & scio
esse me, & velle: & volo esse, & scire. In
his igitur tribus quàm sit inseparabilis
vita, & vna vita, & vna mens, & vna essen-
tia; quàm denique inseparabilis distin-
ctio,

*Esse,
nosse,
velle.*

ctio, & tamen distinctio, videat, qui potest. Certè coram se est, attendat in se, & videat, & dicat mihi.

2. Sed cum intuerit in his aliquid, & dixerit, non iam se putet inuenisse illud, quod supra ista est incommutabile, quod est incommutabiliter, & scit incommutabiliter, & vult incommutabiliter: Et vtrum propter tria hæc, & ibi trinitas; an in singulis hæc tria, aut terna singulorum sint: an vtrumque miris modis simpliciter & multipliciter infinito sibi in se sine, quo est, & sibi notū est, & sibi sufficit incommutabiliter idipsum copiosa vnitatis magnitudine, quis facile cogitauerit? quis vllō modo dixerit? quis quolibet modo temere pronunciauerit?

CAPVT XII.

Aqua baptismi, per spiritum efficax.

PROCEDE in cōfessione fides mea, dic Domino Deo tuo. Sancte, sancte, sancte Domine Deus meus, in nomine tuo baptizati sumus, Pater & Fili & Spiritus sancte. In nomine tuo baptizamus, pater & fili & spiritus sancte: quia & apud nos in Christo filio suo fecit Deus cælum & terram, spirituales & carnales ecclesiæ suæ, Et terra nostra, antequam

acciperet formam doctrinæ, inuisibilis erat & incompofita, & ignorantie tenebris tegebamur; quoniam pro iniquitate erudisti hominem, & iudicia tua ficut abyffus multa.

2. Sed quia fpiritus tuus fuperferebatur fuper aquam, non reliquit miferiam noſtram mifericordia tua, & dixiſti: Fiat lux. Pœnitentiã agite, appropinquauit enim rēgnũ cœlorũ. Pœnitentiã agite, fiat lux. Et quoniam contrurbata erat ad noſipſos anima noſtra, commemorati ſumus tui domine de terra Iordaniſ, & de monte æqualitibi, ſed paruò propter nos: & diſplicuerunt nobis tenebræ noſtræ, & conuerſi ſumus ad te, & facta eſt lux. Et ecce ſũmus aliquando tenebræ, nunc autem lux in domino.
- Matt. 3.*
- Ephē. 5.*

CAP V T XIII.

Ex ſpiritu; remiſſio pœccatorum.

- Rom. 8.* **E**T tamen adhuc per fidem, nõdum per ſpeciem. Spe enim ſalui facti ſumus. Spes enim, quę videtur, nõ eſt ſpes.
- Pſal. 41.* Adhuc, abyſſus abyſſum inuocat, ſed iam in voce cataractarum tuarum. Adhuc &
- 1. Cor. 3.* ille, qui dicit: Nõ potui vobis loqui quaſi ſpiritualibus, ſed quaſi carnalibus; etiam ipſe nondum ſe arbitratur comprehendiffe:
- Phil. 3.*

disse: & quæ retro oblitus, in ea quæ ante sunt, extenditur; & ingemiscit grauatús, & sinit anima eius ad Deū viuū, quem *Psal. 41.* admodum ceruus ad fontes aquarum, & dicit: Quando veniam? Habitaculum *2. Cor. 5.* suū, quod de cælo est, superindui cupiens; & inuocat inferiorem abyssum, dicens: Nolite cōformari huic seculo, sed refo- *Rom. 8.* ramini in nouitate mētis vestræ. Et nolite pueri effici sensibus, sed malitia per- *1. Cor. 14.* uili estote, vt sensibus perfecti sitis.

2. Et, ô stulti Galathæ, quis vos fasci- *Galas. 3.* nauit? Sed iam non in voce sua: in tua enim, qui misisti spiritum tuū de excelsis, *Ath. 2,* per eum, qui abscondit in altum; & aperuit cataractas donorum suorum, vt fluminis impetus latificaret ciuitatem tuā. Illi enim suspirat sponsi amicus, habens iam spiritus primitias penes eum; sed adhuc in semetipso ingemiscens, adoptionem expectans, redemptionem corporis sui, illi suspirat. Membrū est enim sponsæ, & illi zelat; amicus est enim sponsi, illi zelat, non sibi; quia in voce cataractarū tuarum, non in voce sua inuocat alteram abyssum; cui zelans timeret, ne sicut serpens Euam decepit astutia sua, sic & eorū sensus corrumpantur à castitate, quæ est in sponso nostro vnico tuo. Quæ est illa speciei lux: cum videbimus eū, sicuti est;

& transferint lachrymæ, quæ mihi factæ sunt panis die ac nocte, dum dicitur mihi quotidie, ybi est Deus tuus?

CAPVT XIII.

Fide & spe corroboramur.

ET ego dico: Deus meus, ybi es? Ecce, ybi es? Respiro in te paululum, cum effundo super me animam meam, in voce exultationis & confessionis soni festiuitatem celebrantis. Et adhuc tristis est, quia relabitur, & fit abyssus; vel potius, sentit adhuc se esse abyssum. Dicit ei fides mea, quam accendisti in nocte, ante pedes meos: Quare tristis es anima mea, & quare conturbas me? Spera in domino; Lucerna pedibus tuis verbū eius: Spera & perseuera, donec transeat nox mater iniquorum; donec transeat ira domini; cuius filij & nos fuimus aliquādo tenebræ; quarum residua trahimus in corpore propter peccatum mortuo; donec aspires dies, & remouēantur vmbre.

Caus. 2.

2. Spera in domino, Mane astabo tibi, & contemplanor, semper confitebor illi. Mane astabo, & videbo salutare vultus mei, Deum meum; qui viuificabit & mortalia corpora nostra propter spiritum

tum, qui habitat in nobis; quia super interius nostrum tenebrosum & fluidum, misericorditer superferebatur. Vnde in hac peregrinatione pignus accepimus, ut iam simus lux, dum adhuc spe salui facti sumus, & filij lucis, & filij diei; non filij noctis, neque tenebrarum, quod tamen fuimus. Inter quos & nos, in isto adhuc incerto humane notitie, tu solus diuidis, qui probas corda nostra; & vocas lucem diem, & tenebras noctem. Quis enim nos discernit, nisi tu? Quid autem habemus, quod non accepimus à te. Ex eadem massa vasa in honorem, ex qua sunt, & alia facta in contumeliam?

CAPVT XV.

Voce firmamenti scriptura intelligitur.

AUT quis, nisi tu Deus noster, fecisti nobis firmamentum autoritatis super nos, de scriptura tua diuina? Cælum enim plicabitur, ut liber; & nunc, sicut pellis, extenditur super nos. Sublimioris enim autoritatis est tua diuina scriptura, cum iam obierint ista mortem illi mortales, per quos eam dispensasti nobis. Et tu scis domine, tu scis, quem admodum

admodum pellibus indueris homines, cum peccato mortales fierent. Vnde sicut pellem extendisti firmamentum libri tui, cōcordes vtrique sermones tuos, quos per mortalium ministeriū superposuisti nobis. Namque ipsa eorum morte solidamentum autoritatis in eloquijs tuis per eos aditis, sublimiter extenditur super omnia, quæ subter sunt. Quod cum hic viderent, non ita sublimiter extentū erat. Nondum sicut pellem cælum extenderas, nondum mortis eorum famam usquequaque dilaraueras.

2. Videamus domine cælos, opera digitorum tuorum; differena oculis nostris nubilum, quo subtexisti eos. Ibi est testimonium tuum, sapientiam præstas parvulis. Perfice Deus meus laudem tuam, ex ore infantium & lactentium. Neque enim nouimus alios libros, ita destruentes superbiam, ita destruentes inimicum & defensorem, resistentem recōciliationi tuæ, defendēdo peccata sua. Non noui domine, nō noui alia tam casta eloquia, quæ sic mihi persuaderent cōfessionem, & lenirent cœuicem meam iugo tuo, & inuitarent colere te gratis. Intelligam ea pater bone; da mihi hæc subterposito, quia subterpositis solidasti ea.

3. Sūt aliæ aquæ, super hoc firmamen-

tum,

Psal. 18.

Psal. 8.

tum; credo immortales, & à terrena corruptione secretæ. Laudent nomē tuum, laudent te supercœlestes. populi angelorum tuorum; qui non opus habent suscipere firmamentum hoc, & legendo cognoscere verbum tuum. Vident enim faciem tuam semper, & ibi legunt sine syllabis temporū, quid velit æterna voluntas tua. Legunt, eligunt, & diligunt: semper legunt; & nunquam præterit, quod legunt. Eligendo enim & diligendo, legunt ipsam incommutabilitatem consilij tui. Non clauditur codex eorum, nec plicabitur liber eorum; quia tu ipse illis hoc es, & es in æternum. Quia super hoc firmamentū ordinasti eos, quod firmasti super infirmitatem inferiorum populorum; ubi suspicerent & cognoscerent misericordiam tuam, tēporaliter enunciantem te, qui fecisti tempora. In cælō enim *Psalm. 35.* domine misericordia tua, & veritas tua usque ad nubes. Transeunt nubes, cælum autem manet. Transeunt prædicatores verbi tui, ex hac vita in aliam vitam; scriptura verò tua usque in finem seculi, super populos extenditur.

4. Sed & cælum & terra transibunt, sermones autem tui non transibunt: Quoniam & pellis plicabitur; & fœnum, super quod extendebatur, cum claritate sua præ-

præteriet, verbum autem tuum manet in æternum: Quod nunc in ænigmate nubium, & per speculum celi, non sicuti est, apparet nobis: quia & nos quamuis filio tuo dilecti simus, nõdum apparuit, quod erimus. Attendit per retia carnis, & blanditus est, & inflāmauit, & currimus post odorem eius. Sed cum apparuerit, similes ei erimus; quoniam videbimus eum, sicuti est. Sicuti est domine videre nostrum, quod nondum est, da nobis.

CAPVT XVI.

Deus immutabilis.

NAM sicut omnino tu es, tu scis solus, qui es incōmutabiliter; & scis incommutabiliter, & vis incommutabiliter. Et essentia tua scit, & vult incommutabiliter. Et scientia tua est, & vult incommutabiliter; & volūtas tua est, & scit incommutabiliter. Nec videtur iustum esse coram te, vt quemadmodū se scit lumen incōmutabile, ita sciatur ab illuminato commutabili. Ideoque anima mea; sicut terra sine aqua tibi; quia sicut se illuminare de se nõ potest, ita se satiare de se non potest. Sic enim apud te fons vite; quomodo in lumine tuo videbimus lumen.

CAPVT

CAPVT XVII.

Quid arida, quid mare.

1. **Q**UIS congregauit amari-
 cantes, in
 societatem vnā? Idem namque
 illis finis est temporalis & terrenæ fœli-
 citatis, propter quā faciunt omnia,
 quamuis innumerabili varietate curarū
 fluctuent. Quis domine, nisi tu, qui di-
 xisti, vt congregarentur aquæ in congre-
 gationem vnā, & appareret arida sitiēs
 tibi. Quoniam tuum est & mare, & tu
 fecisti illud, & aridam terram manus tuæ
 formauerunt. Neque enim amaritudo
 voluntatum, sed congregatio aquarum
 vocatur mare. Tu enim coërces etiam
 malas cupiditates animarum; & figis li-
 mites, quousque progredi sinantur a-
 quæ, vt in se comminuantur fluctus ea-
 rum; atque ita facis mare ordine imperij
 tui super omnia.

2. At animas sitientes tibi, & apparen-
 tes tibi, alio fine distinctas à societate
 maris, occulto & dulci fonte irrigas; vt
 & terra det fructum suum, & te iubente
 Domino Deo suo germinet anima no-
 stra opera misericordiæ secundum genus,
 diligens proximum in subsidijs neces-
 sitatum.

stratum carnalium, habens in se semen secundum similitudinem. Quoniam ex nostra infirmitate compatimur, ad subveniendum indigentibus; similiter opitulantes, quemadmodū nobis vellemus opem ferri, si eodem modo indigeremus; Non tantum in facilibus, tanquā in herba seminali; sed etiam in protectione adiutorij forti robore, sicut lignum fructiferum; id est, beneficium ad eripiendum eum, qui iniuriam patitur, de manu potentis; & prebendo protectionis vmbra- culum, valido robore iusti iudicij.

CAPVT XVIII.

Orat ut oriatur de terra veritas, & iustitia de celo respiciat.

ITA Domine, ita oro te, oriatur sicuti facis, sicuti das hilaritatem & facultatem; oriatur de terra veritas, & iustitia de celo respiciat; & fiat in firmamento luminaria. Frangamus esurienti panem nostrum; & egenum sine tecto, inducamus in domum nostram. Nudum vestiamus, & domesticos seminis nostri non despiciamus. Quibus in terra natis fructibus, vide, quia bonum est: & erumpat temporanea lux nostra; & de ista inferiori

feriori fruge actionis, in delicias cōtemplationis verbum vitæ superius obtinentes, appareamus sicut luminaria in mundo, coherentes firmamēto scripturę tuę. Ibi enim nobiscū disputas, vt diuidamus inter intelligibilia & sensibilia, ranquam inter diem & noctem, vel inter animas alias intelligibilibus, alias sensibilibus deditas: vt iam nō tu solus in abdito dijudicationis tuę, sicut antequā fieret firmamētum, diuidas inter lucem & tenebras; sed etiam spirituales tui, in eodem firmamento positi atque distincti, manifestata per orbem gratia tua, luceant super terram, & diuidant inter diem & noctem, & significant tempōra: quia vetera transierunt; & ecce facta sunt noua.

2. Et quia propior est nostra salus, quam cum credidimus; & quia nox præcessit, dies autem appropinquauit: & quia benedices coronam anni tui, mittens operarios in messem tuam, in qua seminada alij laborauerunt; mittēs etiam in aliam sementem, cuius messis in fine est. Ita das vitam optanti, & benedices annos iusti: tu autem idem ipse es; & in annis tuis, qui non deficiunt, ortum præparas annis transeuntibus.

3. Æterno quippe consilio, proprijs temporibus bona cælestia das super terram.

ram. Quoniam quidem, alij datur per spiritum sermo sapientiæ, tâquam luminare maius, propter eos qui perspicuæ veritatis luce delectantur, tanquam in principio diei: Alij autem sermo scientiæ secundum eundem spiritum, tâquam luminare minus: Alij fides; alij donatio curationum; alij operationes virtutum; alij prophetia; alij dijudicatio spirituum; alij genera linguarû: & hæc omnia tanquam stellæ. Omnia enim hæc operatur vnus atque idem spiritus, diuidens propria vnicuique, prout vult; & faciens apparere sydera in manifestatione, ad vtilitatem.

4. Sermo autem scientiæ, qua continentur omnia sacramenta, quæ variantur temporibus tanquam luna; & cæteræ notitiæ donorum, quæ deinceps tanquâ stellæ commemoratæ sunt; quâ tum differunt ab illo cādore sapientiæ, quo gaudet prædictus dies, tanquam in principio noctis sunt. His enim sunt necessaria, quibus ille prudentissimus seruus tuus non potuit loqui quasi spiritualibus, sed quasi carnalibus ille, qui & sapientiâ loquitur inter perfectos. Animalis autem homo, tanquam paruulus in Christo, lactisque potator, donec roboretur ad solidum cibum, & aciem firmet ad solis aspectum, non habeat desertam noctem suam,

suam, sed luce lunæ stellarumque cōten-
tus sit. Hęc nobiscum disputas sapientis-
sime Deus noster, in libro tuo firmamen-
to tuo; vt discernamus omnia contem-
platione mirabili, quamuis adhuc in si-
gnis, & in temporibus, & in diebus, & in
annis.

CAPVT XIX.

*Pectus purgandum vitijs, quò capax
sit virtutum.*

I. **S**ED prius lauamini, mundi estote,
auferte nequitia ab animis vestris,
atque à conspectu oculorum meorum, vt
appareat arida. Discite bonum facere, iu-
dicate pupillo, & iustificate viduam; vt
germinet terra herbā pabuli, & lignum
fructiferum; & venite, disputemus, dicit
dominus, vt fiāt luminaria in firmamen-
to cæli, & luceant super terram. Qua-
rebat diues ille à magistro bono, quid fa-
ceret, vt vitam æternam consequeretur.
Dicat ei magister bonus, quem putabat
hominem, & nihil amplius. Bonus est
autem, quia Deus est; Dicat ei, vt si
vult venire ad vitam, seruet mandata.
Separet à se amaritudinem maliciæ at-
que nequiciæ; non occidat, non mœche-
tur,

tur, non furetur, nō falsum testimonium dicat, vt appareat arida; & germinet honorem patris & matris; & dilectionem proximi. Feci, inquit, hæc omnia.

2. Vnde ergo tantæ spinæ, si terra fructifera est? Vade, extirpa syluosa dumeta auaritiæ; Vende, quæ possides; & imple frugibus dando pauperibus; & habebis thesaurum in cælis; & sequere dominum, si vis esse perfectus, eis sociatus; inter quos loquitur sapiētiam ille, qui nouit, quid distribuatur diei & nocti, vt noris & tu, vt fiant & tibi luminaria in firmamento cæli. Quod non fiet, nisi fuerit illic cor tuum. Quod item nō fiet, nisi fuerit illic thesaurus tuus, sicut audisti à magistro bono. Sed contristata est terra sterilis, & spinæ suffocauerunt verbum.

3. Vos autem genus electum, infirmamundi, qui dimisistis omnia, vt sequeremini dominum, ite post eum, & confundite fortia: Itē post eum speciosi pedes, & lucete in firmamento; vt cæli enarrent gloriam eius, diuidētes inter lucem perfectorum, sed nondum sicut angelorum: & tenebras paruulorum, sed non despectorum. Lucete super omnem terram, & dies sole candens, eructet diei verbum sapientiæ: & nox luna lucens, annunciet nocti verbum scientiæ. Luna & stellæ nocte

nocte lucent, sed nox non obscurat eas, quoniā illæ illuminant eam pro modulo eius. Ecce enim, tanquam Deo dicente, Fiant luminaria in firmamento cæli; Factus est subito de cælo sonus, quasi ferretur flatus vehemens, & visæ sunt linguæ diuisæ quasi ignis, qui & insedit super vnum quemque illorum: & facta sunt luminaria in firmamento cæli, verbum vitæ habentia. Vbiq̃ue discurrete ignes sancti, ignes decori. Vos enim estis lumen mūdi, nec estis sub modio. Exaltatus est, cui adhæstis, & exaltauit vos. Discurrete, & innotescite omnibus gentibus.

CAPVT XX.

Creatio spiritalis virtutum.

I. **C**ONCIPIAT & mare, & pariat opera vestra; & producāt aquæ reptilia animarum viuarum. Separantes enim præciosum à vili, facti estis os Dei, per quos diceret: Producant aquæ non animam viuat, quam terra producit; sed reptilia animarum viuarum, & volatilia volantia super terram. Repserunt enim sacramenta tua Deus, per opera sanctorū tuorū, inter medios fluctus tentationum seculi, ad imbuendas gentes nomini tuo,

Psal. 18:

in baptismo tuo. Et inter hæc, facta sunt magnalia mirabilia, tanquam cete grandia; & voces nūciorum tuorum volitantes super terram, iuxta firmamentum libri tui, præposito illò sibi ad autoritatē, sub quo volitarēt, quocunque irent. Neque enim sunt loquelæ, neque sermones, quorum non audiantur voces eorum. Quando in omnem terram exijt sonus eorum, & in fines orbis terræ verba eorū; quoniam tu domine benedicendo, multiplicasti hæc.

2. Nunquid mentior, aut mixtione misceo, neque distingo lucidas cognitiones harum rerum in firmamento cæli, & opera corporalia in vndoso mari, & sub firmamento cæli? Quarum enim rerum notitiæ sunt solidæ & terminatæ sine incrementis generationum, tanquam lumina sapientiæ & scientiæ, earundem rerum sunt operationes corporales multæ ac variæ; & aliud ex alio crescendo, multiplicatur in benedictione tua Deus, qui consolatus est fastidia sensuum mortalium; vt in cognitione animi, res vna multis modis per corporis motiones figuretur, atque dicatur, Aquæ produxerunt hæc: sed in verbo tuo necessitates alienatorum ab æternitate veritatis tuæ populorum produxerunt hæc, sed in quan-

euangelio tuo: Quoniam ipsæ aquæ ista
eiecerunt, quarum amarus languor fuit
cāusa, vt in tuo verbo ista * procederent. al. pro-

3. Et pulchra sunt omnia, faciente te; duccerēt.
& ecce tu inenarrabiliter pulchrior, qui
fecisti omnia: à quo si non esset lapsus A-
dam, non diffunderetur ex vtero eius sal-
fugo maris, genus humanum profundè
curiosum, & procellosè tumidum, & in-
stabiliter fluidum. Atque ita non opus
esset, vt in aquis multis corporaliter &
sensibiliter operarentur dispensatores tui,
mystica facta & dicta. Sic enim nūc mihi
occurrerunt reptilia & volatilia, quibus
imbuti & initiati homines; corporalibus
sacramentis subditi, nō vltra proficerēt,
nisi spiritualiter * viuesceret anima gra- al. vini-
du alio; & post initij verbum, in consum- ficaret.
mationem respiceret.

CAPVT XXI.

*Allegorica interpretatio auium, &
piscium, & ceterorum
animantium.*

I. **A**C per hoc, in verbo tuo non ma-
ris profunditas, sed ab aquarum
amaritudine terra discreta eijcit, non re-
ptilia animarum viuarum & volati-
lia,

lia, sed animam viuam. Neque enim iam opus habet baptismo, quo gētibz opus est; sicut opus habebat, cū aquis tegetur. Non enim intratur aliter in regnū cælorum ex illo, quo instituisti, vt sic intretur: nec magnalia querit mirabilium, quibus fiat fides. Neque enim, nisi signa & prodigia viderit, non credit; cum iam distincta sit terra fidelis, ab aquis maris infidelitate amaris; & linguæ in signum sunt, non fidelibus, sed infidelibus. Nec isto igitur genere volatili, quod verbo tuo produxerunt aque, opus habet terra, quam fundasti super aquas. Immitte in ea verbum tuum, per nuncios tuos. Opera enim eorum narramus; sed tu es, qui operaris in eis, vt operentur animam viuam.

2. Terra producit eam; quia terra causa est, vt hæc agant in ea: sicut mare fuit causa, vt agerent reptilia animarum viuarum; & volatilia sub firmamento cæli, quibus iam terra non indiget: quamuis piscem manducet, leuatum de profundo in ea mensa, quam parasti in conspectu credentium. Ideo enim de profundo leuatus est, vt alat aridam; & auis marina progenies, sed tamen super terram multiplicatur. Primarum enim vocum euangelizantium infidelitas hominum causa extitit;

extitit; sed & fideles exhortantur, & benedicunt eis multipliciter de die in diem. At vero anima viua, de terra sumpsit exordium; quia non prodest iam nisi fidelibus, continere se ab amore huius seculi; vt anima eorum tibi viuat, quæ mortua erat, in delicijs viuens, delicijs domine mortiferis; nam tu puri cordis vitales deliciæ.

3. Operetur ergo iam in terra ministri tui, non sicut in aquis infidelitatis, annunciando & loquendo per miracula & sacramenta & voces mysticas; vbi intenta sit ignorantia mater admirationis, in timore occultorum signorum. Talis enim est introitus ad fidem filijs Adam oblitis tui; dum abscondunt se à facie tua, & fiunt abyssus. Sed operentur etiam sicut in arida, discreta à gurgitibus abyssi; & sint forma fidelibus, viuendo coram eis, & excitando ad imitationem. Sic enim non tantum ad audiendum, sed etiam ad faciendum audiunt: *Quærite dominum, & Psal. 65* viuet anima vestra, vt producat terra animam viuentem. Nolite conformari huic seculo, continete vos ab eo; & vitando viuet anima, quæ appetendo moritur. *Rom. 12*

4. Continete vos ab immani feritate superbix, ab inerti voluptate luxuriæ, & à fallaci nomine scientiæ; vt sint bestix mansuetæ,

mansuetæ, & pecora edomita, & innoxij serpentes. Motus enim animæ sunt isti in allegoria; scilicet fastus elationis, & delectatio libidinis, & venenum curiositatis, motus sunt animæ mortuæ. Quia non ita moritur, vt omni motu careat; quoniam discedendo à fonte vitæ, moritur: atque ita suscipitur à prætereunte seculo, & conformatur ei. Verbum autem tuum Deus, fons vitæ æternæ est, & non præterit: ideoque in verbo tuo cohibetur ille discessus, dum dicitur nobis: Nolite conformari huic seculo: vt producat terra in fonte vitæ animam viuentem: in verbo tuo per euangelistas tuos animam continentem, imitando imitatores Christi tui. Hoc est enim secundum genus, quoniam æmulatio viri ab amico est. Estote, inquit, sicut ego; quia & ego, sicut vos. Ita erunt in anima viua bestię bonæ in mansuetudine actionis. mandasti enim dicens: in mansuetudine opera tua perfice, & ab omni homine diligeris.

§. Et pecora bona, neque si manducauerint, abundantia; neque, si non manducauerint, egentia; & serpentes boni, non perniciosi ad nocendum, sed astuti ad cauendum; & tantum explorantes temporalem naturam, quantum sufficit, vt per ea quæ facta sunt, intellecta conspiciatur

L I B E R D E C I M V S T E R T I V S. 487
ciatur æternitas. Seruiunt enim rationi
hæc animalia, cum à progressu mortife-
ro cohibita viuunt, & bona sunt.

C A P V T X X I I .

Renascentia spiritus.

E C C E enim Domine Deus noster,
creator noster, cum cohibita fue-
rint affectiones ab amore seculi, quibus
moriebamur male viuendo; & cœperit
esse anima viuēs bene viuendo; comple-
tumque fuerit verbū tuū, quod per Apo-
stolum tuum dixisti. Nolite conformari
huic seculo: cōsequitur & illud, quod ad-
iūxisti statim & dixisti: Sed reformamini,
in nouitate mentis vestræ: nō iam secun-
dum genus, tanquam imitantes præce-
dentem proximum, nec ex hominis me-
lioris autoritate viuentes. Neque enim
dixisti: Fiat homo secundum genus: sed,
Faciamus hominem, ad imaginem & si-
militudinem nostram: vt nos probemus,
quæ sit voluntas tua.

2. Ad hoc enim ille dispensator tuus,
generans per euangelium filios, ne sem-
per paruulos haberet, quos lacte nutri-
ret, & tāquam nutrix foueret: Reforma-
mini, inquit, in nouitate mētis vestræ, ad

Rom. 12

probandum quæ sit voluntas Dei, quod bonum & beneplacitum, & perfectum. Ideoque non dicis: Fiat homo, sed faciamus hominem. Nec dicis, secundum genus, sed ad imaginem & similitudinem nostram. Mente quippe renouatus, & cōspiciens intellectam veritatem tuam, homine demonstratore non indiget, ut suum genus imitetur; sed demonstrante te probat ipse, quæ sit volūtas tua, quod bonum & beneplacitum & perfectum; & doces eū iam capacem videre trinitatem vnitatis, & vnitatem trinitatis. Ideoque pluraliter dicto, Faciamus hominem: singulariter tamē infertur. Et fecit Deus hominem: & pluraliter dicto, Ad imaginem nostram: singulariter tamen infertur. Ad imaginem Dei. Ita homo renouatur in agnitionem Dei secundum imaginem eius, qui creauit eum. Et spiritualis effectus iudicat omnia, quæ utique iudicanda sunt, ipse autem à nemine iudicatur.

CAPVT XXIII.

Christianus de quibus iudicet.

QUOD autem iudicat omnia, hoc est, quod habet potestatem piscium maris,

maris, & volatiliū cæli, & omnium pecorū & ferarū, & omnis terræ, & omnium repentiū, quæ repunt super terram. Hoc enim agit per mentis intellectum, per quem percipit, quæ sunt spiritus Dei. Alioqui, homo in honore positus, non intellexit; comparatus est iumentis insensatis, & similis factus est illis. Ergo in ecclesia tua Deus noster, secundum gratiam tuā, quam dedisti ei, quoniam tuum sumus figmentum creati in operibus bonis, non solum qui spiritualiter præsumt; sed etiam hi, qui spiritualiter subduntur eis, qui præsumt. Masculum enim & fœminam fecisti hominem, hoc modo in gratia tua spirituali; ubi secundum sexum corporis, non est masculus & fœmina; quia neque Iudæus, neque Græcus; neque servus, neque liber.

2. Spirituales ergo, siue qui præsumt, siue qui obtemperant, spiritualiter iudicant: nō de cogitationibus spiritualibus, quæ lucent in firmamento. Non enim oportet de tam sublimi autoritate iudicare, neque enim de ipso libro tuo, etiam si quid ibi non lucet, quoniam submittimus ei nostrum intellectum; certumque habemus etiam, quod clausum est aspectibus nostris, recte veraciterque dictum esse. Sic enim homo, licet iam spiritualis

& renouatus in agnitionem Dei, secundum imaginem eius, qui creauit eum; factor tamen legis debet esse, non iudex. Neque de illa distinctione iudicat, spiritualium. videlicet atque carnalium hominum, qui tuis Deus noster oculis noti sunt; & nullis adhuc nobis apparuerunt operibus, ut ex fructibus eorum cognoscamus eos; sed tu domine iam scis eos, & diuifisti, & vocasti in occulto, antequam fieret firmamentum. Neque de turbidis huius seculi populis, tanquam spiritualis homo diiudicat.

3. Quid enim de his, quæ foris sunt, iudicare ignorant, quis inde venturus sit in dulcedinem gratiæ tuæ; & quis in perpetua impietatis amaritudine remansurus? Ideoque homo, quem fecisti ad imaginem tuam, non accepit potestatem luminarium cæli; neque ipsius occulti cæli; neque diei & noctis, quæ ante cæli constitutionem vocasti; neque congregationis aquarum, quod est mare: sed accepit potestatem piscium maris, & volatilium cæli, & omnium pecorum, & omnis terræ, & omnium reptantium, quæ repunt super terram. Iudicat enim & approbat, quod rectè; improbat autem, quod perperam inuenerit: Siue in ea solennitate sacramentorum, quibus initiantur, quos

peruestigat in aquis multis misericordia tua: Siue in ea, qua ille piscis * exhibetur, quem leuatum de profundo terra pia comedit: Siue in verborum signis vocabusque subiectis, auctoritati libri tui, tanquam sub firmamento volitantibus, interpretando, exponendo, differendo, disputando, benedicendo, atque inuocando te ore, erumpentibus atque sonantibus signis, vt respondeat populus, amen.

al. excipitur.

4. Quibus omnibus vocibus corporaliter enunciandis, causa est abyssus seculi, & cæcitas carnis quæ cogitata nō possunt videri, vt opus sit instrepere in auribus. Ita quamuis multiplicentur volatilia super terram, ex aquis tamen originem ducunt. Iudicat etiam spiritualis approbando, quod rectum; improbando autem, quod perperam inuenerit in operibus moribusque fidelium & eleemosynis, tāquam terra fructifera, & de anima viua mansuefactis affectionibus, in castitate, in ieiunijs, in cogitationibus pijs, de his quæ per sensum corporis percipiuntur. De his enim iudicare nunc dicitur, in quibus & potestatem corrigendi habet.

CAPVT XXIII.

*Quare Deus benedixerit homini, &
piscibus, & volatilibus, & non
alijs creaturis.*

SED quid est hoc, & quale mysterium
est? Ecce benedicis homines ô Do-
mine, vt crescant & multiplicentur, & im-
pleant terram. Nihil ne nobis ex hoc in-
nuis, vt intelligamus aliquid? Cur non
ita benedixeris lucem, quã vocasti diem;
nec firmamentũ cæli, nec luminaria; nec
sydera; nec terram; nec mare? Dicerem te
Deus, qui nos ad imaginem tuã creasti;
dicerem te hoc donum benedictionis,
homini propriè voluisse largiri; nisi hoc
modo benedixisses pisces & cetos, vt
crescerent & multiplicarentur, & imple-
rent aquas maris; & volatilia multiplica-
rentur super terram. Item, dicerem ad ea
rerum genera pertinere benedictionem
hanc, quæ gignendo ex semetipsis pro-
pagantur; si eam non reperirem in arbu-
stis, & fructibus, & in pecoribus terræ.
Nunc autem nec herbis & lignis dictum
est, nec bestijs & serpentibus, crescite &
multiplicamini; cū hæc quoque omnia,
sicut pisces & aues & homines, gignendo
augeantur,

augeantur, genusque custodiant.

2. Quid igitur dicam, lumen meum veritas? quia vacat hoc? quia inaniter ita dictum est? Nequaquam pater pietatis; absit, ut hoc dicat servus verbi tui. Et si ego non intelligo, quid hoc eloquium significet, utantur eo melius meliores, id est, intelligentiores, quam ego sum, vnicuique quantum sapere dedisti, Deus meus. Placeat autem & confessio mea coram oculis tuis; quia tibi cōfiteor credere me domine, non incassum te ita locutum; neque silebo, quod mihi lectionis huius occasio suggerit.

3. Verum est enim, nec video, quid impediatur ita me sentire dicta figurata librorum tuorum. Noui enim multipliciter significari per corpus, quod vno modo mente intelligitur; & multipliciter mente intelligi, quod vno modo per corpus significatur. Ecce simplex dilectio Dei & proximi, quam multiplicibus sacramentis, & innumerabilibus linguis, & in vnaquaque lingua innumerabilibus locutionum modis, corporaliter enunciat. Ita crescūt & multiplicātur fœtus aquarum. Attende iterum, quisquis hæc legis. Ecce, quod vno modo scriptura effert, & vox personat. In principio fecit Deus cælum & terram; nōne multipliciter intelligitur,

telligitur, non errorum fallacia, sed verarum intelligētiarum generibus? Ita crescunt & multiplicantur foetus hominum.

4. Itaque, si naturas ipsas rerum non allegoricè, sed propriè cogitemus, ad omnia, quæ de seminibus gignuntur, conuenit verbum, Crescite & multiplicamini. Si autem figuratè posita ista tractemus, quod potius arbitror intendisse scripturam; quæ utique non superuacue solis aquatiliū & hominum foetibus istam benedictionem attribuit; inuenimus quidem multitudines & in creaturis spiritualibus atque corporalibus, tanquam in cælo & in terra: & in animis iustis & iniquis, tanquam in luce & in tenebris: & in sanctis autoribus, per quos lex ministrata est, tanquam in firmamento; quod solidatum est inter aquam & aquam: & in societate amaricantium populorum, tanquam in mari: & in studio animarum piarum, tanquam in arida: & in operibus misericordiæ secundum præsentem vitam, tanquam in herbis seminalibus & lignis fructiferis: & in spiritalibus donis manifestatis ad utilitatem, sicut in luminaribus, cæli: & in affectibus formatis ad temperantiam, tanquam in anima viua. In his omnibus

bus nanciscimur multitudines, & vbertates, & incrementa.

5. Sed quod ita crescat & multiplicetur, vt vna res multis modis intelligatur & enuncietur, & vna enunciatio multis modis intelligatur; non inuenimus, nisi in signis corporaliter editis, & rebus intelligibiliter excogitatis. Signa corporaliter edita, generationes aquarum propter necessarias causas carnis profunditatis; res autem intelligibiliter excogitatas, generationes humanas, propter rationis fecunditatem, intelligimus. Et ideo credimus vtrique horum generi, dictum esse abs te Domine: Crescite & multiplicamini. In hac enim benedictione, concessam nobis à te potestatem & facultatem accipio; & multis modis enunciare, quod vno modo intellectum tenuerimus; & multis modis intelligere, quod obscure vno modo enunciatum legerimus. Sic implentur aquæ maris, quæ non mouentur, nisi à varijs significationibus: sic & fœtibus humanis impletur & terra, cuius ariditas apparet in studio, & dominatur ei ratio.

CAP. V T. XXV.

*Fructus terra allegoricè, sunt officia
pietatis.*

1. **V**OLO etiã dicere, Domine Deus meus, quod me consequens tua scripturã commonet; & dicam, nec verebor. Verum enim dicã, te mihi inspirante, quod ex eis verbis voluisti, vt dicerem. Neque enim alio, præter te, inspirante, credo me verũ dicere, cum tu sis veritas, omnis autem homo mendax. Et ideo, qui loquitur mendaciũ, de suo loquitur. Ergo, vt verum loquar, de tuo loquar. Ecce dedisti nobis in escam, omne fœnũ satium, seminans semen, quod est super omnem terram; & omne lignum, quod habet in se fructum seminis satiui. Nec nobis solis, sed & omnibus aibus celi, & bestiis terræ, atque reptantibus; piscibus autem & cetis magnis non dedisti hæc.

2. Dicebamus enim eis fructibus terrę significari, & in allegoria figurari opera misericordiæ, quæ huius vitæ necessitatibus exhibentur ex terra fructifera. Talis terra erat pius Onesiphorus, cuius domui dedisti misericordiam; qui frequenter Paulum tuũ refrigerauit, & catenam

eius

eius non erubuit. Hoc fecerūt & fratres,
 & tali fruge fructificauerunt; qui quod ei
 deerat suppleuerūt ex Mācedonia. Quo-
 modo autem dolet quādam ligna, quæ
 fructum ei debitum non dederunt; ubi
 ait; In prima mea defensione nemo mihi
 adfuit, sed omnes me dereliquerunt, non
 illis imputetur. Ista enim debentur eis,
 qui ministrāt doctrinam rationalem, per
 intelligentias diuinorum mysteriorum;
 & ita eis debentur, tanquam hominibus.
 Debentur autem eis, sicut animæ viuæ,
 præbentibus se ad imitandum in omni
 continentia. Item debentur eis tanquam
 volatilibus, propter benedictiones eorū,
 quæ multiplicantur super terram; quo-
 niam in omnē terrā, exiit sonus eorum.

CAPVT XXVI.

*Voluptas & utilitas, ex beneficio in
 proximum collato.*

PASCUNTUR autem his escis, qui
 lætantur eis: nec illi lætantur eis,
 quorum Deus venter est. Neque enim &
 in illis, qui præbent ista, ea quæ dant, fru-
 ctus est, sed quo animo dant. Itaque ille,
 qui Deo seruiebat, non suo ventri, video
 plane vnde gaudeat; video, & cōgratulo-
 ri

ei valde. Acceperat enim à Philippensibus, qui per Epaphroditum miserant: sed tamen, vnde gaudeat, video. Vnde autem gaudet, inde pascitur; quia in veritate loquens: Gaudius sum (inquit) magnifice in domino, quia tãdem aliquando repullulastis sapere pro me, in quo & sapiebatis, tadium autem habuistis. Isti ergo diuturno tadio marcuerat, & quasi exaruerant ab isto fructu boni operis: & gaudet eis, quia repullularunt, non sibi, quia eius indigentia subuenerunt. Ideo securus ait: Non quod desit aliquid, dico. Ego enim didici, in quibus sum, sufficiens esse: Scio & minus habere, scio & abundare; in omnibus & in omnia imbutus sum: & satiari, & esurire, & abundare, & penuriam pati: omnia possum in eo, qui me confortat. Vnde ergo gaudes, ô Paule magne?

2. Vnde gaudes? Vnde pasceris homo renouate in agnitione Dei, secundum imaginem eius, qui creauit te, & anima viua tanta continentia, & lingua volatilis loquens mysteria? Talibus quippe animantibus, esca ista debetur. Quid est, quod te pascit? Læticia. Quod sequitur, audiamus. Veruntamen, inquit, bene fecistis, communicantes tribulationi meæ. Hinc gaudet, & hinc pascitur, quia illi bene

bene fecerunt; non quia eius angustia relaxata est, qui dicit tibi: In tribulatione dilatasti mihi: quia & abundare & penuriam pati nouit in te, qui cōfortas eum. Scitis enim, inquit, etiam vos Philipenses, quoniam in principio euāgelij, cū ex Macedonia sum profectus, nulla mihi ecclesia communicauit in ratione dati & accepti, nisi vos soli; quia & Thessalonicam, & semel & iterū vsibus meis misistis.

3. Ad hæc bona opera, eos rediisse nūc gaudet, & repullulasse lætatur, tanquam reuirescente fertilitate agri. Nunquid propter vsus suos, quia dixit, vsibus meis misistis? Nunquid propterea gaudet? Non propterea. Et hoc vnde scimus? Quoniam ipse sequitur, dicens: Nō quia quæro datum, sed requiro fructum. Didici à te Deus meus, inter datum & fructum discernere. Datū, est res ipsa, quam dat, qui impartitur hæc necessaria; veluti est nummus, cibus, potus, uestimentum; rectum, adiutorium; fructus autem, bona & recta voluntas datoris est. Non enim ait magister bonus: Qui suscepit prophetam, tantum; sed addidit, in nomine propheta. Neque ait, tantum; Qui suscepit iustum; sed addidit, in nomine iusti. Ita quippe ille mercedem propheta, iste mercedem iusti accipiet.

cipiet. Nec solum ait: Qui calicem aque frigidaë, potum dederit vni ex minimis meis: sed addidit, tātum in nomine discipuli. Et sic adiunxit: Amen dico vobis, non perdet mercedem suam. Datum, est suscipere prophetam, suscipere iustum, porrigere calicem aquæ frigidaë discipulo; fructus autem, in nomine prophetæ, in nomine iusti, in nomine discipuli hoc facere: Fructu pascitur Elias à vidua sciente, quod hominem Dei pasceret, & propter hoc pasceret: per coruum autem dato pascebatur. Nec interior Elias, sed exterior pascebatur, qui posset etiam talis cibi egestate corrumpi.

CAPVT XXVII.

Quid per pisces & cetos significetur.

IDEO QVE dicam, quod verum est corā te domine; cūm homines idiotæ atque infideles, quibus initiādis atque lucrādis necessaria sunt sacramenta initiorum, & magnalia miraculorum, quæ nomine piscium & cetorum significari credidimus; suscipiunt corporaliter reficiendos, aut in aliquo præsentis vitæ vsu adiuuandos pueros tuos; cum id quare facien-

faciendum sit, & quo pertineat, ignorēt. Nec illi istos pascunt, nec isti ab illis pascuntur, Quia nec illi hæc sancta & recta voluntate operantur; nec isti eorum dant, vbi fructum nondum vident, lætātur. Inde quippe animus pascitur, vnde lætatur. Et ideo pisces & ceteri non vescuntur escis, quas non germinat, nisi iam terra ab amaritudine marinorum fluctuum distincta atque discreta.

CAPVT XXVIII.

Valde bona, quare postremò additum.

1. **E**T vidisti Deus omnia, quæ fecisti, & ecce bona sunt valde; quia & nos vidimus ea, & ecce omnia bona valde. In singulis generibus operū tuorum, cum dixisses, vt fierent, & facta essent; illud atque illud vidisti, quia bonum est. Septies numerati scriptum esse, te vidisse quia bonum est, quod fecisti; & hoc octauum est, quia vidisti omnia, quæ fecisti; & ecce non solum bona, sed etiam valde bona, tanquam simul omnia. Nam singula tantū bona erant, simul autem omnia, & bona & valde. Hoc modo dicuntur etiam quæque pulchra corpora; quia longe multo pulchrius est corpus, quod

ex membris omnibus constat, quàm ipsa membra singula, quorum ordinatissimo conuentu completur vniuersum; quamuis & illa etiam singulatim pulchra sint.

CAPVT XXIX.

Dei opera bona perpetuo.

ET attendi, vt inuenirem, vtrũ septies vel octies videris, quia bona sunt opera tua, cum tibi placuerunt; & in tua visione non inueni tempora, per quæ intèlligerem, quod toties videris, quæ fecisti; & dixi: O Domine, nònne ista scriptura tua vera est, quoniam tu verax & veritas edidisti eam? Cur ergo tu mihi dicis, non esse in tua visione tempora; & ecce scriptura tua mihi dicit per singulos dies ea, quæ fecisti te vidisse, quia bona sunt: Et cum ea numerarem, inueni quoties. Ad hæc tu dicis mihi, quoniam tu es Deus meus; & dicis voce forti in aure interiore seruo tuo, perumpens meam surditatem, & clamans: O homo, nempe, quod scriptura mea dicit, ego dico. Et tamen illa temporaliter dicit, verbo autem meo tempus non accidit, quia æquali mecum æternitate consistit. Sic ea, quæ vos per spiritum meum videris,

LIBER DECIMVSTERTIVS. 303
tis, ego video; sicut ea, quæ vos per spiritum meum dicitis, ego dico. Atque ita, cum vos tēporaliter ea videtis, non ego temporaliter video: quemadmodū, cum vos temporaliter ea dicatis, non ego temporaliter dico.

CAPVT XXX.

In eos, quibus opera Dei displicent.

ET audiui Domine Deus meus, & elinxi stillam dulcedinis ex tua veritate; & intellexi, quoniā sunt quidam, quibus displicēt opera tua bona; & multa eorum dicunt te fecisse, necessitate compulsū; sicut fabricas cælorum, & compositiones syderum; & hoc non de tuo, sed iam fuisse alibi creata, & aliunde; quæ tu contraheres, & compaginares, atque contexeres; cum de hostibus victis, mundana mœnia molireris; vt ea cōstructione deuicti, aduersus te iterum rebellare nō possent. Alia verò nec fecisse te, nec omnino compegisse; sicut omnes carnes, & minutissima quæque animantia, & quicquid radicibus terram tenet: sed hostilem mentem naturamque aliam, nec abs te conditam, tibi que contrariam, in inferioribus mundi locis ista gignere

gignere atque formare. Insani dicunt hæc, quoniam non per spiritum tuum vident opera tua, nec te cognoscunt in eis.

CAPVT XXXI.

Piis idē probatur, quod Deo placuit.

I. **Q**VI autem per spiritum tuum vident ea, tu vides in eis. Ergo cum vident, quia bona sunt, tu vides, quia bona sunt: & quæcunque propter te placēt, tu in eis places; & quæ per spiritū tuum placent nobis, tibi placēt in nobis. Quis enim scit hominum; quæ sunt hominis, nisi spiritus hominis; qui in ipso est? Sic & quæ Dei sunt, nemo scit; nisi spiritus Dei. **2. Cor. 2.** Nos autem, inquit, non spiritum huius mundi accepimus; sed spiritū, qui ex Deo est; vt sciamus, quæ à Deo donata sunt nobis. Et admoneor, vt dicam: Certè nemo scit, quæ Dei sunt, nisi spiritus Dei.

2. Quomodo ergo scimus & nos, quæ à Deo donata sunt nobis? Responderetur mihi, quoniam quæ per eius spiritum sci- mus, etiam sic nemo scit, nisi spiritus Dei. Sicut enim rectè dictū est: Non enim vos estis, qui loquimini, eis qui in spiritu Dei loquerentur: sic rectè dicitur: Non

vos estis, qui scitis, eis qui in Dei spiritu sciunt. Nihilominus igitur rectè dicitur: Non vos estis, qui videtis, eis qui in spiritu Dei vident. Ita quicquid in spiritu Dei vident, quia bonum est, non ipsi, sed Deus videt, quia bonum est.

3. Aliud ergo est, vt putet quisque malum esse, quod bonum est, quales supra dicti sunt. Aliud, vt quod bonum est, videat homo, quia bonum est. Sicut multis tua creatura placet, quia bona est; quibus tamen non tu places in ea, vnde frui magis ipsa quàm te volunt. Aliud autem, vt cum aliquid videt homo, quia bonum est, Deus in illo videat, quia bonum est; vt scilicet ille ametur in eo, quod fecit; quia non amaretur, nisi per spiritum sanctum, quem dedit. Quoniam charitas Dei diffusa est in cordibus nostris per spiritum sanctum, qui datus est nobis; per quem videmus, quia bonum est, quicquid aliquo modo est. Ab illo enim est, qui non aliquo modo est; sed quod est, est.

CAPVT XXXII.

Compendio enarrat opera Dei.

1. **G**RATIAS tibi Domine. Videmus
 celum & terram, siue corporalem
 Y partem

*Istud re-
tractat
Angu-
stinus
lib. 2.
Retract
cap. 6.*

partem superiorem atque inferiorem, si-
ue spirituale corporalemque creaturam:
atque in ornatu harum partium, quibus
constat vel vniuersa mundi moles, vel v-
niuersa omnino creatura. Videmus lu-
cem factam diuisamque à tenebris, Vide-
mus firmamentum cæli, siue inter spiri-
tuales aquas superiores & corporales in-
feriores, primarium corpus mundi: siue
hoc spacium aëris, (quia & hoc vocatur
cælum) per quod vagantur volatilia cæli
inter aquas, quæ vaporaliter eis superfe-
runtur, & serenis etiam noctibus rorant,
& has quæ in terris grauès fluitant.

2. Videmus congregatarum aquarum
speciem per campos maris, & aridam ter-
ram vel nudatā vel formatam, vt esset vi-
sibilis & composita, herbarum quoque
atque arborum materiem. Videmus lu-
minaria fulgere desuper, solem sufficere
dici, lunam & stellas consolari noctem,
atque his omnibus notari & significari
tempora. Videmus humidam vsquequa-
que naturam, piscibus & belluis & aliti-
bus fœcundatam; quòd aëris corpulen-
tia, quæ volatus auium portat, aquarum
exaltatione concrefcit.

3. Videmus terrenis animalibus faciem
terræ decorari: hominemque ad imagi-
nem & similitudinem tuam cunctis irra-
tionalibus

rationalibus animantibus; ipsa tua imagine ac similitudine, hoc est, rationis & intelligentiæ virtute præponi. Et quemadmodum in eius anima, aliud est, quod consulendo dominatur; aliud quod subditur, ut obtemperet: sic viro factam esse etiam corporaliter fœminam, quæ haberet quidem in mente rationalis intelligentiæ parem naturam, sexu tamen corporis ita mascûlino sexui subijceretur; quemadmodum subijcitur appetitus actionis ad cōcipiendam de ratione mentis recte agendi solertiam. Videmus hæc, & singula bona, & omnia bona valde.

CAPVT XXXIII.

Vt omnis creatura laudet creatorem.

I. LAUDENT te opera tua, ut amemus te; & amamus te, & laudent te opera tua; quæ habēt initium & finem ex tempore, ortū & occasum, profectum & defectū, speciem & priuationem. Habent ergo consequentia mane & vespere, partim latenter, partim euidenter. De nihilo enim a te, non de te facta sunt; non de aliqua nō tua, vel quæ antea fuerit; sed de cōcreata, id est, simul à te creatamateria, quia eius informitatem, sine

vlla temporis interpositione, formasti. Nam cum sit aliud celi & terre materies, aliud celi & terræ species; materiem quidem de omnino nihilo, mundi autem speciem de informi materia, simul tamē vtrumque fecisti; vt materiam forma, nulla moræ intercapedine, sequeretur.

CAPVT XXXIIII.

De ordine & vario fructu Christianæ viæ.

IN SPERXIMVS etiam, propter quorum figurationem, ista vel tali ordine fieri, vel tali ordinatione scribi voluisti; Et vidimus, quia bona sunt singula, & omnia bona valde, in verbo tuo, in vnico tuo, cælum & terram, caput & corpus ecclesiæ, in prædestinatione ante omnia tempora, sine mane & vespera. Vbi autem cœpisti prædestinata temporaliter exequi, vt occulta manifestares, & incompota nostra componeres; quoniam super nos erant peccata nostra; & in profundū tenebrosū abieramus abs te; & spiritus tuus bonus superferebatur, ad subueniendum nobis in tempore oportuno; & iustificasti impios, & distinxisti eos ab iniquis: & solidasti auctoritatem libri tui inter superiores,

riores, qui tibi dociles essent, & inferiores qui eis subderentur; & congregasti societatem infidelium in vnam conspirationem, vt apparerent studia fidelium, & tibi opera misericordiæ parerent, distribuentes etiam pauperibus terrenas facultates ad acquirenda cœlestia:

3. Et inde accendisti quædam luminaria in firmamento, verbum vitæ habētes sanctos tuos, & spiritualibus donis prælata sublimi autoritate fulgentes: & inde ad imbuendas infideles gētes, sacramenta & miracula visibilia, vocesque verborum secundum firmamentum libri tui, quibus etiam fideles benedicerentur, ex materia corporali produxisti: & deinde fidelium animam viuam, per affectus ordinatos continentia vigore formasti; atque inde tibi soli mentem subditam, & nullius autoritatis humanæ ad imitandum indigentem renouasti ad imaginem & similitudinem tuam: præstantique intellectui rationabilem actionem tanquam viro fœminam subdidisti, omnibusque tuis ministerijs ad perficiendos fideles in hac vita necessarijs, ab eisdem fidelibus ad vsus temporales, fructuosæ in futurum opera præberi voluisti. Hæc omnia videmus, & bona sunt valde; quoniam tu ea vides in nobis, qui spiritum,

quo ea videremus, & in eis te amaremus,
dedisti nobis.

CAPVT XXXV.

Optat pacem.

I. **D**OMINE Deus, pacem da nobis,
omnia enim præstitisti nobis; pa-
cem quietis, pacem sabbati, pacem sine
vespera. Omnis quippe iste ordo pul-
cherrimus rerum valde bonarum, modis
suis peractis trāsiturus est; & mane quip-
pe in eis factum est, & vespera.

CAPVT XXXVI.

*Diem septimum vespera quare non
sequatur.*

I. **D**IES autem septimus, sine vespe-
ra est, nec habet occasum; quia
sanctificasti eum, ad permansionem sem-
piternam: vt id, quod tu post opera tua
bona valde, quamuis ea quietus feceris,
requieuisti septimo die. Hoc præloqua-
tur nobis vox libri tui, quod & nos post
opera nostra, ideo bona valde, quia tu
nobis ea donasti, sabbato vitæ æternæ.
Requiescamus in te etiam.

CAPVT

CAPVT XXXVII.

Deus in nobis quando quiescit.

TVNC enim sic requiesces in nobis, quemadmodum nunc operaris in nobis: & ita erit illa requies tua per nos, quemadmodum sunt ista opera tua per nos. Tu autem Domine, semper operaris, & semper requiescis. Nec vides ad tempus, nec moueris ad tempus, nec requiescis ad tempus; & tamen facis & visiones temporales, & ipsa tempora, & quietem ex tempore.

CAPVT XXXVIII.

*Aliter Deus, aliter homo videt
creata.*

NOS itaque ista, quæ fecisti, videmus, quia sunt; tu autem quia vides ea, sunt. Et nos foris videmus, quia sunt; & intus, quia bona sunt; tu autem ibi vidisti facta, ubi vidisti facienda. Et nos alio tempore moti sumus ad benefaciendum, postea quàm concepit de spiritu tuo cor nostrum. Priore autem tem-

pore ad malefaciendum mouebamur;
deserentes te: tu verò Deus summe, vne,
bone, nunquam cessasti benefacere. Et
sunt quædam bona opera nostra ex mu-
nere quidem tuo, sed non sempiterna.
Post illa nos requieturos, in tua grandi
sanctificatione speramus. Tu autem bo-
num nullo indigens bono, semper quie-
tus es; quoniam tua, qui es, tu ipse es. Et
hoc intelligere, quis hominum dabit
homini? quis angelus angelò? quis an-
gelus homini? A te petatur, in te quæra-
tur, apud te pulsetur; sic, sic accipietur,
sic inuenietur, sic aperietur. Amen.

F I N I S.

Index

INDEX IN LIBROS CONFESSIONVM DIVI AVGVSTINI.

Signific: { Littera A. posita inter duo puncta
in hoc indice, Augustinum.
Littera V. indicat Vide.

A.

ACADEMICI de omnibus dubitant. 134.
& 142.

Absentia. V. Memoria. Abyssus. V. Tenebrae.

Adeodatus filius Augustini naturalis, mirus
fuit ingenio. 267, 268.

Adolescentia Augustini fuit vitiosa. 40.

Nolebat videri, flagitiosus inferior. 45.

Adulterium. V. Monica.

Aeneas num Carthaginem iuerit, incertum
est. 29.

Enigmatis solutionem petit Augustinus à Deo.
391.

Aeternitas Dei tempora non nouit. 377.

Affectu itur ad Deum vel ab eo receditur. 35.

Affectus inordinatus sibi ipsi pena est. 26.
V. Memoria.

Alipius ubi & quibus parentibus ortus. 158.

Vbinam Augustino praeceptore usus sit. 159.

Eum amauit Augustinus ob indolem bonam. Et
ipse etiam Augustinum dilexit, ut doctum &
bonum. 159.

INDEX.

- Spectaculis fuit deditus, à quibus Augustinus
eum diuertit.* 159, 160.
- Romam missus, ut iuris scientia vacaret.* 161.
- Fit iterum Augustini discipulus.* 161.
- Factus est Manichæus cum Augustino.* 161.
- Primo à spectaculis digladiatorijs abhorrebat, at
post seductus ab alijs, plurimum ijs delectaba-
batur.* 162.
- Vt fur, licet innocens, comprehenditur.* 164.
- Augustinum. Mediolanum secutus, eidem adhe-
sit.* 166.
- Pecunia non corripitur.* 167.
- Castus fuit, & Augustinum à coniugio dehor-
tabatur.* 172.
- Credidit aliquādo animā in Christo nō esse.* 22.
- V. Concionator. Correptio. Caro.*
- Allegorica explicatio auium, piscium, & cete-
rorum animalium.* 483.
- Ambitiosorum miseria.* 155. *V. Mendicus.*
- S. Ambrosii laudes.* 139. 140.
- Mutuus Ambrosii & Augustini amor.* 140.
- Eo audito, sensim Augustinus ab errore resi-
puit.* 141.
- Augustinus ab eius ore pendeat.* 145.
- Ambrosium ut angelum Dei diligebat Monica,
sperans Augustini filij sui conuersionem per
eum.* 145, 147.
- Dicebat Augustinum beatū, qui talem matrem
haberet.* 147. *Et propter alia multa.* 147.
- Fuit vir negotiosus, & quo pacto studebat.* 148.

INDEX.

Omni dominico die concionabatur.	149.
Consuluit quid primo legeret.	266.
Iustina Ariana eum est persecuta.	268.
Corpora Prothasii & Geruasii ubi iacerent, fuit Ambrosio per visum reuelatum.	269.
Carmen illud: Deus creator omnium est Am- brosii.	286.

V. Monasterium. Monica. Augustinus.

Amicitia Orestis & Piladis forte fictio fuit.	92.
Hominum amicitia, nodus est charus.	49.
Qua sit vera amicitia.	88.
Amicitia huius mundi, fornicatio est à Deo.	28.
Animus amicitia vinctus, miser est.	9.
Mala amicitia res est contagiosa.	56.
Amicus alter ego.	93.
Amicus dimidium anime.	93.
Augusti amicus fabellis seductus ab Augustino.	89.

V. Deus.

Amicus Augustini in studio comparatus.	88.
Mors amici valde Augustinū torfit.	92. 93. 94.
Amor unde proueniat.	102.
Non improbatur amor, modo sit secundū Deum.	100.

Ab adolescentia fuit raptus amore Augustinus.
40. 41.

Dei amor erga nos. 362.

Proprius amor. 357. V. Pulchritudo.

Amantem oportet redamare. 96.

Amari vult Deus à nobis, imo & hoc iubet. 111.

Omnes creatura docent, ut Deum amemus. 298.

INDEX.

Augustini voluptas erat, amare & amari.	41,
57, 58.	
Amandus homo tantum humaniter.	92.
Angeli. V. Virtutes.	
Anima est immortalis.	176, 178. Vide Caro.
Animus quo extendendus.	405.
Cur est ad bonum tardus.	241.
Extensio animi.	404.
S. Antonij vita duos commouit, ut seculum plane relinquerent.	235.
Notus erat. S. Ant? sed necdum Augustino.	234.
Appetitus. V. Beatitudo.	
Aqua nominantur nomine cali & terra.	437.
Arida quid sit.	475.
Artes omnes liberales puer Augustinus didicit.	
HIO.	
Auspiciem contemnit Augustinus, qui ei victoriam promittebat.	84.
Ascendere qui vult cum Christo, descendat necesse est.	102.
Astrologia Augustinus deditus, à medico renocatur.	85.
S. Augustino ceteri pueri acclamabant historias recitanti.	34.
Ad philosophia studium Ciceronis Hortensius commouit.	63.
Per annos nouem seducebat & sedacebatur.	79, 82.
Nec Manicheus erat, nec Christianus.	144.
Audit Ambrosium concionantem.	149.

INDEX.

<i>De vita instituenda deliberat.</i>	168.
<i>Astrictus carnis vitio.</i>	173.
<i>Dicebat se vitam celibem ducere non posse.</i>	173.
<i>Ei puella ad nuptias queritur.</i>	174.
<i>Cupit cum alij vitam communem agere.</i>	175.
<i>Quomodo diuina ei misericordia subuenerit.</i>	197.
<i>Diuina ei clarius innotescunt.</i>	201.
<i>Diuinorum amore incensus, ad Simplicianum ire constituit.</i>	217.
<i>Lucta spiritus & carnis in illo.</i>	246.
<i>Elet copiosus contritus & conuersus.</i>	250.
<i>Dei bonitatem laudat, & suam miseriam agnoscit.</i>	253.
<i>Baptizatur Mediolani.</i>	267.
<i>Quanam à Deo didicerit.</i>	417.
<i>Orat Deum, ut veritas de terra oriatur, & iustitia de calo respiciat.</i>	476.
<i>Quare ante & post per singulas propemodum dictiones Augustinum. Breuitatis ergo, eum in sequētibus designabimus eum litera. A. ne sapius idem nomen repetatur.</i>	
<i>Aurum voluptas.</i>	341.

B.

B <i>Alneum dicitur, quod pellat animi anxietatem.</i>	288.
<i>Baptismus. A. cur fuerit dilatus.</i>	23.
<i>Postquam sanus effectus fuit. A. baptismum distulit.</i>	24.
<i>Irridet. A. baptismum.</i>	89.

INDEX.

<i>Amicus. A. baptizatur nesciens, & à febre sanatur.</i>	89.
<i>Alipius & A. simul baptizatur, item eius filius Adeodatus.</i>	267.
<i>Aqua baptismi fit efficax per spiritum V. Victorinus.</i>	467.
<i>Barbarismi. V. Solacismi.</i>	
<i>Beatitudinem omnes appetunt.</i>	322.
<i>Beatus, qui Deū nouit, etiā si cetera nesciat.</i>	119.
<i>Beata vita quid & ubi sit.</i>	326.
<i>Bellum fit in homine, quia voluntas ex toto non imperat.</i>	242. V. Augustinus.
<i>cur Benedixerit Deus homini, piscibus, volatilibus, non autem ceteris creaturis.</i>	492.
<i>ex Beneficio collato in proximum, utilitas & voluptas quæ.</i>	497.
<i>Bona sunt omnia, quæ sunt.</i>	203.
<i>Res bona non prodest, nisi bene utenti ea.</i>	111.
<i>Boni specie ad vitia inuitamur.</i>	59.
C.	
<i>in C Antu ecclesie flebat. A.</i>	268.
<i>Quando fuit cantus. Mediolani institutus, & qua de causa.</i>	269.
<i>Excitat cantus.</i>	341. 342.
<i>Moderandus est.</i>	342.
<i>Seruit cantus hominum infirmitati.</i>	343.
<i>Peccatum est, quando magis cantui quam verbis intenditur.</i>	343.
<i>Carnis voluptates volebat experiri Alipius.</i>	173.
<i>Quia crescit voluptas carnis, ut etiam minus possit</i>	fit

INDEX.

<i>fit quis continere.</i>	177.
<i>Carnem spiritus sequi non debet, sed contra.</i>	99.
<i>Triplex carnis cupiditas.</i>	359.
<i>Castitatē da mihi, ait. A. scilicet non modo.</i>	238.
<i>V. Augustinus.</i>	
<i>Catechumenis, quid egerit. A.</i>	261.
<i>Cælum maius est terra.</i>	413.
<i>De cælo & terra.</i>	409.
<i>Cæli & terræ nominib⁹ quid intelligi debeat.</i>	429.
<i>Cælum cæli quid sit.</i>	416.
<i>Cete. V. Pisces.</i>	
<i>Christum carnē habere, credere timebat. A.</i>	137.
<i>Via ad salutem Christus.</i>	210.
<i>Est efficax intercessor. 361. V. Mediator.</i>	
<i>Cibus grandium Christus.</i>	202.
<i>Cibi sunt velut medicinæ quædam.</i>	336.
<i>Voluptas in cibo, est velut ancilla data ad eden-</i>	
<i>dum.</i>	336.
<i>Sapius sumitur cibus, magis propter voluptatē,</i>	
<i>quam propter necessitatem.</i>	337.
<i>Sumentes cibum, sæpe sunt incerti, an mouean-</i>	
<i>tur propter necessitatem, aut potius propter</i>	
<i>voluptatem.</i>	337.
<i>Immunditiam cibi non timebat. A. scilicet cu-</i>	
<i>piditatem.</i>	339.
<i>Paucorum est sumere cibum tantum intra neces-</i>	
<i>sitatis metas.</i>	340.
<i>Cicero. V. Sapientia. Augustinus.</i>	
<i>Cognoscendi curiositas.</i>	346.
<i>Homo seipsum non cognoscit.</i>	347.
	<i>Homo.</i>

INDEX

Homo non omnino se cognoscit, Deum autem in anigmate.	297.
Petit. A. cognitionem Dei.	271.
Quæ nū retardant à cognitione diuinorū.	208.
V. Deus.	
Comedere est corporis ruinas reficere.	336.
Est medicinam sumere.	336.
Complacentia sui. V. Amor proprius.	
Concionator sepe sanat vitia aliquorū, licet nil emolumenti cogitans sigillatim, ut in Alipio contigit.	160.
Concubinam. A. habuit, cui fidem ut in matri- monio seruauit.	84.
Eius concubina vouit alium virum non cogni- turam.	177.
Concubina Augustini secunda.	177.
Consisteri Domino quid sit.	292.
Cur confitemur Domino cuncta scienti.	364.
Fructus confessionis.	295.
Consuetudo somno similis.	231.
Peccandi consuetudo conuersionem impedit.	229.
Continens nemo esse potest, nisi Deus dederit.	337.
Putabat. A. sibi impossibilem continētiam.	171.
Dabit eam Deus, si rogauerimus.	171.
Ad seruandam continentiam, quæ exempla sibi proposuit. A.	248.
Conuersio Euodij.	270.
Conuersionis impedimenta in. A.	229. 247.
Dicebat. A. quamdiu hac Gr.	168.
<u>Gaudens</u>	

INDEX.

<i>Gaudēt Angeli in conuersione peccatoris.</i>	224.
	226. 227.
<i>Cor hominis est locus Dei.</i>	8.
<i>Corporalia esse omnia opinabatur. A. necdū spiritualia cupiens.</i>	105.
<i>Correptio fit quandoque oportune, ut in Alipio.</i>	160.
	(337.
<i>à Crapula alienus non fuit. A. ut ipse fatetur.</i>	
<i>de Creatione mundi cuperet à Moysse doceri. A.</i>	368.
<i>Virtutum creatio spiritualis.</i>	481. V. <i>Mundus.</i>
<i>In principio creauit &c.</i>	434.
<i>Inter creatorem & cōdita quantū interfuit.</i>	423.
<i>In Creaturis quomodo inest veritas & falsitas.</i>	207.
<i>Creatura duplex.</i>	420.
<i>Clamāt creatura, quod facta sunt.</i>	369.
<i>Omnes creatura laudant Deum.</i>	205.
<i>Videns creaturas, considera artificem.</i>	100.
<i>Omnes creatura sūt bona.</i>	207.
<i>Omnia creata sūt in se mutabilia, sed in Deo firma.</i>	99.
<i>Amor figi non debet in creaturis.</i>	99.
<i>Creatura quomodo sint & non sint.</i>	203.
<i>Homini sane mētis creatura non displicent.</i>	206.
<i>Creatura clamant Deum esse creatorem.</i>	369.
<i>Cur Moyses in postremo non addidit, Et erunt valde bona.</i>	501.
<i>Spirituales creatura quales sint.</i>	421.
<i>Creata aliter videt Deus, aliter homo.</i>	511.
	Quo-

INDEX.

<i>Quomodo omnis creatura laudet suum creatorem.</i>	507.	<i>V. Deus. Amor. Cognitio.</i>
<i>Credendum est scripturis.</i>	417.	
<i>Multa in historijs & alijs credenda sunt, nobis tamen incerta.</i>	153.	
<i>Crucis signo signabatur. A. etiam infans.</i>	24.	
<i>Cultus agri item & numinis.</i>	456.	
<i>Cupiditas. V. Caro. Cibus.</i>		
<i>Curam omnium gerit Deus, tanquam singulorum.</i>	72.	<i>Curiositas. V. Cognitio.</i>

D.

D <i>A quod iubes, & iube quod vis.</i>	338.
<i>Defretum quid sit.</i>	304.
<i>Dentium dolore per orationes aliorum liberatur. A.</i>	165.
<i>Deus quid sit, & quomodo cognoscitur.</i>	298.
<i>Est laudabilis.</i>	7.
<i>Timendus est.</i>	51.
<i>Immutabilis est.</i>	474.
<i>Vbique est & videt omnia.</i>	9. 113. 150.
<i>Vbi inuenitur Deus.</i>	330.
<i>Cogi non potest.</i>	186.
<i>Eius cognitio beat.</i>	119.
<i>Qui cum Deo est, est velut lac sugens.</i>	83.
<i>Deus quando in nobis quiescet.</i>	511.
<i>Principio quid cogitabat. A. de Deo.</i>	111.
<i>Non eget rebus creatis.</i>	459.
<i>Quomodo cognoscitur Deus, & quomodo creatura.</i>	406.
<i>Locus est in Deo imperturbabilis.</i>	98.

Qua-

INDEX.

<i>Quomodo Deus capiat hominem.</i>	337.
<i>Deum nemo amittit, nisi qui illum dimittit.</i>	97.
<i>In Deo spes & fiducia.</i>	333.
<i>Deum esse incorporeum agnoscit. A. imaginibus corporeis reiectis.</i>	179.
<i>Deus large sua donat, & tamen nil amittit.</i>	10.
<i>Putabat. A. Deum corpus habere, nec esse spiritum.</i>	70.
<i>Amandus est Deus, item amicus & inimicus propter eum.</i>	96.
<i>Deum amantes, quid sit, quod ament.</i>	299.
<i>Opera Dei compendio narrantur.</i>	55.
<i>V. Cognitio. Memoria.</i>	
<i>Diem septimū quare non sequatur vesp̄ra.</i>	510.
<i>Dilata sunt gratiora.</i>	226.
<i>Discipulos bonos cupiebat habere. A.</i>	83.
<i>V. Scholastici.</i>	
<i>Diuinationes. V. Mathematici.</i>	
<i>Docet. A. Romę Rhetoricam.</i>	138.
<i>Doctrinam suam, A. confert cū Catholicis.</i>	137.
<i>V. Indocti.</i>	
<i>Dolori tempus medetur.</i>	95.
<i>V. Balnea. Dormire.</i>	
<i>Dona Dei sunt omnia.</i>	465.
<i>Dormire animi dolores mitigat.</i>	288.

E.

E <i>Brietas procul ab. A.</i>	137. 138.
<i>Entia omnia sunt bona.</i>	203.
<i>cum Episcopo suo parata plebs mori.</i>	269.
<i>Errores.</i>	

INDEX.

Errores. A. ante susceptam Euangelij doctrinam.

133.

Quis error innoxius in scripturis. 431.

Petit liberari ab erroribus. A. & ad verum duci cognitionem. 365. V. Ambrosius.

Esaiam legendum proponit Ambrosius Augustino. 266.

in Eucharistia Deus non mutatur in nos, sed nos in illud. 202. Euodius. V. Conuersio.

Fabulas ut disceret in scholis, cedebatur. A. 33.

Illas libenter. A. didicit. 33.

Fames & sitis sunt quidam morbi. 336.

Faustinus Manichaeus fama clarus. 115.

Docebat, quod nesciebat ex temeritate. 120.

Quo ingenio & moribus fuit. 122. 125.

Quibus in rebus versatus erat, & in quibus minime. 124.

Ab eo fit alienus. A. 126.

Febre corripitur. A. 130.

Ab ea conualuit idem. 133.

Ficum arborem & fructum eiusdem. A. opinabatur flere, cum decerpitur. 77.

Fide & spe roboramur. 470. Fiducia. V. Deus.

Filius Dei principium est omnium. 460.

per Firmamentum scriptura intelligitur. 470. 471.

Eleuit Didonem mortuam Augustinus. 27. 28. V. Monica.

ex Fonte copiosius quid hauritur. 446.

Fructus terra allegorica sunt opera pietatis. 496.

Fur-

INDEX.

<i>Furtum. A. è cellario.</i>	38.
<i>Se arguit. A. ob furtum commissum.</i>	50.
<i>Furtum ex pomis alterius horti narrat. A.</i>	47.
<i>Quid in Furto. A. amauerit. 55. V. Alipius.</i>	
<i>Futura quomodo præsciantur.</i>	389.

G.

G <i>Audium in Deo.</i>	57.
<i>Omnes gaudere volunt.</i>	59.
<i>Verum gaudium.</i>	326.
<i>Interest plurimum, unde quis gaudeat.</i>	157.
<i>158. Genosis. V. Liber.</i>	
<i>Gloria vana. V. Virtus.</i>	
<i>Grammatica. V. Leges.</i>	(38.
<i>Gratias agit. A. de omnibus gratijs sibi collatis.</i>	
<i>Omnia nobis à gratia Dei.</i>	458.
<i>Gratias agit Deo. A. pro remissione peccatorum,</i>	
<i>& que non fecit.</i>	54.
<i>Græcæ literas oderat. A.</i>	27. 30.
<i>Gule tentatio.</i>	336.
<i>Est tentatio ista quotidiana.</i>	337.

H.

H <i>Ebræa non nouit. A.</i>	368.
<i>Homines fecit Deus, scilicet non peccatum</i>	
<i>in eis.</i>	16.
<i>Homo absque Deo, sibi princeps est in mulum.</i>	83.
<i>Honor. V. Ambitio.</i>	
<i>in Horto quid egerit. A. 141. 238. 340.</i>	

I.

I <i>Actantia. V. Peccatum.</i>	(65. 151.
<i>Iesu nomen Augustino ab infantia familiare.</i>	
<i>Vbi</i>	

INDEX.

Vbi nomen Iesu aut Christi non inueniebat, nulla lectio. A. placebat. 65.

Icherius. V. Pulchrum. Orator.

Incantator. V. Aruspex.

de Incarnatione Christi quid olim. A. senserit.
211.

Indocilis est omnis superbus. 80.

Indocti surgunt, & calum rapiunt. 239.

Indoles. A. 39.

Infantia ipsa peccatis non caret. 16.

Infantia. A. 13. V. Voluntas.

Inimicus. V. Deus.

Immutabilis. V. Deus.

Inuocat Deum. A. 455.

Ioannis Evangelista principium apud Platonem habetur. 197. Iubere. V. Da.

Iudicia Dei, & hominum diuersa. 76.

De quibus iudicare debet Christianus. 488.

L.

L *Achryma in miseria & oneribus dulces esse solent. 91. V. Monica.*

Laudibus & viuperijs mouemur. 345.

A quibus non est conum laudari. 104.

Ad laudes Dei se. A. excitat. 113.

V. Creatura.

Lectio. V. Vitæ sanctorum.

Leta. V. Memoria.

Leges mutari possunt pro ratione temporis. 71.

Grammaticorum leges seruantur, non autem Dei.

35. 36.

Liber

INDEX

<i>Liber Geneseos est obscurus.</i>	442.
<i>in Libro qui Magister inscribitur, Loquitur. A.</i>	
<i>cum plio Adeodato.</i>	267.
<i>V. Pulcher. Manichæi.</i>	
<i>Liberum arbitrium est causa peccati.</i>	184.
<i>Libido tribulationes inuehit.</i>	42.
<i>Suam libidinem. A. defiet. 43. V. Monica.</i>	
<i>Literarum odiū in. A. & in pueris. 20. 26. 27.</i>	
<i>A pueris addiscunt premio laudis aut dedecoris.</i>	
<i>vel metu plagarum.</i>	34.
<i>Vbi. A. didicerit literas humaniores & orato-</i>	
<i>rias.</i>	43.
<i>Quidam literas ad opes referunt.</i>	26.
<i>Julianus Imp. prohibuit docere literas humanio-</i>	
<i>res & Rhetoricam.</i>	229.
<i>V. Græca.</i>	
<i>Ludendo victorias. A. ambiebat. 38. V. Lusus.</i>	
<i>Lusus amor in pueris.</i>	22.
<i>Ob pile lusum. A. iussa parentum pretermisit.</i>	
<i>23. Luxuria. V. Libido.</i>	
<i>M.</i>	
<i>Malum unde sit.</i>	188. 195.
<i>Malus quis gratis.</i>	48. 50.
<i>Mandata legi. V. Lex Manicheorum libri pleni</i>	
<i>fabulis.</i>	125.
<i>Augustus factus Manicheus.</i>	66.
<i>Manicheus. A. fuit ferme. 9. annis. 79. 82.</i>	
<i>Absurda est Manichæorum doctrina.</i>	69.
<i>A. nec Manicheus, nec Catholicus.</i>	142.
<i>Indignatur Manichæis. A.</i>	261.
<i>Mare</i>	

INDEX.

Mare quid sit.	475.
Materia prima vniuersi.	410. 411. 414.
Quid aliquando. A. senserit de ea.	411.
Mathematicorum diuinationes vana.	190.
V. Memoria.	
Matrimonium. V. Sapientia.	
Mediator Christus debet aliquid habere, quod Deo & hominibus sit simile.	361.
Medicus peritiss? Augustinum ab Astrologia abduxit.	86.
Medicum expertus malum, bono non audet se committere. 152. V. Cibus.	
Memoria bona in. A.	39.
Vis memoria.	302.
Sensus tradunt res memoria.	307.
Disciplinarum memoria.	306.
Mathematicorum memoria.	310.
Memoria affectionum.	311.
Latorum quomodo recordemur non lati.	312.
Absentium rerum memoria.	314.
Obluionis memoria.	315.
Memoria humana vis triplex.	318.
Memoria eorum, quæ nunquam habuimus.	324.
Memoria etiam Deum continet.	329.
In quo memoria gradu reperiatur Deus.	329.
Mendacijs pluribus. A. alios fallebat.	37.
Mendicus satur exultat, ambitiosis felicior. 156. 158. 177.	
Mensura pedum & syllabarum.	397.
Miseria. V. Dolor.	
Vita	

INDEX.

<i>Vita humana. Amici. Lachryma.</i>	
<i>Missa pro Monica defuncta.</i>	288. 289. 290.
<i>V. Monica.</i>	
<i>Monasterium sub Ambrosio.</i>	234.
<i>S. Monica studium, ut Augustinum ad fidem adduceret.</i>	23. 45.
<i>Deus loquebatur Augustino per eam.</i>	45.
<i>Monet Augustinum se libidini det, maxime ne uxorem alicuius attingat.</i>	45.
<i>Fletus illius pro: A.</i>	78. 80.
<i>Somnium eius, quo se vidit & filium in eadem linea.</i>	78.
<i>Quos inueniebat idoneos, eos rogabat, ut veritatem filium docerent.</i>	80.
<i>A quodam episcopo audiuit; Unde, filius tantarum lachrymarum perire non poterit.</i>	81.
<i>Quotidie pro. A. conuersione lachrymabitur.</i>	129. 130.
<i>Amabat ipsa presentiam filij.</i>	130. 132.
<i>In missa quotidie offerebat aliquid, & ad templum ibat pro salute. A.</i>	132.
<i>Mediolauum nauigauit ad filium.</i>	143.
<i>Nautas in periculo solata est.</i>	144.
<i>Plena spe in Deo, non desperauit de filij conuersione.</i>	144.
<i>Eius obedientia erga ministros ecclesie.</i>	145.
<i>Temperantia Monica.</i>	146.
<i>Gaudet de conuersione filij.</i>	252.
<i>Laudes eius.</i>	261.
<i>Prima in nocturnis precibus.</i>	269.
	Mere

I N D E X.

<i>Mors ipsius.</i>	278.
<i>Ab ancilla edocta aquam bilere.</i>	272.
<i>Vinum bibebat sobriè.</i>	272.
<i>In fine dicebat, se propter Augustinum vitam desiderasse.</i>	273.
<i>Qualis fuerit erga maritum.</i>	274.
<i>Socrum vicit patientia.</i>	276.
<i>Toties parturiebat filios, quoties eos peccare videbat.</i>	277.
<i>Omni bus ita seruiabat, ac si cunctos genuisset.</i>	278.
<i>Apud ostia Tiberina infirmatur, de regno Dei cum A. loquitur.</i>	278.
<i>Anima deliquium illius.</i>	281.
<i>Fletus Augustini & Adeodati in eius morte.</i>	283. 286. 287.
<i>Vnius viri uxor fuit.</i>	290.
<i>V. Ambrosius.</i>	
<i>Mors. V. Amicus.</i>	
<i>Mundo renuntiaverunt duo aulici, idem & eorum sponsi fecerunt.</i>	236.
<i>Mundus ex nihilo factus.</i>	370.
<i>Verbum æternum eum condidit.</i>	371.
<i>Ante mundi creationē quid fecerit Deus.</i>	378.
<i>V. Materia. Creatio. Antonius.</i>	

N.

N <i>Ebridij laudes.</i>	87.
<i>Mediolanum profectus, ut Augustino adhereret.</i>	168.
<i>Manich os confutavit.</i>	182.
<i>Peccit Mediolani non commodi sui causa, sed officij</i>	

INDEX

officij gratia.

232. 233.

De Christi humanitate error ipsius ante conversionem.

258.

Nodus charus. V. Amicitia.

O.

O Bediendum regi, multo magis Deo. 74.
V. Monica.

Oblationes. V. Sepulchra. Obliuio. V. Memoria.

Oculorum illecebra. 343.

Nocet oculos non custodire. 162.

de Odoribus non multum curabat A. 340.

Omnipotentia Dei non procul est à nobis. 42.

Opera Dei semper bona sunt. 502.

In eos, quibus Dei opera displicent. 503.

Omnes pii probant semper opera Dei. 504.

V. Gratia.

Oratio Augustini ad Deum. 31.

Orat A. pro matre defuncta. 288. 289.

V. Lachryme.

Orator Romanus Icherius laudatur. 103.

Oratoria. V. Littera.

Orestis & Piladis amicitia. 92.

qua Oriuntur cito, etiam cito intereunt. 97.

P.

de **P** Affione Christi quid cogitauerit A. existens in errore. 131.

Pater A. municeps Thagastensis. 43.

In Augustini studia plus impendebat, quam facultates ferrent. 44.

Cupiebat filium suum esse disertum. 44.

Z. 2

Precibus

INDEX

<i>Precibus aliorum Augustinus commendat Patritium patrem suum.</i>	290.
<i>Pauli epistolis incumbit Augustinus.</i>	234.
<i>V. Politianus.</i>	
<i>Pacem optat Augustinus.</i>	510.
<i>Peccatorum suorum orat veniam Augustinus.</i>	
II. 365.	
<i>Recogitat ea in amaritudine.</i>	40.
<i>Gloriari de peccatis suis.</i>	46.
<i>Peccat nemo sine causa.</i>	49.
<i>Nemo sua peccata amat.</i>	50.
<i>De peccatis non commissis etiam gratiæ sunt agenda, quia illa poterant fieri.</i>	54.
<i>Peccata sunt punienda.</i>	73.
<i>Discrimen inter peccata.</i>	76.
<i>Peccatorum remissio sit per spiritum.</i>	467.
<i>V. Liberum arbitrium. Bonum. Monica. Conversio. Gratia.</i>	
<i>Pecunia. V. Alipius.</i>	
<i>Philantia. V. Amor proprius.</i>	
<i>Pietatis officia sunt fructus terra.</i>	496.
<i>Pila. V. Lusus.</i>	
<i>Pisces & Cete, quid sint.</i>	500.
<i>Platonici libri varij.</i>	213.
<i>In libris Platoniorum inuenit A. consentaneam doctrinam Christianam. In principio erat verbum &c.</i>	107.
<i>Poma. V. Furtum.</i>	
<i>Politianus Afer, miratus fuit, se in mensa A. inuenisse Pauli epistolas.</i>	233.
	Prædi-

INDEX

<i>Pradicamenta solus per se didicit A.</i>	109.
<i>Principium. V. Filius Dei.</i>	
<i>Prius, quo modis dicitur.</i>	449.
<i>ad Prothasii & Geruasii corpora sanantur agri.</i>	
269.	
<i>Psalms Dauidis quanti A. fecerit.</i>	261.
<i>In morte Monica psalmi lecti.</i>	283.
<i>Psalms 4. explicatur.</i>	262, 263, 264, 265.
<i>Pueritia A. descriptio.</i>	19.
<i>Puer A. agrotavit.</i>	24.
<i>Puer licet esset A. tamen peccator.</i>	26.
<i>Puerilibus delectabatur A.</i>	29.
<i>V. Litera.</i>	
<i>Pulchritudo omnis à Deo.</i>	97.
<i>Amorem parit pulchritudo.</i>	102.
<i>August. scripsit libros de pulchro.</i>	104.
<i>Quos dedicavit Icherio oratori Romano.</i>	103.
<i>Q.</i>	
<i>Q</i> uamdiu, quamdiu aiebat Augustinus.	250.
<i>Quies in Deo.</i>	7, 57, 100, 101, 179.
<i>Quomodo Deus quiescit in nobis.</i>	511.
<i>R.</i>	
<i>R</i> ecordantia. V. Reminisci. Memoria.	
<i>Redamandus amans.</i>	96.
<i>Regula per somnium visa à sancta Monica.</i>	
<i>V. Monica.</i>	
<i>Reminiscencia.</i>	319.
<i>Quid sit reminisci.</i>	320.
<i>V. Recordatio.</i>	
<i>Renascentia spiritus.</i>	487.
<i>Renouatio. V. Renascentia spiritus.</i>	
<i>Z 3</i>	<i>Repre-</i>

INDEX.

Reprehendi volebat puer A.	38.
Rerum species sunt in anima.	309.
Reuelatio V. Veritas.	
Rhetoricam docuit A.	83.
De Rhetorica intumuit A.	62.
Docturus Rhetoricam Roma Medialanſi ſe con-	
tulit. A.	139.
Professionem illius reliquit A.	254.
V. Docere. Litera.	
Romam profectus A. non lucri cauſa, ſed quod	
illic quietius ſtuderent adoleſcentes.	127.
Romam iuit A. matre reluſtante.	129.

S.

S Agittaueras. tu cor meum charitate tua.
255.

Sapientia vacare, & uxorem habere ſimul, vi-
detur impoſſibile. 172.

Sapientie ſtudio incenſus fuit A. lecto Ciceronis
Hortenſio. 237.

in Schola ne vapularet, orabat Deum. A. 21.

Scholaſtici ſunt Roma quietiores, quam Cartha-
gini. 127. 128.

Fraudes Romanorum ſcholaſticorum erga pra-
ceptores. 138.

Scripturam ſacram contempſit A. ob ſtylum hu-
milem, cui Ciceronem pratulit. 65.

De ſcriptura ſacra litera & ſpiritu. 151.

Credendū ſcriptura ſancta aut huiusmodi. 154. 155.

Cor excitat. 294.

Profunditas eius. 422.

GRANDE

INDEX.

<i>Graue crimen est dicere falsum in ea con-</i> <i>neri.</i>	439.
<i>Lenius paululum est aberrare à sensu eius.</i>	439.
<i>Semper verax est, etiamsi non intelligatur.</i>	440.
<i>Quis sermo eam deceat.</i>	444.
<i>A quibusdam perperam intellecta.</i>	447.
<i>Scriptura scrutanda est cum honore scriptoris.</i> 452. V. Credere.	
<i>Sectam nullam est secutus A. in principio, sed</i> <i>solum scientiam amabat.</i>	
<i>Securitas in Deo, possumus omnia in eo.</i>	249.
V. Vita.	
<i>Sensus. V. Memoria.</i>	
<i>ad Sepulchra martyrum oblationes deferuntur.</i>	145.
<i>Sitis. V. Fauces.</i>	
<i>Societas mala nocet.</i>	162.
<i>Solecismi & barbarismi magis cauentur, quam</i> <i>morum turpitudine.</i>	35. 37.
<i>Solemnitas. V. Templum.</i>	
<i>Somniorum ludibria.</i>	333.
V. Consuetudo. Monica.	
<i>Spectaculis olim delectabatur A.</i>	58.
V. Alipius.	
<i>Spes. V. Fides. Deus.</i>	
<i>Spiritus affectus.</i>	462.
<i>Spiritus fouens animas infirmas.</i>	463.
<i>Cur spiritus solus super aquas ferri dicatur.</i> 464. 481.	
<i>Remissio peccatorum ex spiritu.</i>	467.
<i>Baptismi efficacia ex spiritu.</i>	467.
Studiorum.	

INDEX.

Studiorum causa peregrinatus est A. 43.
Uterque parens Augustini appetebat, ut ipse stude-
deret. 46. V. Pater Augustini.
Superbia vitium. 351.

V. Indocilis. Rhetorica.

T.

in T *Emplo, quod in quadam solemnitate*
nōnulla cōcupiuerit A. cōsitetur. 62.

V. Monica.

Tempora non fuerunt ante res creatas. 379.

Tres differentie temporis. 380.

Nescit A. quid sit tempus. 381.

Mensura temporis quæ sit. 382.

Quale tempus potest metiri & quale non. 385.

Vbi sit tempus præteritum & futurum. 386.

Tempora præterita & futura quomodo sint in
præsenti. 386.

Quomodo tēporis differētia nomināda sint. 389.

Quomodo liceat metiri tempus. 390. 399.

Tempus quid sit. 393.

Tempus est, quo motum corporis metimur. 395.

Fatetur A. se ignorare, quid sit tempus. 397.

Animo metimur tempora. 403.

V. Æternitas. Dolor.

Tenebrae super faciem abyssi. 409.

Tentatio. V. Gula.

de Terra & calo. 409.

Terra erat inanis & vacua exponitur. 435.

K. Cælum.

Timor. V. Deus.

Trinitatis

INDEX.

Trinitatis symbolum in homine. 486.

V.

V Erbum patris, filius Dei, est patri coeternum. 373.

Dei verbū quomodo in corde nobis loquatur. 375.

Docemur in omnibus per Dei verbum. 374.

Veritatem qui docet Deus est. 309.

Veri inquisitio est difficilis. 408.

Aduersus eos, qui contradicunt veritati. 427.

Qua liquido sunt vera. 432.

Veritas, à quocunque dicatur, recipi debet. 453.

Veritas reuelata. 454. V. Creatura.

Via ad salutem. V. Christus.

Victoria ibi maior, ubi maius fuit periculū. 225.

Non vincitur nisi pugnando. 225.

V. Ludere. Aruspex.

Victorino baptizato omnes acclamabant, & congratulabantur. 224.

Hic quaedam Latina fecit ex Græco. Et de eius baptismo. 220.

Videre ad omnes sensus pertinet. 347.

Virtutum creatio. 481.

Virtutibus periculum inest ex vana gloria. 357.

Cor non fiet virtutum capax nisi pulsus vitijs. 479.

Vita imperturbabilis apud Deum. 57.

De vita instituenda cogitatio. 168.

Vita communis. 175.

Legentes sanctorum vitas, seculum deseruerūt. 235. 237. 238.

In

INDEX.

<i>In vitis sanctorum legendis multa utilitas.</i>	239.
<i>In hac vita nil securum.</i>	340.
<i>Vita humane miseria.</i>	332.
<i>Vita Christianæ ordo & fructus.</i>	508.
<i>V. Beatitudo.</i>	
<i>Vitia virtutum umbris se tegunt.</i>	52.
<i>Remedia eorum.</i>	360.
<i>Lucta contra vitia.</i>	358.
<i>V. Virtutes.</i>	
<i>Vituperatione dignum est solum vitium.</i>	46.
<i>Vituperium ut fugeret A. fingeat se scelera-</i>	
<i>tiorem.</i>	46.
<i>V. Laudes.</i>	
<i>Voluntatem suam A. infans signis ostendebat.</i>	
<i>I 4.</i>	
<i>Quidam male dixerūt esse in homine duas vo-</i>	
<i>luntates.</i>	243.
<i>Varia est hominis voluntas.</i>	243.
<i>Dei voluntas principium nescit.</i>	
<i>V. Bellum.</i>	
<i>Voluptas. V. Oculi. Cibus. Aures.</i>	
<i>Vox audita: Tolle; tolle, lege &c. unde conuer-</i>	
<i>sus omnino A.</i>	249.
<i>Z.</i>	
<i>Zelus etiam in paruulo apparet.</i>	17.

E I N I S.



Hi libri tredecim Confessio-
num S. AVGVSTINI, cum ma-
gna legentium vtilitate recuden-
tur. Actum Duaci, 8. Augusti
Anno 1607.

*Georgius Colvenerius S.T.
L. Librorum visitator.*

THE FIRST PART OF THE HISTORY
OF THE REIGN OF HENRY THE SEVENTH
BY JOHN HALL
OF THE MIDDLE TEMPLE
ESQUIRE
LONDON
Printed by I. I. for I. I.

1633

4-3-4

